

With Compliments of  
PM  
795  
Z77P4  
1904  
50A  
R. Petter

ASSETÖSEMEHEO HEAMOXOVISTAVÁTOZ

("The Pilgrim's Progress")

NA HOSZ MAHEONEĚSZISTOTOZ 12678

(and some Bible Portions)

[Petter, R. tr.]

Printed for the Interest of the  
MENNONITE MISSION  
among the  
CHEYENNE INDIANS.

*The  
Pilgrim's  
Progress*



*AND  
SOME  
BIBLE  
PORTIONS*

LIBRARY  
BUREAU OF  
AMERICAN ETHNOLOGY  
LIBRARY

PM 795

Z 77 P4

BAG

## *Introduction.*

---

“The Pilgrim’s Progress” is one of the most popular story books in the world. With the exception of the Bible it has been translated into more languages than any other book ever printed.

It is with heartfelt thanks toward God that we see this wonderful book appear to-day, translated for the first time into the Cheyenne language. “The Pilgrim’s Progress” has already appealed wonderfully to the hearts of our Cheyenne Indians, to our Christians as well as a great many others.

The book was an urgent need for our mission workers and our Indians and no labor and expenses concerned in its rendition and printing will ever be regretted. In giving this story the garb of the Cheyenne language, Mr. Harvey Whiteshield, one of the most able educated men of his tribe, proved an indispensable and valuable help. Knowing himself the importance of the work as a blessing for his own people, he was very painstaking in giving the best Cheyenne rendering of the English original.—In the preparation of the manuscript for

the print we are also indebted to our co-worker, Miss Bertha Kinsinger, for her assistance.

As an appendix we let follow some portions of the Scriptures and a few Cheyenne songs. May these together with "The Pilgrim's Progress" prove a lasting blessing to our Cheyenne in general, a heavenly comfort and strengthening to those who are pilgrims toward Zion, and of blessed service in the hands of our mission workers.

Unto Him, before Whom we are to appear in Zion, do we commit this book together with its hearers and readers, our Cheyenne Pilgrims and our whole mission work.

R. PETTER,

Mennonite Mission, Cantonment, O. Ty.

Nov. 1, 1904.

## ASSETŌSEMEHEO HEAMOXOVISTAVĀTOZ

---

Zistanšenaaménetto tóhove hezeto histanov nátséoveoeš t'sa évoxeve na neo naoveš nánāoz, na zénšenavenometto naovax ovaxestoz. Nāovax na otā natavōmo hetan, examapēsane, t'sa enhē etaeoáehō (enōsotamaeō) tāma hevenoz, mxisto enoehō na emamhevevox henaéz' hepaon. Natazetōo na natavōmo etataena mxistō na ehōesta. Na zenšenavhōesto éaxaem na enonomē. Na zsaatonšhoénovaes enšeēszevaxan ezévo: nametonšvenootanomâss?— Na zis-tozhestas etāoxz na eónšekotoma ninovetto nonxpâ heszhémō na hennisson zsaavōxtôz heoemetanoxtoz. Na maveš émēstomevó zehešemaneeoxzez heôzetanoxtoz. Na etahāne zé zehettoss: otā mátamā na nanissonâsz, tama nihevōhestovetovemē! nataohāetan heto zehešhānan zenhoxtomē navevox na otā mato nanoenešmēstōmon, heto nszhistanonan etossevešvonhātanōss hōesta zenxhesso héama. Na nhéno nitossohāomenemanōss ninišez tāma na ninē-

hov mátamā na mato nanissonász. Nitosshav-sevevonháemanõss, oha t'sa natsáaešheneeno zistossheševenootanoz mámeohe zistossevostanevanez. Na heto zeanovoz hótáheo zénistomonettoz' hevōhestotō exohāetanoozehōn heto, zehetótahaovõss eoxsaaonissyomatōhezeno. Hea hováe evešeôzetan zhešetosstoxetanoto na zešheštāeveoxzez énonotovovšemanovōn. Matanáozz zetanonaxeevha-oanozeeoz exhesseta-maehōn. Na zévōnaoz énoztōe zehešexovomoxtaes. Na etahossohamohahótahaovō na etāsseassēsztovó hooxenoká, mato zehešetótahaovoss na esšaa-ahátōheo. Na taxa nitanoosevamon zexhessetamāess eassenehoetovatō, eoxcemomenohazetō na áe etaoxcēvhāsseveoettāē, na neš eoxtaoxcsaaxahoss-onemāheo. Na neš etazezén nínokaes hešeshayon, ehaônavomotao na ešivatamo na mato zexonatanatanoto heôzetanoxtoz na mato etaoxcēveamenoxcen toxtō eoxcemomenōeston na momen eoxchaôn. Na etahanezé zeamešéház nšeninexoveva.

Na natavōmo zeovaxenavo hootová ešēva zistaēvensēnaaméns toxtō na eōesta mxistō, na etaeossēôzetan hetšetanoxževa. Na zenšenaōsto ehosseassetaxan mato zehešetaxans: name-tonševenootanomáss, nivaesz zevostanevhasz? Na natavōmo totahoesta ehētōohō tass etosseassetax, na ōxista ehešehō tass zetassetamo eše-

tao essaaheneeno t'sa emehethohaes. Na natâssezetōo na natavōmo hetan Maheoneēsžhetan eheševe, enxhoeota na énsžhešenóztō-henova zehestaxanetto?

Na ezevo, zeto natahesseheneeno heto mxistōneheva zetossetoomenetto natossenāemāss na neš natosshosshoemaotanemāss na natāneena nasaanhestatanô zevovoa na nassaahoxtamistô à zenhestoa.

Na Maheoneēsžhetan ezevo: hena zehesseētōm nāestoz, heto vostanehevestoz etaētamane havs? Na hetan enoōsta: “nahesseēta heto navevox zenhoxtom napaon nametahépeeszeō nhasto átohohestová, nametaeséanao Eavôno.”

Na heto nazhestátto zehetto hena zehesshekozehoetto ehettāê? Nassaaheneeno t'sa name-toneoxz ehēvō. Na neš emetā mxistō ehoxboemaenez' na ezetxeoz', “venootanoz hāstahátōz enstosshoénetto.”

Zeto hetan otā zehešōesto na estaepave-vehōmovōn Maheoneēsžhetano eszeho: T'sa nametatonehōva? Neš eszeho né: (estāzehano zémahaepootaz tohove) nitavōxta hatō zexhenitōneheve? Hovahan exeho né hetan. Nāmó nitavōxta hatō zevohokass exeho nénasz. Tass natavōxta exehō. Hato tatonšeeexanooxz na tatotaenšxanovnoxzetomeo nonxpa nstavōxta henitō; na nhéno matakonom nszemēstomon

zetosseševetto.

Na nataneševehōmo naovaxenátová né hetan etaossāneassetax na haeš zetaeš-ešsahešenooxzēs hemhayon, heszheem na henissoneo zistāneenz' etanehevamāe; né hetan eonepēstanáz, etanšeamemeohe, vostanestoz, aenevostanestoz, mamáta ehevo. Na ešsaanštoehootōhe, etanétoešemeohe sitov toxtó.

Na hevisthozemaōn envesshoevehōmāe zistaassetax na zetaešemeohe; hosz etohosemāe, hosz eneootovatō na hosz neevhaoxzz etaoxchettā na né hosz zetanehevamāess ninxaevamomátaehēvaozon exheōn, nasz eszheševeeho Toháoeo na nasz Cekahé. Na vezeo zeš etahaeš etaešhoeoxz ne hetan na oxtovavetto etanšenehovovo na áe kassette etahoxtamovo. Na hetan enszhetto hevisthozemaōn: hena zenxhesenehovovess? Haxc! nievhaevhaoxzeazemeno. Hēmoná emetonšenhesso? Nihestanovheme Assetoēstxe, hāno hapo návesshesta na nataneševōxta etonhesso na nhā nšenāestová kassetto na mato heva ninovetto nstahépeeszénheme átohohestova hāno zeohass hōēsta na eovohona hōesta. Ōxista nixeševeoxzeme vistozemaōnāhász.

Haxc! ehevo Toháoeo, mo namenšenooxzenoneo nissonaneo na nitao nazotan.

Hēhé ehevo Eōstahetan, (éneševeeho zeto



hetan) otā heto nitao zemehetānooxzetto essaa-  
taestovōemehaneoz hato zehexovō zenoxzeom  
zetosshetotanetom na matševeoxzemess na ma-  
tōetanotomass nszenexovepavehōoxtanov zehes-  
hōxtom hovae hato zexhooxzetto. Hanahan  
zehetamo na zeázeevane hovae. Nināsseoxze  
na heheneenom naēszeptoz.

(Tohaoeo). Henaeoxz heto zenoxzeom zehes-  
xaessaaonstohetto hovae nitao heto histanov.

Nanoxzea vostanehevestoz zsaamavaohan,  
zsaahossotaohan na zsaavoneozehan, nāno ze-  
ēnane heama zetossemezevoss mxhoenexovez  
zehethoemaoez, nha zehotossenoxzeoss. Ota-  
menōs hōestoz enetxeo namxistōnehevā.

(Tohaoeo), Haxcl nihée, voohoszz nimxis-  
tō; monstaevhaveveoxzememeno na mó hova-  
hanehe?

Hovahan, hoxtāo ehevo Eōstahetan, t'sē na-  
evetoena zetomāxovatoz.

Nināsz, mahā Cekahě, nitaevhanšhōsenooton  
etahastxeo zeto mashao, mxhossevatonšetano-  
vosz eoiksaahátaheo, heva nisoxtxez' hetano  
zemeonoevamāevoss.

Hoxtā hovahan nivétohossemo; zeto zehēs  
Eōstahetan etomsz hovae zenoxzeō et'sepevae-  
haneze natatoehoxsetanooz nisthozemaō hevez.

(Tohaoeo). Haxc mat hosz mashao! Ahá-  
tove na nievhaveoxzeme; nivā zemeheneeno

zeto hēsžthápo zéamātovoz zexhoozaes? Nēnaevhaoxz, nēnaevhaoxz toxetan.

Na ezevo Eōstahetan: hovā nenāsz Cekahě veoxzemeo, hato hovaeoz zetotoxstomonoz etos-seonissyomevâxsenhessonsz. Mássaonissyomátovehetto hōestoz heto mxistō na hetomestoz hēnhén zetotoxemě, na otā nitao enešemeemě heszhemaemeva zemaniszz.

Hěhé hovā Tohaoeo, Cekahě ešhěō natatótossevoxta zehesso, naveoxzematanotovo zeto zepevasz hetan na zehestas na natavesshestavo. Na tā mahā nitaoheneena nāno zistahohástov?

Na Eōstahetan ezhevo: natavistomoe hetan, Maheoneēsžhetan eheševe, tahot'seoxzz zescehenitōneheve maeto, nāno nszepavenistomone-non meo nahettā.

(Cekahě). Nohetto nināsz hōvé, niasseoxzhema. Neš estanišeasseoxzeōn.

Na nataevhaoxz ešheo Toháoeo namessaa-hēvistaneonehenotto zeoxsenhoss ononistátane.

Na ota natavōmo zeovaxenavo Toháoeo etaevhaoxz, Eōstāhetan na Cekahě etaaménehox-tahaovazeo toxtō zistaameoxzevoss; na otā esžhetoxtahaovazeo:

Nenāsz mahā Cekahě nivetonhesta? Naotavošetano zehešenešhethoozetto zeasseveoxzemetto. Na hapo Toháoeo nitooxz mánitomox-

taehō zehesseztomovo zeohāetamanozēsš na zē-  
hēpatamanoezēsš zessósaaeševōmehanehez ni-  
messaatš-ōcettoevhanooxzehaeno.

Nināsz hovā Eōstahetan, otā zehešetotšeni-  
šez zeto nēnahossenehevmēstomevsz hovāe ze-  
ēvemāhesso na zetossheš-hetotaeamhastov na  
t'sa zistaéoxzez.

(Eōstahetan). Naoxcēvemapavheneena nat-  
šetanoxtovā naoxksaaēvepavōstō na tass zeheš-  
haheneenatanotom nitaōstomevaz heto namxis-  
tō.

(Cekahê). Na nitóeonissyomnešetano heto  
ēszestoz nimxistōneheva etoenissyometometto?

(Eōstahetan). Hēhé onissyó émanisz zeox-  
ksaanizeēsš.

(Cekahê) Nipevoan, tā henovaeoxz?

(Eōstahetan). Otā essaaen-nittanehenōs ve-  
honstanov zetoshistanovetō, na aeneametaniš-  
toz zetossemetanez na nonxpa nszhestanoveta-  
non henvehonstanovestoz aenetto.

(Cekahê). Nipevoan; na mato hena?

(Eōstahetan). Na hatanevosz hoxcasz zevo-  
hōhevatamanoēsš zetossemetanezēsš; na esze-  
hen nszevessvohōoenoneo tass ešiehê voeva  
heama.

C.—Heto etapevaeneo, na mato hena?

E.—Nhâ zeoxksaaevhaaxāemestovhan, na  
zeoxksaaanovetanoxtovhan; tatō zeaeno hato

zenhano nitao mahāen niexān.

C.—Na nivāseo zevhistaneonezēē nāno?

E.—Nhā nszevhistaneonenoneo hozeon zeheszemēness zenanotaess; vostaneo hoosze nszetomovó nieexaevo mávehōmoss; na mato nszevōmov vonstóno na matótoa matótnoe zetaeševovoehassess nāno: nasz nimessaatonš-onxao-hahe, emehoxtayo na emaheoneveo; nistxevoss eoxceaméneo zehetaēz' Maheonō, na eoxcenhēo zexhoez', eoxcepevatameo aenetto. Otā nszevōmō Zenitassō zehevoxcaess māmakāt; nāno nszevōmō zemaheonevess, zeheehēvess māmakāt zehenemenstovess; nhā nszevōmeo heta-neo zeto histanov zévovessxess, zevonháess hō-esta, zémevaess hován, zémemstanoss zéma-omoeház, zémehotovoss zeēvistoēvōss Zenithae-ziss hanhāno zemápevayo, zhoneanov saazešhovanēhestoz tass eszehen.

Heto zenistomonetto zehetao emehéphoto-moenaz vostan heszhestā. Tā heto emetoeniss-yomhetotaeamhastové? Tāxa nszetonšvhistā-ma nāno?

E.—Zenithaesz zehoēmaoxtā han hoe enet-xeoe zeto mxistōneheva; otā mato-eonissyomho-haez nistossxahastometaenonōs.

C.—Hēhe zepevátto mahā natavoešetano zenistomonetto heto hovae; nenāsz niaznhemā.

E.—Na nassaatonšenexovnševéné zeoxexove-

tanotto. Heto otā zehetānano zenhoxtom napaon.

Neš natavōmo zeovaxenavo vezeo zehešeenehótahaovavezoss etaéoxtanov zehekōmaoez' nēhan zhesēáz sitov toxtō; na zehešsaaonokotahevoss estanišeanhaohōn·hootovā hekomaoxzeše. Nīnitameozistoz eheševehettone hen nēhan. Na zeo énseninōvevōenotazeōn na examaenšpāpanoeōenovō ahanomaoxz; na Eōstahetan zehešhānanoz' zenhoxtō hepaon estaeszevoenae-no zexuenitamomaoez'.

Neš eszheō Cegahē: hovā Eōstahetan, na t'sa nitonehō? Onissyō exheō Eōstahetan nassaxamaheneeno. Na heto Cegahē estaveštotonšetanoozeno na estamomátazhettōhōn hevessenō: heṭo etsēpavoomé zeaenetotoxstomevetto? Matotšeanatto seeya niamoxovistavātonan taetto ootam nszetatonšhozeovosetanom? Tā nataevhanšenohomista naametanenistoz nšenoce-aenomeo zehēstahatto hoe, nīnokātto noeaenomotxeo. Na neš estahot'sešexaxeō na estaevhanešeonōvonéneō hemhayon zistāšhahanevōmoeáz nēhan, na estaevhanešehasseoehō; na Eōstahetan essaevhazeševōmohehōn.

Gō Eōstahetan eš-šeševōenotazeho hekōmaenēhanēva nīnitameozistoz zehestōez', na enšōnisshot'se-šeševoneho hekomaenēhanēva taetto hesto hōmā zistahestoemattanehez hemhayon

zexhestoemanitōnehevez zenoxzetomevoss na moxnšenhessemeohehe na esšaatonšniznehehō zehešohānanoz zenhoxtō hepaon. Na otā natavōmo naovaxenátova hetan Vistahê eheševe, na enōztōē niēvetonševe hettā.

Haxcl ehevo Eōstahetan zeo nanszhešenēnāhe hetan Oxmaheoneēszhetanevsz eheševe nānistazeševistomōe hatō zexhenitōnehevez nonxpā natanešhomistā maxhāstahátōz manxhoénetto. Na zémehansēna-noooxzetto zeo nahotonohoe.

(Vistahe).— Haxcl mohononoxzevōxtom honistotoz (oxovo)?

E.—Etoxtastoz natanševenehōe na zenšeamxetto zeo naēseana.

Na neš ezhettā: niōsz niáz; na emeto heáz, na enitanā na ēvhaēnanā zehekonomaoez, tanāssexzz ehettā.

Na neš natanoxzotamo né zeevhanitanās: heto heva totšenoka zeoxceoxzistov moxnoxzetosz hatō zehestaetta onxhestōsemestovēs zemhāstov assetoēstxe: hena zehess-saapevanehane nonxpā haomenhetaneo emeoxcepeveoxovistavao?

Na nazhetta: heto ahanomaoxzenēhan enheso, emessaatonšvovetanehan ehoeanhomao zehetāexuenitam zehossoto zeoxcenoae zetaoxcvešheneenōe havs essaaene-aménittan na eoxc-

hessnistōe ninitameozenēhan zeoxchestōe. Na tass havsevočtaheo oxtšešeozēs z oxtāneenosz zeheševoneoz' tass eoxcemeénettoz hemátasso-omāva hāsto ētoxtastoz nizestatanótōz na vovonetanótotoz tass eoxcemanoeozensz na eoxchovshassettonsz: na enahāné zehesshavseva heto ahanomaoxzenēhanēva.

Essanešepevazto Zenithaes z heto zemeheše-aennšhavseva. Hesthozeon tass zenithátovoziss hetāonevehoham ēšamhoxeananov heto matótoa-ótnasótoa matótnoeyā heva zenonaxheše-pevananov. Otā homōxz zistotšeheneenom zeo zehetāeszevoen etahāne nohasse metonitaeonetto pavevovistomevazistotoz vonome zeoxneameēnane nitao zetoheta-nithátto Zenithaes, (na eoxcenhevōn mozeoxtohetanita zemevešepavoomao) móvešehoxeomaoenehané na eaázhesso ninitamevooz na zetóeaenenhesso heva onšetonešvovónitomaenomevoz.

Eoxetometto zehešezehomossens hoemane-meahē eoxnešamhoonaoeneo zeoxcepevhonistov totāsitov heto ninitamomaoxzeše. Na oxtovetto totōneš zeoxcešhāvonomaoe mózevanotosz zexuenitam tass zeoxchess-oxtonitavata-manōesz heto hōnistotoz eoxksaaxavōmehane-oxz, heva onševōme hetaneo zeēvenenaevoss hemekonevoz, eoxce-oháoneoō, etaoxchotonoeo ā onšamhoonevez. Na etamonepevooz zis-

tāsevhaēsznistov henitōneheva exxovetto.

Naovaxstova natavōmo ota Cekaĥē zeš vezenō etaevhahooxz mhayon. Hevistorzemaōn emāhoevehōmā na hosz eotoxovootāe zeévha-hoeoxz na hosz eononistootāe zetaēvevesshehe-toomoēhaz zistavhistaneonś Eōstahetaneva: na hosz ehestoēmāe heovhastoz: zistaešhossevha-vesseēvenhestatto emessaatšenehe-henitameo-zistovhan zēnehamtonitomaozistov: na Ceka estaēveátonoehō na maveš zistaevhamessēoxz na soss zistaēvhótahanevosz eassetotonšenhettovōn Eōstahetaneva.

Na otā Eōstahetan zistanšenaamenoceoxz' estavōmohōn hako haēš éneametōeēehōn toxtō voston, na vezen estahetōeovazehōn sitov. Zeto hetan eszheševeehō, Hestanovxhaheneenovasz évhistanovō zémhâstovez' mavxozemanhastov estamaxhaenonoeneo mohahanettanezenšeoxz Eōstahetan. Na zeto hetan zistōeovōss Eōstahetaneva moešenistomonenotto (Eōstahetan zenxhesseassetōeseems assetoēstxe mostahāestotoxemēhane óha hen mâevehoeno moxononoctotoxemā mato ooxs mâevehoen mómaetotoxemēhane). Hestanovxhaheneenovasz moszhessetamôvo zévehōmoss zehešhot'seaménez zeamevōaménez, zeoxcemaxeomoto-mez eszhešeasseēsztovohōn Eōstahetaneva.

Nohetto-tā hovā t'sa niēvešhóniztavenoén?



E.— Et'sēonissyomhóniztavenono naešetan zenstamenoehevez zehešeaenonez. Na otā zehešenóztovetto t'sa zexhooxzetto, nitamēstomevaz: nahooxz hato zevoxkoene henitō mato: nāno nanešemēstomon natosshomoenanemāss naheanāoxistoz zehassetanens.

Niheszheemé na nihenissoné? (ne Hestanovxhaheneenovasz.)

E.—Héhé; na zeotaešohānaoxetto tass nas-saahokxa-nonxpanešetotaetanotovoheo zéme-haexovatamon nista: zehešetanotto tass nas-saaxaáenoheo.

(Hestanovxhaheneenovasz). — Nimeahátove taēveōēsztovaz?

E.— Na mápevāe nstatsēahátovaz natatse-  
evhaohemāta zepeva hoēsztovazistoz,

(Hestanov—). Vovonometto nizhettaz vo-  
ohōszz hene zenhoxtom monā nimezhešhepe-  
vomoxtae tamaešeēnanom na nimessaazhešveš-  
hetotanehenoz zepevaezēs hevovónhesseztas-  
toz Maheo zenmetata tāmaešeenogetto.

E.—Na enahān zetsēnoꝛzeom zeēnanatano-  
tom heto zehānan zenhoxtom: nassaataometon-  
šehassetanō na mato heva hovanē hetan zév-  
histanovetto essaatonšesēxanō natatamōn, na  
otā etahāne zeēvhesszéoxzetto zeešhettaz, zex-  
homoenázetanotto.

Hestanov.—Nivā zezhešenēnaheta zeto zis-  
tossehomoenanevoss.

E.—Hetan naxhōota eohā na eonoatamā hevehestoz etahanezé Oxmaheoneēszhetanevsz zeheštōetanotom.

Hestanov.—Notōtao zeēveemēs! Moná t'sa ezheše-hēatamanoettané na ôzetanoxtovhané hestanov heto zeheševistomevata na otame-noes nstanešemeá mátonšetōenomovoz heēszes-toz. Nineshōotano hovae zehessetamaz niáze-mahōtozeno zeahanomaoe nínitamomaoxzeše zehesso hene nínitamomaoxz: zehešsēha enahane zexhesseassetto nitao oyometanoxtoz ze-oxchōotaevoss nha zeto zezeoxzess. Ahátovsz nihépôāemaz (nahāeā) hetová zetahoeoxtom heto zetaéoxzetto: Kaneozistoz, hamatovazistoz, hayanátoz, hāomenhestoz, hotoanavoomenhestoz, stamenohevestoz, xovatov, nanosseham, méneo zeheszemēness, zeaenonitto na momez-tovoan nāestoz, na hena emehovahan. Heto zeto eonissyometomenhessonsz zehešeoxceševehe hasto hótaheoneva. Na tā henā voston tštaomenahaz zeveahátovoss hestoevostano.

E.—Otā hoxtāo heto zenhoxtom napaon eohamhépohāhépatamano heto zeoxneš-hetāvistomevetto. Hē zehešetanotto hōvoxp otanšetonitoomenetto heto zeheoxzetto. Oha mato mataešhomoenanetto.

Hestanov.—Na tā niēvetonšenhoxta henē zeēvevxetto?

E.—Heto zeheshoestom mxisto zetōenom naāzeneva.

Hest.—Natóenešeta na nítónitoomene hapo zenešetoomenevoss hetaneo zevovonāss zsaatósonetōss hováezeoxtonitanomevoss. Hootova zsaaheszhekonetanoxzevoss, zeoxksaavešheszhetanevstovevoss hetaneo tass zetāsetamaz eoxcensēametanō eoxksaahess-ezevastoveo zexhohāvoss hovae zsaaheneenomehevoss.

E.—Naheneena hováezeamhátto vépanāmoxtastoz (vépanaoxistoz) mahassetane zehānan zenhoxtom.

Hestanov.—Tā nā hena zeo zehessezhešnoxzeom vépanāmoxtastoz (zeheanatto) heovaszetoomeneo zéveázetto? Otā (heva ninoveahátovetto) nimetatotahevistomevaz zemetāšeamhátto nsthohastoz zsaanoaehan, zsaavovoxbonoehan heovaszetoomeneo zetatossehōoxtom heto zeheoxzetto. Otā eoxtoeamhōsta venohazistoz. Mato nítahonaovemēstomevaz nímessaavovoxbonhoeoxtō heto heovaszetoomeo nstamea, mahā hōmoetanoxtoz, hevessenehetovazistoz na oanaxanhestoz etāma.

E.—Yā, hoxta pavemēstomevsz heto.

Hestanov.—Hato otā zemhāstov (hoxehestanov eheševhetto) nāno evhistanov hetan hoemaoxneo eheševe ētahoxeevostaneheve hetan zepevoosseonevsz enešehóona zeoxcevistā-

moss hetano hováe zēhānaevossoxtozess, na zistaomeheneenom etaameneševe mahā zepevaez neo nešhesto; na mato eoxchetapeveēnoéo zemashaneoheziss, zehānaevossoxtoz. Ninmetanhaoxzevo tó hezezea na nimevistāman. Nokā et'saatāoneonevhan zehešhotaz hemhayo na hosaahōsz nitooxz etamoona kassova hēhya Masseztahe eheševe: nszenešetova zemehešetovata mahaciss nitooxz. Nhā nimetanēoxz na emeheanane zenhoxtom; na tsaahooxzetanohetto nista zévistanovetto (nimessaanithohatovaze) nimetaonōmo nszheem na ninissoneo zeto zémhāstov mhayonoz emahaevépeneotansz zeheanavōemesz na mato mátam enšeanavōeme na epéva nszevešhetotaevostaneheve nszenevistanomōe zsaāōcehess visthozemaōn, zehešepavstátov.

Neš Eōstahetan exahechekozeoeho na neš eszhešetanoho: heto mátóeonissyometomsz zeto hetan zehettās natoxovhastoz emenhessoneo tastanomovo zeheševonossemās, na neš estazeho: tā na t'sa nametatonšhōoxtomovo zeto xanovhetan hemhayo?

Hestanov.—Nitavōxta hato zexaeoomen?

E.—Hē natapevevōxta.

Hestanov.—Hato zehaeoomen nstatoéamoxta na zetovovoheeoxtom mhayo enahānezé hemhayo.

Na Eōstahetan estanešehoeoxzehō Hoema-oxneoziss hemhayon zistaevistāmazetanoss. Na otā zistaeshahaneoxz' zexhaeoomenoz zexhesseameoz meo tass eševottane zezeoomen, tass estosseavaone, zeto Eōstahetan estaētotaehō, estahossetonšhépéneehō zeneavao naze-nxhooetō; na neš estxahekozeoehō, essaahene-enoheno zemetaēvhestas. Na mato tass estanohéphānanozeneo zenhoxtō. Na éneoxcenōmevoahasseōestahan hōesta nhéno zexhacoomen Eōstahetan estāssēctano nataoneexan ešctanohō, na zeto émassohópeozehō na émassononmēehō zexhépôoz. Na neš estaassanovetanohō zevešhestanomovoss Hestanovxhahenenovaziss heēszestoz. Na neš estavōmohōn Maheoneēsžhetaneva éncameoxzetōchōn na zistavōmōss estamaenehō zistanhēs. Na Maheoncēsžhetan enxhahaneho nonohono na zenxhōtās essaxamamomenovenchōo. Na eszhešeasseēsztovohōn Eōstāhetaneva, hena zó zēvvhessenhētto ešhottōhōn; Essaaxatonšheneenoeno Eōstahetan zemehešenōstōss, na exacnšhesshecheckotomahoehō. Neš exhosszhéhō Maheoneēsžhetan, ninēhové hetan zexhootaz zeaxāemetto mōesta zēmhāstov Assetoēstxe?

E.—Hēhe, hovā nanēhov.

Mah.—Tass hot'se nīnešemēstomevaz méo zetaoeoz hatō zeszeo henitō zevoxkoane?

E.—Hēhe hovā ešhehō Eōstahetan.

M.—Na henā tā zehesstšenehe-nohéohetto?  
Ota tā eoxs niameoxz.

E.—Nanstōeovo hetan zenstoešeexxovéneto zexhekonemao nínitamomaoxzeše, nazheše-ešenota zeto heto mâvehoeno zenoxzetom neo namemeovosz hetan zemeanhano heto zenhoxtom.

M.—Eneevaeve?

E.—Etaeonoa hetan na naotahâesztova na maveš naešenota na nanxhessezeoxz. Na neš zévehōxtom heto zezeoomen na zehešhépeavhōsta hootovâ naxahecenhē hama zenēana namekon zexhesseztom.

M.—Na niēveoxhetta né hetan?

E.—Haxcl t'sa niēvhooxz nahetta, na namēstomevo.

M.—Na neš nihosseoxhetta?

E.—Niešetaomevostaneme nahetta, na namēstomevo. Na nazhetto: nataohāeanāox, tass nassaevhanešetotaetanotovoheo zenmehahessetamon nista.

M.—Na neš nihosseoxhetta?

E.—Vessetanoz nehehassetanotoz hen zenhoxtom, na zeheanatto nat'sēnoxzea; na heto nazeoxz hato zexhestaettā, nāno natosshossetan zemetāshoeoxzetto vostanevāzistovâ. Na neš nanhetta zemehēsemēstomōs zeheškas-

soz, na zsaanoaehan hotoanatanoxtoz tass zehesso meo, zevistomevetto: etahāne heto tazhešenaoxzevehā tato hetan hemhayon zeotoxovheneena zhešehassetane zenhoxtomovosz: na naonissyomátovo, na nanszhešenoexz zeto nonxpa natanehevépanhāmoxta mātasseoz zenhoxtom nahōvešetan. Hotaz zo zehoeoxzetto na zévōxtom zeēvemahess hovae naxaeneohe (naešenheve) naētoxtaeoz na nassaaxaheneeno zemetahestátto.

M.—Nohetto ešhehō Maheoneēsžhetan eševhanekozehoeozz nitavōsázenoz hešszestotoz Maheo. Na énsnhēhō énonomēhehō. Nohetto ešheō Maheoneēsžhetan “otā nivépeossemoha zeēsztovata; na mássaahomstahevoz zepeossemahess zeēszez’ hovea tā na nime-ohamtonšsahomstaheman’s mánōoseazez tato zenxhessešsz heamā,” na estâssezheō, “otā zexanovasz zeveševostaneheve heonissyometanoxtoz,” na heva hetan máveevhaeozz namátassoom zaapevetanottohe. Na mato esžhettohōn, ninēhov hetan tass zehesthoháoz totahopetanoxtxe; tass niassepeoxtomovo zemaxohātamāsz hešszestoz, na tass nievhashóvon zemehanehom hekotomahestoz na niēvsaahezevaeztō etov Eavôno.

Na Eōstahetan estaavhaohō zehešeátaoez’, tass énáeozehō, á-hō zehetoomenetto! Zistavōmöss Maheoneēsžhetan estanhaenohōn heszhe-

amaxestō eszhettohōn: “nitao heovaszheše havs na totaznonoanistoz zeevhavovetanomohenov hetaneo nivénovsenizestahe, onitáz onissyometanoz.” Na neš Eōstahetan estaevhaohāeozehō na éneovehoehō estomenshossenonomēehō tass vovoenotto zehetaehoez’ Maheoneēs-zhetan.

Neš Maheoneēs-zhetan estasse-nšeassezheō, vavekxz hekoniōetanotoz zetatosshosshettaz. Nitamēstomevazenož zeto zenohéōhetovata na mato zetášenēnánōss zetatóeovata. Ne hetan zetatóeovata Hestanovxhaheneenovasz eheševe; na eoxchessepavenhestoa na zeoxchānohōvanes heto zehešemēstomevazistov histanov (nāno tā eoxceohazeššéoxz mhāstov Hoxeemanhae-ēs-zemhayon) na mato etahāmehoxta ható zehešetovaevoss zsaavovoxbone-noaehanchez zehotxatoz. Na mato zehešhoamazisto zeo zehetahes-sož histanov na t’sa essaapoehesshehae zehe-neomovo zeoxešepevaez. Otā enaház heēs-zestoz zeto hetan tossē nszetomovosz. 1. Zénohéōhetovata. 2. Na zenešenoshata zsaahesse-momenovatamehanehez zehotxatoz. 3. Na zeta-seassenēnaheta zévistomevata méo zetaoeozež zehešemeátovež nāestoz.

Vovoenotto nseztomovehā zénohéōhetovata na tāma zehešeamátovōss tóhetahāne zénōsetanótovež heēs-zestoz Maheo. Zistaohamhes-



tanez' heēsdestoz Hestanovxhaheneenovasz. Zenithaesz eszhevo: "hot'sehesseēsznetano zē-masseoc hestahetta," zexhenitooneheve hen zis-taešenēnahez; "otā zehešemasseok zhešhestaetta zetaoeoz ametanenstova, na zetxkomxeo zemé-oss."

Heto zévoxkoane zenxhessevoxcenēnaheta zeto hetan zehavsevasz zetoeasshoeozhata Asse-toēstxe: nseztomovehâ otā zehešenohéoiinetovata na taomeomosseztovazz zehešeneheahátovöss.

Na zenixaonetto nseztomovehâ zehešénota-tae zehešsaahess-momenovaztomóvôvoss zehot-xattoz; nistost'sevovoana zeoxexov nitao haō-vhastoz momeztovhistanov. Na mato Zemaxe-nithaesz vohoeohevatamahcestová niešemēsto-meva nha (zevehoamazisto) zevevenootanoto heametanenistoz onitáz zevoneōsz. Na nha ze-hôotaes zeneheōs na zsaansetamoheziss hēhyo na hesc na heszheem na hennisson na hevišson na heaxaehem na tâma heametanenistoz mato, namessaahevovistomosseonamehenoz.

Zenahaonetto. Nseztomovehâ zehešcnohé-venēnaheta zévistomevata méo zetaoeozez zē-meatovez nāestoz. Na mato heto otā neše-ōhaztomovehâ zetāšešenēnaheta vostano hevez zsaatonšhoxtamistoheziss zemeheš-homoenanetto.

Né zetāšenēnahenevoz hevez zistossheana-

nez' zenhoxtomovōss Hoemaoxneo zeheševēs  
 hēhyaō momōnae zenšenavessemomōneheve-  
 moz hennisson. Nā neo tass ehestohov heto  
 zistoeoomenz heto zeēveētōm zetosstaxeavha  
 nimekon. Otā zestšēnšēnavessemomōneheve-  
 moss hennisson, taxa tā nimetonšēmeta oanaxan  
 zeto Hoemaoxneo? Nimessaatonšēšexanā ni-  
 vevxeva. Hovane hetan essaazeše-ešhomoe-  
 naehō; hovahan, na mato emetsaazhešhomoe-  
 naeho; nimessaatonšēveš-pevananehenov zeheš-  
 zistovátov hoemanistova; na hen hoemanistova  
 zeoxešezistovatto hovane hetan zeametansz  
 emessaatonšēvešhomoené. Otā Histanovxha-  
 heneenovas z ehévhistaveve na Hoemaoxneo  
 eōce; na hēhya oxmasseztæonevsz ekanomeno-  
 nizeomenō, evhanenhessemanceoneve na ni-  
 messaatoñšēvistāma. Onissyomátovsz nitao  
 zeoxtoēvetahestavoss zeēvetaemata essaatoni-  
 tokšohan, nivhanevátom-oxsenoshatanosha ni-  
 vostanevázistova zénohénoshatanotovatatāo ze-  
 tamehaešenēnahez.

Na neš Maheoneēs zhetan estamahaehahehō  
 zistaēs zesto heama zéneonissyomōez' zehēs.  
 Na hen enxhessmeénettoneo ēszestoz na hōesta  
 hen zeszeoomao na zeto stameno-Eōstahetan  
 zénhēs na hcmęq hevxtota zehessoz énehoveō-  
 ezenc. Hen ēszestoz énszhešmeénettone, "ehō-  
 xeme nistoxs zsaááne-nehōsz nitao hováe zeto-

hetaoxeoz hoemao na zsaavâxseneševész.”

Na Eōstahetan hováe essaanoxzevōxtôno óha nāestoz na neš eassehanaemō, estatomomoxzenavstano zémonitōeovöss Hestanovxhaheneenovaziss na essevavonó zehešohāeononistas zevehešeahátomovöss. Na mato estaohātanetanoho zistaevhahohaztomovöss zeēvetaemās zehešeohāemomehememamās zetāšhokhesshenoeoxz' zémehaeneho zepavaez. Na neš estāsevhazhešésztoyōn Maheoneészhetano estazheō:

E.—Tā nitonšetano na? Nassaahozeovōsetano? Neš namessaaevhae, na nametanho oxzeta ható zevoxkoan henitō? Na neš zó namessaanootané na nametaevhazešemeaton zehešetanitanotto? Nataohaoyometan zehešeneheahátomovo zeto hetan heészestoz. Na tā nathavs emessaaevhapevanehané?

Neš eszhettaehōn Maheoneészhetan: nsthavs etaonissyomohápe, tass nix zehetoētátto havseveva; zehešenōoxzetto zemehanehom zepeva, meto zistanehom zemehahōnetanetto. Na nszeneoxto-masseztova hetan henitōneheva coxceotapevetanotovo hetano; óha vavekxz nstavéhossenohéohé, nstatohestoomene heva tonezceoz hestahestahátóz. Na neš zeto Eōstahetan estaevhásseasseoxzehō. Na Maheoneészhetan zehešvxsemās, nohetto taenahá Maheo nszevesseva exhettaehōn; na estaossānassexzehōn na

zistanšenaameoxz' essaazhešeēsztovohehōn vostono na mato heva nissaaoxcenōstovohehōn hotōeovoz'. Na estanešeameoxzehō tass nha vostono zeoxcohoomeētanoss tass t'sa zsaahesthōmoetanoxtoves hesthōeoeva zeameoxziss tā zistāševhahoeoxzetto méo zenxhessenohéohes zenxoham-nieheoetomovōss heēszestoz Histanovxhaheneenovaziss.

Na maveš Eōstahetan estaoeoxzetano zexhestaettaz. Na otā heama henitōneheva eszhetxeoeneo: "kokonōxz na nszetataenomom." Na estaossānekokonhano noka na nix na mato ešhastoha eszheō: (neš namessaaēszné zeto? na hotōma zehōsz manstataenomōsz zeoemetanotto tass zeoxešsaahoešenahevo na nonxpa namessaahoz-nešenoōto vovónešetto.) Na maveš (enxhoetataenano) enxhōéneho henitōneheva momātahetan, Pavetanot'sane exeševehehō. Nihovaeve enšhettaehōn na t'sa ninšeoxz? Na niēvetonšetovaoxz?

E.— Stameno zehaonaoxsz havsevoētaheo. Nanxeoxz zémhâstov Assetoēstxe na nazetoxovistava Esseomemenaemhâstoz nonxpa nazeveševenoohan zenstosshoénetto hâstahâtoz. Na otā hoxta nanst'sezheševistomon zéo et'sezozen's zenehom na tā nissaatataenomeve na nissaaēseotšé?

Pavetanot'sane. — Hoxta nstat'sēēseozeaz,

na'seamáta zetohetahestahátto, na neš estatae-  
nano.

Na neš Eōstahetan zistaešeēstonés estanše-  
vēsestaohāehōn. Hena zehesseneševetto, ešhéō  
Eōstahetan. Hezeo áe kassetto henitōneheva  
ehotaz mhayo eohātamanoez' Eavo zenithaesz  
nāno; eoxchesseaneemasshovo maheveva nha  
zeo zenxhoéneziss henitōneheva zetanonaxe-  
nāeho zetaešsaa-estaxehevoss ehethohayō. Na  
voešetan na nanonomē ešhéō Eōstahetan. Na  
neš zistaešeēszéns ne hetan zeheszhenitōnehe-  
ziss énóztōehōn nivā zenzshešenēnaheta?

E.—Maheoneēszhetan nanszhešenēnahe ta-  
kokonomeo nahetta na naneševe na nanonhetta  
nitossemēstomevemāss zemehešezetto.

Pavetanot'sané. "Henitō nitataotomon na  
hovanē emessaahōnohe."

E.—Ota nataossāneasshozevōxta nahot'seta-  
noxtoz.

Pave.—Na tā hena zenxhessenoxceoxzetto?

E.—Na essaataomevōxtōnov hesthaomenes-  
tovevo nisthozemaōn zeheševōxtomovo nathac-  
menestoz.

Pave.—Na hosz eheneenanovo zenxešzeox-  
zevoss?

E.—Hēhe, nazheem, na nanissoneo navōmā  
vovōenotto na naoxnenehevamā, na mato nist-  
hozemaōn én'nhēo nānehevamāe: oatōs namoeš-

kon naēstano natovooz na nan'nešeasseoxz.

Pave.—Na hovanē nissaanehōhe zeonissnehevavenēheta?

E.—Hēhe niniševoss Tohaoheo na Cekahe: na zexheneenomevoss zsaaešenotahevoss Tohaoheo tavoevhaoxz na Ceka nanševeoxzema taxce.

Pave.—Na hena ez zensaahessevessópezēs?

E.—Nanst'sētoešamenišeoxzheme nxsetto ninitamomaozžeše, nén hootov zēnnéše-ēseanaoz, na neš nisthozemaōn énvovoneoz na ensaevhatonš-hosshépeoxze. Na neš etaevhozhešeévonén zhešehanettaz hemhayon, nševenceaenoz hen hāe hoe nanšhetta, na etaevhanešeasseoxz na hapo nanszhešeass; etaevhahoeomo Tohaoheō na hapo nánhooxzeta heto henito.

Pave.—Neš eszhéō Pavetanot'senz áhoyā stamenohetan hato heama vohōohevatamahes-toz mohonoxamaonoazisto, taxce mohonotšxamanoōesto heva onšsaahezevaōhan zehotoanatto.

E.—Na et'sēonissyometom exhehō Eōstahetan heto zehetossemo Ceka na mato matamesšéhótahanetto zeonitovâ emetsaameeozehan hovae zemetahépepeva, tona ninišez. Na etat'seonissyomēvhooxz hemhayon. Na hapo nata-nohéoxz zistanehom zetaoeoz nāestovâ, nata-

nešešenota hestane-momehemohane Hestano  
 novxhaheneenovasz.

Pave.—Yā! nineōšetōe? Tā tazhešeno  
 xzeoz heanatto Hoemaoxneo heveno mo  
 nihettahe? Niniševoss ētaeōceo na  
 nihestanomovohe hešezestoz?

E.—Hēhe tass zetāshohēstahatto. Na  
 nātanešeno xzeovo Hoemaoxneo tazetā  
 šetanotto tass enstosstaxeana namekon  
 hen zeszeoomen hemhayo zexoxhootaz  
 na nā natonšēneohe.

Pave.—Hene zeszeoomen ota ohāsto  
 nheno ehesshovanēheo na nā zhosshesho  
 vanēheo hossaohāsto; na exaepevaeneō  
 zehešehomstātto zehešsaahepēvoe  
 šenahetto.

E.—Nassaaonissyomheneeno namstho  
 mstamāss nāno saachōotahehō Maheone  
 ēszhetan zenšenavotatassheahamano.  
 Ax Maheo mōhensehan zen hešivaztas  
 toz zestšehosshōotās namsaaevhatonš  
 ōméne. Na ota naešhoén tass zehes  
 tātto. Nananosetā hovanehestoz nāno  
 zēszeoomen hotaz zeevešvistonovamaz  
 Zenitahatto. Otā tass zehešepevoehan  
 etto zeo zehešeēseozhanetto;

Pave.—Hovane naoxksaahoxstatamohen  
 heva nahass onšetonhessoz zeneeševe  
 oxchešezevoss zensaaoxcešéoxzehevoss;  
 eoxksaatonšhōstahameheo. Nohetotā  
 Eōstahetan nīnāseveoxzēmsz zeo gaks  
 na nstavovistomevaz zetatoss-

taeoxzetto. Maeto tazetoōxz; nitavōxta hato zetazceeoꝝ meo? Hanāhan zetatosstaeoxzetto. Enešemeonaneo ovhanheo, Ehan Hēhya na hevovistomosseon na enexovxanov tass zene-xovxanov tāevaheo; etahāne zetaeoxzetto.

E.—Na etzheō Eōstahetan essaanohéozehanevoz na zeonimaoeozēsꝝ t'sa hestōevostan emetaneševoneoꝝ?

Pave.—Hēhe ētahastoeozensꝝ zistaomepopaeozēsꝝ, evovoxceozensꝝ na emomahaeozensꝝ; otā nszenešheneena zepeveoꝝ na zehavseva, zepaveoꝝ eneevaxanoveoꝝ na emasseoꝝ.

Na neš zistazetōotto naovaxstova Eōstahetan etāsseneševēstomevo taxa emeossānevistāmāsz zemehešeenoꝝx heto hepaon zenhoxtō. Zehešsaaešhomoenēs na mato zemehešsaataometonše-ēšhassetanōs saavistāmēsꝝ.

Eszhetto ōxista ešenšhevevoꝝsz tā matahoeoxzetto zistossōnevotanetto nāno zetaomeana nszhomoeoꝝ.

Na neš Eōstahetan eakozeehō na estaešeassetanozehō heamoxovistavátova. Na né estanhettaehōn zistaešhovēnsehōs henitōneheva: nstaeoxtomovo hemhayo Mēstomotxeva heszhenitō, takokonomovō na nszemēstomonoz zetotapevaezēsꝝ hovaeoꝝ. Na neš Eōstahetan estanooxzenōn hevesseno; Maheo nszevessema exhettaehōn.



Na estanšeameoxzehō tazistaeoxz' hemhayon Mēstomotxevaheo, nhéno estakokonano hotxsetto. Maveš nasz enxhōénehō henitooneheva: nihovaeve? éns'héō.

E.—Hovā naamoxovistavā nanszhešenēnahe nasz hevešseno pavhetan heto zehēmhayonsz taetō na hovae zepeva nszeamha nahettan. Na nātanešeēsztatantovo Zenithatto heto mhayo.

Na estaonōmohōn neo Zenitháziss hemhayon ae ninovetto enexhōotaehōn Eōstahetan na énoztōehōn zehethohaes.

E.—Hovā nanxhestoxovistavā zémhâstov Assetoēstxe na nazeoxz Esseomemenaemhâstoz estahehō Eostahetan. Na nazhetta hetan zenhēesz henitōneheva heto zenxeoxzeoz meo zeto mxhoénetto nistossemēstomevenosestoz zeotapevasz hovaeoz zeamevistâmaetosz naamoxovistavátova.

Mēstomotxevahe. Nohetto ešheo Mēstomotxeváhe, niēszensz nstamēstomevaz hovae zetaēvešeamhâtto. Na estanhettōhōn hesthozeon eszehanō vohoksenanistoz, nēnahoeovsz ešhettōhōn Eōstahetaneva. Na estaēseozohōn zeáēšeneotaz; tataenoz ešhettōhōn hesthozeon; na zistaēštataeno Eōstahetan estavōmohōn pāozistotō vostan estamomatavazistao; exoxhōsenaho zistomsxoz, na eszetxešenaho exéatōovx-

ešenaho zeto nanosspevaez mxisto estōenano, na hoemaohetomestoz emxeoe heszeneva, histanov hepaon eamhazen; énehoveoehō tass hovae exhestoonatovonó hetano na hoxca zevehonemakâtaevez' exhoettozen hemekon.

E.—Na eszhéo Eōstahetan heto etonšetovatto?

Měst.—Zeto hetan zehēpāozistovsz nasz niahāne zehāenōhess. Otā zeheševōmoss zehešéatōovxeeš, zenocepevaez mxistō zehešetōeno, na hoemahetomestoz zehešemxeaz heszhenevā ninešemēstomon hesthozeohestoz zehešeheneeno na zexhotxanomevoss zeaenonitozeēs havsevoētaheon; na ta mato zeheševēhōmōss tass hovāe zehešhestoonatovōss hetano. Na mato zetaeševēhōxtom hestanov zehešeamház' hepaon, na hoxca zehešhoettoz hemekon heto ninešemēstomon hestoēstoz na zépeossetanetto hovaeoz zémehoxtomovoss henithāamo hesthozeohestovā etostóeonissyomeamha vohōohevatamahestoz hestanov zenstosshoshoénettoz. Na otā exheō Mēstomotxevahē nihessevovoevōsāzenotto heto pāozistoto zeto hetan zehēpāozistov etonšenoka zenhessemanóss Zenithaesz hato zexhetoxovistavátto, zetosseoneevaota zetohetahotoanatto, zetatosseēvemahōoxtom heto zetaešeoz: na otā pavetōenoz zeheševōsáz na pavotōetanotoz zeheševōxtom, nstaoxhōotohe

vostan zehepaveozhatanotovata ax hemeo zeta-  
oomez nāestova.

Nā neš exhestanomovonō heáz na estazet-  
hooaenōn zemahaeneotaz exxama-mahešeevo-  
maoene saazešemxevomaôhan na zehešenševe-  
hoxto ninovetto Mēstomotxevahe estazhetto-  
hōn hetano: hemxevomaozeno. Na neš zeheše-  
assemxevomaenś émassózevatōeōeneo Eōstahet-  
tan estosstoešvešn xpotomeozeno. Neš estaz-  
hettōhōn Mēstomotxevahe kasseheo zepahōe-  
ziss, niszetōxze máp na heniškomahazz; na ze-  
hešeneševs ōxista estáš-hešemxevomaoeneo na  
estahoxeaneneo.

Neš eszheo Eōstahetan heto etonšhetovatto?  
Eszhešenōstōehōn Mēstomotxevaheo heto ze-  
hetaeneotta ehevezhovez hetan heszhesta zsa-  
ahešzešhoxeemomatavanehanehez pavōstōnehe-  
va, hešec heto enahānezé nistā heatoētastoz na  
hotoma hesthavsevastoz zevešetasseōs nitao he-  
tan. Zeto zevovoeassemxeenz enahāné hoe-  
mao na zeto zehoeozisz máp na zeheniškoma-  
házz enahān pavhostō na otā zeheševōxtom zé-  
moneassemxeenistov zehešemassózevaehō tass  
zehešsaaxanon xpa-pavhoxeanenstovhan zetōsse-  
še-éštōevešen xpotomeozetto nineševōshan heto  
hoemao onitáz zémehaasshoxeane mazhestā  
havseveva, onitáz zehešemanhaoe mamátasso-  
omáva zistanešemeoe na epeoe tass essaameá-

tovhan vovonanovoxtoz.

Na neš zehešhossevoxtom Kassehē zexheniškomahaz' hotóma máp na neš tā zehešepavhetotaehoxeane heto nineševōshan tass pavhostō oxnešhoomatōsz manstahan zehešemaxepava na ninhattaz zeheševōmōss kassehē zehešsaaezevatōenōhanehez nhéno hotóma zistaheniškomahaz' máp; na hapo havs eneševovonane na enešetapoē na mamátassooma enešhoxeàn zénešeonissyometanoxtov, na etanešeexan nonxpa Zemaxenithaesz vohōohevatamahestová zeneševaeto.

Neš natâssevōmo naovaxenátova Mēstomotxeva heo etaasethooaenā etaasseozha zesceeneotaz, enišeeo kašgonesson, etotaomhoco hetaxeesēstova. Oxmassóhohaesz exešcveehō zehaehasz na ne nasz Oxtōénovasz exeševeehō. Oxmassóhohaesz essaaxahotoetanoehō na Oxtōénovasz ōxista ēvethoehō.

Ēōstahetan eszheō: henaéz' zsaahessēvehotoetanoheš Oxmassohohaesz? Mēstomotxevaheo eszhettaehōn, zenithátōevoss ehōnistomonoss zenanosspevaezēs zheszhotoz tā matâsemoneasse-aenevez, ohatōs séeya emâhohanoz hezezea; Oxtōénovasz ōxista enešēēvhesta zexhōonēs.

Neš nataavōmo nasz enxhōota Oxmassóhohahez na ehoeoztomōe hōenov zetohetaōvass

(oovās) na emáhénenoz zexhoeátaes: na zistahestano emaxevešvoešetano na eohazetō oxtō-enovalheziss zenxhooxtatamāes. Na zistanševhōmo ae kassexoveva etamatoeševāno hovae essaa-ametaneoxzé mamáta óha pēšeonon ehe-eotō.

Na neš Eōstahetan eszhetto Mēstomotxevalheo nimámēstomevsz nitao heto.

Na neš ezhetta: zeto níniševoss kašgoneo evhanevezhovstoveo zemassohohávoz zsaadēnovetanotomehevoss hovae hetaneo heto zexhistanov na zeōēnovetanotoss hato zenstosshoénettoz; Oxmassóhohaesz nitao hovae ehoha tó hezezea heto zistohistanovez, enahān zezhēstavoss hetaneo heto histanov nitao ehohanov hovae zetohetaepevaez tó hezezea, essaadēnovetanoheo tátto zistāshistanovez' zistapevaez hovae. Han heēszestoz, "vekiess zetōensz maházeneva ehépoezistov eoxexovavoss niš matā." Enahānezé zenanostōenomevoss heēszestoz zexhestaz nitao mómátavhótaheo zepeva histanov zenstosshoénitto. Na otā zeheševōmoss zehešenehe-vonaoz nitao hovae zehešsaanonxpaeheozehanehez mamáta pēšeonon enahāne zezhestavoss nitao hetaneo zenešetovaess heto histanov mámasseozez'.

E.—Neš ezheō Eōstahetan nataešheneenomovo Oxtōénovasz zehešenanossepevaez hetše-

tan na zehešhāstaz hesthoemetanótoz. Zistonezisto zenanossepevaezēs na mato zistosseamhaes tāma hevohôohevatamahestoz, nénasz hováe mxsaaevhaaenosz óha pēseonon.

Mestomotxeva. Nimehonaovana matôto vohôohevatamahestoz zistossxosshistanov zsaama-vaôhan na zeo zehesso hootovâ eoxchovahan. Na ota Oxmassóhohaesz hováe essaaveštohosohazetovoheo Oxtôénovaheziss zeheševovoeaeno nitao zetohetaepevaez heszeoxz tass Oxtôénovasz zešohazetovoss. Oxmassohohaheziss nāno mxhestoxeaeno zenanossepevaezēs heszhotoz. Ota zevovoevetto zēmetomevo zehestoxevettoz; otā zehestoxevetto henexovame zhoénettoz na zehestoxevetto essaametomohe hovae; hováe essaahosshoeōhe nha zeheševovoeaeno. Ootō zematane. Na nha zehestoxeaeno ženšeaene-aeno na ota homōxz enethosseme zehaōvasz zexehestōs: “zenvostanehevetto nineešeamha zetohetaepeva hovae na hapoevetta haomenhetan éneamhae zehetahavsevaez na hezezea evovoešeme na nimeztoman.”

E.— Na neš natanešheneena zenanossepeva hevamo eoxksaahahohastovhanehene hezezea eoxcevešōénovetanoxtoveneo hovae zenstossemonhoénetto.

Mēst.—Nionissyometom hovae zehetaevōme evhanettoeve na hovae zehetaessaaevōmehan

ehessaenetto. Na heto zehešezhesso na otā hovae hezezea zehesso na nivxotan zevešhāhohāz zeheškaoemazetto na ota mato hovae zens-tosšhoénetto na mavxoze-ōhetanótoz zehešhes-toevostaneheztovazetto na otā heto zevovoénetto zehešenseztaeō zeto hootov na zistanše-ame-onissovatto nonohonō haeš etanōxta zehonao-vénittoz.

Neš natavōmo naovaxstova zeto Mēstomotxeva ehestanomovō heáz Eōstahetaneva na etazethoonaeno oxo zexhōestavež' na nasz enhēeta hōēsta etaoxceohaotovavōvoxz eoxtoxcemameséház máp; oatōs eoxceahassehossohamestohass na eoxchossoham-nšestovōe.

Neš ezhevo Eōstahetan heto etonšetovatto? (Mestomotxevahe). Neš ezhetta heto hōesta ehevezhove zehethozeohetto šivaztastoz zemanemaztaheva; zeto zeoxcoéház máp zeotovavōvoxz ehevezhovenotto Eavo. Na zetaeševōxtom zeoxcešhossohamestohass na zeoxcešhossohamnšēstovō hene mato nstaheneena zehessenhesso: na neš estaehaeozohōn nhasto nāno estavōmohōn hetan énoeoenoheszhetoxq amsc éveottazene na hapo hen eneoxce-emōs-séheaházeno hōestava.

Neš Eōstahetan ezhevō heto etonšetovatto?

Mēstomotxevaheo ezhattā zeahāne Christ zeoxceaeneveštoano hešivaztastov hozeohestoz

zehešeēnanez maztaheva na henahānezé heva nahass onšetonševsz Eavo hemátassoomaevovostaneo zeoxchess-hekonemanhaoz. Na hene zetatohešvōmōss tato zenxestoemaosz hetan zenšeamhōazz, niveševovistomon eoxksaapevevōxtō zehavsevevonhoaōsz zeoxchešetoanez' šivaztastoz mátassoomáva.

Na natahossevōmo Mēstomotxevahe estāsshestanoz heáz na etazethoonaenā zexhetotae-tamanoez' neo moxmanehane zemoona maxemhayo exohaepavatamanoeneo; zistavōxtō Eōstahetan émaxepevetanoozehō. Na estavōmohōn eēvetaxeaménehō nāno héamā émāvehonemakātaevhoneonōn.

Neš ezhevo Eōstahetan nstaēsznemané?

Neš Mēstomotxevahe etazeozhā henitōneheva na etavōmo zemassónxpeoziss hetano zenšhapoēsžnetanoss na mó enšeēátōehevo. Na mato exhoehōn hetan nševóneš henitōneheva hemxistō na hemxistonestoz énohoeno estosseoxceamátovonhōnoz hevéhestovevoz zetaestoēsžnez; na mato estavōmohōn émassonhēōn hosz hetaneo ta enxpeoxtam émahataheszenahōn zehenxpaoss nohass mo enstossenštonšetovovōvo nha zeēsžneziss. Na Eōstahetan es'saaxa-nehenovaztōno. Na maveš zehešemāevha-ovhaoevoss zemehaēsžniss zehešivaenovoss zemomátanxpaoziss, Eōstahetan estavōmohōn



hetano essaaxamamomenovenehōn énoxzotōn né zehemxistōnehezess estazhettohōn: amházz navéhestoz maha. Na zistaešeneševs estavōmohōn zistanitanoz hestxovatov na estahetoxcaenazehō na estamassóaeozetovohōn né zenenxpmaḥataheszehenaomeziss na énešemassómhaezetōehōn. Na oatōs essaanínitameozeheo zehot'senonoenomoss. Na hāsto zistāšheškovaōs na hapo zéneešehāstoezénās zéneonissinxpaōs estanšenoose-sootovazehō nxsetto hotōma na estapavátovohōn hotoma zehoeziss na mato tato zeēvetaxeam'neziss heama enszhattāehōn, niészénsz! Aenevohōohevatamahestoz nstahotáva.

Na estaēszenehō na estavessenethoneonhō hapoe zehethoneonez' na neš Eōstahetan exxamaemenehō na eszheō; zestahesseztom natatóheneena heto zehesētovatto.

Na neš eszheō Eōstahetan, nataasseoxz. Hē ešenethōsz ehettā Mēstomotxevaheo nstahossevōseáz hooxetaxce na neš tamoneasseoxzeō. Na neš estāsshestanomovō heáz na etaēsthonaeno zeaenoneomeoez hen hotoma ehō hetan mahatáva.

Na né hetan zévehōmōss eotaeanovahe ehecōszehe hōēva ezetonō, ekōmenaeva, na eoxce maxeomotom tass etossetoeoxeozez heszhestā. Neš ezhevo Eōstahetan heto etonšetovatto?

Taēsztovehå hetan ehettå Mēstomotxevaheo. Neš Eōstahetan etazhettó hetano: niēvetonhes ta? hetan ezhevo: nanhesta zsaamehahestahetto.

E.—Nímehaetonhesta?

Ezhevo hetan: nanstamehapevahe, nameha-oetamahẽ na momåtahestova tama zenxhesse-tamazetto na mato zeneoxcmåhessetamanetto: naneoxcemehanešetan natapavhoxtamesta heama zexhestanov na naneoxcemehavešenešé-voešetan zetåšhoeoxzetto.

E.—Na tå niēvetonhesta hezezea?

Hetan. — Na naxaevhanšeninitam hezezea. Na tass nanešenxpoeoz zeto mahatåva, nassaatonšeevhahoaxé, otå tó hezezea nassaatonšhoaxé!

E.—Na tå nitonšeēvezhesta?

H.—Nassaaveevhaēveōhaetano, naxaenšēvenizeovaz, naneatoesz zevonitto hótahéo na hepevhastoz Maheo naneoemetano mátaassooma na etaešhovanē; nanxhessenoxséó Eavo na naešhōota; naešhokotaovetano Maheo na naešenōota; na tass nahetosshekonano nazhestå nassaavevhatonšeanovetanó nathavs.

Neš Eōstahetan ezhetto Mēstomotxevaheo, na tå t'sa emessaahesshanezé zeto hetan hesthozeovōsetanoxtoz? Nóztovehå ehettå Mēstomotxevaheo.

Neš etazhetto Eōstahetan nissaahesthozeo-  
vōsetanoxtové, na mó zeo nszenšhoane maha-  
táva nínitamestova?

Hetan.—Hōvahan, exatšemāhovahan.

E.—Haxc! Zehēhyahetōsz Vovónhesseztahē  
eotašivaztaeoneve.

H.—Nahossevoveš-monhotxasehóno nitova,  
napeoxtomovo hevōxz, napeoxtomovo hexano-  
vėpavhastoz nahossotaztomovo, nassaamaheo-  
naztomovo heszhemaeme, nassaamomenoveto-  
vohe šivaztahe mátassoom, na otā nanešenxpo-  
anaz nanōxtana nitao vistomevazistoz na ota  
hováe nassaaevaenomotane mamáta hezevama-  
zistoz, zeoha hezevamazistoz, zehépatamano  
hezevamazistoz zetossethoemaonetto zehōes-  
tave nsetamazistoz zemhāetaetto.

E.—Henā na tā zehessehōoztomotázetto  
ēvezhestátóz?

H.—Heovaszheš hetossázistoz pavóom he-  
tosshépeamhastoz heto histanov veševoešetano-  
hazistoz nahetossevistomevaz mahahetotaetto;  
nistnovatōsz heto nāhanomaenoz naneevėpc-  
omaenoz tass zeonėxaovaz mescsess.

E.—Haxc! na mohonovešeanovetanotto nst-  
havs, mohonoevhaetto?

H.—Maheo nahōstomō evhavešeanovetanox-  
zeva nathavs. Na heēszestoz nassaametaz  
hestahaovazistoz onissyomátatová. Haxc! otā

nitooxz zeo nanxpoan mahatáva. Na heva nitao hetaneo histanova namessaaevhaeš-hōstanaheho. A<sup>c</sup>hō aenitto, aenittōeva, nametatonšetōena ôzetanonavoomo zetosshōoxtom aenetto.

Měst.—Otā zeto hetan heôzetanonavoomenestoz tōetanotomovō na tōeaene-nēhovene zonoaetoetto ehetto Eōstahetaneva Městomotxeva.

E.—Ahā yā! heto ehépatamano ehevo Eōstahetan Maheo vistámsz zénāhetanotto na zémesēetanotto na zeoxchaôñatto nazeoháeomovo zeto hetan zevessôzetanonavoomenēs Hoxtā, essaanexovan zetossešhosseasseoxzetto?

Měst.—Ešenithōsz, ñstaešhossevōseáz hooxenasz hováe na neš tamoneasseoxzeō.

Na neš ehestanomovo Eōstahetaneva heáz na etaēsthooaeno oxs nāno nasz enšenahesse-tóevonén šešistova; na zeheēšensanś enonomax na enonomē. Neš ezhevo Eōstahetan henaez zeto hetan zehessešnonomēs? Neš etanhetta Městomotxevaheo, mēstomeveha Eōstahetan zeēvhesszeš - ševovoss. Ethasseaszethótahan, heto tāeva zēnaōzetto naōvax: otā vóe emassómoxtaveoxz na mato nonoma ēvemassonistōe na émassó-vovoohasséa (emassoevoezē) eossēhépatamano, namaxeešeēvoam. Na nataheatōo zenšenaovaxenatto, natavōxta vóe eneoxsēenševhōsta na natanista émaxenistōetto tápen,

na natavōmo hetan etahō vovea, na zenhētōs emaxevonenōeo heama; nistxevoss emāhostaveo; na mato nitao voe émāmomaohass.

Na neš natanistovo emaxetápehehā ezhevo: ohā zenāess zezén zistossehoemaoness. Na zeheshnhōess ohonaeo eneōxae, na átohohestotoz émassetataeozensz na zenāess zémehaátohōess énmehōéneo na hosz emaxeossēpevetano na eteamōohō (etaheatōohē) na hosz evenoxzeōetanov heátōeozistovō ohonāeva. Na natavōmo hetan né zetahōsz vóeva etataena mxistō na nihahanén ehesta hestanov. Na tass evešetohaoenov zeēvemomaohassez' zehetaēs na zēnhēevoss sitov na natanonistomon ezhestōehō nha zenhēs taxtaetto zexhoez' né hetano zetahoeziss vóeva: nímohēanom nitavósz na hestōmosz na hessozevosz na séaház zexeo hass nēhan.

Na zistaeshēs hato zsaamxaonehevhan vox etataeoz vezeo zistaenhēetto nhéno heovasz enxhōhesso zevenotta na hoos enxhesthōezhess hōestava, enxhōepepeevon. Na énozhestoehō né vostaneo nímohēanom nahen'noyonom eséozesz zexhemhayonetto. Na zeešenonov natavōmo etamassótaeasseōhetōo vóeva; nanoc-šeshnōotan, na mato navessenoxzea naátōeozistoz na nassaatonšeátōeozé; né hetan zetahōsz vóeva naázessovehōmā; nitao nathavs na-

tanomassómeetanoozeta; na naōhetanoxtoz totahoesta nahessemeemā. Zeš nātšešeoz zémehanaōzetto.

E.—Na henā zetaevēš-ohāetoxtátto heto zevōxtom?

H.—Hea enešhoénetto eš zistosshoemaonez na nassaaxaešenonotohanomoxtô; heto nananossoha-evešhépôoz zeto hozeon zeheszemēness zistamassóhestanomevoss hāsto na zehešenocnōtanahevoss; na mato vox Eavôno zehešetaetataeoz vezéo zénhēetto. Naōhetanoxtoz zehešemeztomaetto na zetahešetanotto hoemaosané mesēto zeheševēhōmaš nseztástoz zehešenešeoxxs.

Neš ezhetto Mēstomotxeva Eōstahetaneva niešemápaveōhaztanoz nitao heto?

E.—Hēhe na nanšehozeovōsetanohaenoz na nanšéhépoetanohaenoz.

M.—Tóe nešetōenoz nitšetanoxzeva nitao heto na nszeamaōenoz heto zehéoxzetto nszeoxce-aneceaoenoz maeto zexhešetanotonetto. Neš Eōstahetan eakozētazehō na estâsse-asse-toxovistava. Na eszhettaehōn Mēstomotxevaheo, Vovoešemstomane nszeanevesseva zepavhátto Eōstahetan, nszeneevaozaha zetāšhoexzistovez' hato zexhistanov.

Na estâssane-asseoxzeho Eōstahetan eszheō; hezeto naēvevōxta hovae zepeva na zevešhooe-

nosázistov hovae, zehetotan zeohātamano, hovāe zevešhekonemanhanetto heto zeheše-ashes-tanenetto: na nazenešetōetanotanoz na nazhe-noonanoz zevōshaneltonoz zehess na hahō navēšaxaetanonoz, hē zepevhātto Mēstomotxevahe.

Na nataneševōxta naōvaxstovā heto zetatos-seoxz Eōstahetan meon haztov eceamstoone hen haztov zeametomōstoone vostanevázistoz eheševehetto; etahāneze zehaonaoxsz Eōstahetan zetāšemeohes na tass essaatonšepaveameoxzē heto zehešehaonaoxs.

Na etanšeamemeohe nxsetto etaeoxzeta tass hovén etaaséóomaoez na hōhyoss nāno enhē zehotxatto, na hovén pono nheno anhōtto átohestoz. Na nataneševōmo naōvaxstovā tass Eōstahetan zetaēshoeoxto nheno zehotxattoz heto zenhoxtō eonehaeozez hestatamōn na hepāon tass eanhaoz na etonšeahoeoxzettoz nxsetto tāto heszheneva átohōhestovā etataēseanhao na nassaaevhazeševōxtō.

Na neš Eōstahetan etamaxepevetan na evēpanane na ezhevo heszhetotahestahátovā: navēšemeta ossotom heanovetanoxzeva na ametanenistoz henāestovā. Na neš exaenšeninovhekozehō ezetōo na eotōesetan; tass eséovae-hā heto zistoevoxtō zehotxattoz zeheševešeahaoz zenhoxtō. Etazetōo otā na otā etaoxcev-

hahossezezetōo tae ohamēs̄sz zehotazēs̄sz heme-  
kon zistaanhōmeaz' máp hevotanoz. Na zen-  
šenanhēs̄ na zisetōehōs zeaxaem's otā nahe ze-  
ohassevenōheziss ehōotā na ezhettā: hekoto-  
matto nsthōotaeno. Nasz énvovoezhettā, nst-  
havs nihassetanomom. Na zenixaoneziss evo-  
vokanā, enitanozenotto hepēsanistotō na emo-  
neonenā zenitaez honeō: na zenahaoneziss en-  
mxehō heoxta na emetā eonimotaemaenez' epā-  
aneonevez, taoxcevehōxtomeo zetaešeoxzetto  
ehettā, na tameaó matahoeoxzetto zhešhenitō-  
neheve histanoṽ. Na etaevhaassehō. Neš  
Eōstahetan etomeēvekaax naha zévoešetanoss  
na etāsseasseoxz.

Na neš natavōmo naōvaxstovā etanšeameoxz  
na etahoeoxz anhōtto nāno etavōmo hovén no-  
héméon nahe hetaneo enšenanaōzeo heszheko-  
nevo etōheo. Nasz ezheševe Momoxá na nasz  
Noavōxz na mato zenahaonsz Menoné.

Eōstahetan zévōmoss zeēveešenaz' etanoxzotó  
natanonaxsehaohō na natazhettō, tass nitō-  
nešenomheme nha zexenaōziss hekamōnōon se-  
moneva, zenāetto nēhan átono esēha na zeēs-  
tōmoeha zsaamxaoonevhan: šešeoz nohetto na  
niasseoche na mato amátaoz nstavistámazeme  
matanitanomass nitōhestovevoz. Na mato  
emēstomevó nha zeoxcetaxtaeoxz tass nanosé-  
ham mávehōotaess nszet'setómhaetāevo. Na



neš evehōma na etahaneze zehettāess; Momoxa ezhévo: nassaavōxtō zevešehētanoxtov; Noavōxz ezhévo: nstaešhooxnāozhema taxce; na Menoné ezhevo: nitao hetō eoxcetaomevešeto mōxtota zexoomaota. Neš eevhanšhosseovšeo ēvhâssenaozeo na Eōstahetan etanšeasseoxz.

Na etxavešeôzetan zistatoxetanoto zeto hetaneo zehešhestatamaevoss tass vovôz zehešsahasestzôz hesthotoastoz na mato zeoxešvistomevoss hevistâm'senistoz mato zehesséhanoss na zeēsztovoss na zévistâmatanotovoss zistossešexanoz' hetōhestovevoz. Na zenšenaēvevešeôzetanoss etavōmo niš hetano enxhotoenosevon'netovató zeametomsthoozez henamosesto hesto zescezeozez meo na énšnonohono-hoxtama. Nasz ezheševe Tahocemomâtaheō na eszheševeheō ne mato nasz Vhanenhessemane. Maveš estaéotaehō na estazhešesseēsztovazehōn:

E.—Maha t'sa nineēveoxzheme na t'sa nihoozheme?

Tahoc.—na Vhane. — Nahestaozheme hoeva Hōvemenoxcetanoxtovâ na nazeoxzheme Hessemē - menaemhâstoz nazevovónešenonheme tâto.

E.—Na hena zsaahessēsznehess zexhenitōneheve zenxhesseasseoz heto meo? Mohonoheenenomass zehešenitxeoe nha zensaavehesse-

ēsznēs z henitōneheva, oxs zēvehesseévonénsz, enomázeoneve na ešēnovaheoneve?

Tahoc.—na Vhane.—Na ezhevōn: tato tave-zioxzistovā henitōneheva etātahās eoxchestanov hetaneo na zeheškass etahāné hóome zexhesseévon'nistov heto zehešnosevon'nez.

E.—Na tass mohonoxaenitōestomass zehešetotaxotoss Zenithaesz zexhistanovez' zexhooxzez tass zehešeatoestovoz hesthoema.

Tahoc.—na Vhane.—Na ezhetta nivéeōehevešhesseôzetanoxzeve enahan zet'seamhešvostanehevstov nametameenanon hótahanistoz emetamēsta zehešetóeamezhess hako vonoom.

E.—Na ezhévo Eōstahetan, heto nitšezistova emetohekonenhēetto hoemanistovā?

T. na V.—Na ezhattā: heto zehešezistov zetaešheševonoomē nomoss zenšēšamezhessó mona emessanšēseozehan hoemanistovā zsaavovoxbonasz hoemaossene hoemazz: na mato ezhevōn naešeam'neheanon meo hena zemeveševovoxbonvehešenehomaz naešeneheanon? Na ota hapo niheamenehea mo ninxhessēszené henitōneheva na hapo navesseameneheanon hóome zioxnixeš-hessenosevon'nez. Na tā na nizhestátosz etonšhépepeva zehexovaez?

E. — Navešeaménevo hetāevavistomossanistoz nanithāam nivešeaménenovo zetaomevhaneēvetoxtoezess zehešepevazeonass. Niešenohōe-

maevo nomázeonevstova Zenitháto heto meo: na zetoēvhessetamaziss nszaanešemeoneheme xanovhetanistov zistaēneoz heto meo. Nins-taōmeēsznheme zsaahēšeneševistomohess na nstaevhataomhoéheme nszaanoénevohenov hešivaztastoz.

Na heto essaavešmahanōstovahehō óha ta-omevehōmazz ehettā. Neš natavōmo soss eta-omeoxzeo essaaevhaēsztovazeheo, ota zeto ní-niševoss hetaneo ezhetto Eōstahetaneva tass heto zehess hoemanistoz na heovazhešezistoz nassaanezistanoheme hapo nameoxce-etoneš-onissyomoētāme ha zeoxchešez'. Na neš ex-hessezhettovhōn: t'sa heva nissaatonšenitāva zehestaz óha nínoka evhanenitavaene nieszhe zehoneovóz, tass zehešetanoz mo nimetanenoz nivōhestotō zexhoōmaoe nitanehestoz.

E.—Heto hoemanistovā na heovaz hetoētas-tov nszaaveševostanevenov zenxešsaahesseēsz-nehess henitōneheva. Na ota zeto naeszé zehoneovo nametaenotto Zenithaesz tato zexhistanov zexhooxzetto; na tass zehešhess mato zexhoōmao natanehestoz. Na nanešhestano zé-neševōshas hesthotohastoz nassameha-hováe-aenō óha mamáta pēšeonon. Na mato naneševovoešemaz zeheešameoxzetto. Otā nszeneo-nissyomtóheneenova matahoénevo henitōneheva zexhistanovez'; na nazen-nešepavheneenō

zehešehoneovamo heēszehen. Eszehen zemetas hen ešēva zévovokanas napēsanistoz. Na mato tā namxeôn na(h)oxta hea nissaamehavōxtōnov nasz nanithâam zeotaeossēpavevhistaneoness zemxeoehen ešēva navevox zexhesseanhao natatamōn. Na nitahossemeštomevazenov mato nanoemetan zeonimotaemaen zepâaneoneve zeoxcevovoešemaetto mxhōestomōsz zehešeoxzetto; na nanonhettan: tameao matahoénetto henitōneheva zepavstanov tass enahāne zehessō zehešeonissyome zistosshoēsšnetom; heto nitao hovae mohonohohäss na nioxnithohanov zenxešsaahesseēsšnehess henitōneheva.

Heto essaaxaolistomovōnov mamáta evehōmazeo na eohazeo. Neš natavōmo etanšeamexzeo nistxevoss oha Eōstahetan etavovoeoxz essaevhâsseēsze óha eoxcetaomeēsztovaz, totoneš eoxcemaxeomotom na totoneš eoxcevoešemaz na mato eoxcetohoeōesta hen zeonimotaemaenez hen nasz zeohassevenōheziss zemetāes zevešeevossotoman's.

Neš natavōmo etanšemanoeoxzeo ta zistaeoxtomevoss zēnēnomaoeaz hesseom Hotoanatto, anhôtto nheno eohameeve. Nhenomato niš etanoeozensz meonoz heto enita zenxhessxanovoeoz henitōneheva: nasz henamosesto etazhešenohéoz na nasz heszheamaxesto etazhešenohéoz anhôtto nhéno hesseomē; na zezceeo

etataenšeeóóz esseomē na heto zetašeéóz heama esseomē Hotoanatto eheševehetto. Eōstahetan neš etāman ohameeva na eossotomanház na neš etasécoxz esseomē.

Na né mato hozz níniševoss enxhoéneo zeēno-maeaz esseom; na zévōxtomevoss esséom zeheš-ohaenševéomaoez na mato niše meonoz zetāshā-eeozez hea tātó etaevhamamoveozensz nehamoss ehōvhesseztanovoz; etāsenešnehanovoz hen zea-hāeozezēs. Nasz heto meo Hestatamahemeo exeševehettone na hene nasz Assetoēhemeo exeševehettone. Na nenasz estaneheano Hestatamahemeo zeheševehez' estaoeozen zémaxe-matāeve; na ne nasz estanehano Assetoēhemeo zeheševehez', estaoeozene zémahaetoxtoešeeve zeaenonitta vóssoz na náno zisthohozeš zista-aváoss es'saaevhaohā.

Na neš natanoxzevōmo Eōstahetan zetāše-éoxz esseomē nahessetamo na zetahetōmo eta-ava zistaveeamemeōs na zistaešeaméns na etās-seamevonén heázeneva na henstaneva zehešeotahátomséoomaoez. Na sitov zistaešhoééoz meo esseomē eotahetotahoveooešeeve zemā-nisz Zenithaesz nheno hesseomē zeoxcossotomoez zekaneozeziss oxovistav.

Nheno hapo etázén Eōstahetan na eamstho zexossotomōs: neš etanitano zeoxboemanez zehoz' heszeešeon na e(h)ōestā epevamoxtastov

na mato etâssevoveš-ēvehōmōn heszehen' zeme-  
ziss zenxhōoxto zehotxattoz. Zehešeēnspave-  
tanoház ninovetto etanomonoeoz na neš et'se-  
hoevenom na etanšetass-hestomahe hen tae zis-  
tosseastāevež' na zenšenavenom's eoháena zeox-  
boemanez zemehaetōenō heázeneva. Na zēme-  
haenšenavenom's nasz ehōotā na eséhanā ez-  
hettā: tanoxzoxehā hazesc noavōxz ōhaztomo-  
vehā zeēvešhesso na otoxovheneenovāsz. Na  
neš Eōstahetan hootovā etonšeohāetan na etâs-  
sassneheoxzeta liemeo na ota etanšenseveoxz  
noxsetto taoééoxz hōhyoss esseomē.

Na zistaešhoeoxz nāno hōhyoss esseomē  
otā eneamemeohó niš vostano zenxetōeōess:  
nasz Hépās eheševe na nenasz Oxaamesēhaz-  
tāsz na etazhettō Eōstahetan: hoxtāō henovaet-  
to nixamaevhazethohame tāeoxs? Hépās ensz-  
hevō: namehāezeoxzheme zexhistanov Menaem-  
hāstoz na nataešeeoxzheme hato zexhotoanatto;  
na nonohono haeš zistanšhooxzez nonohonó  
maha hestatamahestoz nahōoxtanon na neš  
naxanšeevhaoxzheme.

Hē ehevo Oxaamesēhaztāsz zeo a maeto  
ešeešena enišeeon nanoséham zenxpeoxtame  
eonaōzevoss na moeototoešenavoss nassaahene-  
enōnon heva tavehahaneōhetovoz namenistše-  
tó-oxētaeneo.

Haxcl ehevo Eōstahetan ninxahépōoesheše-

me t'sa tā namevovoonetoneovamæss? Heva otaevhazeovattó tama zexhestoez' hane eševove-tanomō zistossevonâta na eovohona na namet-sevistoomene nhâ; na tā onissitonšhoešenatto heama hestanov na namet'seonissyovostaneve nhâ taveevhaozetto tass nametahovanē na tanšemaetozeoxzetto evhanhépatame nāestoz na ametanenistoz aenetto ta nhasto etāssō na natanšezeoxz maeto.

Na neš Oksaamesēhaztāsz na Hépās etaa-nhōassetaxeo esseomē na Eōstahetan hapo etaasseoxz. Na zistāstoxetanoto zehettāes ne hetano etanoxzena heszheešeon zeoxboemaenez zistossōesto nonxpa zistossevovoešemās; hotáz essaameenō na neš Eōstahetan emaxohāetanooz essaaxaheneeno emehēševs zemehaešenoxzeno zeoxcemehaēshépotohestahaōs na zetatosseme-havešeēszenš zexhistanovez'. Na zeto tā ētae-asseōzetanōsz na essaaheneeno zemeheševs. Na maveš etameetanota zenxešenaōz zexhoveo-oez' ha nehamoss hen esseomē; na neš etamst-hoeoz henstaneva na etavēstomevo Maheon evhahoxeanažistoz zehēšeononistoētas, na neš etaevhaenoxzevōxta zeonimotaoemaenez'. Na zetaevhaešeoxyz nivasz tā emepavtāhoemetano-movoz heanovetanoxtoz Eōstahetaneva hēsztahēva? Totoneš eoxcemaxeomotom, totoneš eoxceaxaem na mesēto et'seamemoxzenamaz.

zehešeononistās zenohéšenaoz' nhéno zémehav-  
hanehoveōstonauez' zeoxcevhantaxceossotomo-  
eozevoss hekaneozistōvā. Na etaevhanešēēva-  
meoxz aninōs etaomezētōo haztov meono ze-  
taevhaešēoxz tanonaxméo zeonimotaoēmaen  
zexešetanoss zeoxcevovoešemaōs hāsto zeamo-  
xovistavass. Na etanšeameoxz ta etavōxta zex-  
hoveoōs na zénaoz'; na zistavōxta hesthoveo-  
hōstoz etāssohamvešeanovetan zistameetanoto  
hesthavs zenohéšenaōzeoz' hetšetanoxzeva.

Na etaevhanešēameoxz etanševešeamoeome-  
tanonaoxz hesthavsevhasoz zéveenaoz'; háhō  
zehetoometto zenohéšenaozetto ešēva; zenohé-  
šenaozetto zestšenahotoanatto.

Na neš zeš ēvhahoeoxz zexhoveooz nāno ni-  
nove etonšhoeoz' na eaxaem; na maveš zeēve-  
zetōoss zeanovetanoss átono hoestova nhā eta-  
vōxta zeonimotaoēmaenez heszeoxz na enšeno-  
nomē na enotovesévaeno etaēstaház heszhe-  
ešeon. Na tā nivāsz emepavtamēsta zehexo-  
vevoešetanoss zeto hetan zehešeevhahestano  
zeonimotaoēmaenez hemxistō? Heto zeonimo-  
taoēmaenez enahān zezevešvistomōes heameta-  
nenistoz na zhestanenez zistahohaz na etaēsta-  
ma heszheēšēon, aho etāthoenatovo Maheonō  
zehešeneevaozez heex zetaevhaassemeo zeēvaz  
na eomomevoešetan etāsseassetoxovistava. Na  
ota momoxeman etatoešēéoxz esseomē na zis-



taešsaahoénēs hōhyoss éšehētataén na etâsse-  
meetanoozeta zeveešenaos na etâsseenšvešmo-  
moxzenafan: havsevenaōzistoz etove zetossheše-  
vešhētaemetto naamoxovistavátovâ! nataťse-  
ešeamén zsaahēše-ešeehamehetto zeaenonitto  
zeátoha naaménistoz na natanistovō eovasz ze-  
hesshestass hēpôaheheo hován! Na mato etâs-  
seemeeatnota zehetótahaoes Oxaamessēhazta-  
heziss na Hēpasoneva zehešhetoxtayozevoss zé-  
vōmovoss nanosseham. Na Eōstahetan ezhet-  
táz: zeto hován eoxcetāeveevozetaeoxzeo na  
mánvemeōevoz nametatonševoneōsesto? name-  
tavōnetonšhomstovosesto nataťseoxēta? Na  
etanšeameneha hemeo. Na zistaenšena-ame-  
oametanonaoxz' zehešxaēvehestomās zistaze-  
tōos ota etavōxta zetaeonoatamanoez maxem-  
hayo maeto Zemoonatamano zeheševehetto,  
etaenxpota ae meon zexhenitōneheve.

Na natavōmo naovaxstova etatamaeto-ešen-  
ševeoxz, natanonaxoxtāen zexhešetanoss. Na  
haeš zistaēssaahooēs etaeoxta etaotazcesópoz zeš  
hea oxe tāoeoneva etazēsoz zehešhotaz heve-  
noz Henito-oxneevavōxto; na zistatšesópōs eta-  
vōmo niš nanosseham nxpemeon. Etšezenea  
hestatamahestoz zetaēvemaveševhavōsemevoss  
Oxssaamessēhaztasz na Hēpās. Zeto nanosse-  
ham etōheo mahátáva essaakanomevoxtomovō-  
noz hetōhestovevoz. Neš exahetoxtaeoz na

hapo enšēševhaovhaetan, tass hovae óha nāestoz etóevōxta maeto. Na né Henito-oxneevavōxto hevenov Oxohomeevōmaz zēheševēsž etavōmo Eōstahetaneva zenxešenhēozež na tass zistossevhaovhaoez etamaxehaheztovo etazhetto: nszhekonstahátōž moahanaxceohane? Nivéēo nanosseham mahátava etōheo, na neno evhanehessetōheo zévešeonissiztastovevoss maonissyometanoxzeva na zeoxcevešheneenoevoss zsaahoešenahess: tāe sitov niaménsz na onšeožistoz nszaahōotāhe.

Na natavehōmo zēhešenonomēes zistaaméns zeēoxs nanosseham; na zépeveahátovoss zenxeševistomōs Henito-oxneevavōxtožiss enšenistovó zénáez na essaatonšonxōehāhe. Na neš epopoežhessož na etanšeameoxž etanhē heni-tōneheva zénhēž Henitooxneevavōxtožiss. Neš ezhetto Eōstahetan né Henito-oxneevavōxtožiss: mahā heto hovaeve mhayo? Na namessaoxtāené hežeto heto tāeva? Na ezhattā, heto mhayo emanisz Zenithaesž esseomē na ehessemanisz zeoxcetosse-ossotomeozež zeoxcetossšōmoetanoz zeamoxovistavaziss. Na mato én'nožtōe, t'sa ninšeožž na t'sa nihoožž?

E.—Nanxeoxž zexhistanov Assetoēstxe na nazeoxž Esseomēmenaemhāstoz: na zetaešes-taéns ešiehē zo nataoxtāenetan hezezeva tāeva.

Henito-oxneevavōxto. Nitonševé?

E.—Nā Eōstahetan naheševe no Oksaanonēs námehaheševe vovoenometto.

H.—Na nitonšeēveameoxz hōtsta, ešie etaešetaén.

E.—Na namszešhoeoxz mótotto zevehessenov-oomenetto nán'naoz zexhoveoo nhasto nixhestohamoss; hē tozea namhoén hato táto zénvenaozetto zenšenavenometto nanvoneōsz zevēšhossemanetto na mo nanxaenšnōoxtô tā zēneešetóhoénnetto hōhyoss esseomē nánmehanoxzena na nassaameenô na natxaešeevhaoxzeta nataahanomstahâ nâ zēnaōzetto nataevhaméa na neš natšhesshoén.

H.—Nohetto nataonōmo nasz zeheehēvesshezeto, mápevazesto niēszestoz nstaēseozéha hosz zexhoevoss hevostanem zetóheštāevavhoe ma heto mhayo. Neš Oxohomeevōmaz zexhenitooneevavōxto etazetaház axxevâ. Zistanistonevonez enxhesthōén zexhenitōnehevez mhayo emomátahe na emoonatamahe kassehē Ōhaztahe eheševe, t'sa niēvhooxz chettâ.

Henito-oxneevavōxto etazhevo: zeto hetan enxhestoxovistavas zexhistanovez Assetoēstxe na ezeoxzesz Esseomēmenaemhâstoz. Na zehešekaneoz' na zehešenohētaem's zo namessaoxtāené nahettâ, na taxa nataonōmo nihettazevona maeseēveēsztovōz nszeneševe zehešepe-

vaztom zetoeseēnane hoemanistoz heto mhayon.

Neš énóztovo tass zenxeoxzez na t'sa zexho-oxzez na emēstomōe. Na en'nonóztovo zenxeše-asseneoz na emēstomevo: na neš enóztová hovae zeneemaevōxto na zeneemahoeoxto zenxeešeoxz na emēstomevo. Na neš maveš énóztomevo zeheševehez. Na ezhettā, Eōstahetan naheševe na natahesshaeoxtaenetan heto tāeva zeto zistāncenom heto zehešemanisz' Zenithaesz esseomē zetosseoxceossotomoez na zistossehōmoetanoss zeamoxovistavaziss. Neš ehecohazeneo na enšemomápeō; na zehešensēninovhekozeōs ezhevo nataonōmō niš na mato heva hosz zehestxiz. Na etazhešeassctax heni-tōneheva na etaonōmo Toxetano zeheševeheziss na Momātahe nā Mehoxtahe, na zeheštaxceevhosseēsztōs estaēseozhā na hasto zēnmātōeōess hesseox mhayon eneoxcezhettā, niēszénsz zevovónhessetamata Zenithaesz; heto mhayo etxseheseemanisz Zenithaesz esseomē zistosseoxcemasseztōhevoss oxovistavā.

Na neš etaōszeheō na etaēshoeovō hotoma mhayon. Na zistaešeēsžéns zistamstōs, henaez' ehemanonov na enšemanohotoemazeo zehešsaamessestovanehez hosz hovae zistosstotoxstomovoss Eōstahetaneva. Na enhettovo Momātaheziss, Toxetanoheo nā Mehoxtaheziss

zistosseēsztovoz na etahanezé zehevoss.

Momâtahe. Nohetto zepēvhâtto Eōstahe-  
tan tass zeēvehešemehotazemenotto zehešeonō-  
mazemenotto zeto hotóma namhayonan heto  
tāeva, nohetto nstaonaxevešepevanazenon ma-  
tatotoxstomevazemenotto nitao hováe zeneēve-  
mahess etov zenxeoxovistavátto.

E.—Na natapevazesta na natapevetan zehe-  
šepevetanotovess.

M.—Hena zevešhesszheše-amoxovistavátto?

E.—Na nanxhoetxeō tâ tama nathoeva, etao-  
hāevon natovooz heto zehešsaatossnohéozehan  
assetoēstoz venšhoetto hanhânō.

M.—Na taxa etonšenhesso zeo zenxeštaeze-  
toxovistavátto hezeto?

E.—Na móensehané zehessetamas Maheo;  
otâ zistanšenaētom assetoēstoz nassaaxahene-  
eno t'sa emehetōsemetto; ota nâ hetan nahō-  
otâ zenšenanonomēevo na zeaxaemevo Maheo-  
neēszhetan zeheševész na nanvistomōe zevox-  
koanez henitō namsaanonaxemeo, na nonxpa  
namstazešeasseoxz zeto mhayon.

M.—Na nissaahoeoxzevó hemhayon Mēsto-  
motxeva?

E.—Nanxhoeoxzevo na nanxmaevōxta hováe  
nâ zeoxksaazešvonetanotohetto zetatóehešeta-  
nenetto, tass nanosetto nahe hováe; zeto Christ  
tass zsaaēšhozoes Eavôva zistohāetanotto šivaz-

tastoz maztaheva, na hetan zehešeatoētaeonevs zehešsaahesthozeovōsetanoxtovēs Maheonō hešivaztastova, na mato zenoōvax zeenhistanovez hea eneešhoénnetto zehešhōvešetanoss.

M.—Nissaa-ahátovohe zexosesto heovaxhestoz?

E.—Hēhe eohāosesta zehešetanom na nazhesta examahohoeoxz zenšenavosesto na tass natavešhotomeepevetan zehešenistomonetomovo.

M.—Het'se zehetaevōxtom hemhayon Mēstomotxevahe?

E.—Hovahan natazeoxzéha na natavōshā eohāepevatamanoez maxemhayo na vostaneo zehešemāvehonemakātaevhoneonevōss néo zehoess; na zehešhoéns zsaazevasz hetan na zetāš-ēs-sxsópeš zémehanxpaoz hetano zenxpeoeziss henitōneheva zenxpaōs; na neš zenxešeonōmoss na zistossehotavoss aenevohōhevatamahestoz. Na hen hovae zetahesseztom nazhestā etatovešmenōeoz. Na namenšeaenehoev né pavhetan hemhayo noceya na naheneena haēs zetosóhešešhooxzetto.

M.—Na hena mato zenita ževōxtom zeneameoxzetto?

E.—Zenešhosshépeoxzetto vóneš nanxvōmo tass zehessetame natšetanoxzeva ehoes emomeaevenō hoxzezeva na zistoevōmo zemehaen-

hoxtom napaon etanhoeoetto; namehahaovameo zexohānan na ota etanešanhōoetto; tass naotaotōestazista tass hovae nassaazešeneševōxta nistā; na zēnšēnanhēetto nataeatōo natavōmo nha zeohassevenōhess nahōota. Nasz ezhevo nsthavs niešeevhavovetanomon, na nasz navovokana ehassetano napēsanistoto na nametaenotto zeto zetoxenoheziss; zeto zevōmamoss no zenahavonsz naneevavxeō zevōxtom heto naoxta na nameta heto zeonimotaoemaenez zepāaneonevez, na zistanēs énnitaoz mxisto heszheešeon.

M.—Hovahe mohonohépevōxtom?

E.—Heto zehešemēstomevazettossoz enšencepeva na hosz mato zenita naoxcevōxta ota etahane navōmo nahe hetaneo Momoxá, Noavōxz na Menone enaōzeo hovén nohémeon zēneameoxzevo etōheo mahatáva heszhekonevo; naeššéhano nihessetamé? Navōmo mato Tahocemomátahe nā Vhanenhessemane, ohóm enxhessenosevonéneo zeamstoonez meon, evesshooxzeo tass zeēvetōmanevoss táto Menaemhāstoz; na eneotanehevoneozeo tass zeoxhettōnō zeo nitooxz nitova na navenezistōe. Na tass nananosshotoanavazesta zenxešeénistov heto esseomē na mato enešhotoanatto zēneaménistove gaks heszeneva nanosseham; na ota massaanēhovehō zeto pavhetan Henito-oxneevavōxtō zenhēs z henitōneheva nassaaheneeno

namstanonaxeevhaoovha, na hahō natahetto Maheo zeo zhešešhoeoxzetto na hahō nihettazeme zehešepavmasseztovess.

Neš Toxetano moepevaztō zistossossenóztovo txkomoha na taxa zenxešenoōstās.

T.—Nioxksaatoxetanotō hootovā hato hoeva zenxeoxzetto?

E.—Naoxceota-tanehezista no naoxcense-nsezista. Na hooxceohāetoxetanotom hato hoe zenxeoxzetto nametaešetozeaevhaoxze na hez nat'sehoha zehépepeva hóe heamā zehesso.

T.—Na nissaa-asseoxzeszenoz hosz hovaeoz zeoxcēvemehamahestátto?

E.—Hēhe naoxtoxksaanethoha nanosette zeto natšetanoxtova zeoxcethohastov nitao hetaneo na hapo nitooxz zeonitovā zeoxcepevaztomaz na hezezea nitao heto enahan naoyomhas-toz; na heva momoxetaomnanoxzevōmenetto namehestan matšetan zeoxksaaevhaveštota-notōhan, han na heva hoeenšena-neševette hato zenanossepeva zetoeossesenova naoxcevesse-va.

T.—Na nioxksaanešmeô totoneš tass heto eoxceeševonenônsz, totoneš zeoxchesthotoana-ozistovettossôz?

E.—Hēhe óha momáoveš; na tass zeoxchesseztom tass eoxcetovehonemakâtaevexov mxhō-otaettōsz.



T.—Nioxcetōetanota heto niēveōzetanoozistoz hootov tass emevešvonenohé?

E.—Hēhe mātotoxetanotomonoz zēnveoxtom zexhotxatto hene eoxceneševetto, na oxtavehōmosz natoxenoheveeszé hen eoxceneševetto na oxtavehōxtomonoz zeonimotaoemaen heto zehozetto nazhešeeon hen eoxceneševetto na matō natšetan oxtanešensševosz hatō zexhoozsetto hene eoxceneševetto.

T.—Na hena heto zevešhesshāhoozsetanotto Esseomēmenaemhāstoz?

E.—Haxc! nāno zehethozeovōsetanotto nazevōmo zeametānen nā zexhoess zexhotxattoz na nā etahāné zeheshozeovōsetanotto nitao nazehassetānomon heto noxsetto heto ešēvā t'sahetaevotaōehetto: hānā nāestoz ehovahan eoxchevōn na hanā nazevhistanovemō zehetaepevatāmon. Na maonissyometomzeszhettaz nahessemehoto tass zeheshesseassetānez navevox hevetovā na naotakaneozeta hotōma nahamoxtastoz na nā nanešetan t'sa zetossāevāssenaetto na zistossevhistanovemon mesēto zeoxcezhesso Hoxeemomātahe! Hoxeemomātahe! Hoxeemomātahe Maheo!

Neš ezhetto Mehoxtahe Eōstahetāneva nihevostānemé niešheszheemé?

E.—Naheszheem na eniveo etocaheo nanisoneo.

Mehoxtahe.—Na hena zensaaheessveoxzemo-  
hetoss?

Neš Eōstahetan eaxaem na ezhevo: name-  
t'semaxohaneheneševe na tass nistxevoss essa-  
axahokvovozhesseztōnov zeneassetoxovistava-  
vo.

Meh.—Na aēsztovossoz na aonissmēstome-  
vossōz zehesso hestatamahestoz zesetohevoss.

E.—Na naoxczhešneševe na nanhetto mato  
Maheo zeheševōshas zetosseševonenoxz nazhes-  
tanonan na tass nha zeoxceēvenassoemetās ze-  
oxcetohoxtoaness nanhessetama na nassaaoniss-  
yomátōheo.

Meh.—Na nissaahaōnatovohe Maheo eme-  
heševovónešetanotto zehešeēsztovos?

E.—Hēhe na návotanešenhetto zehešemeho-  
ton na nimenešetan tato nazheem na stameno-  
heo nanissoneo naotaohāmehotō.

Meh.—Na niešemēstomevonov nianoveta-  
noxtoz na zehešeētom assetoēstoz? Na zetāše-  
tanotto hatovonenotazistoz hea taxa ētanō-  
vezhess etov.

E.—Hēhe hotxsetto, hotxsetto na mato eme-  
vōxtanov nazhēpotanoxtoz naexa na nahaaneva  
na mato zehešenonomēevo t'saavxotanotomo-  
vōvo hoemaovazistoz zehōstaz heamā nameko-  
nan na nitao essaatonšeexaōhenov na nansaa-  
veoxzemaheo.

Meh.—Na zeoxistomotázeo zenxhessaaveázehevo?

E.—Hē zeto nazheem éssaaēnanatanotô heto hiŝtanov, na nanissoneo ehestomaezeo zehésepevetanohazevoss hemonhastová: na ota heto nasz na matôto zenítaz neš naxaensēnōota natšhessenocéamoxovistava.

Meh. — Heto hamahea zehésevostanehevoss heto evešoxboezenov zeoxkanomeešeēszistovatto zévonosseimoss zenstosse-asseoxzevoss?

E.—Hē na namessaatonšpevoxtô navostanehevestoz. Na nanšenešheneeno nitooxz has-to zehésenitxnehetto hovahestová. Na oha nazheve tass monaoxctonitōmôvo zehésevostanehevevo tass zehessaahetohaevoss zenszheéseoxovistavátovez. Na naoxcezhattā niotaeomohā-vovoxbona na tass hováe eoto naoxceōnovomossáz (hevetovevo) tass zsaaonissyomvōmehan havs. Hē na otā namezhéve heto hováe zevōxtomohevoss zevešhestomávoss emehenēhovez zeoháeatanotomovo zeatoēs Maheo na zexhavsevetoevoss navōhestoto.

Mehoxtahe. — Homoxz Oxnitoenahansz exhessensetamo hevassem hetšezistoz zexhavsevaez' na hevassem zépevaez'; na heva nszheem na ninissoneo mxhessehavsevetanotovata heto tass enešemeemazeo zehéssaahotoaztomehevoss

zepevaez. Na tass nissaaveštōenanevohe he-  
vostanehevstovevo.

Na neš natanševōmo naōvaxstovā enšeēsoeo  
tā zeexaenistovez na zehešexanenevoss etam-  
séo. Zetohetahāyometto mómassóhoehané na  
ópāehemenemáp zeotaohāepeva. Na zistotox-  
tomevoss zémessevoss moetotoxemōvo Zenit-  
haeziss esseomē zeoxcehetoētaz na nâ t'sa zé-  
neševéz' na mato zehesetovamanisz hene mha-  
yon; na zehevevoss natanešheneena monstahā-  
hehe na moemeotōvo na moènahōvo zeaeno-  
ziss nāestoz na tass mohonohekoez nataeševēš-  
ohamemehoto.

Na enšēvezhešemanoēsoeo nxsetto haeš tā-  
evā na zehešemeatovazevoss hesthotōmaosse-  
nistova Zenithaeziss Maheono, neš etaasseov-  
šen. Oxovistavaheo (Eōstahetan) ešēšemovo  
zémahaeneotaz vâxseheama hevonhanistoz ze-  
tāštataotaz ešieo zeoxcehessemeénez. Eszheše-  
vehettoneo hen šešemhayo Hekotom, néno éna-  
ōzeo nxsetto zévonaoz na neš estoehō.

Na zēvōnaoz énšemassótoehōn zehešēvehoss-  
manoeēsoevoss exhōnhettaehōn nstaeševōsáze-  
meno zehetaemoona hezeto; na eštavovoeēseoz-  
hāehōn zeoxceonissheneenovastovez na évōs-  
hāenovhōnoz zehovtxeozēs maxenistaomēno,  
na zeheštōetanotom naovaxestoz evōshā zenxe-  
šetoonehestas Zenithaesz esseomē moenxhess-

hēhyahestové hako vonoomē ešiensz zexhessoz nāno moenxhestahe aenetto hotś manhistanov. Na zeo mato movâxsmeemehaneze nitao hetšezistoz na hevehestovevoz mato ohaesto matót-nó zehetaenohanoss hesthozeohestovâ na zehevešeēnanoss t'sa histanov heva tonitossoz ešiensz na matôva zemaveozez hestanov emesaatonšmatxpettan.

Na neš eoestomoenoz zehetaenanotaez hetšezistovevoz hesthozeon na zehešvovonanomevoss vehonstanoz, zehešeneševevoss pavxanovevostanehevestoz, zehešhestanomevoss vistomēvazistotoz, zehešenxpazenanov nanosseham, zeheševovonanomevoss zeoxtonxoz hōesta zehešhomstomevoss zeóáož xovatov, zēmehavovonāvoss zehešhekonemanevoss zetaešenákaevoss zetāšemehotovoss na zetāšeassetxeovovoss notxo zevistavaziss.

Na neš ehosseoestanov zehetxeoez mhayon neno emeemez zemehešohāemasseztōevoz henithāamevo heva nistā oneešēvenše-totonitoē-tastovevoz hevxota. Evōshāenoz nitao eovaesz zehessoz mazeoxz henithāamevo zemanseonaōvozess zeamoxovistavaziss hot' xovatov, hoānon, voxca, eszehen máhaônátov na mocanoz zeoxksaamavaehanehezēs. Nā énistnovattone nitao hovae zemehestoe-honeonaōevoss hetaneo zehešenōevoss hotoxceo hesthaenōhestovevo.

Neš natavōmo naovaxstovā zexhosseešēvez eox-  
t'seoxzetan na ehosshōnhettov tae hosseešēva,  
na neš ezhetto manxpevatamano nstavōsázeme-  
nō Zehetotanosz—Vōssoz tass estāsshonaova-  
nomōenoz nipevomoxstavov na neš ēvhaenš-  
hesshosshō. Na neš zévōnaoz etaeozhā hōhy-  
oss mhayon nomhasto tazetōoxz ehettā. Na  
etanetōo na etavōxta hako vohēs emaxpevata-  
manoe zistoyōomen emoonatamanoo, eoxpae-  
hemenešeeve na zeonitaēs z eovaeszēšemenoz  
na mato zepevzeavóoēs ohamēs na votaeno-  
noz eossēpevatamanoo zévehōme. Na énózt-  
ovo etonševehetto hato hoe? Maheonivessevaen  
ehēševehetto. Na eneštataenomoenov tass ha-  
po heto esseom zeheštataenomoevoss oxovista-  
va. Na nāno matahoeoxzetto nāno nstahesse-  
pevevōxta heama zexhistanov zexhestaettā  
zheševōshata g'sāhetaneo nāno zeēvass. Na  
neš etaasseoxzetan na enšhotoeo na neš ēseona-  
otā hemekon nxsetto heszhekon zetohetaveš-  
homstahestov, zetanonaxhōota meotazistoz ze-  
taešeoxz mohessetamhé. Na zistaeše-ešston's  
etavessevo hevesseno henitōneheva na etanoxz-  
tovo Henitooxneevavōxtoziss éssaameoxzé oxo-  
vistavā zeno? Eameoxz ehettā.

E.—Nissaaheneenovohe ehetto?

H. — Nanóztovo hevehestoz Oxssaanínita-  
mēs naheševē, naxhetta.

E.—Hēhe ehevo Eōstahetan naheneenovo nāno ehesta hapo zévhistanovevo nahahanehevisthozemaōnenoz; enxeoxz nāno zexhestaozevo. Toneš etaešhoeoxz?

H.—Hea hezezea etaešhoén anhôtto esseomē.

Neš etaasseoxz na Ōhaztahe, Momātahe, Mehoxtahē na Toxetanō etaveoxzematanotō noxsetto anhomaoxz. Na etamanoexzeo etāssevoveš-evhatotoxstanov zeheštotoxstomevoss tae zistaassanhōoxzevoss esseomē. Neš ezhevo Eōstahetan zehešhotoanatto zéneéoxzistov, zetaomeševōxtom eohameeatamanoene zeanhōoxzistov. Na etxseenhesso ehevo Toxetanō tass etahotoanattoz hetan zeanhōnooxzez zévettoz tanevoomenestoz tass zehestátto hezezea. Na zaanonaxesoxeoeašena zetaešeanhōoxz zexhessetamazemenotto ninxhesseanhōveoxzamazemeno. Na etanšeanhōoxz aninōs, oxtovatto noka, nixa etasoxeoeaš.

Neš natavōmo naovaxstovå zeto zepevaessveoxzemaōn Eōstahetan zistaeševâxshoeanhôn's emeta kókonoyo na manistoz na nokhov opāehemenoz; na neš etasseoxz.

Na neš heto zévetto tanevoomenestoz stamenō Eōstahetan etaeossēhotoanavooma haēš etaešsaahoeoxzé maeto etavōmo eohaessenova zehavsevaeziss enemetōeō; Apollyon eheševe. Neš Eōstahetan evotaētōxtayoz na ehestoveoz

zeōvhaovhaz na mo zeonešhoevaz. Na zis-  
taeōhazisto hepaon zehešepootaz heeszé ota  
hevaoōvhatto nameneoxc-nonxpahess-oaneōstō  
hexomōneheva na neš ešhessnešhoevahō heva  
óha zévenootanotóm naametanenistoz tonšeno-  
ka namet'sepevenešhoeva exhešetanohō.

Na estanšeassehō na enstōeōehōn Apollyo-  
neva. Zeto hován ešsaaxama-momeno-zistae-  
hō hestoneō énitāōhazene zeoxcetaoešenaz no-  
man hesztōmoevo (zevešemenoxcetanoxtov's)  
hezenōn enxhestaōn zeozchešezenōnaz amehāo-  
heméno na heszehessoz enxhessozenhōnoz ze-  
hešátaz náko na hetonševa ešhestohassezene na  
estoatovāozene na énitazenahō zehetazenaz na-  
nosseham. Na zenxhoeōhetovoss Eōstaheta-  
neva estazetanonaveneotovhōn na eszhešeasse-  
nōztovohōn.

A.—T'sa nineēveoxz na t'sa nihooxz?

E.—Nanxeoxz zexhistanov Assetoēstxe nitao  
zémāhavseva zexhēs na nahooxz zexhistanov  
zexhistanov Menaemhâstoz.

A.—Na heto zehetto natavešheneena nasze  
ninēhov mó navostanem nitao hato hoe naaena  
nanithāe na nahemaheonameton. Tā henā  
zenxvovōnhess-eanhoxzetto zévnvoneōs niveho-  
nam? To saahosstonšhozeotazehetto óha tóm  
noka vāhestovâ nimetatomeēvšemaz zethoeva.

Eōstahetan. — Nat'seonissyomhestaoz ninit-



hastova na nshozeemestoz etahotoanatto nst-hoozeemestoz enhesso emessaavešeametanehé hetan nāestoz zeheshoozeohestov havseveva; na neš zéneešeešētto náneševe zeneoxcemáveševevoss ōhaevostaneo natanonaxevehavovetanáz zenxešenoxzévōxtom vostanehevestoz.

A.—T'sa emessaahesta emehecevoneōhettoz hevostanem na nissaatonšneševoneōetatanotovazé tass zehēvešsaahotōstohetto nsthozeohestoz na nsthoozeohestoz ōxista tanaeševhaoxzz nitao nathoan zetonitahez nitatóvistomevaz stametaz.

E.—Naešemeto nitov Zenithaesz Zemaxevehonevsz vehoneno na nimessaaevhatonš-pavevhaveoxzemazé.

A.—Tass nitóeneševe zetohénov hotoanovaonistová nitaevanom zehavseva zexhossoshamsenova zhešhenov na tass et'sēnhesso nha zehōvevistōotazemāes ninovexoveva eoxceevhaoháenā na naoxceevhanhaoxzevā. Hapo vena-neševsz na nitao zepeva.

E.—Naešemeto nanietamistoz na naeševistomōhaovo zémonevistamōnanetto tā nametaevhatonš-zeo-hesseevhaoxz na namessaahēe tass zenooseōvetanotossensz?

A.—Hapo na ninešetove na nat'saaxaenštonseztô hezezea mataevhaeozetto mataevhaoxzetto.

E.—Hovae tass zenxetaevistomevaz mónvhanenhessohan zénsovovonátto na mato Zenithaes z hesthōeon zevešenhōevo etoēxa nameevhassetana na nameevhavovetanā zemehatassheševistooxnemaz. Na mato hē nitoenahaneheonevé Apollyon na onissyometom nahépepevaztomovo zehexov zeaenom hesthozemestoz, hesthoozemestoz, hesthozeon, hesthoemanistoz, heveoxzemossanistoz na hesthoe, na otā neš házz nivéevhâsvonosseme, nahesthozeonetova na natahoeovo.

A.—Hevâssvovôš-ōhazestoz hāomōss zetatossehoeoxtomossōz heto zeheoxzetto. Nitóheneenovamo honoxistā hesthozeon eoxchavsevhovaneeo zeoxcevehatavsevoehâez', na mato naaneevátóz. Nohassetonšēnōehevo zeēvetanehovaneheziss na otā nihépepevooxtomovo hesthozemestoz zehexov nathozemestoz na mato tã eneoxksaeoxzé zexhoōs zeneoxcehōnevotōss vostano zemaxeosshamon na tãma nohasstonsthahané, hestanov emaheneeno zeoxcheševostanevon heva natohātamahestovâ na matoheva naōcestova nha zehekonevisthozeoemaess heva tōenoz na matheva hesthozeon hoostanaz na hapo nstanešvostaneveáz.

E. — Zehessaatassevhanvostanevatanotovohess eoxcevhaneonistatamō tã eomehotâsz zeotonšetōenasz nxsetto; heto nitoomenhestov na

mato eoxhavsev hovaneoo zeheshettoss enahā-  
nezé vezen zeoxsēvohōhevatamanoez heveto-  
vevo. Hezezea vostanevázistoz essaahānoxze-  
vaztōnov tass eoxcetāsenov nāno nonoxpa zhes-  
tananov hevehonamevo manxhoénezz nahesto-  
zeon zeheszemēneziss hevohōhevatamahesto-  
va.

A. — Niešeaázesaahēkoneševevo hesthozeo-  
hestoz na tā nimetonšhohaztomevo hoozeemes-  
toz?

E. — Hē t'sa tā Apollyonevé nassaahekons-  
tātovohe?

A. — Ninstōēvenatotomeoz na nitosstomēve-  
nxpotomeoz nínitamomaoxzeše. Na zeheshavs-  
eva nineeveneshomoenazetan ōxista axhestāt-  
tossōz tā nimxhomoenā zevhonevsz. Na ma-  
to nineevhavsevenaoz na ninvoneōsz zemehae-  
nitá nitosstoesasseevhaovha zévōmoss nanosse-  
ham. Na mato zenxoestomō zenxetoxovista-  
vátto na zeneevamāvotom na zénistomonetom  
na tass emōs nivešemenoxcetan nioxistoz na  
nitšezistoz.

E. — Nitao heto et'sēonissyomenhesso na ma-  
hā niotanōoxtosesta; zeto Zenithaesz zehozeo-  
taşz ētašivaztaeoneve na eoxceevhavonan nat-  
havs. Na nitao heto na ēvemahatavsevezistā-  
toz naneaenā nsthoeva; tass nanšhovtana na  
nanvešeamēvoam nanvešeanovetanoxtov na na-

ešeamha vovónitanazistoz Zenithaesz hevetov.

Neš Apollyon etamaxeossēhāstahaoz ezhevō: nahevēamenoz zeto Zenithaesz; nanseztomovo hevoxz, hesthoemanistoz na hevostaneme nanxhessezeoxz t'sē ninxhetōeovaz.

E.—Apollyon nahézistoz zheševetto naneheomovō Zemaxenithaesz hemeo zemomátattoz nešetanoz.

Neš Apollyon enxamánxpeoha zetohetaeoz meo nassaahētostastov zeo zešhesto. Pevanensz nit'sēnāe naveševistomōhan nazeavōvox nstaešsaaevhahokohépéné zeno nátatomhenena nimátassooma. Neš émassovešehōmo xomō zehōestavez heszhešeon na zeto Eōstahetan zehešhestoánons etaliomstahenotto na essatonšvešonxōhe.

Neš Eōstahetan enitanomōe zistazeševōxtō neš Apollyoneva énsmassohetossveše-ahanōhenoz xomōnoz aoetonoz zeoxcetonovaoz oxtamenittōsz enetonovaonetoz; na zeoxešpeveēvhestaōs Eōstahetan ešhokoahanemxē hemekon, heázeneva na heszehesseva. Na Eōstahetan tass etatševhasóostax. Na Apollyon etāsohamhot'seoz na Eōstahetan ehestana oēnovetanoxtoz na etanševenonohomohetovaz. Heto zehešetazevoss eneešetazeo oxeshēva, neš Eōstahetan etoeshenexova. Na nimenešheneenanov zeto Eōstahetan zehešeshéstás hen nonohono eta-

vešoxseveozenoz.

Neš Apollyon zistazhešheneeno exaenohoe-  
 tovo Eōstahetaneva, eneovano na etaavhaha-  
 mo; na Eōstahetan heszxovotov etanoosevoeš  
 zistaavhaoss. Neš ezhevo Apollyon: neš nito-  
 menahaz. Neš heto ezeneoz Eōstāhetan. Neš  
 mo Maheo énitano zenšenahoox-ovōeseoz' Apol-  
 lyoneva Eōstahetan etamomaxomhestanano  
 hestxovotov hovén est'tanano na zistaeš-esse-  
 vaeno eszhéo nivéhōvhessevoešetanotto eotō  
 zeavhaotto nataevhaohā na zistaešenhēs esta-  
 massóoaneōstónohōn estaevhahossótohoeozehō.  
 Eōstahetan zistaneševōxto estāssenšemenaōs-  
 tónohōn ezhévo nitao hovahestova naoxceveš-  
 hotavanon zemehotaez. Na neš Apollyon he-  
 ménezenōn exhecsépanohōn na estaassehāoehō,  
 Eōstahetan éssaevhazeševōmohehōn.

Heto zehešetazevoss hovane hetan emessaa-  
 heneenovaztō ota tóevoxto na nhesto zeheše-  
 vōxtomovo na zehešenistomovo zeoxcetaehahes  
 na zeoxceše-maxenás Apollyon zeoxtoešetaze-  
 voss enešehahe zehešehahez amehaoheméno; na  
 ox maxeomotomestoz na evoamestoz eneoxc-  
 hestoénittoz Eōstahetan hesztaheva. Na nas-  
 saazheševōmo noka heva essaazhešehetotaeneōe  
 zeoxešezetazevoss tae zistavōxto zetāšeoaneōs-  
 tónoss Apollyoneva zehestovonenittoz hestxo-  
 vatoz; neš tā exaemene na eéatōo; etamonšeoehā-

tazistov zeoxtoxceēvehestoevoxtom.

Neš zeešeenetazevoss Eōstahetan ezhevo: zeto nataevhašemeto zevostanevhasz heszheneva nanosseham na zevistāmasz zémeotamo Apollyon.

Neš enxoōstaz maáz etōenanoz vépotoz zehessozēs ametanene hoxzezeva, zehešhestano Eōstahetan na zévešezetane zexhestás etoeoxnevoneozez. Na etaneamsto nāno emesse kōkonoyo na emane. Zistaešeevhaossotomoxtas ehosseassetoxovistava, enšotovaenoeoxz heszxovatov heázeneva. Nassaaheneno nasz nātano-nax-hosstōeovo, hotāz essaaevhâsš-hovaneo-tōeovohe zenxhestaziss Apollyoneveno.

Na heto zistaeneveetto nāno ehosseameveetto zeveetto zexhoveohōsta nāestoz eheševehetto na Eōstahetan estostaesópeozehō, heto meo zetaoz zexhistanov estataeameozene sitov. Na heto zéveetto ētaohāeōnoseziss, ovhanhe Jeremia eszhešemēsta: toxtoešie, hoe zeonixonoma-oe, zevoxšeeve, hōe zsaahestoneatamanoehan, zexhoveohōsta nāestoz, hoe hovane hetan zsa-aessópénēs (ota mamáta onissyomátaheo) na nāhovane hetan zsaāēvaes.

Na zeo Eōstahetan etâssoham-nševoez zetaeoxta hato zeoxnixēš-ohāetoss Apollyoneva. Na ota nstanešvōxtanov.

Neš natavōmo naovaxestovā Eōstahetan zis-

tatohoeoxto zexhoveohōstaz nāestoz, nāno estōeōe niš hetanó henišsonevó nhá zeoxcemehe-  
enoss hatavsevo-osseoneva hato zepevaez hoe  
ēveam-nonotov-evhaoxzeo.

Ne Eōstahetan eszhešeēsztovó: t'sa nihoox-  
zheme?

Naevha-evhahooxzheme na hapo nimeevha-  
vessenešeevhaoxz heva niametanenistoz na he-  
kotomahestoz nitaztom ehettā.

E.—Haxc! henova ēvetonhesso ehevo Eōs-  
tahetan?

Hetaneo.—Haxc! natamehazeoxzheme oxto-  
vavetto na tass naoxtatosse-tóemomoanaoheme  
namxsaaevhatonševhaoxzheme matavenšhoss-  
hovénhépénezenō nimsaaevhatonšhoe-ótahaova-  
zemeno.

E.—Hena zetahoeoxtomass? ehevo Eōstahe-  
tan.

Hetaneo.—Haxc! naoxtató-easshoénheme zé-  
veetto zexhoveohōsta nāestoz; na nonxematao  
natavōxtanon maeto zemomoanatto maeto zsa-  
ahešhoeoxtomahesz.

E.—Na hena zevōxtomass? ehevo Eōstahe-  
tan.

Hetaneo.—Nitooxz zeveetto navōxtanon ene-  
šemooxtavatamano zehexoveaenonitto tāe, mato  
navōmoneo nistnovaevoss eavōo zehestass vo-  
xeva, mato nanistanon neno zéveetto heovaesz

zexhessevon maxehahestoz tass vostaneo zsa-  
axanistovazehevoss heovaz zehetoamess, nâ ze-  
hoess zeôzetanonavohês mahatáva, na hato zé-  
veetto etahōmaōsta vóe Nínitameozistoz na  
Totahophastoz, Nāevhan mato eoxcetaxsépeze-  
nōna nitao enhesso zetohetaépépétotahopa.

Neš ezhevo Eōstahetan nassaaxahok-ešhene-  
enovaztô zehessō, na etahané zetxseēoz nameo  
hato zehethohátto.

Hetaneo.—Na nšemeonsz namessaavesseni-  
taomotázehenon. Neš eonissovaomezhōn na  
Eōstahetan estâsse-assenehanó hemeo na es-  
sónš-notovanoeoxženo heszxovatov heázeneva,  
nazeonaxhoss-aeozeton zexešetanoss.—

Natavōxta naovaxstová zetatoheheōenov he-  
to zéveetto heszheamaxhesto eotahesszééotō na  
hen zezééotō enahānezé zeooeness zeoxcheše-  
neevazovōss zeooeneziss eoxnhestoe-amhexov  
na enahānezé zeoxcens-nešohāomenéhovanehe-  
voss. Mato tā henamoshesto hesto eotaohā-  
momoanahekomaœe heneno heva zeoxnšpav-  
hetanevsz oxveēseanaosz eoxksaamxaô t'sa ze-  
metoonešeōs. Neno Hekomaosz zeše homoxz  
zemaxevehonevsz Oxmehōsz (David) noka ēse-  
anaosz na neno emstóenšmemstan saevhaonō-  
enaēsz zeto zeexaeziss.

Heto zeamhooneve eotanoehāehotoanavo-  
omae zeaenonittoz ótanáheztoosz zeamevossoz



eoxcetõeass-séeana zeahanomaoez: na saamax-heõhaetanótovész emetatoeass-séana zeamevosoz. Na etansenaamén na nataoxcenistovo eta-oxceotaeonš-maxeomotom: na zeoxešmomoanatto zehešemeeme meo zeto zezeno eotaeossēaenonitto zetatoss-estõassetoness etaoksaaxahe-neeno t'sa zistatosshosshónēs.

Hea tā sitov heto zéveetto zetāšseztom ehoazenatto Eavõno na enhē mato áe nxpemeon. Na tā natavovoenetonstamáss ehešetan Eõstahetan, na neš eneoxchotoatovãoz hõesta na zesitovão na zenxhotoepopoeota na heovaz zehessevon neš etaevhanšeēstan heszxovatov na meto etahestan zenitaez heszkovaneo máhaônátóz zehestõez. Na etazhevo zistanistovo, hē Zenithátto nimomoxzemaz nívostanevesz namátassooma na etanšeamén haexoveva na eta-oxce-aáze-hestatatovãoz hõesta zeaméns na mato enistovó zehõnseahéziss na zehotxovessevanoxzistovez totoneš nazenxamapēohan eta-oxcetomoxtayoz na mato nátaneše-onišeoxzeton tass zeoxcetaova-ahanomaoxz zeõmeoz meo.

Heto zehépatamanoez evõxta na heto zeēvehãevonez enista tanšhasto-ametãoheoneva; na neš etahoeoxz nãno zetāšzetanoss tass etanistovó eneamemanoeoxtó hosz Eavó zenea-asetõe-õs, neš etaeneoe etanótovetanonãoe tā emetāss-pavetonševsz. Totoneš eoxtaoxc-oxnševhaoxze-

tan na mato naešeetahoxoovsópexz heáã eta-oxchešetan: na etaoxcemeetanota mato zeneoxce-ešešvovonano hasto zemomoanattoz na taevhaoxzistoz hea etahépmomoanatto, hea etaešnonaxkass mato mó etaoxchešetano na neš etanšhosseass na zeto Eavôo nonohonó enstšhahanéneo na neš zistosseasshôtās etazhevo navešeaménevo heszhekonastoz Zenithaesz Maheo na etaevhasóhoe, essaaevhahahanenoxzotāhehō.

Nasz hovae nassaaoháēnatanotō; nataossēnevazisz zeto stamenō Eōstahetan etaeossēononoveoz, essaaxaheneeno tāma hezhešehahestoz na natanševōxta: zenstotaeamoxto heszheneva zeexohass vox nasz zeto zehavsevaeziss enxhotamoeohetōe na eneemōseēsztōe énmomēstomō nitao hovae hatavsevoanistoz na tass enstoe hōvetaomehetšetanótovetan. Heto Eōstahetan enxhossohamoxsenazista tass hovae zeoxneešēvetae-mahoeoxto, tass zetāšvešhatavsev-nonoanś zemehaemehotōss, na tonševistāmott emeneševe na zehēssaaxatonšheva-onxpēstanazēs na mato zehēssaatonšheneenōs t'sa heto hatavsevenonoanistotoz zenxhessoz.

Na Eōstahetan zistaenšeameoxz ninovexoveva heto zsaamomeno-vomoxtastovanehez, tass zehēšetanoss etanistovo hetan maeto etazhevōn: tass heva onšeamsópénetto zéveetto zexhoveo-

hōsta nāestoz namessaaētō hovae havs tass zehešessevetto: neš etxavoešetanooz heto hessetovatto.

Vovoenotto etanešheneena mó hosz zēátovoss Maheon mo evesseaménevo heto zēveettoz tass hapo zehešeaméns.

Zenixaonnettoz etanševōxta Maheon zehešessevaevoss zeaménevoss zeaenonittoz na zsaamenovaehanehez na tass zehešessevaevoss zeaenonittoz zeameoxziss hapo nazenešesseva.

Na zenahaonnettoz estanešhozeovōsetanohō zistossevessevooz'. Na estanšeaménehō na eoxtastomevavhōn zetaameoxzeziss maeto; na es-saaheneenoheno zemehešenoostoss hapo nanceoxz exešetanohō na maveš évonittoneo na eszhéō Eōstahetan etāšeoxsena zehoveohōstaz nāestoz vōnaoxzeva.

Na zeheš-eševōna estaevhahootōohō, essaa-tonšeevhaoxzetanoehō zistavhanevōxtatanoto zeheševonittoz ešēva. Na estanešpavevōxtano zeneamevossoz na zenxekomaoez ox hesto na mato zehešemasseoceoz meo zenstaamsópeoz sitov. Na mato estavōmo heovaz zehestaziss Eavo neo zehestasso voxeva óha haeš moenvovhaevo zehešeešēvez éssaaevhahaháneheo na óha móstanševōmōvo tass zeheštovavxeoz han zetavōxta zeoxhotoanattoz hováe zeaenonittoz na zenxhōeozisz zévonittoz zehoveohōstaz nāestoz.

Na neš Eōstahetan estahā-homoxtaoenō zeheševostanevēs nitao zehetaemomoanattoz zēneameoxz' hen zehetaehépôzhessoz eoxxinšhāēto zehexoveēto hezezea na zetaešhešepavevehōxto zeheševonittoz ešēva tass enhešmessēotanoz. Na neš zheš ešiehē énmeén na mato etahāneze nasz hešivatamahestoz Eōstahetan; na nímetanešeneevazzenov hato zeoxnišēšohāemomoanatto zémonhōoe zéveetto zehoveohōstānāestoz zetatosshosseamoxto estāssohamehépā-momoanattone; hen zistanhēs zistatoeneveetto zetatoešeož méo estamaxhastohā vovossoneo, zemátôoto na zetamaomhōsta nitao heva-vonestonista-honostô - mâtassaomaoxz emetomāvoohōszenōnož; na zehešetto enšenameén ešiehē. Neš ezhévo: hevohoksenanistoz evohôovattoz namekon na hevhananistova natavešeamšópén zeaenonitto.

Heto zezheševonittoz evāxseveššópén zéveettoz. Neš natavōxtanož naovaxstovā zistahoe-neveetto eēvansz máe, hekonož, páe, na zeōxettoz hevxozevo hetaneo nistaoxovistavā zo zeoxcezeoxzess monséhanevō nista; na zistasónšēnanótovetanonaetto heto etonšeēvetózhesson's natavōxta vóneš maeto vox momaxhetaneo niš zeēvaevoss nistaomē Oxovohetan na Oxnáhesz zehešezehess; hestohātamahestovā na heōešēnxsóhestova zehešenotovoss hetano zeto hesz-

hekonevoz, heszhemaemevo, hepámevo na mat hosz zemaēvaz énešenitoenahovsesto. Zeo zistaaméns Eōstahetan éssaaonissyom-moenovatamaehesz heneo tass naotōstazista, hotáz nata-monheneeno zeto Oxnáhesz hako tozea eešhovaneehesz, na nénasz zeoxešsóametanens zeešenas na mato henonahahestoz zéneamesoss zén-sómonas eotaešhessemashane emaešhenešzessonittoz hesthonaeonahestotoz essaaevhatonitoktae mamát eoxcexxpō heszevoxeva eoxcexaemeneotovo amōsemeheo oxtameoxzessész eoxceōeomó hestōevon zeoxksaaevhatonš-aeozetovohess.

Neš Eōstahetan estanšeameoxzehō, estaeoxtano hovéno zistaéomaoez, t'sē mōnešvonoemanehane maeto zetapavezetōo Amōsemeheo zexhessetamevoss; zistaéns heneo Eōstahetan na zistazetōos estavōmohōn Oxsaanínitameheziss estaamoxovistavaō maeto. Neš estazhéō Eōstahetan hoxtā, hōve! ešenhész nstaveoxzemaz. Enxhōotōohō Oxsaanínitamész enxhosszhettaehōn Eōstahetaneva ešenhész, ešenhész nstaešhōotaz, hotáz Oxsaanínitamész enszhéō: hovahana nat'sēvenootan zemoxzenavoasz nazhemaeme nanehova.

Tass heto Eōstahetan évešomossemaeno na estaotaehotxse-nševenehovohōn na zistaēšhoxtamevāenoss Oxsaanínitameheziss na esta-aáže-

novnovōn; zémehahestoxemś estavovoevhō. Neš Eōstahetan estavešmenoxcetanohō zistahépenoz hevis'son na zsaāōhaetanōs hootov (estatx-taono) estahōtšenaho na estaavaohō na essaevhatonšohāeho táe Oxsaanínitameheziss zenxhōotās eohāetanāehōn.

Neš natavōmo naovaxenátovǎ etaotaeamepavnišeoxxeo zémehotazevoss na etaēvpavetotoxstanov nitao hovǎe zeēvemahessoz zenxeeōsemevoss. Na Eōstahetan ezhevō:

Zeonohátto na zepavemehotanetto hovǎ Oxsaanínitamész natapevetan zehešhoxtamaz na zeto Maheo zehešenitano nimátassooman zehešepaveamenišeexzez heto zexohāhetotaeoz meo.

Oxsaanínitamész.— Námehanešetan hovǎ zéveoxzematanotovaz hato zenxeoxzez zexhistanovez' otáz moninstaešhaešhešnooxzheše na nanstanonxpa-nšhaeš-hešeamenocexz.

E.—Nitoneehō zešhistanov Assetōēstxe zensaahešasseneheovehetto niamōesemestova?

Oxsaa.—Nxsetto taé zsaevhatonšneheohetto; évotaohāetotoxeme zéneešeasseoxzetto heto nszhistanonan kassexoveva hōesta heama ens-tossesson's etossevonâtan's.

E.—E<sup>c</sup>nešetotoxstanovo esthozemaōn?

Oxsaa.—Hēhe tass nšeninoveexoveva nistoxsvostan et'sētotoxesta.

E.—Na mo hovane óha nínokátto moho-

nonšhomstatanoto heto hestātamahestoz.

Oxsaa.—Na zeoxešeota-hātotoxeme nitao zehešetanotto hovanē heaā essaatóonissyomátova. Oxta otanševevetotoxstomevosz naoxcemánistovō nioxceotatotonšenhettā, na zenxešsahezevoxovistavátto eoxcenistanov heto niamōsemestoz. Na nanocetóeonissyomáta, na nassótonešonissyomáta, matamásseoxz nszhestanonan estosseonissyomvešvonâtan's hōesta na eovohona heama zehessō: na ota nanstšhessassethomēšta.

E.—Nissanistomonenoz essenehan Cekahê?

Oxsaa.—Hēhe, Eōstahetan, nanistomon ninmēhaasshoeōsz mo ninoešhoeoxzheme Nínitamomaoxzeše na hosz zehevoss zenxeotoonohōs; na eoxtoxc-tšééztomoe na heto onissyomtóenešhešieevenō.

E.—Na eoxhetasesto (hevōhestoto) hevisthozemaōn?

Oxsaa.—Na zetaevhaešhoeoxz etamaetazetanonov nitao zevhistanovoss na hosz eoxcetossemā epeotā na eoxcsaaxahozeotāhehō hovanéo. Hea nisóto tōevhatto enešhéphavseva zemehestās emsaazhešasseoxzēs.

E.—Na tā henaéz zehessensetamovōss mato zehešpeoxtomovovoss heto zeevhanooxtoz?

Oxsaa.—Hēhe hekozēta eoxchestō eoxsēszen, essaonissyomáto zeoxetoestomōs. Na

hea Maheonō enseztásozenotto zehesseoxksa-  
ahoemaen's zensetamaess na tass ehessmomoa-  
navoanistov zeevhaešenooxz zemehaeného.

E.—Nissaaēveēsztovohe zetosseasseoxzevoss?

Oxsaa.—Naoxtōeovo noka zeōmepopoottaz,  
otáz ox eoxovasseoe tass etanevazesta zeheševs  
na nassaanšxaēsztovó.

E.—Zénmoneasseoxzevo nahōvehozeovota-  
tamotaho na natxaevhaetanotovo zetavesshova-  
nē matavonanez zexhistanovez. Na heto etom-  
stovez hevetov tass zehénovez momoanavoanis-  
tova: hotam eevhâssenoxzoxta heszheheozozis-  
toz na hešksehesshotam zehešemehanšehansz  
ešeēvhōxzešie zeoxcepapanoeš.

Oxsaa.—Etahaneze zehešeheētanoxtov; hox-  
kse nivā emetohanā zetosshessoz?

E.—Hoxta, maha Oxsaanínitamész, ehévo  
Eōstahetan, nitaešeēnanon na nitaeštotoxstanon  
hováe zehetaomehestatōez. Nioxtahaovsz he-  
nova zeneēvhoeoxtom zenxeoxzetto natóhene-  
ena hea hováe nimstóevhoeoxta na mó voz eo-  
ēveastomaomávxeoe.

Oxsaa.—Nanxhomesta Nínitamomaoxz nitá-  
neenovaz monineēseanaon na nanšhoeoxz he-  
nitōneheva nansaatassešmomoanaozé óha nans-  
tōeovo nasz Hohát'sené zeheševész zemetoton-  
šemanoehasz.

E.—Na heto epevaeneo zehešhomstovoss



(zeoháeomovoss) henononō: estaohāenševanae-  
hōn homoxz Joseph na enšhomstovo hapo ze-  
hešhomstovoss na óha eoxtōstohessoz heameta-  
nenistoz. Hotáz nitonšetova?

Oxsaa.—Nimet'saahoehetšetanoxzzeve zehex-  
ovmomehemoz hevitanov: naoxtomenohéozha-  
tanotova heovaz naoxeševistomo evešpopevo-  
moxtastoz.

E.—Hea nissaatóneshvistomō zevešpavomox-  
tastovez ōhaematšetan.

Oxsaa.—Niheneena zehešenistom nitao pa-  
vomoxtastoz nivxotan.

E.—Haho ešeha Maheo zehešhomstōs; zsa-  
hotoatamohess Zenithaesz zeoxceēseanao hes-  
zevoxeva.

Oxsaa.—Nassaatóheneeno eototšpavmāhom-  
stovo.

E.—Hē māseho saaamátovôvoz zehethohasz?

Oxsaa.—Hovahan namessaaneštassēázé, na-  
meetanoozeta nista zemxeo zéneeševōxtom zes-  
zetxeo: hestonhestotoz etonōetonettoz Eavôno.  
Neš naneēvohazetova ōxista nanxešasseoxz.

E.—Hováe mato mohononstōeoetta zenxe-  
ešeeoxzetto?

Oxsaa.—Zenxhoeoxzetto zistaenomaéa Esse-  
omhotoanatto zehestōe nanstōeovo ota eossē-  
mahaciss, niovaeve na t'sa nihooxz nahetta.  
Navesseamōsem nahetto nahooxz heamā zex-

histanov. Neš ezhévo ne mahaciss nioxksaa-  
ōcehess nitomenetōēs; nimessavhistanome ni-  
messaavešpevomoxtaenoz nathoozeemestoz ze-  
memetaz? Neš nánóztovo hevéhestoz na t'sa ze-  
ēvas. Vovoenotto Hetan nanēhov na naēvae  
Ōcetovazistxe. Nánóztovo neš zehessoz hest-  
hozeohestoz na zehešehoozem's na nazhattā:  
etahāné nathozeohestoz hastoha pevetanoha-  
zistoz na hesthoozeemestoz nametoemānoxt-  
moenōss nitao hovāe. Na nathassenóztovo  
etonhesso nimhayo na mato nsthozeon? Na  
nazhešemēstomeva: heto namhayo enešetovana  
nitao vovónitoomeo heto histanov na hestozeon  
tāma heamaneo. Neš nánóztovo zehestnōéns:  
óha enaheo natona ehevo: Hevoxzxhāhohasto-  
vez, Oxvešepevatamsz— Maexa, Oxvešemenox-  
cetanoxtovsz, tavisťōmōn mxhohátto nahetta.  
Neš nánóztovó nszetonešvhistanovemaz; na ze-  
toehešetanenetto ehevo.

E.—Na otaz nitonšeexhoemanheme?

Oxsa. — Haxcl! natáeoxnehovot'seamátovo  
Hetan heto eēvpevoan hotāz natavōxtomovo  
heoxta zenšenaēsztovo, ezetxoez: hassetana  
mahaciss na hetšežistotoz.

E.—Na neš hotāz?

Oxsa.—Enxhaesseohass natšetanoxtova he-  
to zeoxzevēs na mato zeoxzeveš-momehemooan's  
mataešhoehoozasz mo natosótovatōe namemo-

mōneheve; Na neš nahōnetto niveevhaēsztovē namet'saahahaneōeta zexhenitōneheve nimhayo. Neš nanmaxhatavsevema nasz ninsta-neova nstaveoxkōvana nimátassooma nanxhetta. Neš natanoōxzenoz; neš zetatohešéotáéno-oto natamaozetova zenxešhotanās na nanšemasso-onimotaôoheškana hea etatomamepoena hosz napao: neš natamassózhéve: hē ahanoomené hetan! Neš natanšeameéoxz esseomē.—

E.—Na mohonovōxtom mhayo nâ zehota hōhyoss?

Oxsaa.—Hēhe na mato nanosseham neo zehessaahoénehetto zehessetomon ne nanosseham etóenaōzeo vezeno esitovōs na zehessohaes eš nanšeameoxzetovo Henitooxneevavōxtō na nanšeanôoxz esseomē.

E.—Na namēstomō zehesevōmata zéneameoxzevoss na momoxevessehoénetto mhayo na nimvōshā heovaesz zehessetamanoezēs nimsaatozešvonetanotōno nxsetto ešēva zemehešena-etto. Na nípavoxtahaovsz tā ninsaatōeovohe hovane zéveetto Tanevooomenestová.

Oxsaa.—Nanstōeovo nasz Oxsaahotoetanosz naoxtamassevonossema zeevhaassetās heto tasszeveetto esśaaheomtonšonoazeonevan ehévo: na nahossezhetta: matavenešeneoxzetto zsaaxahotoetanohoeho es'seneo Menone, Nitātan, Tao-mepevatamaz, Hestanovhaoemaz, na mat hosz

zeheneenovoss nszeotaohā-havsevetanoho matotšeononistátto matanšsópoxzetto heto zéveetto.

E.—Otâz nitonšnōstovó?

Oxsaa.—Na nazhetto zeto mó zehetaenhetoss naoxt'sēhevōhestovetanotōevo na eoxhetoméo zenxešassetōsemevo na nstonševoohōetta na hapo nanšepeotō na nassaaevhatass-tonitōemazeheme. Na mato nanhetto tass heto zéveettoz zehešsaatotapavemēstoess; zehešsaa-amhastovan onoazeveonevestoz eoxcevovoe-momotatamahestov, saaonohaztahestoz eneevavovoe-netton's oztosseanaoxtovēs. Neš natazhetto heto nametaoham-nanossenóoxzeta zeveetto nhasto nametaamha onoatamahestoz et'senestostanov zehāheneenovass (zeotoxovheneenovass), na namessaahestanô zepevaztom tass zehāepēvooxtomossoz nsthohastonan.

E.—Nissaatōeoé mato hovae zenita néno zéveetto?

Oxsaa.—Hēhe nanštōeova Tané; nitao hetaneo zeoxnehestóetôtōeovon zenxeehōsemetto na zehešetanotto exaaestomheve; zenitas tass emehestomevoss ešenenoohōnesseoneva zeto zsaatōxtavenēs Tane emsaatóenešheve.

E.—Ta na nioxhetta?

Oxsaa. — Haxc! exaepeossenhesta nitooxz momâtahestoz eotašivatame emomox eátoneez-

hess hetan emeēhetxetanoxtov momātahestoz. Na mato ezhevo zehec ōhamatšetan essaaheta-  
 nezhessohan na heto hetan oxcetšeōhaetanoto  
 heoxistoz na hetšezistoz tass emetatōetaz emet'-  
 saanonxpa-vesshetotaenhesta zehēstahaziss nis-  
 ta zeneamhesso vostanehevstova emeta-otano-  
 nxa-hesstohoxtoēme zeszexovez; na epeossen-  
 hesta mato otahaetxkom zehaess zehaōvass na  
 zeotoxovheneenovass essaazehesseztōnov ze-  
 hesseztomōvoss zsaaēše-ēveēšenohevoss masha-  
 nehestova na zistaomehotoaztomevoss zehēše-  
 evoneoszevoss nitao hovane essaaheneeno.  
 Mato ehesspeossenhesta zehēšsaaonoaehanehez  
 zehēšemomoxoz heszhestátov na tass nanosetto  
 zeneamōsemehevess zenxexovez zenvessvhista-  
 novevoss na zehēšsaaaheneenovahevoss zehēšhe-  
 neenoēz nitao hovae noāvoomē na mato na-  
 tonševešetōena nitao hasto hovae. Zo zeoxeta-  
 mēstom ētatanetto otaahátomonestovēsš oxto-  
 momoenovēsš zēmaheoneēsšiztov na ētatanetto  
 maxeomotomenovēsš na oxhossevoamezeno-  
 vēsš ētatanetto oxvēstomōsz mavōhestoz evha-  
 vovetanazistoz vhanetonithavseva mato vovē-  
 hevatoa hovae zexhestanomevo vostan ehévō.

E.—Na neš nioxhettó?

Oxsaa. — Nassaaxaheneeno zemevovohetto.  
 Haxc! nanxaenševaena nazhemaeme énmassoe-  
 ohāeoz naexā, zeto Tane eneheeōeta na natóe-

assnaha. Maveš nataasseōhetan heto zeoxhāe-mátatam ētaeoxstazista Maheo. Na neš nat âsszešeta, zeto Tanehe namēstomeva hetano zehestaz, nassaaxamēstomoe hovāe zehestaz Maheono na matoheva heēszhestoz Maheo zehessoz. Na natāssezhešeta hatō ešēva haomeo mxhoénetto nat'saanitoomeneheme nāestova heva ametanenstova zeto zetoomenevoss māanohaztaheo hestanov óha zetohessoz heotoxovhastoz na hesthoemā Zenanosshāsz. Haxc! ota nataešeta zetohēs Maheo enanossepeva, enanossepeva heva nitao hetaneo hestanov onštohaheztomevoss. Zistavōxtom zeheševovoano Maheo hemomātahestoz, zistāneenovo Maheo zeheševovoano zehecez vovónēšemātšetan, zistāneenovon zevešemashanevatamahess vehonstanov heamā eonissyom-otoxovheneenovayo, na zeto zeoxnstamenoēhevsz hetan tato zemehotoz' Christeva ehépaōvae zeoxexovoaz zeoxtonocenanoss-mahahetaneveziss histanov zensetamaess.

Tané tanoozz nihevéametano navostanevāzistoz. Nissaamasseztovazé zsaahotoatamaheta nanithāam? Tā nametonštōhomevo manxhoeoxzz? Nametanevaztomovo hevostanehevestoz na hestozeon tā nametonšhoaztomevo vovónhesseztastoz? Na oatōs zeto Tané essaaxahezewan masséha; nassaaxaetonš-poeozetōhe nas-saaxaenootāe mesēto natšeameemōsēsztova na-

tovooz nasz na mato zenitaz zevešhoniztanovez zexhesta momátahestož. Na maveš nanhetto nixaēveaestomhettan tass zeēvehestomeva-metto, hene vezeo zehāetotonsetomossôz navõxta haevohôohevatomano na maveš nanxhépeoxzetovo zeto ôzetanosóhe.

E.—Na natapevetan hovā zehešepavetōeo-voss zeto masséha; nitao zetohetaemoss zehešetanotto exama-aestomevehe exa-saahezevaehō zeoxceše-enšsxsoehoeōez na zeoxchešonissēnaeaz tanevoomenestova zeoxcetaneheztomovoz zemehapevaez. Na saatš-heszezhevastovēs z emeoxksaaonissineševe zeoxcheševs. Nitansšhosstóhāovon nitao zeoxešohāes eoxcenitaetanotovo mashao na hovaneo zenitaeziss essa-oxnonoheo. Zeotoxovheneenovasz zhoeoxta pavatamazistoz, ehevo Solomon (nista maxevého) na óha tanehestoz zevešeneevaenov mashao.

Oxsaa.—Zehešetanotto nitosst'sēhaōnatovon Maheo emevistāmaez zenxevovonānoz ne Tane nonxpa Maheo nazemehāemanhaen zetohess hetomestova zeno histanov.

E.—Na hovane mato nissaatōeovohe zéne-amoxoveoxzetom zéveetto?

Oxsaa.—Hovahan enstapevatamano niszeta zenxeešeoxzetto na mato zeoxnissópeoxzetto zéveetto zexoveohosta nāestoz.

E.—Mo ninxaepaveameoxzé, na enst'sēmax-

haešnitáva naamoxovistavátoz. Na zenstoexove-anhōoxzetto hēne zēveetto (zeamevoseoz ohe) nanxohaēšohaetazemo zeohaessenovasz Apollyon; nat'senaha natohōvehešešeta zēneavahamās na zēnxhooetōs natóeš-stosškágoeova; zēneavahamās nataoháēna naxovatov; nitomenaház neš nanxnohetta; nathaōnatovo Maheo na nan'nistova na nanvostanevéha nitao naōzetanoxtova. Neš nansópeoz zeameoz zexhoveohosta nāestoz na nansaahenevona hako eox zenxeešeoxyzetto. Na zeō nátahovanē nanxhōvešetā hāsto na maveš énvōna na ešiehē énméén ōxista nataešheana-amén tanitā.

Na mato natāssevōmo naovaxstova zetāšenevoss Oksaanínitamēsz zistāssenohévōos etavōmo hetano Haonovatan zeheševeheziss eameoxtó vohēs eama; zeto vezen etamahaeozez na enšamemanoéneo; eotaohāstae na tass ehōvmo-moxenōhe vohēs zehexovs gaks. Zeto hetan Oksaanínitamēsz etazhešēsztova.

Oxsaa.—Hovā t'sa nihooxz? Nivessezeoxzé tātō heama zexhistanov?

Haonovatan.—Na nā nat'sēvesshooxz.

Oxsaa.—Na epevaeneo nstavoešpaveveoxzemazhemā?

Haon.—Haxc! na nstatšepaveveoxzemazhema.

Oxsaa.—Nínāsz na nitamanoeoxzhema na



nitaēveametotoxstanon hovae zepeva.

Haon.—Zistotoxeme hovae zehetapeva nat' seotapevazista etovā na matheva zenitasz; na natapevetan zeheshōoton zeto vostaneo zetšpevoētātanoss; ota nahetom zeszhetto eotaohâtkomox zeēvezhešeēsizistovaz zeamoxovistavass tass evenanosshestan zistotoxesto hovae zsaapevaehanehez na tass heto navešeôzetanoxtov.

Oxsaa.—Heto na eoxt'sē-saanhessohan na otā hovae essaanexovepevaehan vostan emeveštotoxesta zethoeva zehexov nitao zehessō hevetov Maheo heama?

Haon.—Na nitaohapevatamaz heto nioxhestova tass hovae natavešheneena na tass natahonaovezhéve ta henova emenexovhetotan na emenexovepeva zehexov heto zistotoxeme hovae zehesso, Maheo hevetov? Hovae zehexovhetotan hato hetan zevešhetotaetanoss hovae zeotōstamanoez tass ota heto t'sa hetan ememéa heszhetotaetanoxtoz zehessō zistotoxeme hoxtaheo na mat hovae zeotōes; na matheva hetan oxthohaetotoxstoos ovavoētastotoz, zeotōstamanoezēs heva neevat'seonoz t'sa vostan ememéanoz zehovtxeoez zezheš-hetotatanamanoez óha néno Maheonemxistōneheva?

Oxsaa.—Na et'seonissyomenhesso; óha tass zeoxchošsevešhessepevhastov heto hovae zeszheštotoxeme enhesso zemehethohaz.

Haon.—Enahān na zehetto; hovā zeszešē-totoxeme e' sēvešhesshosspevhastov; tass hovae etaoxchesshoss-neeveheneeno hasto; tass zeheš-saatonitoksohan zeo zehesso hovae hoeva na zehešhépepeva hovae heama. Heto etxsēez-hesso na tass nanosetto zeto hetan emetāshe-neena zehešenitaez monhestaozistoz, zehešsa-ahoešettan nitšezistonan, na zeohémátomovoz Christ hexanovepevhastoz. Na mato hosz heto emetāsheneena zeto hetan zehešetovattoz heva vovhetastoz, onissyomátatoz, haônátóz, hestoēs-toz na mato zetaēvemahesso; na mato heto he-tan emetāsheneeno zehešetovattoz maxevistom-evazistotoz na vovónešeēszestovazistoz zenšhes-so pavhostōneheva. Na mato zeto hetan ze-mehešehassetan aestomhoxtaheo emehešepav-vistomossan's hetomhestoz na mato emeheš-oneevaovoss zsaaheneenovaheziss.

Oxsaa.—Nitao heto et' sēonissyomēnhesso na natapevetan zistatšeahátovaz.

Haon.—Tass heto zeohemane etatxkom ze-heneenoss zehešehémátomaz saanínitamehes-toz na zehešenitá zehešeešeēnanez' mamátasso-omáva šivaztastoz nonxpa zetāšhoešenátov ae-nevostanehevstovâ; tass nionone eoxceneševos-taneheveo zehessoz hoemao hen hetan heva emessaavešamhaen's zévehonstanovez heama.

Oxsaa.—Na ota hoxtao héama ható zexhene-

eno nitao heto hemeátonaz Maheo; hovane hetan emessaahoxtamistônoss xamaevhan-hozeohestovâ na matôva vhanetotoxseoneva.

Haon.—Nitao heto naotapevheneena, hetan emessaatonšamhahenöss hovâe óha nixhessemezz heama; emânhesson's šivaztastova na essaanhessohanehez matšezistova, nimetamēstomevaz heva noka matótnoe ziszhettoe heto t't'sa Maheonemxistōneheva.

Oxsaa.—Hē na tã ehévo Oxsaanínitamész ta nasz tãs hovâe emetatotoxstomaz hezezea?

Haon. — Zetaomenhesseztom; natatotoxstanoz hovaeoz zehessōsz heama matôeva zehessōsz hoeva; hovâe zepevae vostanehevestoz, hovae zemomátatto na matoheva hovâe zetohoss, hovâe zehešhépnetto na matoheva hovâe zens-tosshoénetto; hovâe hestohetanov zehesso na matoheva hovae zehesso enovan. Heto hovae tossevešeamhâz nametotoxstanoz.

Oxsaa.—Na neš Oxsaanínitamész exohâtamohōn na estaotáoeohetovohōn Eōstahetaneva (vohēs émehaamnoceoxzehō) eszhettohōn, execešzhéō, eohâehō zeto zhēvistaozeonez. Zeto hetan estatse-ota-paveamevistoxo-vistavamaeme.

Zeto Eōstahetan execxāemenehō, na eszhéō: zeto hetan zexahóneešenotata zevešeōcenotó nisó zsaaheneenōhess.

Oxsaa.—Na niheneenovo?

E.—Hēhe nahépepavheneenovo zehexovheneenovaz'.

Oxsaa.—Taxa nivās?

E.—Haonovatan eheševe nāno evhistanov zexhestāvo. Na zehešsaaēheneenovōvoss na nanšheneeno zehešhāenono.

Oxsaa.—Nivaes hehēhyaesz na t'sa etaevhistanov?

E. — Hēhya Oxpopeveēszz. Evhistanove Mázenaneeonevstovā; na nītao enešheneenoe zehetaehoxatamaess Haonovatan zehešēševēs zehestāsz Mázenaneeonevstovā na zeoxešohāpavetanivas eotašitamae.

Oxsaa.—Haxc! tass na oxxaepavaehō.

E.—Na eoxcenhessetamov zsaahetapavheneenovohevoss; eotaohāepeva hestohestano hahetto hevenov eotaéanahe. Eotapeva zexhettoss natameetanoozetomovo hemxistonestoz mxistoneheo zemxeónoss eoxcota-pevenōho vohēs na gaks eoxksaaxahokpevatameheo.

Oxsaa.—Hama ēvenassoēmeta nihessetamaz zexxaemeneotto.

E.—Maheo tohanohā nassoēmetastoz hezeto zeoxcohazeneotto na matoheva nāestomhatavsevemo vostan. Na nitāsshonaovamēstomevazenoz zeto hetan. Nohass t'sa eoxcenšoxseoz na nohass hovae eoxcensētotoxesta heto zeēvešēšztovata; enahānezé zhešēšsz mxhoesz zeox-

cemanistovēs, na oxtassemahamanisz hossohama heto eoxchoz heszheneva. Momátavhoestomohestoz essaahestovanehez hesztaheva heva hemhayon heva heēszištova; zetohetaeaeeno emhātahotaz hevitanoveva na hemomātahestoz enahāneze zezhesso nistonevonez.

Oxsaa.—Nitóhetome, anoss naxamaehōvešenotaehō zeto hetan.

E.—Nihōveamāta, na et'sētóenhesso. Tōetanotoss momoanavoanistoz zezhetto: zehevoss eoxksaneševeo. Ax hevehonstanovhestoz Maheo essaavhanēszistovanehez eonissyomohātamanoez. Eoxcetotoxesta haônátóz, evhavovôetastoz, saamaveozehestoz na zemonaez hestaozistoz óha mamāta etonšheneena zistotoxemez. Naneeševeázevo hevenoz naneešeohatamo nínixaz tāma hevenoz na hestohestan na naheneena heto zehetto nahetom. Hemhayo eneševépaz momatahestoz tass zevokom vovoz zehešsaanoēnoehan. Eovahan haônátóz na evhasaa-amoxzettan evhavovôastov havseveva. Na ota hován zehestoxs etazepevenietamenotto Maheon zeto zehexovās.

Oxsaa.—Hēhe nis'siss na nitató-onissyomátovaz. Heto zehešenhetto zexheneenovoss hovahan, oxsēcetto zehešenonhestátto vezen Eōstahetan zehešemomehemoss hetaneo. Nassaa-nešetano zexhatavsevenhestoes vostan zévhan-

męemōss zetohestass.

E. — Saatonšhépheneenovôvô zehexovheneenovoss hapo hea namehōvenhessetamo zehessetamoss zémonevōmoss. Oha tó nešhestanovovo nistomonestoz zsaahotoaztôss momâtahestoz zexhestoemávoss etohossenhetto namxhōvehessezesta, tass zeoxceohâheš - totoxemovoss zehavsevhetanevess pavhetano na hesthozeohestovâ. Na nitao heto na ota ohâesto hosz zeohamhavséva zevešheneenovonametatonšvešemeēmo. Na ota pevhetano eoxctanehez-tōe; nisiss na mato nissen emessaatonšhettâhehō; zévhanevehez hevehestoz eoxctóhess-totoneozeo oxheneenōesz.

Oxsaa.—Hēhe natâneena oxôstoz na neševhestoz enixanōnoz.

E. — Na enišēōnitavaenōnoz zehesso má-tassooma na mavōxz, tass mavōxz, zsaahemátassoomahetto zehešenâetto, vhaneoxestoz venšenoka nocetovatto tass hapo monâetané. Mátassooma momâtahestova etsénitá. Zehoxeemomâtahestov na zsaatasettan zehetaēs Maheo ná zehehestovsz etahâne zeoxcenhaoxzevs zenxavsz na hotxaheeo oxtānovetanovosz na saaveštassenōeázēs hovaē zeto histanov. Zeto Haonovatan essaanešheneeno heaã ahátomonestoz na ēszhestoz emevešpeva Eōstahetan ehōvešetan na ota enešōceta hemátassooma.

Ahátomonhestoz ehevezhōv zeēnānooe hestaheme, ēszestoz essaanexoveveš - heneenoehan zemehešonissyom-hemenametto maztaheva na vostanehevstova.

Na estanzshešeameēszechōn estanšeametotoxstanovo zeneevešheneenomevoss zenxešeoxzevoss na estanešheanamanszenovo heameoxzistovevo tass zeoxhoniztavezhessoz estataehoeoxzehōn zistasxsenoeozez matāeše.

Na neš zistaeštoshoeoxzevoss hezeo mataeš Oxsaanínitamész hootov estahootōhō na estavōmohōn nivasesto éneamehoevohōn na estāneenovohōn. Otā ehetto Oxsaanínitamészhevis'son nivā zeneameoxzz tato? Neš Eōstahetan estazetōhō na ezhéō: niahāne Zepevasz nissimaha Maheoneēszhetan. Hē na hapo napavehevessenehenoz ehévo Oxsaanínitamész t'sē niahāné zenxešenēnahesz zexhenitōnehevez. Neš vezeo Maheoneēszhetan enxhoxtamossaneō na eszhešemasseztaehō:

Maheoneēszhetan.—Heszhekotomahestoz zeossēmehotaziss na heszhekotomahestovevoha nivestāmaōnevo.

E.—Nomottto! nomotto, hovā Maheoneēszhetan zévōmaz nataevhameetanoozeta nista nixanhestoz zsaakaneozetōtto zénethozeoetom napevhastoz aenetōeva.

Oxsa.—Na vonoestonstova niestovpavhoén

ehevo zepevasz Oxsaanínitamész, niveoxzem'sa-  
nistorz hē Maheoneészé nataohāhohānon zens-  
tamenoehevez zeamoxovistavaz.

Maheon.—Neš ezhévo Maheoneészhetan ni-  
neevtonitoexováme nissenehasz zenxešhooxe-  
onissovaozez? Hena zeneemāhōoxtomass na  
nineemaetonitonexováme nitooxz.

Neš Eōstahetan na Oxsaanínitamész eovhó-  
tahaovo nitao hovae zeneemahess zenxešeoxze-  
voss na zeneevešhotoanatanovoss noxsetto ze-  
hešhoeoxzevoss hanāno.

Natoeonissyompevetano ehévō Maheoneész-  
hetan zéneevmahotoanavoomeness nassaanhes-  
tō tass zenxešamhotamass nitao tass zeoxešhā-  
enonoe nivovonhestovevoz zehešēvsóeaméness  
nxsetto heto ešēva.

Na nataeonissyomvešpevetan heto hovae  
tass tama nitová na etovevo; naešeēnāno na  
niešeoenome, na eš eneaménetto nāno níniše-  
voss nhá zeēnanosz na nha zeoenoes zenithov-  
voešetanō hen mātatonšhoetōenom; mxhonexov  
nszeoeno mássaavovoneozehetto. Voxca mātō  
ehota na essaahēnāestovettan. Tā nithohasz  
nāno zistosseamhātto. Hosz zetavesseneš-nos-  
senahoss heto hoxca na haeš oxtaeš-hotohoeox-  
zevosz zenitasz eoxceészén eoxchestanomōenov:  
hekonitōenoz hen zehešeamhātto hovane hetan  
nivéhestanomōe nivoxca. Nissaaeshomstomo-



vohe hevehoema Eavo; nissaaešhessmomeaeve-  
nohe zémeoxtom havs. Oxctoxetanotoz zéve-  
honstanov mesēto na onissyomátōz toometto  
hovae hatō zsaavōmehan. Hovae zeno zehes-  
sō hestōm hatō zenita hestanov nivetaomaō na  
nanossetto pavevehōxtom nsztahevoz na zeēve-  
mahethohastovatto; ētahépeōcetovettonsž na  
ētaossēhavsevaensž. Nexovhekonetan zehex-  
ovehekon mōsō; niaenanov nitao zeohātamano  
heama na hoeva zexhestoemass.

E.—Neš Eōstahetan aho ehetto zehešeane-  
emaevoss na etanonhetto mato zetossešhoss-  
ēsztovoss zetâsešeoxyzevoss na tass ehessnitho-  
hânov zehešheneenovovoss zehešovhanevesz,  
hovâe nitao zexheneeno zetaēvhossešhōoxto-  
mevoss na zemeheštōeomevoss zemehešvovona-  
nomevoss. Heto zheševēstomohestov Oxsaa-  
nīnitamēsž etanhešvistāoz. Na Maheoneēsž-  
hetan ezhešeasseēsž.

M.—Nāha niešenistomonenov hoxtaheoneva  
hetomestoz pavostō hastnovavoomenestoz nis-  
tasópeozetanov tā nstaēszeotanov vehonstanov  
heama na ota mato nistoha zémomenohestanov  
tōhestotoz na haomenestoz nivessevaenov na  
otā nimessaahethohaheme zetaešeoxyzess nia-  
moxovistavátov natsaahōoxtōnoz na matheva  
zenitaēsž. Niešeméanov hosz zehetometto he-  
to zehetosseme na hosz seeya zenxhosshoénet-

to; na ota nieštoss-mashōstoeozheme na otā ae nstahōoxtanov mâvehoeno a kassetto nstavōxtanov mâto na nâ maoevehoeno nszeotaohânševetōevō nszeotanševoēhaevo nszenahaevo: na tona nasz na mato heva ninišess nszepâananov nsthoxtaheoneva zetōenomass maeva; na nszeveninitameozheme noxsetto nāestova, na zemaxevehonevsz nszemetaenov voxca ametanenistoz. Na nha nâ zenāsz tass nāestoz zsaakanomxamanāestovanehez, heonšeoxyzistoz zennonaxohaoz zeaāzehépepeva zehexovaz hevesse-no; hato zet'saaoxsēcvovoeoxzé zexhistanovez' heamā, ohaesto ôzetanonavoomenestotoz zsaahōoxtōnoz nēnasz zetaamoeoxzetosz zetāssešeozez heamoxovistavátosz. Na mataešhōoxtomass heto maoevehoeno na matatonešeméomass mavâxsenhesso heto zehetaamaziss neš toxetanotovohen esseneheo, ēnanomahen zehestavoss xamahetaneo nešeēnanomahen nimátassoomaevozt heneevavōsenistovā Maheo pavoētastovā tass zsaaninitamēs z hemanstōnehet'sane.

Neš natavōmo naovaxstova zistaōstoeoxzevoss etavōxtanov maoevehoeno mâto. Na ezheševehetto hen maoevehoeno Vépeneotaheno na heneno maoevehoeno eovaesz hetoētastoz nhéno eoxcenešvstov, Vépeneota-eovaeszhetoētastoz eheševehetto, emsaazešeēnoētastovhan nxsetto noce yā. Vépeneotamoētastoz ehese-

heševhetto heneo maoevehoeno zehetaehessõ ehépevépanan zehexovanan vépanan, na mato neo zehetahoxtovátov na zeoxhetaehoeoze evépanan.

Heto amoētastoz essaamonemanhaohan zeheševstov hako nistaomēno enxhesso. Ota nitamēstomevazenov.

Hea nohono matótnoeya etanexov assetõsemeheo zeto eameoxzehõn zehooxzess heama histanov tass zeto níniševoss zexanovass zeheoxzevoss; na Hánom, Nitoenahanhetan na Oxhāenõhess na hevessevõnevo zexheneenomevoss zehešemeonaz Assetõsemetano zistasópeozet zetomaoevehoeno Vépeneotaheno émanszenovo heto eovaesz hetoētastoz; neo nitao hováe zetassaavotaehan, zevépanan zistosseoxc-hoxtovátov na mo estosseoxc-enš-amoētastovhané zeoxtoehess ā na meá. Na heto ziszhetoētastov nitao oxtovátov eovaesz zehesso moxhoxtovátovhané mhayonoz, hoesz, hozeohestotoz, hoestotoz, onohastotoz, nanothohastotoz, hethoemazistotoz, hóe, hestanovenitháestoz, hohátovazistotoz, pavetanohazistotoz na vošetanohazistotoz nitao eovaesz zehessosz matáheo, mazheemo, mahēhyam, manissoneo, zehozeossaness, zehozeohess, vostanevstotoz, máe, mátassoomaoz zevohomaoe makát, māmakát, exovon, haõemehonáceo na hena emehovahan. Na tâss ma-

to hezeo zeamoētastov nitao amexoveva eoxce-  
vōmeo nonahoētataneo, ōcetsēneheo, hevosso-  
estotoz, ononistātaneo, vostanehotam, mashao  
na hehētovanovhetaneo na zehetaenistavonoe-  
vevoss.

Zeno eoxcevōmeo mato hovāe eoksaaveōe-  
mehenov nomázéo, nitoenahazistotoz, emōseō-  
cestotoz na aestomvistomōhanistotoz.

Na naešeneve meo etataesoxpeoz zetaoz hea-  
ma histanov zeo maoevehoeno heto zexhestatto  
eovaesz hethohátovazen amoētastoz na nha ze-  
taoxzz Menaemhâstoz na tśaaešsópezetosz he-  
to maoevehoeno emetahōén histanov. Zeni-  
taesz nitātanistovâ nitooxz zeo zéveaz' estossó-  
pezetano heto maoevehoeno zistaoxz tāma  
hesthoeva na zenšeamoētastovene eš; na hea  
zehešetanotto Hánomaneva zevhonenithaesz  
heto zeamoētastovez enxhesseonōmā na exxox-  
tovotā eovaesz zehessoz hevépananeo na éno-  
nitāmanhatanotōehō zeto amoētastovâ heva  
vhanovsxamaaeozetōehōn zetāssópezoxz maoeve-  
hoeno. Na zehešheheonohastov Hánomaneva  
estavōshaeno zeōmepopoéstovez eovaz heševe-  
hohestan histanov natavešhessešenoto zexhes-  
setamāes zexhoxtovatatanotōes vépanan zeaeno  
eovaz zehessoz na es'saatoxetanotōno eovaz he-  
toxtovō na estanšenooxzeno maoevehoeno heva  
es'saaēnanoheno heva nasz macemakāt. Heto

zetoētastoz hako nistaomēno ehesso na eotamaxemahaoētastov.

Na zeto amōsemeheo naešenhéve etaoxcetasópeoxzesesto hezeto zeszetoētastovez. Na etanešsópeoxzeo; na ota zetatóešeēsznevoss zeszetoētastovez nitao vostaneo emassóhomōozeo na nitooxz maoevehoenō tass émámomoevoneo zistahoénevoss:

Vovoenotto mó zehēssanevoss (moxhononešsanistovez) zehethoneonevoss moxhonethoneonstovez nheno zeoxzēvetavistoxtovavoss nheno zeszetoētastovez. Na nitao vostano essomōhēvehōmāevohōn hosz eononistāevohōn na hosz oxs hoeva ehestayo exhettaevohōn.

Na zenixaonettoz tass zehēšotōstaztoss hesthoneonehevo énešotōstaztozeno zehēenszevoss; óha txkom exheneenozeno zehévoss. Na zeto zeaenoss zetoētastoz monsehanevō zen zehestass histanov zeoxtohestoneōhevoss tass es'saanonhetovazehēhōn nonameto.

Na zenahaonettoz tass hato zsaahotoetanohahess hoxtovaheo zeto amōsemeheo heva tonitaxce es'saahohaztomevohenovo hestoxtovomevo zehoxtovaziss. Heva es'saavehōxtatantomōvonovōnoz na heva hohoxtovatanotōevoz hovae eoxceonepēstanazehōn eoxcezhēhōn: tahassetanom nivévōszenovoz naexaanov zévépea: na eoxceatōhōn tass zémēstomevoss hetšezis-

tov na heszhovevo zehešhessoz heamā.

Nasz enstohossemāevohōn zévōmaevoss zehešstonevoss eszhettaevohōn: henaē zhoxto-  
vass? na excevehōmovhōn eszhetto-  
vōn namehoxtovanon hetomestoz. Na zistanhévoss tass  
estāsohamnsetamehōn hosz etohossemāevohōn  
hosz énašoēhāevohōn na hosz exehētovamāe-  
vohōn na hosz ahanohē ešhettaevohōn. Na  
tāto ox zestšemaxhomōozenov neo zeszetoētastov  
tass zemehahoxc estotahopeozene. Na neš  
móstanistomoné Zemaxenithaesz heto zeēva-  
moētastov na énonotovhoeanaohō na énvonos-  
semohōn hosz hevesseno. Taxa taēveōhatam  
nitao tass zehessxamaetoss-eoxseoxzevoss heto  
zetoētastoz. Na ne hetaneo énešōhatameōn na  
né zehoetōevoss énoztōevohōn zexéoxzevoss na  
zexhooxzevoss na zeēvevessheševoss nhenō  
zenohēšēotōsthoneōevoss. Na amōsemehevhe-  
me ešhettohōn na nahestoevostanehevhe-  
me zeto histanov na nataoxzheme hato tāma náthoan  
heama zexhistanov na tass hovāe nassaahess-  
hāenon hetaneo maoevehoeno na matoheva  
hoxtovaheo zemehestotonšehāevoss emenšeni-  
zeōevo heamoxovistavátov na óha nasz zénóztō-  
evoss hena zemehoxto-  
vavoss hetomestoz na-  
mehoxtovanon zehešhetto-  
voss. Na zeto zēve-  
ōhatamaevoss moxhonoamatōe-  
voz nonotovsta-  
hātaneo évátomhettaevohōn na mato nitao ho-

váe evhanhoeanonamanszenov heto zeamoētastovez. Neš estastanovhõn eveeónovhõn na évešeahanónovhõn hešeevoxz na neš eēstanovhõn mahátáva eoxcevehõmāevhõn nitao hetano hen zeamoētastovez.

Na nâ enšhoehõn ninoveexoveva exenassoēseonitōevohõn hetano zetonešetanoziss heva havseva heva moxzenavoētastová: Zemaxenit-haesz zeamoētastovez eoxcohazetovovhõn zeēvešetōez'. Na hetaneo zeōénòvávoss na zsaavhatohosse-nonōstahevoss na onitáz zévovõn-hestavoss zépopevoanevoss zémehahatavseve-mevoss na zeaázehotoavoss zémehaonxoēhevoss na hosz hetaneo heneo zeamoētastóv zehãðhaz-toss hovae na zsaavesshãoxniztahess zehexová-voss hosz easshõnhettovhõn zehãhavsevaziss zeēvetosseametōehez zeto hetaneo.

Neš estâssaeozetovovhõn na estano hõemovhõn zemegahõnitaevoss hapo ninexovhavsevã-me zehexovhavsevaevoss zeto hetaneo zehoęss hotoma mahátaveva: nioxovevistavame na nime-vesthoomenemovõ ešhettovhõn. Na zehõenevoess eszhéõn nitao hovae zeoxetavõxtomovoz, etahekotayo na emessehaheõ na heva hovaneõ essaaēveonxoēohevo; na hãsto zo zehetavistox-tovavoss zeamoētastovez onitáz emepaveēstaneó mahátáva, eossaanexovaheo hetano zeēvezhešetovovoss. Na zeheseēvenš tass zheševae-

nazevoss nonameto, na zehessázestovess mon-  
 šekanomēv-nonizeomezestavo na neš moeška-  
 nom-meoxevaenazevo zeto hosz na estoēnše-  
 onšēhazevo. Na zeto zehessázistovess enxhos-  
 seevhahoeoxzehōn zexhoemaevoss, na ninē-  
 hovheme heto zeēvmassóhomômanszess heto  
 zeamoētastov exhestōehōn. Naneš exhosseve-  
 heoehōn na mahatáva estōehōn na hosz eveše-  
 hooneanenovhōnoz zista-amsoxpeozevoss zea-  
 mepopooestovez tassē mo vōstomanistovevo ze-  
 mehossesetovoss zevehōnevosehaheztohevoss.  
 Na Eōstahetan na Oxsaanínitamész zeēvhesse-  
 manevoss mostahép-hoxeoaneze na zeheš-hec-  
 hestanomevoss aestometanevoomenestoz tass  
 zemezevoss henonizeomhastovevo na heōénov-  
 hastov estavešhastovistavōnahōn. Na heto es-  
 tassevešohamehaestahaozenov ne hosz na neš  
 eexhoemaoxtomovonovō henāestovevo. Na  
 neš exhezevazestōehōn nimessaaevhahoeme  
 mahatáva na matheva nimessaaevhatōeheme  
 maháta, neš nstanahanheme zehešotaenonohe-  
 tanohoss hetaneo heto zeamoētastov.

Na neš estaevhaēstanehōn mahátaeva ta  
 mxho-oxistoevoz. Zeo neš estameetanotomo-  
 vonovō zeēvetahemaevoss hevessenehevo Ma-  
 heoneēsžhetano na tass estavešhekonetanohōn  
 zhešhettaevoss zistosse-ossānešetōevoss na tass  
 énoneš nóztovazehōn nivās emetaenanoss-nito-



omenesz; na tass zistamaešēnanomevoss hevetová nitao zenithátóziss hovae zemehešehassetanevoss, ōxista estátōehōn zehešsaahešetonšetōhevoss.

Na zehešhopevexov zehešenithoemao neš émehōeozehōn zexhosshoemaevoss zistosseexanez henāestov. Na zehōeozevoss zexhoez' zensetamaevoss. Zenithavhoemansz eszheševehō: Oxnsezesto-Zepevaez'. Na zevešemomaxemevoss etahaneze: enseztanov na etotahopemanszenov hoxtovotazistoz eotāomāszessoeo na tass eonissovananov Maoevehoeno na hosz etavistamaozetōevo zeheševavenaettoz hetšetanoxzevo zsaanoaztomovōvoss hesthoemao neo hevehonamevó. Na neš Oxsaanínitamész eszhétō, óha naevetōea zetōeōs tato zehépeamász zeoxnochaeamoz. Na heto ētotahopamansoheshtoz nassaaneševé nātahekotomavostaneheve zéo tama nitooxz, na zeto zevistamaozetōezēē nātāomhoonevotaeneo zévōxtomevoss nazhestomestonan na zeēveastomoēhanevoz na tass evhane-nešeasseo zépevaez' zēnōxtomevoss zehéphavsevaez'. Na Zemaxevehonevsz zetotexemoss zehešenēhovs Hánom zensetamoz zehenitamevo natōeovo na nistxi' hesthozeon.

Neš ēszenoveneo nha hovae zévešhoonevotovoss Zenithaeziss hevehonamevó venaexetovohá zeto zehoemaoeziss zetōheziss venahe-

mēstomevo hemomaxsetanevátovevo. E<sup>c</sup>nahehōn zenēsehoxtahaness, Ehanoxtahe, Maheonozeoxz na Oxaho-ehettazestanoz. E<sup>c</sup>nóztōehōn eoheneenovovoz zetotōheho zehoemaoeziss na tāxa emeoexestomotavosesto henitāamevó zevehoneveziss zémomaxemovoss zeto.

Neš eohāehō Ehanoxtahē na eszetoxtahanehō: nohetota Zenithátto nanxheneenovoz zeto hetan hako haexoveva na natanešeēnan(a) navistomōhao heto zeonohatamanohōstov et'sē —

Nanonehe.—Noxa—eševistomōhaoeha.

Na evistomōhaoovovo. Neš ezhévo: nohetto Zenithátto, zeto hetan zeoxešohāevēs enšenoceanossohāehavsevhetaneve náthoan; eoxksaanemoheho zevehoneveziss, heva vostonó, hoemao na matoheva hetoestomohestoz na eoxce vaxtom-tassešenotatanotovo nitao hetano vesse-tonen hosz zsaavešhesseonohastovesz zenitaēszonissyometōetanoxtova na momatahoxeastoz zeoxchestosz. Na noka navessenistovo tāma zénēs heto heōstahetanevestoz na heto zehetōestomohestov zémhaostov Vépeneotaxtixe exaetahotama-eonitavaensz na emessaatonš-nanovazetaneoxz. Na zeszhēs ota Zenithátto tass seeya essaanoctotonšenistōhenoz niēvevovónēszetoētastonanoz na ninototonšenhettaen zēneševevoz.

Na neš nanoneheo ezhattā nissaahoss-honaove-oxohe?

Ehanoxtahě. — Zenithátto nametâssemēsta hasto hovae na nassaa-azetanoxzestatanotô heto hoemanistovâ na ax hovae mxeheoz zevešetoo-  
menos mánešhótahanevoz hosz zeto hetaneo neš natamonhonaovemahaana nathoxtaheo zémomaxemo. Neš oxs evhazešenēnahehō.

Neš estaonōmeho Maheonozeoxz vehōmehâ zetōesz exhestōeho na éno-nóztovovhōn na éno-nóztōehōn zemehēs zehoonevotoss henitāame-  
vó zemaxevehoneveziss zémomaxemoss zeto. Neš évistomōhaovovhōn na eassetoxtahanehō:

Maheonozeoxz.—Nohetto Zenithátto nansa-  
apavhoxatamohe zeto hetan na matoheva nas-  
saahosshohavohe zexhossheneenōs hosz. Na  
āxetto naheneena essaaxaevota natanešheneeno-  
vo zénevesseēsōemo noka ešēva zeto Maoeve-  
hoeno na né zévesseēsōemo nanistovo ezhévo:  
heto zehetoestomohez essaahovaevanehez' na  
néno hesto eoxksaaveš-tonšaxaetanoehesz Ma-  
heo. Heto zehēs ota Zenithátto nitapevhene-  
ena zenstosshesso zehetanez. Heto nsthaôná-  
tonan zeheševépeâ na nsthavsan zehešsó-noho-  
vananez na neš taetto nszenenahanemanš; ena-  
hāne zehetahoxtahanetto.

Na neš Ox-aho-ehettazetanoz evistomōhaehō  
na vena-astoxtahansz zexhoonevotōss Zenit-  
haesz zevehonevsz nitonšemomaxemo zeto ze-  
tōēs?

Oxaho-ehettazetanz. — Nohetto Zenithatto na hetanész nistxiss zeto nanxheneenovo hako tozea naneoxcenistovo eneoctetotoxesta hovae zemessaatotoxemehanehez eneotaētohossemo Zenithaeziss Hánomaneva na eotaēsaavoemamoheho zeonohaziss hevesseno. Na mato heva nissaaēstohossemahe zsaamomâtahész masseha na mato niotaēzistoxto-hatavsevenhetta mato zevešetotonšenhettoss hâsto pavhetano nimaoevehoaman.

Na zehešeenhoxtahans zeto Oxaho-ehettazetanz, nanonehe ēsztovo zetōheziss, zsaahekonhenietamistovstovetto ōcevovozezeve niešenistovō zeto hetaneo zehetossemata?

Oxsaanínitamész.— Nametavhanetxkomnoan zistaamhoonevotazetto?

Nanonehe.— Haxc! nimessaahosseametanené zo nimetatomenahan seeya zénhēetto; na tass zeēveš-nonizeomâtovazemenotto zevōxtanov hetaneo nitanšhossehátovazemeno. Venaoxosz.

Oxsaanínitāmész.— Nohetto zehēs Ehanoxtahê nassaahépeoxohê óha etaháné heva etonsohane hoemao hetoestomohestoz heva vosta neo tass exātae-tōeomovonov heēszestoz Makeonō tass exātanos-hotamaeotanov ēōstahetanevestoz. Na mxhoxtanetto tâxa vistomeve zévonšenatto. Na tass nataevhahestan zemehahetto.

Na zenixaonsz Maheonozeoxz zehešemoma-  
xemas ota etahan zehetto: mxhaôdnatosz Maheo  
enitoohe heama zehesso onissyometanoxtoz.  
Na emessaa-aenehanehen's heama zehesso  
onissyometanoxtoz hovahan heama zehesso ze-  
veševōsansz hetšetan Maheo. Na otā hovae  
zenoane zexhaônatōs Maheo zsaavisthoenehan  
heama zehesso vōstomanistoz emessaatonšene-  
šexxanehanehen's óha otax xamaeonissyometana-  
noxtov hen nistav emessaavešheamhastovstova-  
nehen's aeneametanenistoz.

Na Oxhaho-ehettazetanz zehēs etahane ze-  
hetto: zevhonevsz zeto Maoevehoeno na nitao  
zevisthoemazemāess emepavhestanoveo Eavô-  
no zo zeoxhexovhestanovess maoevehoeno na  
hoeva. Na enahān Zenithaesz niš-šivatamaeha.

Na neš Nanonehe estaonōmohōn zeoxtniše-  
zess hoemaneheo (monšeahátomoneohevo na  
monšeōhaztahevo) hetanesz oxnišhoemaness ni-  
vehōmovō zeto hetan zeēvevešemaxhesshomô-  
zess heto maoevehoeno na niešenistovovo zeto  
hetaneo zehešhetoxtahanevoss na mato nitao-  
menistovovo zehešenoostoss na zehešemeemaz'  
venane zetotaomhešetanoss heva hekozeeha na  
mato heva vostaneveha. Na tass nitavhanvo-  
vistomevaohetovazeme nsthoemaoxzenan.

Eszhethoemanistoveneo zensóeametanen's Si-  
šinovozhetan zeohász hesthozeon zeto niveho-

naman emetaheomenōheo zenitavhoestomohess  
 namenixépaōva zehetaehetanevevoss eoXC-séa-  
 hamehōn ohe. Na mato eszethoemanistove-  
 neo zensóametanens Vóxotōmaōsz-sitōea zema-  
 haetta nha t'saavehaōnatovosz mámakátavosta-  
 no zexemanoss zeēseoešeme zexhaestovōez. Na  
 mato eszethoemanistoveneo zešsoeametanen's  
 Oxhekonevehonevsz nha voston zenitaeziss  
 Maheo zevehaōnatovoz táevavexoveva zetaēs-  
 tahame nanosseham zexhevenovez. Na ota he-  
 to zehetaetovattoz heto hoemao zeto zeešoe-  
 enosz otaxa hetšetanoxtova essaaneševé heš-  
 zistova na hezheševstova mato; na enahāne ota  
 emessaatonšenizeoehan.

Neš estahōénehōn zeoxtnišess hoemaneheo;  
 etahan zezeheševehevoss: Ōené, OXsaapevāsz,  
 Havs, Hohāzt'sané, OXsaaonokotasz, Totone-  
 he, Taomeonoatamaz, Totonseztahě, Nizeeheo,  
 OXsaananonesz, OxNSEZESTO-Zevonittoz, OXsa-  
 anoxtovhotoeozēs; na nistXevoss esēthoemane-  
 hōn etsetomeme zehestōhess exhehōn zista-  
 taome-manoēsōevoss. Eszehōn Ōene zenit-  
 haesz taxta natāneeno zeto hetan essaahekon-  
 henietamestovstovesz. Neš eszehō OXsaape-  
 vāsz: hassetana zezhestaz zethoeva. Hēhe ehe-  
 vo havs naahansetamo hevaovhanevomo. Na  
 ezhevo Hohāt'sané namessaatonševhistaneone-  
 henz. Na mato nanēhov ehevo OXsaaonoko-

tāsz nameoxceoohoomēohenhetta. Emehekozē, emehekozē ehevo Totonehe. Ahanovnova ehevo Taomeonoatamaz. Naahanstahátov ehevo Totonseztahê. Eahanemashane ehevo Nizeeheo. Hekozēhestoz eoxtovpevaez ehevo Oxsananonēsz. Nohetto nitanehehassetanon ehevo Oxnzezesto-Zevonittoz. Neš ezhévo Oxsanoxtovhotoeozēs, heva mahootanetto nitao histanov namessaatonševhananovohe. Nohetto nitanešmeemon zeheshoxtamesto nāestoz.

Na estonešezehōn na estonithoemaehōn zetossešenás zetonoc-nanossohāmomeztoz nāestovez zememane; na neš exhoeozhovōn zistossnešetovovoss zetohessoz hesthoemanistovevo na évovoeveénovhōn. Na énpopoén'novhōn na eoxcetaxeōstasshovhōn motaxceva, na neš ohonāeva exhossevešeahanónovhōn na eoxceoanekónovhōn xovatovoneva na táto hoox nitao zeheseēvzhešetovovoss évonhanovhōn zehesepanoetovoss kamaxeheva. Eszhešehōxtano Oxsanínitamēsz hesthiovanehestoz.

Neš natavōmō enhēo moesta niš mohénoham na amoeneo zémassonhēvoss zehāenōhess estonōma Oxsam<sup>c</sup> nitamēsz. Zetoešeēnoéhaess zēvemeztomāes etatahane na etxanovheameozene hotóma voeva enistōetto tápen enséne zetaešekass heama zexhestaetta. Na zeto Eōstahetan hovén enševostanevhō, estaevhaēstanehō

aenonemhayo na nhâ estanšhossninovhoehō. Nitao zemánithâto hovae mónhessetamōvo Eōstahetaneva na estanešhomstaho estaasseoxzéhō.

Na natavōmo naovaxstova Eōstahetan et'sa-anšenoceoxzé Oxhozeovōsetanoziss etahevistaosseonenotto eheszheševeheho zévevōmoss Eōstahetaneva na Oxsaanínitameheziss zeheseēszistovaz na zeēvehessmanez zeēvemomeztovoēz zeamoētastovez', na estanešeēsztovazehōn tass zehevis'sonetovaziss na énhettaehōn zehēšmhone-vessevōnanetōess. Na ota nasz zetāšhesshovanēs hōtaheo zehetomettoz na nasz enxhossehesseohā zépāevs tass zetāssvessevōness zeamōsemeoxz. Na heto Oxhozeovōsetanoz mato ezhetto Eōstahetaneva eotahāenōheo hetaneo heto zeszhetoētastov hootov taometoneš nszeneassenehōeneo.

Neš natavōmo zistaešenonotov-ōstoeoxzevoss ziszetoētanov etahoxtamov maeto zetaameoxzeziss Totahoesta zeheseveheziss, otā ezhetto t'sa nihesta maha? Na toneš nitatoshoeoxz heto zénehom? Nanšeoxz Momehemeēszistxe na nahooxz zexhistanov heamā ehettāevo; na essaamēstomohenov hevéhestoz.

Momehemēszistxi mo ninšeoxzé ehetto Eōstahetaneva; hosz emātoxetanovó nāno?

Hēhe ehevo Totahoesta.



Eōstahetan.—Hoxtao na nivovoenitonševé?

Totahoesta. — Seetoeš nihestoevostanehevetovazhema; zeo mazeoxzetto nstātapevevoeševeoxzemaz na mássaaneoxzehetto ōxista nataēvhesta.

E. — Heto zémhaostov Momehemeēsziŝtixnaoxcešnistomoneta na nanšheneena eotahaōi vastov.

Tota.—Hēhe nitatóhetom homōxz eotahānōheo nha navōhestoto zehaōvass.

E.—Na tāxa nivāseo nā zehevōhestovettoss? nitanšenóztovaz.

Tota. — Natosstoemhaoemota hen maoevehoeno na nanosetto zevhonevsz Otxovevistāva, zevhonevsz Nexovevāsooxneo, zevhonevsz Oxmomehemēszz (heneomeva hene maoevehoeno zenstohesso-vovoeņeševhetto) na matō Oxhoxeaeŝz, Oxhaztovaeŝz, Oxeovāŝz; na maheoneēsžhetan nišhetanevaz, nākohe vezeno hevi'son: na natóhetom zehettaziss nataohāpevhetaneve zehešpeveše-eseonevetto na namšem ta nhasto éneamōeŝzevehoevho oxs eškanomoxcezetōo na oxs eoxcezetōeŝz na honohā nāeneo nanvešeamhae heto zethozeohestoz.

E.—Nihezžeemé?

Totahoesta.—Hēhe na nazžeem eotakōmheēve enxhestonoetō zekōmaziss heo; nivahān Vhanenhessemanehe hestona na otā hatō zenx-

hestās eotaonoatamavostanehevstovez na tass eotahoxtamista zeoxcēvhestátovez zexhōs zevehonevsz na mato zenstamenoehevsz. Na tass naoxtonissyom-onitavo-hoestomoheme zehexovāvoss zeossenitass tass taxce nixa; vovoenotto naoxksaaonissiatáéoxzetovohen āhavan. Zenixa naoxceota-ohāhotšetanom momatavhoestomohestoz hoxtahoemocaneozesz zemakátavestonezēs hemocanoz. Naoxceotaveoxzematantovon zeōmepopoottaz mxhāeotazēs na vostano oxnšenamasseztōesz.

Neš Eōstahetan ethahaneōhetovo hevesseno Oxhozeovōsetanoziss etazhetto zehešetanotto hama zeto tó nivahāne Totahoesta Momehemēszistxe hestās; na mánēhovsz niveoxzemonhō votanxpavs zeo zeotanhestanov. Neš ezhévo Oxhozeovōsetanoz tāxa nóztovehā zehessetamo mona emehetanevazista hevéhestoz. Eōstahetan eneevāshôoto na ezhetto maha heto zehešeēszistovatto tass nihépheneeno hovae zeoxešenono histanov na mássaaoxsetanohettó tass hovéno nitóheneenovaz. Tass hama Totahoesta Momehemehestxi zehestas, ninēhov?

Totahoesta. — Heto nassaahevehestové, na oha tass meto navhanemetaenov zsaamátatamaehess na tass nanšnonizeneševe tass hapohosz pavhetaneo zeneoxcēveš-nšenonizeomátomevoss hevéhestovevoz.

E.—Na hovae tass nissaažeštonstato zehesso zhešetovāzheševeata.

Tota.—Hovahan zenanosshavseva zeneševetto zehesszheševéhaevoss etahāne tass naoxceš hokvesseoxista hovae oxtonhessōsz naoxksaaōhatanotō na hovae tass mazhešehōstomonetto tass natanoostomotanov vovónešemazistoz na hóniztaheon navévevhotahoenov vehoetazistoz.

E.—Na hea tó niahāne zeto hetan zén'nistomonetovo nihovhessetamaz na nitamēstomevaz zehešetanotto hama nitónēhov heto vehestoz nitóeaena nanosseto tass momoxsaaohēevatamaehévōz heto véhestoz nioxhessetamemeno.

Totahoesta. — Haxcl! na mátonešetanottchoxks namehetonševe; nstanešheneenoveme zehēšepaveveoxzemaōnevetto mánšhosshevistanonetovess.

E.—Mataveoxzememenotto nstaataénooxzetovo āhavan; tass zetassetamaz essaanhessohan nitšetan; na mato nimetonštōeno momatavhoestomohestoz hepēsanistova zehexovmassezto-moss zeohassevstoonevocatass na nimessaanohovaenoz máveštoēs mahatáva tass zehexovmasseveoxzemoss zeōmepopootaz maoevehoeno zenšenavovónešems. Nivéhešetxeanov nivéēvhoemaoxtanov naonissyometanoxtoz; ninšēnizeove nanonizeomastova na nstaveoxzemazeme.

E.—Nimetsáahosse-assethoneheme heva no-ka oha mávessenhestátto zehestáz.

Neš ezhevo Totahoesta namessaatonšenoox-zehenotto Zenitaész nista navostanehevstō es'-saatonšonxohan na eotahozevatamano. Mátsa-aveoxzemazehess natanšenhesta nista zehestátto zsaaheshoxtamehess natanšeēvenoka navostan, manxhoxtamasz nha zevoešetanota naveoxzemossanistoz.

Na natavōmo naovaxenátova Eōstahetan na Oxhozeovōsetanoz etanootovo na vohēs etao-meoxzeo maeto, na nasz zistaotōs etavōmo nahe hetano eneamhoeo Totahoesta na otā zenxhoxtamās monhoeneceōs zénossxamaeotovoss. Ne ezheševeheho hetaneo: Hestanovatōen, Oxmehoss-hemakátaemaz, Oxmávostanevstomansz, hetano zeto Totahoesta nista zenxheneenovoss zenstocahevoss moénvistxistonemazevo zévovistomohevoss Hekonitōenen zevovistomossenehevsvz Mehosshovxtanenen maoevehoen zeoxcemohēhešheoxtovátov hováe totxetto-hohá hoeva notam. Zeto vovistomosseneheo éneševovistomoevohōn zeoxcešamhastovez heva šēnovátov, heva momehememazistova nizeesto na mato hevá zestōeohao momatavhoestomohestov; na zeto ninivevoss hetaneo estaexahohaevohōn zehēšetovahez zevovistomohevoss na heva hapōemetōtōneševovistomosseneo tāma.

Na zistaeš-ētš-massáeztovzevoss Oxmehosse-  
makátaemaz ezhetto Totahoestaneva; nivāseo  
tato máto zetaameoxzess? Eōstahetan na Ox-  
hozeovōsetanoz taxta estassoameoxzehōn.

Tota.—Enišeo haeš hoeva enxhestayo na tā-  
ma zehestavoss enēšamōsemeo.

Oxmehossemahátaemaz.—Ahō-yā heva nime-  
tonōmaeneo nonxpa nimstaamepave-veoxzemo-  
neo níniševoss na nínaez na hapo hovā hea ze-  
hešetanotto nitxseamōsenhema nistxiz.

Tota.—Na etxsēenhesso vezeno óha zeto he-  
taneo máto zetaameoxiss ēhomeossenitayo na  
ētamehoxtanov tāma zetoamešetanovoss na  
mato tass essaaxaōnoaztomovōnov zeoxhessoz  
hetšetanoxzevo Zenithaeziss heva hetan hotonš-  
ohámomataesz saavevistahomōvoz nitao hova-  
hestová eoxcehassetahovo homehahevessevō-  
nevoz.

Oxmāvostanevstomansz. Hen eotahavseva  
na nioxceoxtovenistomonenoneo hosz eoxceho-  
meossē-hépxanovepevayo na né hetaneo heos-  
sēnitátovevo tass eoxceexaōenov tass etaoxcxa-  
maevešhá-havsevetovo nitao vostan na tass eox-  
cenoc-noosemazeo. Na tāxa hovāe etoxtova  
zsaašēšhotoaztomahess?

Tota. — Haxc! zeoxceeveš-saahátávoss tass  
eoxcevátomameoxzeo nitao heovaz onšhesseta-  
manoez na naoxcetonōxta táe oxpevatamanoēs

naoxceassetoxovistava. Na tass hovae eoxksaaenshesseētanoťonov Maheono hevetov hōniēťto; na naoxcetonezista nitao tass táe oxzhešehestōmeozistovettonoz na tó neš tā naoxceēveamoēta. Na eoxchetohekoniťōenanov hetšetanoxzevo tass nitao hetano onšehónizťōevoz; na momatavhoestomohestoz naoxcenšeneha zetášhoepeva zehešsaaveštonitoomenestovhan: na momatavhoestomohestoz eoxcenše - ametoenanov onšepēsanevoz na onšhónizťōevoz, na óha naoxcevistāmo oxemocanenezs zeohassenevstoonezēs hemocanoz maxhāeotāsz na onšenavovónešemesz.

Hestanovatōen. — Hēhe na nitsēhetom Totahoesta na tāma hezeo nitov naononistatamo nha henonizeomzestátoz zenstossenseaeno zenšenaheszhovs nšeoxtova-ononissvoneōsz. Nitanešeōhanhema zehešeōhanevoss šišinovotto. Eoxcenanossepeva oxokoexovatovēs onšenahāeotāsz. Niheneenovovō hánomao zeoxcešhekozšenavoss āneva na eoxksaatonšēve-aestomhōéneheo táe hovāe oxtovešhetotaetanovoss zeamhāvoss. Maheo eneoxcemea totoneš hooťtoz na totoneš zehāeotaz; na maonissyom-ononistavoz zetansēameoxzeo onšenavookoz na ōxista nioxceēveš - amoxovistavama oxpevatamanoēs. Na tāma zeo nitovā naoxcenithohae momatavhoestomohestoz tass oxmátazťōsz Ma-

heo na oxpav-vovónešetanotoezész. Nivā tā ota zepavhetšetanoxtovsz emezhešeōhetanoz Maheo zehešemetaez zetohetaepevaez heto vostanehevstova nitsaaenštons-tatomovōnone. Oxmahehestovsz na Nanovazehetan exhesshaōvayo momatavhoestomohestová. Na Oxnsetamsz ezhévo zepavasz hetan zhovsemaneoxzez māmakāta tass hešec; na hea emessaanhestahe zeto zehestavoss zetaameoxzess mātō zeēvetootoss.

Oxmāvostanevstomansz.—Na tass emassónehaeneo zehešetanoz na neš nit'saanše-heevhatotoxstoeno.

Oxmehosshemakātaemaz. — Haxc! moná nimeēve-evhahosseoxistanen na zsaonissyomátōhesz Maheonhoxtaheo nahešetan na matoheva zessaaheneenoesz henonizeomzestátōz na zsaanozxeosz tāma hevostanevázistoz.

Totahōēsta.—Nistxiz otā navōhestonasz niheneenanon nit'semā-amōsemhema na emehešpav-vohovaomaz nitao zehetaehavseva tā otā nitazhešnóztovazeme.

Hoomeevass hetan Maheoneēszhetan heva hoxtovavého na zeonitass emenívōsehe zemehešhaōvās heto histanov na emessaatonštassenhaenohe óha heva vhan-nitōmshohestov tass emetaotaēoxsenithá t't'sa momátavhoestomohestova tass zsaamehavovozhesseztōhes taveš-

hesshaōvasz na emenšeaázesó-xanovmesseahe?

Oxmehosshemakátaemaz. — Na vovoenotto zeto Maheoneēsžhetan hevetov: hoomeevass maheoneēsžhetan zeotapevhetanevsz na zeotas-hóvstaz hesthoozeohestoz na zetavōxta zehéps-taz, na hoomeevass mato ememez zemetaešhes-tano na tâssenševheneenovatan na tât'se hoox-cetohoēsž na tass zénithohaesz' hevostanem hosz zistossenitávane zenitáez hevostanehevestoz. Na táma hezeo nitova namessaahoxstaztô he-tan zheševsz.

Zexhâstoetanoss hesthoozeohestô et'sene-šepeva tass zenxeš-nešemetâes Maheon. Na otâ emenešhestana tass emessaatonitoktaztô hetše-tan.

Na zexhohaes zehépaosz hoozeohestoz ehess-hosshânševheneenovátan na eotahosshâhot'se-ēsž na ehépepevhetanemanhâ: hêhe ehépepa-vexanâ tass zenxešetanotôs Maheono.

Na zetatohessetamo maheoneēsžhetan ná ze-ēnano zeshóvstaz na meto zetastano zehépstaz hesthoozeohestoz emessaavešhess-nhessetamehō zehešohamhohaevonevs na onitáz tass zeheševeš-hépepavās hen tass emetanohōeme zehetaene-homevoss zehestōevoss na tass zémetomōs pa-voētastoz.

Na zenixaonetto ninóztastoz zistotoxems hox-tovavého hoomeevass nasz emessaaetamohâsto-



vanehez hestoxtovō na tavessemomâtavhoestomōsz emetapevane hesthoxtovátoz heva emetavistōmo zehaōvaziss héo na emetaomaenotto hosz na haeš zehépevaeziss zeoxcehoxtovotāes, na tama zeonitova zehesseztom emetopavzhešneševstov na otā:

Zémomâtavhoestomōs voston evešekōmhas-tov enahāne zeneoxchessenhestavoss hetaneo. Essaatonšhavsevaehan zeamhastovs zehaōvasz hée na zeasshāenōs zehehoxtovotasz. Na ná hetan zenxhessemomâtavhoestomōsz zexhohās heto ehestanomovo zepevaez zeaenoz na zepevāziss hapo zépevaeš nitooxz: na ota zeahāne zepevāsz hée na zepevāss zeheoxtovsaness na zepeva zehonaoveamhastov na nitao heto ehessonsz momâtavhoestomohestova, hen et'seepeva na zeszhešemomâtavhoestomohestov zehesseaeno nitao heto epava ehonaoveamhāvomao.

Heto zeszhešenōstovoss Oxmehossemakātaemaz, Totahōstaneve oxmassemasseztanovo nistevoss na tass estatonešhā-nananovo hen zetohēs etonšemāpeva na et'sētonhesso. Na tass zehešetanovoss tass hovane hetan essaetonštōehoenō na zeto Eōstahetan na Oxhozeovōsetanoz zetāšsóeameoxzevoss zeoxcešnistovazeno-vez émanonithoemanehōn estossenóztovonovhōn zetatoešhoxtamovoss mozehessaavōemaez' Totahōestane. Na estanehevamovhōn na en-

šetonōmāevohōn estahōotovhōn na zehēše-  
evenšhōotazevoss nonameto Hestanovaxtōeno  
emēstomevonō heto zeēvešenóztovazevoss Eōs-  
tahetaneva na hevesseno taxa nionissnōstom  
exhettovhōn.

Na eszheō Eōstahetan, heva meševoz momā-  
tavhoestomohestovā ememassenōstanoz mató-  
toa matótnoe nóztátotoz. Saapevaehan oxsē-  
cetto Jesus hessenhaozvezsz kókonoyo na toni-  
tā oōtam emehéphavsevaen's tass hevetov na  
momātavhoestomohestovā tahōstovez zehess  
hestano haōvastoz heto histanov. Noczhesta-  
heon zeto nháevostaneo, vhanenhessemanehe-  
on, eavōo na maheonōetātaneo.

Nháevostaneo: Maevohokoxta na Histazeoo  
zenxhohāvovoss hestona na hesthotoam Mases-  
to-oxtonozes, na zexheneenomevoss zsaatonš-  
toneōetamovōvoss óha ta eševhesseevxtanene-  
ševoz mātō ezhettov hevessevōnevo: nistxiz  
zexhetanevez vessenešeevxtanenešez zehēšeevx-  
tanenešess namessaavessaenōnevo hesthotoa-  
mevo na nitao heszhovevo na nistnovās hova  
zeaenoss? Hestonávo na hesthotoamevo zeox-  
zenotoss hemomātavhoestomohestovevo mos-  
tahoezé zehēšenotatanotōevoss. Vehōxtom ni-  
tao hoxtaheo zemxeoe maheonemxistōneheva  
(Genesis 34, 20–24.)

Zeto vhanenhessemaneheon, tahocemomātā-

taneo zeto evisthoestomoeo: ohāehoenátoz eheshōmanazistovenov ax otxaheo hemhayonevoz eoxzenoxtovonovoz na maxemaxeossázistoz tass ehoxtamistanov zenxhessetamaevoss Maheon.

Juda zeheavoevsz hapo évesszhešmomátavhoestomoe exhessemomátavhoestomoe zexhohās makátavehoesseo nonxpa emetasseaena zehotaz hotoma; hotaz évoneoz évohoe zehēhy-aetōsz aenoomenestxi.

Homaszesso maheonōetátan hapo évessezhešmomátavhoestomoe eoxneševōmohōn maheonemátassoomáva zistossexcevešhemakátaems.

Na mato emessaatonšvoneozehan natšetanoxzeva ná hetan zevhanhessmomátavhoestomōsz heto histanov zexhohās zevešhessvohoosz momátavhoestomohēstoz histanov.

Na neš exaenšhec-nonameto-veoeoetovazeo na t'sa hovae essaaavešhessnōstovohenov Eōstahetaneva. Oxhozeovōsetanoz hapo epevooxtomovo zehešhetohomoz Eōstahetaneva heēszesto; na neš enšemaxhekotomaoeo. Totahōesta na hevessevōn etanšeēveamhestoxéneo nonxpa Eōstahetan na Oxhozeovōsetanoz etanševovoeoxzeo. Neš ezhetto Eōstahetan hevesse-no, zeto hetaneo másaaneše-ōetamehevoz heēszestoz hetano na zenozetonš-nešeōetanovoss heēszestoz Maheon?

Neš Eōstahetan na Oxhozeovōsetanoz etâs-

senōoxzenov nxsetto etahōoxzetanov zistoxtonex Oanaxan zeoxchestoez' na etanšeam-ocanaxahetotaeaméneo na hen zetoxton essaamahao-maôhan na etaotanehenōoxtanov. Na neš nhasto hesthoema heto zistoxton ezceo vhoss Makâta eheševhetto na neno vhossevâ eoxcemenône zevokomoao makâta, hosze mo zetaoxchešemâvovoeameoxzess heto zepevatamanoez' moetaoxchesse-nohéoxzevo oxtavehōxtomevoss. Na oxtaveotatoxeoevosz zévhoosôz zehešeōcevomaο mo eoxceanhomaeozevo na estaoxcenonxpanhešhovanêheōn: na mato hosz eoxceēvetotonšenahōn na eoxcenšhovaneheōn zeoxchešsaaēve-evhapavezhestahevoss.

Neš natavōmo naovaxenâtova hovéno nohémeon etaoxoeho makâta zémenôz hetan Makâtansz-oxnohénoshâsz eoxchessevamo zeamoxovistavaziss nizeōhe hevehōxtom eoxchetto; eossānezhetto Eōstahetaneva na hevesseno hē ninohén ohóm nstavōsâzenov henās.

Eōstahetan. — Henovaetto zekoxcenitáehan zemetassenohénez nameonan?

Makâtansz oxnohénoshâsz. — Hetahâne otâ zémeneo makâta zevokomoao na hosz menônistoz zémemeoe hemakâtaemestoz. Na matšeonissizeoxzess nimetatohōvemanházheme.

Taxa nitavehōxtomovonon ehevo Oxhozeovōsetanoz.

E.—Hē hoxtā ehevo Eōstahetan, naoxceeš-nistomoneta heto tazea na zeoxchestoe-vonhaehevoss voston na mato hen makātaemátoz evhanešvešeoxyzenoenov na zenoxzeoss eoxxchestomoēhaenov zeamōsemess.

Neš ezhetto Eōstahetan Makātanszoxnohénoshaziss essaamomoanattané hen? Eoxksaahestomoēhaenovo haesto zeoxce-naamōsemevoss?

Makātanszoxnohénoshász.—Essaahámomoanattanehez óha ná zsaakonokotahess na zéneēshēš exaemaeneoz.

Neš ezhetto Eōstahetan Oxhozeovōsetanoziss nistsaatonšēše-hassethonehemā nitanšeamenehanon nimeonan.

Oxhozeovōsetanoz.—Totahōesta mávevesshoénsz na mánešeonōmász zehēšeonōmanevoz nitanhettaz zsaahózenohéohē oxhevehōxto.

E.—Haxcl na Zenitáez' hevostanehevestoz tass zeneozhā na hāesto tass eoxxcenešhovaneheo nāno.

Neš Makātanszoxnohénoshāez enxhossezhevō: haxcl moná na zenxononšzheševēhōxtomass?

Eōstahetan ezhešenōstovo: Makātanszoxnohénoshász ninēhov zehóniztom zexanovpaveeczēsz Zenithaesz heto meon na niešeta-aázevonanan zehēševenohéoxzetto na henā tā zehessenešzeozhatanotovemenotto hapo nitoome-

nestxi? Na mato tavevessenohénež Zenitháesz zevhonevsz zenistomoneto na nâ nazetanetanom na éoxistă zistosshešhekonenēž zehetaēs.

Makátanszoxnohénoshász enxhossezhevō: hapo nasz nanēhov zexhestaess na maneš-ešetonōmess taxce staveoxzemazeme.

E.— Neš etazhattō Eōstahetan nitonševé? nitoneševehe zetahettaz?

Hēhe Makátanszoxnohénoshász naheševe nahēyahetova Mahehestovsz.

E.— Niheneenovaz Matonš nihemšemenoz na ého Judas na niametothooneoto. Na eavoevoētastoz zehešenešezetto. E<sup>c</sup> ho eēkozē zémessētanevaevs na nimessaatonšhép-pevootane; na nešheneenoz matahōoxzetovoz zevhonevsz natanitoxtahaovon heto zeēvhestatto. Na neš etaasseoxzeo.

Zeš vezeno Totahōesta na hevessevōn énemeeoxzeo na zetoēs-hestoōvaevoss etanooxzetovovo Makátanszoxnohenoshazēziss. Heva tā ēseanaovo zévossōz zistanepōovoss na moeotanhōnevoz zistamenōnevoss, na eoveš-enxpotomeozevosz zehestoneoz zeoxceohāesz heto hovaeoz zeēvhesso nassaatóeonissyomheneeno; na heto oha nazhešheneena essaaevâszhešvōmeheo meon zeameoxzistovez'.

Neš natavōxta hovéno nhasto heto zistoxtono amōsemeheo etahōoxtanov enhēez' neevat-

seo hahetto meon zévōxtomevoss tass eohāe-tanoozeo zeotōhessoz heto neevat'seo tass zehesseztomevoss tass hée en'nēhō heto zehessō zetomseō heto neevat'seo. Zeno tā enšenhēhōn na éveoeoetanovo na es'saaxaninove-heneenohenovo. Maveš Oxhozeovōsetanoz estavōxtano emxeozene héama hemekon tass es'saaneheneenovattanehene zehetxeo (énistao-mēvxeoene); na zehešsaapevheneenovaes eszhettohōn Eōstahetaneva; taxa onissheneenoz heto etonitxeoen's, na enxhoénehō zehešēveninov-mamovano zemxoeoz' estazhešmeano: "metanotovamo Oxnhōmansz heszheem." Na exhoestomevono hevesseno: neš estassnešheneenanovo zehešenēhov zetomseō voxbomaoz Oxnhōmansz heszheem zexešhenhestavonoeoz ez zévehootōs tass mo hovae zexhohaes zistamehahesse-assetxeoz' maoevehoēno Sodom zeheševheetoz. Tass hootova zévōxtomevoss heto zeotōstaztomevoss mo etasszešeēszevo:

E.—Héhe hovā heto vezen niotanhavōxtanon na tass nitahōotaenon vezen zeēveonōmaez Makátansz-oxnohenoshās: niszeoxz hevehōxtom makātaevhoss zéneēvhettaez na mataneoxzezenō zenxhethohátōez na tass zehōvešetanoozetto hovā nimnešvehōsseonevhemā maēvetonstazenō nāno zenstosse-hosseameoxziss nimstoxcneševēhōmaeneo.

Oxhozeovōsetanoz.—Nataeanovetan zehešeononistátto na zehešsaanhestaozehetto zexhestaozez' heszheemo Oxnhōmansz ta t'sa enitávaen's hesthavs na nathavs? Evhanhootōohō na natahohátanooz zezeōetanotto na zeoxzetōotanotto. Na tass nata-tanitan hovae zeēvhosshez Hess maztáva.

E.—Nitássōhaetanonon zevōxtomaz heto nivistámezistonan zenstosshosshonexov. Zeto heé exhomstano nasz maxeossázistoz na essavešhovanehe zévonanez' maoevehoeno Sodom na ešehovanē zenitaez' zévehootōeoz' evoxbomaoxzeveozehō.

Oxhozeovōsetanoz. — Tass nitavešeōhaetanoxzeveno nínišez na nitatāohemenenon tass nimstaoháēxotomovonon hesthavs tass evešnevat'sanistov maxeossázistoz zeoxchešhoxtamaevoss zsaatoneztōss heto ōhaevamazistoz. Nanosetto nitao nasz nazhessezestá ta enozetonšhekonenēsesto Makátanszoxnohénoshās na hevesseno zénoxzeomevoss haōvastoz. Zeto heé zeoxeševhanhootōeoz zéxeševoxbomaoxzevoz nanosetto tā heto maxeossázistoz zehoxtamāess zehešetāohememanhās zetoheta-hotaōmās essaatōnš ézevōmaheo heva vhanezetōovoz.

E.—Hovae eotōtatame na voston papass esaahesseztō zemehaevešōhaevam's. Ezhestoeo hetaneo zehestáso maoevehoeno Sodom zeheš-



evehettoz etaeossēhesthavsevoētastoveo zexhesthavsevoētastovevoss zehetaēz' (Maheon) Zenithaeziss, heto zistoevosseons zévehōmoss tass zeoxeš-vovónēšetovoss nitao heto hoe zēvatomevoss tass esthoenexovpevatamanoene zehexovepevatamano zexhestoemanhaoxtov hopavatamano. Heto motāssevešohamohāhessnševe-maxeoshāevovo na zenocohānšhotaz heama zehesso, Zenithaesz hemanstō moevešemaxeossehenovo. Na tass enešheneenoe, nha zeoxcevōxtoss heto neevat'seo na zeoxtovanšenešhavsevoētass tass zetanoaneo zexhestanez' zetocohāoz maxeossázistoz.

Oxhozeovōsetanoz. — Na mó nitxsēhetomé. Na óha zehešešivatamaez nasz zehešsaanēhovez zezhešneevat'seonevess. Heto tass nizhešemētanenon zemehešvovónithoenatovoz Maheo na zemehešeátovoz zehetaēs na mesēetto zemeoxchešmeetanotovoz Oxnhōmansz heszheem.

Natavehōmo neš etanšeameoxzeo etanehanov zetahōozez' hetotaeohe Oxmehōsz zemaxevehonevsz zezhešto: heoheam Maheo na Maheonšivatamāsz zehešeēsz eszheševista: "ohe ametanemáp." Na heto hae mostaametoxeozehanez' hemeonevo heto ohe na zeo Eōstahetan na heveoxzemaōn etamaxhetota-amxeo etaoxcenómanenov heto máp ohe moepeveenoehan na mo evešhetotanomoxtaenovo na mato hestovō-

ma heto ohe examaoxoxzeveoeō hozzetto heovaz zehešemenamās na vépotoz emessenovoz zeoxksaaveštonitomoxtastovanehezēs honštonitomeozistov. Na hestovōma toxeohe mato zeametoxton ētaohaepavatamaeoenz zēpavszeavooēs na eoxcensēaeneotatavóóm zeoxēhessō āe. Heto zistoxtonoz eovšen, enaōzeo zeo moeoxcé-enšoxistanheš - šēšenátovan. Zeš-šešeozevoss ehosseoenemenao na ehossemanenov máp ohe na eēvhasseovšen enaōzeo na enšeamneševēo hāstova ešēva na tāeva.

Na zehešeasseoxzetanov emesseo na emaneo na neš etaešeasseoxzeo.

Na natavehōmo etaešsaahaeš-hōoxzeheo heto hoe na meo hovénō (etanohéozenz) etanissovaozenz; na eotaōzetanoozeo na ax emessaa-tonšnohéoxzeheo. Na meo zistaēšvohēs-ameoz ohe etaotahavseveoz na zehešešoaneátaxenavoss zehešhaešamoxovistavavoss na hemátassoomāvoz amōsemeheo eoxcenešsxseveozettonitoz zeto zetameoxzezess. Na zetāš-nšeameoxzevoss zepaveozez' enoxzevaztanov. Na hovéno mātō henamosesto hesto meon etoxtono na eēvhonooneve zistaoxcešēsznistov na hen zistoxton paoemeozistoxton eheševhetto. Neš ezhetto Eōstahetan hevesseno: heto zetoxton matatšeamepaoeoz nimeonan nitanhešhenehanon. Neš etanezén zeevhonoonevez zistavehōxto na ho-

taz meo ae eamepaoeoz nhasto zeamoneane. Zetohethohátto ehevō Eōstahetan: etahāne zexheanatto ameoxyzistoz nēnasz Oxhozeovōsetanoz nitanosznhema.

Oxhozeovōsetanoz.—Na tā heto meo matavenohéozehaez meon?

E.—Móna emehenohéoz? zetōoxz etatonšeamoz héamā? Na Oxhozeovōsetanoz etaešenota hevesseno na etanoshoeovo zeevhonoonevez na zistaešenosznevoss et'saaevhaonšátaxenaheo. Na zistazetōovoss mātō etavōmovo etaameoxtó hetano Oxhōvenietametovasz eheševe na etanehevamovo na enóztovonov zistaozez' hene meo. Etaeoz héama zexhistanov ehettāevo. Nioxzešenhettaz ehevo Eōstahetan. Nithāneena ota zehešpaveozez' na etanšhoeovovo etavovoeoxtó; na neš etatāeve na ētaeohaeaenonitto na zeto zehoeoxsaness etsaavōmohevo zevovoeoxzeziss.

Na zeto zevovoeoxzz Oxhōvenietametovasz zeheševēs zsaavōxtōs zehetaeoxz' etaēseana zévossôz zezeotōez' nā t'sē zemanisz' neo Zenit-haesz hoeva zeoxcevešenhānoss zehōvepevata-mazeziss masháo na estahaneošena.

Eōstahetan na hevesseno énistovovhōn zistahoeanaoz' na estanóztovovhōn zetaēvhestaz na hovane ensaanōstahehō óha enstanistovovhōn zexho-hoamez. Neš ezevo Oxhozeovōse-

tanoz, t'sa ninhēma? Neš hevesseno essaanszeheō tass etanešetan zehešhōveonissyomata-mās zehešenohéoxzeoss: na neš easshoohō na nonoma enistō na eoezē eohaoezē na ehaoeta-meoxz nonohono.

Neš Oxhozeovōsetanoz exaēvhoam ezhévō: ēevhanšneheoetto hato meo!

E.—Oxs ezeoz heto meo nivā emehōvhešetanoz?

Oxhozeovōsetanoz. — Seeya namstoešeasseēta na nioxnešōhaevamaz; nimeṭotanhettaz na nihéphaeā.

E.—Hē hovā nivéatazesta nataeanoveoz tass zenxešenohéohetovaz na zehešhoeozaz zexhestatamahestov. Hē nassima šivatamsz nassaahavsevneševé zénohéoxzeaz.

Oxhozeo.—Pavetanoz nanéhâ niēvhašivatamaz na heto zhešheneenoz heto nszevešepevaenon.

E.—Nātavoēšetan zeheševeoxzemo zešivaztaeonevs nissis óha nit'saanešenhēhema zeto, nitaonissiēvhaoxzhema.

Oxhozeo.—Nanéhâ natavovoéne.

E.—Hovahan natanševovoén maxnonaxetonhesso hestátamahestoz nonxpa natavovoēnehov, tass nitovō nit'sēhessnohéoxzhema ninišez.

Oxhozeo.—Hovahan ehevo Oxhozeovōsetanoz moná nimehevovoén nitšetan ehestomōze-

oz nimetâssnohéoe. Neš zénvonhossemevoss etanistevovô vostano enszhettāevo: nsztahevo hetaenom meo zeameoz hane zemehaheneo-mass: evhanooxzetom. Na zeš vezen eotaeš-maxhaoetam na heto taevhaevhahooxzistoz eotaeossēmomoanatto (ehestatamano). (Neš natanēsheneeno eheanattoneo nohéohestoz onšenaameneheoēs meo na ehotoanattoneo taevhahoxsezistoz.) Na etanšeonissevhanooxzetanovo na zehešohaaenonitto na zehešešohāoetam zistaameevhaoxzevoss ētaoxcetoēštossmemstaneohastoa.

Na zeoxešeotoxovaevoss essaatonšeevhahōox-tōnov zeevhonoonevez hene tāeva; na maveš etaomōva ethamstoeo nxsetto zenxvōneoxzez na zehešohāekaneozevoss etanaōzeozeo. Na nheno áe hahetto zēvšešenavoss mhayo ehota Nizestamhayo zehēmhayonsz Maxenínitameozevan eheševe na hesthoeva mostanaōzevôvo na zémeotōs zetohetōnaoz na zistaēveaméns hesthoeva, etameovó Eōstahetaneva na Oxhozeovōsetanoziss enaōtó hesthoe. Neš eotamomátašeševamo na enóztovo zexeoxzez' na zēveševez' hesthoeva; na enhettā zehešeamōsemehevez na zeheševoneozez'. Neš ezhévo Maxenínitameozevan hizetāeva niotaēvtotaxeoxyzheme na ninotaxenaōzheme náthoeva; nēnanševeasseveoxzeme; na etanešmomátanēna-

heo zehešhéphekoneozez' zehexovávoss. Na mato essaamahaeheoxistoveo zehešheneenomevoss zehešehoxtōētavoss. Zeto Maxenínitameozevan neš etaassetaōevō na etaēstanāevo hemhayon eotaeossēnépeaenonittoz ētaoxuenitamoz na ētaoxemēozez hemátassoomávo níniševoss zeto hetaneo. Na zeno enšhoeo zénišēnoez' zévōna nxsetto zcemaheonešēva hetoeva, hováe heva taxce kókonoyo heva zeōezez manistoz na heva zevohoksez' na hovanēo essaahenóztatōhevo: na zeo otā eotahavsevhoeo na ētano hāsoz' zehešhoez' hevōhestovevo na zeēvemahoxatamovoss. Na hezeto Eostahetan tass enixaz heoeometanoxtoz tass zheševesshezhestavoss zsaaneševonhossemehevoss zeheštasszešhōozevoss heoeometanoxtovâ.

Na zeto Maxenínitameozevan ehészheem na ezheševé Oxsaaonohaztâsz: na neš zetaeoveš enitótahaovo heszheem zehešēševs heto: naēstaovo niš momōn na naēstahamō voxevâ zeēveveheštotaexozevoss náthoeva. Na enoenóztovo zemehešetovoss. Na neš énóztovâ nivāseo t'sa enxeoxzeo na t'sa ehooxzeo na emēstomevo. Neš ezhattâ matatóetto mávōna taveeónōn stavetonšnovssívatamaozetovo. Na neš zistossetastano emone zeohaestanattoz evaohevo na etaanhôn zexhoez' voxevâ na examavovoeveoetto tass hotam zeoxešsaazešetotonsetamāēs. Na

neš eohaeanotō enosetovo esxseveanotō essa-  
 axaevhatonštaome-momoozeheo. Zhešezešeto-  
 voss etaevhaenootō eveškanom-oyomoomoeo  
 zehetoomenevoss na eš zexoxēsoz essaatonše-  
 veo mamátā eoxcemaxeomotomeo, na emaxe-  
 oemetanō. Hossetāeva ehosseēsztovo hēhy-  
 am na zistāneenovoss zehēšsóametanenez' ez-  
 heševonhossemo: nhettōn taomenahazevoēs.  
 Na zenxvōnaoz etaevhossanhônoxzetō mato  
 zehēšemomátaēs ehossenexova na zistavōmoss  
 zehēšesohāmatovazez' han ešēva zeēveanotoss  
 na ezhetto nimesaevhatonšhoaxzešhoéneheme  
 enoka óha zemehešetovaziss nimeoaneoszhome  
 nimeekozeetazheme na matheva nimenoeano-  
 sázheme. Hena tā emehesseametanenetanoss  
 nitāneenanov zehēšohaonex. Neevanšēnane-  
 meno ohatōs ehetta. Na neš emaxeahanseno-  
 vevehōmō na neš emassóaeozetovo exaemeha-  
 taomenaxevaēno nitooxz na vezeno etanhesta-  
 oz na eoxksaaxatonš-momoxtanohenoz heáze-  
 noz. Na neš etaevhanooto etasseōhazesta ze-  
 tosshoshešetovoss. Neš zeto momōn eōenhes-  
 tanov emeopevaez' nešhestanez zehēšvistomos-  
 senš na mo hovahan na neš ezhešeasseēszeo.

Nassima ehevo Eōstahetan nstatonšezhemā  
 heto nivostanehevstonan examaohaehotoanatto.  
 Na tāma hezeo nassaaxahēneeno eopevevae

nšezhešametanenistoz na mato nšhovanehestoz. Namátassooma enita'ã ekotanozistoz na átohohestoz ehépeanato heto zehexov vox. Mo enszenešenitātōen zeto Maxenínitameozevan?

Oxhozeo.—Na et'seotaohãehavseva heto zehetōez na hovanehestoz nameotahépmassezesta tostšeaenzeohoez na óha nitaōetanotanon Zenitaesz hato zexhooxzez ezhevō: nszevéneševheme hovae nitoenahanistoz zenitāsz hetan hevoxz nszevenatovonōv; na nihépnhastōhanenon hestanomovoz hešszestoz: taomenitoenaházez; otā nha zenitoenooxz zenitaziss eoxcevhanni-toenatovo hevōxz na nha zetaomenitoenaházz eoxcenitoenaz hevoxz na hemátassooma seetoeš. na mato tā nanéhã nitotoxesta zeheanatto átohohestovã na nixaevonetanota eavōno zetaoxcešhooxzevoss nitoenahaneō? “Hovane zehētaenitoenahanás essaa-aenô aenevostanehevestoz” na mato nitahosseōetanon hato nitao hoemao essaatōenô Maxenínitameozevan na mato zenitass zetatoešhoheneenom eoxchešhestano-sestō zehešhestanaez na eoxceevhahomstōesesto. Nivã emeheneeno tato Maheo zemanisz histanov zennonaxenhessetamo zeto Maxenínitameozevan zenã? Na matoheva toneš zenonaxevonetan nszaahekonenxpohohen na mato hevakassexoveva zenonaxhossnaneoz hezeno na zaatonšmomooszehenoz heszhekonoz na mxhos-



sēvhestaoz nataonissēstahaoz na nataonissšešē-  
ōevo heázeneva. Naxaononista zehešsaaonissz-  
heševetto seeya. Na hōvoxbonetto nanéhâ ni-  
taonissenšōénovénovetanom nīnovetto nszene-  
nonaxtonševhahetotahōénhemâ na óha nit'saa-  
taomenitoenaházehemâ. Zehešeēzēs Oxhozeo-  
vōsetanoz tass enšhaomossemo henéō hetšeta-  
noxtovâ na enšaenhoeo zeaenonittoz hen ešēva  
zeoyometanonaevoss.

Na neš hetoeve Maxenínitameozzevan etâsse-  
anhōnoxzoto voxevâ taoešhestanomevoz zehet-  
ton namomōnam. Hotaz zistahōotoss eaázeso-  
ametanenó na etóvhanesóeametaneneóo zeheš-  
saazešemessehevoss na zehešsaazešmanehévoss  
na mato zeēvešohaeanotoss zéveheeónoss oha  
mamáta taxce eoxceomotomeo. Na nataešene-  
ve zistaéotoss esóeametaneno na etaotahess-  
hossohástaoz na ezhattó zehešsaa-amátovess ze-  
mehahettazenō zetahéphavseva emehexovsaa-  
hestaozessenhō na neš emaxnonomēō na zeheše-  
tanotto Eōstahetan exaetoomeoz; na tass exaev-  
haohaetaneqzehō ēvhosseasstotoxstomovonov-  
hōn heēszestoz Maxenínitameozzevano na zeonš-  
hestanomevoz na mó hōvahan. Na Eōstahetan  
tass etonešezetan Oxhozeovōsetanoz ehossezhe-  
vō:

Nanéhâ mohonomeetanotom zémehaešhâhet-  
to nistâ Apollyon (vonenoxzevan) nissaatonše-

vovonana na mato nitao zeoxtoetanistom na zévōxtom na zeoxomatom zeameoz zeveetto zexhoveoo nāestoz. Heovaesz hešhotoanatto etoxtastoz na séhovanhestoz nineešēvemásópota na nissaaxatass-nixaētano óha nivovonetan; ota niheneena zeheševisthoemaz zeto voxevá tass naotahépvovona zehexovaetto. Na mato zeto Maxenínitameozevan naešhestaesséha hapo zehešeata na nahōstomō mátam na máp na ninšenisóomohemá zeaenonittoz. Na nitaoniss-haaxceeōénovetanoxzevhemá. Meetanotoz tass zehešetanevetto Vépenoetazetoētastov na nissaaētô heva tōhestoz na mahata na matoheva zémomeaevenohestov nāestová; na tā ota nitao-nissénovetanom.

Na zenxhosstāeve Maxenínitameozevan na heszheem zistaešovšenavoss énoztovaenotto momōn na eošhestanoz' zeheševonhossemoss na ezhevō: eotaheaheo masháo enitáanov heovaesz hešhotoanatanoxtoz saanahatanotovazeheo. Neš ezhattā taameozōn zehetāepoota mhayon na vōshōn hekonoz na hemetaškonevoz zešhestonahamoss na nhettōn saaešemaznittan heto zamstoēno nstavovesshanazeme zehešeoxcešeto-von hosz essenehevo.

Na zévōnaoz Maxenínitameozevan etāssenoxzotō na etazeozō zehetaepootaz mhayo na evōso heszheeme zehettās. Zeto ehevo amōsem-

hetaneo hapo zehestass naeštotaotanov náthoo hapo zeheševess na zehešenešetanotto naoxce-oxētō na matamatótoēno nstanešetovazeme; ta-enaevhaanôn voxevá. Na etanšeameanotō zitaesnez'. Na enšeešen zeoxtoešeešēvez zcemaheonešēve heto ehossenešoyometanonxen. Na neš zistāeve na Oxsaonohaztahe na hēhyam Maxenítameozevan zistaovšnavoss ehosseas-totoxemovo hemomōnamevo na eotōstazesta Maxenítameozevan zehešsaatonšeahaneano-toess na zeoxnovhonossemoss zehešsaanahazehez'. Na ezhevo heszhéem hama hea ehozeovōsetanō zenonaxhiovostanevaevo vostano na mó hea enonaxetataōneo natanonaxevešhoms-tame hea ehešhozeovōsetanō. Na nitóhetom mátamā ehevo Maxenítameozevan na náta-noxzenoho mávōnaoz.

Hen zcemaheonešēva hea sit'taeva eashaō-na na enšeamhaōna nxsetto zistoevōneoxzez.

Na zistoeasmeénez' ešehō zeto Eōstahetan tass nhá zevonanēsz enszhešeēsz: nāhaneono-nista zeo zeēveš-aennšēšešenatto zexoxemēoz heto vox ōxista aeve-aázeeše-amxnettonoz; nahoz tatahōo Vistomevazistoz eoxchestō emeveš-tatahōn's zeoxtohetāenxpoeoneve Nizestamha-yon. Neš ezhévo Oxhozeovōsetanoz nitopevo-an nanéhā nínitanoz na onissiztāsz.

Neš Eōstāhetan en'nitana na eossāneonista-

taoha zehenitōnehevez' aenonevoxevâ na zeta-tohešenimaoen tatahōo etxahecetataeoz henitō na Eōstahetan na Oxhozeovōsetanoz etahōéneo. Neš etahosszezén hōs zehessenitōnehevez' zistahestoonevez mhayo zehetaettaz na hen henitō éoxmaxhotoanataaeneonevene na etaoxtoveš-vešetataoha hetatahōoneva. Neš etataahazenov hen henitō na etaassetomsta na hen henitō zenstataeoz zexhaekokoevonez ešēševaossemā Maxenínitameozevano etomenšeo hā zeaseneheohetovoss hemomōnam héossenaexoxtaoz ehossenaneoz na et'saatonšnonxpaneovoheo. Na etanšeameoxzeo etaevhahōoxtanov zemaxevehoneveziss hemeo etaevhaenšhomstao zetaešēvhahešhoaxevovoss Zenithāam-nitátóz.

Na zistaēšeevhanosznevoss zeevhonoonevez, taxa nimetatonšezeman's zeto zeevhonooneve nonxpa zeneoxchosseameoxziss zeoxksaatonšēseanaoheo heázeneva Maxenínitameozevano. Neš enēšzenov zetomseōez' na emxeanov heáma: "heto zenoseoz heto eevhonoo etaoeoz Nizestamhayon zehoeto Maxenínitameozevano zetotonsemoz Zemaxevehoneveziss héamā zexhoevez na eoxcevonenanatanotovamo zemomātaheziss amōsemeheo." Na hasto zehosseneoxziss eoxcevehōxtanov na eoxchomstanov zexhestatamahestovez.

Etanšeameoxzeo nxsetto etaoeoxzetanov Ze-

hetotanozevēs z v hōssoz, heto v hōssoz eaenanoz Zenithāesz hesseomē zehešetotoxstomaz nista. Na etaéneo v hōsseva etavehōxtanovoz heovaz zexhetooez' na maxemenoešesz, ópāehemenoešesz na ohamēs z na neo ma to enomaneo na enšēvoeneo na enšetosemesseo ópāehemenoešie. na zethōoss esseomē G'sāhetaneo emessesohameo na enēo hahetto meono (nxpemeon). Amōsemeheo etanoxzotovo na ehoktoyoenovoz hesthooxtonevoz tass zekaneoziss amōsemeheo zeoxcešhooxtoyoevoss oxzēsztovovosz vostano nxpemeon. E<sup>c</sup> nóztovovo nivās zeaeno heto Zehetotanozesz heto v hōssoz na nivās hēg'samsz zeēvenozeziss?

G'sāhetaneo heto esseomensz hesthoe Maheonevessevaen na taxta etātaenovez hemhāstoz; na zeto g'san hestozeo eēnanomotao hea metanenistoz.

E.—Heto etaeroezé héama zemhāstov?

G'sāhetaneo. — Nitotaenohanov nimeonevo.

E.—Etazistomaoe na mó etahépnomaoe?

G'sāhetaneo.—Zevostaneveo nha zetossevostanevess; oha atoētātaneo zeavaō nāno.

E.—Na t'sa etaokksaaossotomoevo amōsemeheo zekaneoziss na zesxseveoziss zeameoxzevoss?

G.—Zenithāesz heto esseomē nazheševonossemaen, nszevévonetanom oxcehešhokvovóne-

šetovohen hestoevostaneo: na otā zepeva mātō ehota.

Na natāneenovo naovaxstova zeto g'sāhetaneo zistāneenovovoss zehešeoxovistavaz' zeto hetano hapo ēveasnōztovovo na hapo etonšēnōstōevo: t'sa ninšeoxzheme? Na ninstonšenehanov heto meo? Na hena zsaavešeninitamehess zennehomass? Oha txkom zenxhestoeoxceassenehomevoss eoxcevoxtanovoz heto esseomensz. Na g'sāhetano zehešenistomonetoz henōstátovevoz na zépevetanoozez' ētaeossēmātatanāevo na ezhattāevo: nohetto nipavhoeoxzheme Zexhetotano-esseomensz.

G'sāhetaneo zezheševehess Heneenovhastoz, Otoxovhastoz, Ohoomēevomátōz, Onissyomátōz zehešhestanoz etaēsthooaenāevo hevenozovo na eoxomāenov zenšenanotohotaz na ehosszhattāevo: momoxešnšhāehoess na nime-tapavheneenovemeno na nimētansšhoss-ossotomoházheme zeto Zexhetotano-esseomensz. Na enhettoz zetosheš-nšenithoeovoss no neš etaeos-sotomšen tāeva zehešešotahaeštāevéz'.

Na natavōmo naovaxstovā zēnvōnaoz G'sāhetaneo etaonōmovo Eōstahetaneva na Oxhozeovōsetanoziss zistatosseénevoss esseomē. Na etaveoxzemov na etaaméneo ninovexoveva zehešepevatamanoez' haztov. Neš ezhevōn G'sāhetaneo nimetavōshonoz zeto amōsemhetaneo

heovaz zehesetamanoez'. Na zehešemāamátavoss etavovoeozhov hokakōhōoss esseomē Hóoxtastoz zehestōez', tātō nhasto etazhešeohōsta tazetōo vāxseanhōtto ehettāevo. Eōstahetan na Oxhozeovōsetanoz etaanhoō na etavōmov haesto hetano zetaanhōpēšenaziss na anhōtto zetasseanaoss zeto héama. Neš ezhevo Eōstahetan, heto etonhesso? G'sāhetano ezhattā mohonoēšenistomonetovoss nha zeneoxsetanoss zenxhōveahátovoss zeastomaeziss vovistomosseneo heto zehessoz onissyomnieta mistoz na zetossevhāšeohāettoz mavetov? Na oxceešenistomonenoneo ehēvōn. Tātō zetavōmosē zepēšenass anhomaoxz heto vhōssevā ni ahānevo; na essaaenšzešeátohoeheo nxsetto heto ešēva tass evōssenov zenitāss zeōhaetan haes zsaaešeevon'neheo na mato zaaheomshōoeheo heometoxea heto anōeva.

Neš natavōmo etāsshōéeeozhov zehossenitaez' esseom na hen Ōhaetto eheševhetto: tazetōo hako ehettāevo; Na zistazetōovoss tass etavōmov haesto hetano zeēveevneziss nitao átohohestovā nāno; na etavōmovo zeto hetano emāoeneo eoxceahanšen oxhot'taomevosz átohohestotoz na essaahoktonšhōstoeozeheo. Neš ezhévo Eōstahetan heto etonšetovatto?

Na g'sāhetaneo ezhevōn nitavōxtanov hovén nhasto heto esseomē eévhonō zetaoeoz zépoo-

ta enamosesto hesto heto meon? Hēhe ehettovo. Na ezhevōn g'sāhetaneo; hato zeévhoneve etasseasseoxz (etaeoz) meo zetataeoeoz Nizestamhayo zehoeto Maxenínitameozevan; na zeto hetaneo (etázénov zeēveaméneziss átohohestová) én'mehaamōsemeo zeheoxziss hapo hezezea na tā enxhōoxtanov eévonhō na heto zénpaveozéz' vezeno nāno enxhotoanatto etaohamnanossnehanov zetaēseozéz' hen zépootaz na nā ehestanāevo Maxenínitameozevaneva na etaēstahamāevo Nizestamhayo zehešeninovhoevoss aenonevoxevá eonitanozenoz heēxaevoz na ēvsxsooneanāevo átohohestová meo etonšnootāevo etoeoxceenšsxshoéneo nxsetto heto ešēva, heēszestoz Zehāheneenovasz hetan nonōxpa zevāxsnehessoz, nhá zevenohéoxzz zehessoz heneenovhastoz tšēševistaneonenotto zenāeziss.

Neš natavōmo naovaxenátová g'sāhetano etāsszeozhāevo oxs pono nāno henitōneheva eama vhōssevá na eōnstananov henitō venahekekō ehettāevo. Etahekō etavōxtanov hotoma eohāeaenonittoz na evenottaz na tass zehešetanovoss enistanov emomoevonez' tass hōesta na tass ehōheomomhaoeo zemeztomess na tass ematomovo zehešemēozez' eovohona. Neš ezhévo Eōstahetan etonšetovatto heto? G'sāhetano ehettāevo: heto nohémeon etass-



hoeoz Eavôno zetaoxcenehomevoss vhanenhes-  
semaneheo zeoxtovass hepavoētastov, zeoxtova-  
tovoss henithâamevo zetohossestoss pavostō;  
zenizeess na zeeztoss hovae.

Neš ezhetto Oxhozevōsetan g'sāhetano tass  
etonhestao nistxevoss zehestaz' amōsemeheo  
zehestavoz hezezea?

G'sāhetaneo.—Hēhe ōtahaheštōenanov.

Oxhozeovōsetanoz. — Tóneš emetahoeoxzeo  
amōsemestova hešēamevo heto ota na neš eme-  
oxtove-nševoohoevoz?

G.—Hosz haeš na hosz zeno emessaahoeše-  
nāheo vhōsseva. Neš ezhattazeo amōsemeheo  
nimeoxcetohoevēstomevon Zeohāsz hekonhas-  
toz.

G.—Haxce, na nszhoozenov maēšeamhass.

Na zheš neš amōsemeheo ehosseasseoxzetano  
na g'sāhetanēo mato enithohaztomevovo; na  
etanšemanoéneo nxsetto zistaēnotaz vhōssoz.  
Neš ezhattazeo g'sāhetaneo tā nitavōshonon  
zexhenitoonehevez' héamā zexhestano-māsto-  
vez mánoxtovehekōovoz nihekōoxtonan. Amō-  
semeheo ētavoešetanoozeo eamátāo zehetōevoss  
etaeéozhāevo hōoss zexohaoeoomenoz Hoxea-  
tamaño zehestōez'. Na emetāenov hēkōoxtoz  
zistosszetōovoss.

Neš eonissheekōo; na zessómeetanotomevoss  
zenstohooxevōshāevoss g'sāhetan evešnonom-

heonaxenov hen essaahessvešpavhekōoheo; na zehešetanovoss tass etavōxtanov henitōnehea ehessoz hovae na hosz mato zevōxtomevoss zévohôoevatamanoez' nāno.

Na zistosseassevoss nasz gs'āhetano emetāenov mxistō zetaeozez' meo. Na nasz mato naheztovohen Momehemoane ehettāevo. Zena-haoneziss tanāhetanohen nstavénaozheme zémomehemomao. Na zenivaoneziss Maheo stavessevāevō ehettāevo. Neš našešeozeovaxenatto.

Na nahossenaoz na nahosseovax na natavōmo zeto niniševoss amōsemeheo etanhōoxzeo esseomē zetaeozez' meo etaoeoz mhâstov. Na hovén pono vhōsseva, heto vhōssevâ henamosesto hesto etastoema hoeva Taometanoxtoz; nāno enxeoxz méoô zescevovoxceoz, ehoxseoz zeaménevoss zeto amōsemeheo. Zeo ehōtov eotaēnonahaxczesta kassovahesson zenxéoxzeziss hen hoeva, Oksaaheneenovāsz eheševe. Na 'Eōstahetan enóztovo t'sa zenxeoxzez' na zexhooxzez'.

Oksaaheneenovāsz.—Naxhestāoz heto hoevâ heto áe zenxhoehoeve henamosesto hesto na nahooxz héama zexhistanov mhâstov.

E.—Na tā nstatonšeészén zexhenitooneheve nstanonaxeméa hotoanavomaozistoz nāno?

Oksaaheneenovasz.—Haxc! hapo hosz pave-

vostaneo zetaoxcešeēsnevoss natanešeēsžen ehevō.

E.—Na tā henova zemeenom nāno henitōneheva nonópa henitō emenívěšesstataenomōnetto?

Oxsaa. — Naheneenomovō zehenitaemetto hetšetan na naneotapevevostaneheve; naoxcethooto nistoxs hetan zeveno naoxchaôn, naoxceavōn, naoxceēnanomoxta zematoxtaonetto na naoxcēvemeá oxšivaztāttonoz na nanxohamhessnooxz náthoe hatō zexhooxzetto.

E.—Na ninsaahessēsžéne zévoxkoan henitō heto zenxhesseasseoz meo: ninxhesseēsžén hatō zévovoxceoz zenxhohoxseoz na nitaotaēátomotaház hevânštaometonšetamazetto manxhoénetto eš hōemetanoxtová nszezhettan nomázehe na šēnovahé nszaometané ēsznistoz hatō zexhistanov.

Oxsaa. — Hovāheasz nihestoevostaneheveto veme nissaaheneenovazeheme: ōxista ešeneheom nsthoeva zehešmomátavhoestomohestov na natanešenehea hapo zehešemomátavhoestomohestov náthoan. Na zethožeovōsetanotto nitao zepeva. Na hatō henitō zenhestomass nitao hestanov eheneeno etaotaohās heto zehešhestoež'. Na zehešetanotto hovane hetan zeoxtoetaoomao hea essaatóheneena zetāšhōosseoneves na essaatonitoksohan hevasaaenš-

heneenomehevoz, heto ota zevōxtomass zehešeotapeva nameonam zehetotano zeotatavóó meo zenxhoeanhôoz zeto meo náthoan zenxeoz.

Neš Eōstahetan zistāneenovoss zehešetaomehātamazez' heszheneenovhastovâ ezhetto Oxhozeovōsetanoziss emōseēsztovo, "ehéphesthozeovōsetanótov masséha zeto zeoxexovaes." Na mato ehosszhestoe "nha zeononistāsz oxnšenaaménēsz heotoxovheneenovhastoz eoxcenitxnemanhā na eoxzhetto nitao vostan naononista"; nstanšeēveēsztovoné, na mo nstaešenohoxzeoné tó hezezea, na zhešeōhetanoto zehešenistomoneto na neš nstaevhamonetonōmon na tāxa zeoatonšepevoeoz.

Ota Oxhozeovōsetanoz ezhevo: essaapevaehan zehešetanotto hóniēmānhestoez seeya; ni-metaešenšnooton na nstamonhossēsztovon tass zehetāpaveaháto.

Na etanšeameoxzeo níniševoss na Oxsaaheneenovasz enxhestoxeoxz na neš zistāšhaeš-heseoxzevoss etaéoxzetanov eota-aenonevezez' meo, hen eotatōeovov hetano nissóto eavo zervešetōetasz nisóto sitoxceo zehekononēheziss na ezeozhā zexhenitōnehevez' zevōxtomevoss heáma vhōssevâ. Zeto Eōstahetan neš easse-nonomē na mato Oxhozeovōsetanoz hevessevō; na eavôo zistasseozhovôss hetano Eōstahetan etavehōmo zēnanatanotovôss. Na tass tó nia-

hāne Oxzevhaasseōsz zeoxchestosz zevhistanovsz zémâstovez' Evhāneozistov. Essaapavevōxtomovo zehešenez' etahōszeheo tass nomázé zenháesz.

Neš ezhetto Eōstahetan hevesseno nataevhameetanota zexhettanetto zexehešetōes hetan zeo vezen. Né hetan Oxzceonissyomnietamsz exeševehesz. Estapevhetanevesz na evhistanovsz zémâstovez' Hátanoxtov. Ezhesson's: ota heto tãto enxhessehestooneve heto zeameoz tãto enxeoz zémahahestaetta meo, Nāemeo zeoxchestov, mohesseneševehettané, moeoxceotahã-nitoenaházistovan neno; na zeto Oxzceonissyomnietamsz mostšeamōseme zeno hapo zehoxzevoz na nã moestamsthohe na moénaozé. Na neš hapo vezen éneameoxzehōn zenxeoxzess zémahahestaetta nahe zsaahokocesahess hehetovanovhetaneo, eszheševeheōn: Oxvovónstahaz, Oxsaamesēhaztaz na Maxeossázistoz—Oxhoxtamisto: zenahehevis'sonetovazess na zévōmovoss Oxzceonissyomnietameziss zénaozez' énmassóhoeassetaxeōn. Vezen enšenamonsēšeozeho zeto hetan na vezeno eohāeho estossosseasseoxzehō; na enxhohoeohetovovo na enšvotamomátaehōnettovo. Zenszhettãs Oxzceonissyomnietamsz exxahecohaotōeneho na es'saatonšnonohenomoheheō na mato es'saatonšmxeheō. Ninšezetanoz nimakãtaeve-

hosseo ehetta Oxvovónstahaeziss; Na zsaatass-moxtaes Oxaamesēhaztaheziss etanosseasse-taxetō na etaseonaotō hevecenhasta én'nitaozenoz makátansz. Nanomázhā neš etamassóhevo. Maxeossázistoz — Oxhoxtamistoziss etamassóvešeōmā evaohestoz zetoenoz heázeneva hemekon Oxzceonissyomnietamsz na ezhetóavevoho hoeva etanšemahōveš tass zehevōeoxz. Na enšeaenanhēetō nomázeeon. Na maveš zetanistovovoss hosz zeneameoxzez' meon na hama zenēhov Maxšivazta zevhistanovsz zémâstovoz Pavenietametovazistov, neš etaastaxeo na zeto nonxpa hetan ētaomšešvovónitanaz. Hovéno ninovetto ēvhamesēoz Oxzceonissyomnietamsz na eohāeonissiasseoxz. Etahāne zehess hoxtaheo.

Oxhozeovōsetanoz.—Na enšemahestanoze zetohtetaeano?

E.—Hovahan essaanoxzenohez' zehetahāōemez', na hen enšhozene, na nazhettan zeto hetan etaohāvenomoxta hemakâtaeme zevoneōsz nomázeeon etaonoxhestanoz zeoxcemehaēvevešhoxtovotáz hemakâtaeme. Na zsaahestanohez' enahāneze zehetahāōemez' na mat hosz taxcemakâta eheozez' na tass emet'saahōnitanothanez zistaetoxovistavaes. Haxc hama etaoxcehokhozenomo zetaéoxovistavās zeametanenitanoss moxonotosshoxtovaz zeaeno zehāōemez'.

Mo etaoxcenšhozenomohehe na mato motaxce-  
enštonševho zetaešeoxz na hastoa mo etaoxc-  
enšhokoomoxtaveana zetaešeoxz.

Oxhozeovōsetanoz.—Tā nā etonšsaahēstano-  
hezenōss hemxistō zetossevešeēszéns hatō hēa-  
ma zexhestaettaz.

E.—Haxcel na etonšsaahēstanohezz mohéva  
etaomeézenôze zénonahās esśaahessézenohez'  
zehešsaaxatonšnixactanoes zexhoeoetōes essa-  
atonšnoōszé hovae moetaomeneššivatamahehe  
zehessénoz.

Oxhozeovōsetanoz.—Na tass moevešvovoe-  
šemstahahē zsaahestanomohe zehāōomez'?

E.—Na emetaota ohāvovoešemā mánešetonō  
zehešetovattoz; na nazhetta zemēstomōess heto  
hótaheo hotovéno etatoeamehozeoxtanoss ze-  
tāsseēšeoxz hemeon mohestomeohāvenomoxta-  
he zehešhestanomohes hemakātaeme na eoxc-  
xaemomen-vonetanota zehešeamoxovistavās na  
mato oxtovetto otatonešmeetanoto na hotaeše-  
tossveševovoešemstahaz' neš tass eoxchossvo-  
veštōxetanotā zevoneosz na heto taestomtoxe-  
tanotosz tass eoxcemāvoneohaoz' nitao.

Oxhozeo.—A<sup>c</sup> hō yā! stameno hetan heto  
moexavešonšhaeoyometanoe.

E.—Hē na eotat'sēoyomoxsetto; emet'sēen-  
hesso hapo etovan hapo maēzhešetonezenō ze-  
hešetōēs zeš-šēns' na zémomeaenōs nāno hestoe

hoeva. Na nanitótahanon zetatoeameeševs zētāsseešeoxyz monšenokaehanezé zevešeoyometanoss zévoneozež' hemakátaeme na mato moeoxcenitótahaoevo zetatohetahoxtamās na mato heva zetahoxtamoss zetaešeoxyz zénšēns' na zehēšetōs na mooxcemeemōvo na mato zevoneōsz moeoxcemēstō na zehešmomeaevenōehās na hovén zehešvostanevs.

Oxhozeo.—Na henaéz' zeohemeoz zsaahessheoxtovaes na mato zsaahessvešhēstanenēs hosz zeaeno zehāōemež' nonoxpa emetavešame-messe zeamoxovistavas?

E.—Nixamaēveononistoan tomsaaheneenovahenoz henaéz' tā emevešhestan na mato tā nivāso emehoxtovotoss? hen zeoxtohetoomao zeššēns' essaatonitoktatamehanehen's zehāōemež' zeaeno. Na mato ehovahanehez táto héamā zexhestaettaz emeōseetane zeevátomez' hato héamā na emetāsshépohaomene zeoxetoomeoēhās zenomāzhās.

Oxhozeo.—Hoxta Eōstahetan nínahevoss natóenhessetamo naztaheva moemanohahevo ovátaneo emessaaneheva-assetaxeheo saaovahevoz zéneamevanoxzež' vostano meon? Henaéz' t'sē na Oxzceonissyomnietamsz zsaahesshehēstahas? heva hapo zehessetamo emeonissnonoevaenō heva noka na saatoneōsanēsz ememonenš-vovonez.



E.—Zeheseovávoss haesto eoxcenhevōn na óha txkom eoxcenešheneenanov oxtoeonissyomtonhessozēs. Maxhēstahátóz (hekonstahátóz) Oxzceeonissyomenietamsz es'saaáenô na nitāneenovaz maha mánēhovettotāo zeto hetan zetotoxemsz óha noka nimetónonohenomo na neš nimevovoneozemo.

Vovešōhazistoz otā evhaneamoxovistavā nomázeon; ehozeotāevo zemaxevehoneveziss zsaamxaosseonevanehez vox zehevenoveziss na emehoevistāozemavosesto nitooxz na bébenanosseham zehesehahez' enesehahez. Hapo nanešehēneštōeha zeto zenxhestass Oxzceeonissyomnietamsz na evotaohātamano heto. Zeto nínahevoss masshao nāezetō na nanešnonoenō tass Eōstahetan na etanistōheo na eossānoheōstaxo zeaenāevoss. Nametonšvešmetokao naametanenistoz mámakát na ax Maheo zehesetanotto nahoneonaova mohenohevsanistoz. Na zeoxešenithoneonetto nahotoanavazesta tāma zēnooxtom nazhetanevestoz; na hovanē emessaatonšmēstō zehessoz óha nha zeneševevesso vessosz nitooxz.

Oxhozeo. — Haxcel na eamxeo hea eneamexz Maxšivazta zévhanesetanovoss.

E.— Na etxsēonissyomoxceamxeo na mato hevehonamevo heva vhanemeeōheziss Maxšivaztáva na essaatonšeotōesshan zemaxevehon-

evsz etxsēnitōemo. Nistxiz zemaxevehonevsz heenovoxzetto es'saanitōemohe na heva oxtonēseonistatamevosz eoxksaanexovaheo meotazistovā zehexovās. Emeamatátove zhešetanoxtov kašgon zevovonano votamaxevostan tass zexhešetovs Zevohokassezess Oxmehoesz? Na matheva zenexovhekoneoz šeheo zehexovhekoneoziss hotoa? Hosz ehkoneozeo hosz evovonayo; hosz emaxheonissyometanoxtoveo na hosz taxce. Zeto hetan nasz enēhov zevovonass na ehessevovoneoz.

Oxhozeo.—Heva ánēhovezēs Maxšivaztáva zešēnovoss.

E. — Mánēhovhō emvotahāstonhaeno. Na nitanitótahaovaz zeto Maxšivazta zeoxešotoxováto heszkovaneonoz zehešenešenoóónoss eoxceotaveš-nšepevoētanoz; na veahanevāenasz Oxvovonstahaziss na Oksaamesēhaztaheziss na mato nenasz emeotahotoanaoz emeavahama. Na hetan oxzešeavaosz niheneena emetoneōsan.

Na nha zepavevehōmoz Maxšivaztávao heēxa zevōxtomovonoz zevovénozēs na zistaxaxs hen zevešpavheneenoe zehetto. Hē noka nanistomon eszēs: naxaenínitameoz navostanehevestoz. Na zeto mato zsaahokocesahess mashao na hevessenehevo zexetoamesshovoss zexetoomēovoss na zexetaehaeshovoss Oxme-

hoeziss. Hoonā mato noka eoxtaeonistoēta ta emehexovaes na hosz eoxtocxenhevōn zehešenithāes vovistomosseonevā na eotanševetō na hotšetanoēo heekašgon.

Na kanóze hemaxevehonamevo eoxcetoniztoz henistohestovevo; hetápenonevo eoxceohomēneeaōevo zehešenistovazistovez'; na heva toneš hootahotoanavomaozevoz eneochohevis-taeozemāevo oxtamistozesz na ne ezhestoe: hestxovatov zevešeōmās emessaaexohesesto na mato heva xomō na moxōz. Mahāta emoeevazista na eovemahāta hekotxaozea ehessesesta. Emessaa-amxstōenoz mahoz essevaasseonevohonao na moxozz eéoeševaztanoz, eoxcoha-zeta xomō hovešmenasz. Tā emetoneōssan hetan zeszhešsonsz? Etxseonissyomenhesso heva hetan nistoha hooxcetahōsz Oxnsetameziss hesthozeon otoxovetahosz na noehātamasz emeoxceotaēvonooētahe. Ehoneo heszeoz nonoma. Hákotāa emessaahešeētoxta, zevohōotaz hestazeemoz eohātamanoez eoxcemenōn zeamevosseozez' ohe eveševoešetan heszhekonnastoz na etaocxenešetōevo zeheszkovaneoneziss hetano. Eoxceaázetohossesta ētoxtastoz na eoxksaahépotano na mato heva emessaaevhavxstōhe xovatov. Honixhōevaxez hest'son, zeneohasseaz xomō na hoánon. Eoxcemomá-tahahaz hoe na eoxceohāstaha honistoettoz tá-

peno eoxksaeonissyomáztô. Eoxceaázeohazetanz tápenonoz na eoxcematoxta meotazistoz hako haeš zexhōevanozez notxo na zénōonoez'.

Na hoevaménhetaneo tass ninēhov na hapo nitassaatōeatanotovohen nivēaman nioxcevehōvohātamazhema nistomonezēs hoz oxvonitanovosz na matoheva nioxcevenxhōsetanom nszhetanevstonan; zezhestass eoxcohamšivatameozesesto oxtanistátovosz. Vehōma Ohona zehešemeemo nista ehāottaz zetohešvonhoāōs zevépaž hetšetan na enhevo zehešhēpepevoētaz na zemehešnochāhōnevotoss henithāam zeoxešenoez' hetano; na ota zehešemassóvovoneoz!

Na oxnešenistomonezesz zehe-šēnazistov hemeon Zemaxevehonevsz enixa zenita emehešezé':

Novoenotto nimevaxēn mataoeozez na nimešhoknoehesthoánoneozhemă; mássaavehesthoánonez nszaaexaovohenez maxemén na másaahesthoánonevoz nimessaaēhaenez. Na nā zeotoxovasz ezhevo: "nanosetto hestana hoánonissyometanoxtoz nszevešhotovaotovonovoz hemoxoz zehōestavezēs zehavsevasz."

Zenixaonetto epeva mato mxohaztomovozēs zemaxevehonevsz hēstahoxseneheo, hē heva nitooxz heveoxzemossanistoz heto homoxz éveševoešetan Oxmehosz zistaeoxtom zeameveet-

toz zexhoveohōstaz nāestoz. Na homoxz Māpeva-hessevostanevesz eszhēs: nametsaatonšehosse-asse saavessevaesz Maheo zeto nameta-tonšēveš. Hē ota hovā tatotševeoxzemaesz he-na emehessēoz heva matótoho-mató űnoevoz zenxetōēōezē? Mássaaveázēs zexoxmenoness vistāmosseneheo eoxcevistoomenemovo zenitoenaheziss.

Na zeo tāma naneeševesso (tāto na zēpavātōs zenanotasz) vehōmsz esóeametanen na nasaaavešmomenoxkoane nazhetanevestoz. Na zeotapevetan mássaahosshōoxtōtto nisházistoz, na nassóētoxta hea nissaaešhépeozetōnon hes-tatamahestoz. Na zehešēssaamātaehevoss bé-benanosseham na náko nahozeovotatamo Maheo nazevostanevéha nitao ôzetanoxtova.

Na etanšeameoxzeo na Oxsaheneenovasz etaamhoeoxsan. Etanšeameoxzeo nxsetto nāno etavōxtanov meo ehoxseozež hemeonevo na hapo etonešxanovenonoež tass hen meo zeneheomevoss; na zeto essaaxaheneenoheno tāsez zemenehomevoss tass nínixazēs zetaešxanoveozež; na exaenšenhēo eōetano. Na zénšena-evenoxtovetanonaevoss zetossenehomevoss ota hetan emoxtava hesthōmo evokomoz enxhōtāevo na énóztōevo zeēvhessnešehoevoss. Ezhattō, nahoozxheme héama zemāstov na nas-saheneenōnon tona heto emetanehomaz. Nix-

hoeove ehevo né hetan; hapo nāno nahooxz. Na etanšhoeovovo zistaneoz hene meo zemonhoxseozez' nonohono etanšehoxseozeo zémehahooxzetanovoss na áe kassexoveva etxataehoxstaeoxzeo na etanšoxtovahoeovovo na nonohono zehešsaanāhetanohevoss etanešeseozhāevo na etanšništotaHoponeaoházene na essaaheneenohenov emeheševovoss; na neš etaanaoz hesthōmo zevokomoz' zemoxtavāsz hetan. Neš etamonheneenanov zexhoevoss. Na nā enšeaxaemeo zeheešenavoss essaevhatonštaomhōstanazeheo.

Neš ezhetto Eōstahetan hevesseno, nataomheneeno zehešehoxtátto koma heva saahešnahevevamahez g'sāhetaneo Momehemoaneheo hevez (momehemsetanevahe). Hešzestoz zehāheneenovasz hetan nihōoxtomovonon hiz ešēva hetan nħa zemomehememoz' hevōhestoto ešépanomo heszhekon nononō.

Oxhozeovōsetanoz.—Na ninometaenon mxisto zeveševistomōez zehéozez' meo nonōxpā nīmetapavnehomovonon na anoss nīvonetanomanēo nissaaōstononeo na nissaanonxpashomstovoheo hemeon nītoenahan. Zeto Oxmehosz nihépeotoxovātōen anoss ezhévo: zistotoxstomovoss hetano hetšezistovevoz nišzestoz nszheneva navešehāčomovo meo zetaoezez' nītoenahan hevez. Na enšenetoomēšen hene nono-

nōeva. Mavetoneš etavōmovo zeohassevenō-  
heziss nasz en'noxzetōevo enoexz ohamevox  
heázeneva na zéneešhōotāevoss zexhoevoss ez-  
hettāevo: t'sa ninxeoxzheme na niēvetonševhe-  
me zeo. Ezhettovo nanstamenoehevhome na-  
hetōsemheme Menaemhâstoz na nānoéoxzehaen  
emoxtava hetan evokomoz hesthōmoz nazhet-  
taen nixhoeove hapo nāno nahooxz neš ezhevo:  
zeheohamevoxsz niahane Momehemesetaneva  
aestomhoze zevhanešemanházz tass zehozeon-  
evsz vonitoneva. Neš eoxano nononō na ehōs-  
tano hetano. Neš ezhetto, nixhoeove nitaev-  
hazeoxzeazheme nimeonevo Neš etaevhazeozō  
meon zenxhessenohéozhāevoss zenxhoeovovoss  
Momehemesetanevahe. Neš ehosszhettāevo:  
t'sa nioxtaenheme tāeva? Ezhettovo g'sāheta-  
neo zexhoevoss Hētotanoomē-zexhetotano es-  
seomensz. Neš enóztovō mohonometāess mxis-  
tō zenetxeoe zetaeoz meo? Nametaenon ehett-  
tovo. Na mo zenxhestoveoziss mohono-nita-  
nomass na mohonovehoxtomass ne mxistōne-  
heva ehettāevo? nassaavehōxtōnon ehettov.  
Hena zsaahessvehōxtomahess ehettaevo: navo-  
netanom ehettov. Na ehosszhettaevo: g'sāhe-  
taneo mohononahévevamāess Momehemeseta-  
nevahe? Na naoxtohāevamaen ehettov na nas-  
saahōvhesssetamohen zeto zepaveēs z hetan.

Neš natavōmo naovaxenátovâ otanšeovšen

ehettāevo na zehešeneševevoss eveheeoēvo zé-  
vovistomohevoss zepavaez' meo zeoxchešene-  
hoez' na zénšenaveheoēvoss ezhattāevo: zehe-  
tamehoton naoxceēsztovo naoxceveoetovo onis-  
sionissyomáta neš zeta na evhavovetahe. Na  
zehešzeševs takenāseoxz ehetto na taonispave-  
toneztomovohen zeheševistomōess g'sāhetaneo.  
Na neš ahō ehettovo nitao zeēvešvovónešetōe-  
voss na neš etaasseoxzeo. Neš ninovexoveva  
etavōmovovo hako haeš enxeceameoxtó nasz en-  
šenoka zeoxtatoheešeozez meo enšetōeōevo.  
Na eszhetto Eōstāhetan hevesseno tato hetan  
zetāšepaonaoxz Menaemâstov na nínooxzetōen  
ninxetōeōen.

Oxhozeovōsetanoz.—Natavōmo; nitaonisto-  
nitamon nasz zenonaxossenēhov Momehemese-  
taneva. Na én'nšhahaneoxz nonohono na ma-  
veš enxhōotāevo. Oxssaamaheonanēsz ehe-  
ševe na énoztōevo t'sa zexhooxzevoss.

Eōstāhetan.—Nahooxzheme Esseomē-mena-  
emhâstov.

Neš Oxsaamaheonanēsz emassómaohaz.

E.—Etonšetovatto nszohazistoz?

Oxsaamaheonanēsz. — Nahessohaz zistāne-  
enovaziss zehešsaaheneenovahess na zeēvehes-  
sevavoeoxziss zeamoxovistavass ohâstometto  
hovae nszaa-amhahenov mamáta niameoxzistov.

E.—Haxc! zaamasseztōeheo nihessetameme-  
noé?



Oxsaamaheonanēsz.— Ehovahan heto zeoxtoetao heto histanov zeēvenoovaxenass.

E.—Haxc! et'sēonissyomhestanov zenstoss-hoénetto.

Oxssaamaheo.— Zessóhoetto nanovan tåtto nathoan nánitatomon heto zeēvhess hezezea na zénitatomonetto náneasseoxz zén'-noxzeom na nanše-ēveaen-noxzeozeta heto mhâstoz nissóeyâe na nassaameoe zeoxnestoešnoxzeozetom.

E.—Na ninišez nanetatomonheme na naonissyomátame heto eonissyomzhesson's na eme-meôn's.

Oxssaamaheo.— Zessohoetto nanovan saonissyomátattonhao namnessaahakoezeoxzé zén'-noxzeozetom na zsaameôtto naevhahooxz na naevhanoxzeozeta zemehahōvenoosetanoozetom zenxhozeovoztaztom na hotaz zehovahan.

E.—Neš ezhetto Eōstahetan Oxhozeovōsetanoziss hevessevōn, ehedomé zeto hetan zehēs?

Oxhozeo.— Toniztoveha nasz niahāne Momehemessetanevaheo. Meetanotoz zeneešēv-hetoomehaez zenveeahátovoz zistavono. Tā emetonšhovahanehen's esseom zémēnaemhâstov? Ninst'sētóhessevōxtanon zexhestaetta zexhistanov zexhetotano vhōssoz? Na mato māseotossvešeaménez onissyometanoxtov? Ni-asseoxzhema hama hetan zeheohamevoxsz nszenxhosshoxtamaen. Oxvovistomevettosz hato

zehešhenenom, nstapavemēstomevaz ota heto: “neš nāā nivéeahátomovō zehešeaneevass nhâ zeatoēszz ēszestoz heneenovhastova.” Hovā nivéevhāhátovo nihettaz, nitaonissyomátanon zetoseševostanevēs mátassoom.

E.—Hovā nissaahesszhešenōztovazé zénezis-  
tom nionissyomátanonan taxa zehexovās náv-  
hanešeta na naheneenatanota eoonissyomāe  
nieszestā. Na otā zeto hetan eooenenāe Ma-  
heono zeto histanov. Nitanšeameoxzhemā ni-  
heneenanon zehešeonissyomátomaz etomestoz,  
hovae nizehestoz essaahetomstovan.

Oxhozeo.—Na neš navoešetan zexhozeovo-  
taztom hevohōoevatamahestoz Maheo. Na  
etaéotaenootov zeto hetan na eohazetōevo hapo  
etaasseoxz.

Neš natavōmo naovaxestova etanšeameoxzeo  
nxsetto etahoeoxzeo zexhoevez’ omotom zéno-  
monaossemettoz voston monōoxtosz zeoxceno-  
monomoxtās. Na zeo Oxhozeovōsetanoz eta-  
honiztaoz nā eotaeossēnāozetan; na neš ezhetto  
Eōstahetaneva naxanomoneoz nassaxaetonšpa-  
vetotōoe; nimetaovšenamā na nimetaešnaōzhe-  
ma.

Hēhe ehevō nenasz tavénaozez nimessaano-  
naxeevhazeššešeozehemā.

Oxhozeo. — Haxc! hoxtā nāozistoz epavee-  
noez’ zehozeōsz hetan; nstanonaxossotomeozhe-

mā matanaōzeozez.

E.—Nissotōetanotomovo nasz g'sāhetan ze-  
vešnahevevamaez zémomehemomaoez'? En-  
hesta heto zistossnhaeztomaz naōzetanoxtoz;  
nohetto hoxtāō nit'saanešenaōzehema hosz ze-  
oxchešenomevoss, otā nitaevōmamā na nita-  
messeahemā.

Oxhozeo. — Nahoxtšehesthavsevastov veno-  
ceoxzettonhao namszeēvenaōz nanxhestatama-  
heta nāestoz. Natāneena zehešetomš zehāhe-  
neenovas hetan zeszhēs: “niš ehépepevayo ze-  
oxexovaes nasz.” Zéneēveamevessevōnetovaz  
nanšivatamāe na nstatovešhozevōxta nsthozeo-  
hestoz hovae zepeva.

Nohetotā ehēvō Eōstāhetan nszaahessenom-  
onetanoHEMA hezeno nitatotoxstanon hovae  
zepeva.

Zeoxtoetastahatto ehēvo nenasz.

E.—T'sa nszhesseasshemā?

Oxhozeo.—Haxcl Zenheseasseozhaez Ma-  
heo. Nēnavovoeasseēsz. Neš Eōstāhetan  
easseēsz na ezhevo: nitanóztovaz. Ninstonš-  
vovoenēšetan heto zeheševetto hezezea?

Oxhozeo.—Ninhesta heto zenxešmonevehōx-  
tom zehešepava namátassooma?

E.—Hēhe enahāne zenhestom.

Oxhozeo. — Naneotanše-ame-ohaešameveše-  
voešetanonoz hen zevōmēsš na zehoxtováto-

vész hato zeszetōētaz; hovaeoxz henō zetāseta-  
notto hezezea vešeamesónēševettonhao nams-  
zešememstanotaenoz assetōēstova na voneno-  
tazistova.

E.—Henovaeoxz henō?

Oxhozeo.—Nitao zehāōemēs z na hāōvastoz  
hestanovā. Mato navešetotan mahahetosse-  
nehaenovestov, hetosseahēzistov, hetossemanis-  
tov, zexhetossenonoanistov Maheo hevēhestoz,  
nizeeonevestō, zsaahoxeastovan, maheoneš zeo-  
ééne na hena zemenitanom tass zevešvonenoē  
mátassoom. Na maveš naméa nanistomonesto  
na zeōhaztom hovae zehetāehessmaheoneve na  
ninistomonetovaz na mato Oxsaanínitamēs z  
zehessenās henietamestoz na zépavevostanehe-  
vēs, nitao heto etaen'nittonōnoz nāestovā; na  
heto hovahestova hesthastahátov Maheo ehess-  
hōotaenov kašgoneo zsaāmátaeonevess.

E.—Na hootov moninešēnizeov nitšetanox-  
toz zeno?

Oxhozeo.—Hovahan nassaanehe-heneenata-  
notō zehešhavseva hays na mato heva aenema-  
xeossázistoz zenxešhesso neno na naoxneoniss-  
meozexanen zēnmonevešnonxpeoz natšetan  
hoxtaheo nansaavōxtatanotō zevonitto.

E.—Na hena zenvešhess-saavovoz-hesseztôt-  
to zenxethozeōs Maheo hevovónēšmátassooma  
etov?

Oxhozeo.—Otā etahāne: vovoenotto nansaa-heneeno heto zehešenēhov zenxhethozeoetõs Maheo nansaažešeneštoxetanotô tass zehešeneš-šešezetõhe nazheneenovhastova havs Maheo mo ensehaneze zehešeassevhaeoxsenhess havse-voētaheon. Zenixaonnettoz havs etassóveceeno navxota na nassaanõoxtatano. Zenahaonnetto tā nā namevovonetonšnootosesto nis'seneo na-otamehotō na naoxcēvetõssē-hetossevessevõ. Zenivaonnetto, zenxohõsta zémoneēvevešmessee-tanotto nanstavešeõzetan na návešhépoestahā, na nassaatonšeeetano haxcl nassaatõetanotatano-tō naztaheva.

E.—Na zetasseztom totoneš monioxcenooze niõzetanoxtoz?

Oxhozeo.—Nioxtonissyometom na eneoxce-vehashestaha natšetanoxtova na neš naoxceev-hāsstonexovhavseva. Hesc naoxchépsenova zemehaexovátto nista.

E.—Toanova tā henova zeoxceevhavešhoeoz nitšetanoxtovā nsthavs?

Oxhozeo. — Ehāstoā hovae: 1.—Heva tōeo-voosz zepavhetanevsz zeõmepopootta mâevehoe-no? 2.—Heva oxzešenistovõsz voston oxõš-tõsz Maheonemxistõ. 3.—Na matoheva nameq oxtasshamattomonoz. 4.—Na matoheva õnistomonetonoz nisthozemaõn OXHāmoxtavosz. 5.—Na mato õnistomonosz axxevõ oxhoevaha-

mēs̄z voston ónās̄z. 6.—Na matoheva oxtatoxetanotomonoz zetossešenāetto nitooxz. 7.—Na mato oxtanistomonetomonoz hootov oxtatonšhovanēeozēs̄z voston. 8.—Na nanosetto oxtatoxetanotovazettonoz zetosešenehehōoxtom hoemaovazistoz.

E.—Na toneš̄ hootov momoxeman mohono-oxceš̄hassetaozetto zetasseōetta havs, heto tona nasz heovazhess̄ hōotata?

Oxhozeo.—Hē hovahan tass̄ eoxchekonetōeneeož natš̄etanoneva zeveš̄heneenom havs na zepava; na nes̄ heva mato oxtaevhanoxzetatanotomonoz havs (tass̄ zeoxeš̄saanithohaetto matš̄etanoxtova) tass̄ eoxchotonaovane naassetoēs̄tož.

E.—Na neš̄ nitonš̄eve?

Oxhozeo. — Tā nataonissonoana navostanehevestoz; hoxsetto nazeonissyommaxeosshan.

E.—Na hotaz monionissonoan?

Oxhozeo.—Hēhe na nassaaoxsēceto-nooxtxé nathavs mato zemehahevessevōneton havseveva nánoenooxtxenotto na naešeassetanaz mómatavhoestomohestová zexhaōnatová, zexoestonstov zexhestaemstov mathavs, etomestoz zévešeēs̄ztōs̄ nisthozemaō. Na hosze mato etahāne hoyae zeheš̄eyetto zevistoētamon haesto hosz eheomstov emessaatāossemehan zeto.

E.—Na neš̄ zeheš̄etanotto nēna neš̄?

Oxhozeo. — Hēhe hovéno nšeninovexoveva na máveš naôzetanoxtoz naneoxceevhâshoehonotazetō na tass essaaxahotxtohan zeoxneēve tamhāvovôâtto.

E.—Na tā etonšenhesso zehesešvovôâtto?

Oxhozeo.—Ehâstoa hovae zehôoztomevaeta nanosetto heto zhestoz: “nitao nixanovepavhas-tonan eneshossoto tass pēšeonon.” Zehesso “heto hoemao hovae mavoxz zsaavešpevaehan.” “Oxzešeneševessēs nitao hato hovae zhe nis-saaxatonšhoozenovhemâ” na hosz hâsto mato. Na neš natazešeassōetan taxa nitao naxanove pevhas-toz venhesso tass hossotšeonon na nitao zehess hoemao hovanē hetan zsaavešepevâes na nitao zeoxzešeševez, na oxtovavetto na es-saatonšhoozenovez neš anōs exaononissoneo zé-nešetoxetanotto héam hoemaō zehessō. Na natâszešehetto ota heva hetan hestanensz noka matótnoe hoxtovamhayon na neš masseēnan-ensz zehetaeamhâes na zehestohestanens sonše-amhazz saavonôhanehez hoxtovaveho emehess-hâ emeēstahamā aonemhayon tae ešhossma-sēnanensz.

E.—Na tā nitonševezhov heto tāma?

Oxhozeo. — Haxc! ota nazhešeta zeo tāma nathavseveva naotahépeamassen hemxistōne-heva Maheo na hez na evhavovhestátoz names-saatāevešvonôe zehastoaetto. Na ota nanše-

nešeta heto zistotševha-onoanenetto taxa nameevhatonš-šešeozemâss hato maxeossázistovâ heto zetaomhōoztomotaázetto hestatamahestoz na nista naoatoētastotoz?

E. — Na nimaxepevanano zehešetovanomo, na taxa tanšhossamoansz.

Oxhozeo.—Na zenita hovae mato zevešeôzetanotto zeoxnišešmon-onoanenetto na tamasseo-cevehōxtom nitao zeoxtonanossepeva natšezistoz naoxtovevōxta havs, zemona havs, eoxceaestoeovazetto zenanossepeva zemehaešezetto; na neš zetaešheneenom etahâne anōs heva essaatonitokōssohanehehō zeoxnišemehoxtom nataomeamoētastotoz nanitaeneševemo emetavešeroxzetto eavôno onškanomsaatassetanehenō navostanehevestoz nistâ.

E.—Na neš nitónševe?

Oxhozeo.—Nassaaxaheneeno zemeheševetto taé zistamēstōmevo natšetan Oxsaaninitamēsz; seetoēš natapevheneenovazheme. Na nazhetta tae maēšeamhávoz hexanovepevhastoz hetan zsaazešhesthavsemēsz na matheva zeo tâma na matoheva hexanovepevhastoz nitao histanov namessaavostanevha.

E.—Na hea ehedom nihessetamo?

Oxhozeo.—Mázhettaehō zenšenapevetanom na hovae zsaanoxzevaztomovôvo masséha namxhessetamo; na hez zistatšheneenom nato-



tonstátosz nathavs zepanōetto navovónitoētas-  
tová na naneševonhoaon hapo zehešetanoss.

E.—Na ninhešetan zénstóemon-mēstomeva-  
ta zetoheneenoe zheszetaz hetan nha zetohe-  
tomstovez zeszetoes-saazešeneševs havs.

Oxhozeo.—Na vovoenotto zeszhenov tass  
nassaaonoeátamā na hovéno ninovetto zistaēše-  
ēnš-ninovevessevo na zistaenšeēsztovo maveš  
natavâxsmeesema.

E.—Na ninóztovo zeto hetan zeneevaevēs  
na zemeheševešpevananetto?

Oxhozeo.—Hēhe nanhetta nēsesz Zenithaesz  
Jesus zehosz heszheamaxesto Zemaxenithaeziss.  
Na enahāne ehevō zemeheševešpevananess en-  
šenietamess zeneēšeševs tama nitooxz zévost-  
taneheves mavxota na zémeēvetoomenēs zenx-  
hōs hoxzezeva. Na nahosszešenóztovo taxa  
hetan hexanovepevhastoz emehonexovnettoz  
zemeheševešpevanás nasz zehetaēz' Maheon.  
Na nanhetta zehešenēhovs zeohātamasz Maheo  
na zehešeneševs zeheševs na zehešenāeto nāes-  
toz mato essaataomnāevomotaázé, nanāevomo-  
tāa; nitao hetšezistoz na tohe tanitōemez' na-  
mehoeevatamaen's onissyomátová.

E.—Na nitonševe neš?

Oxhozeo.—Oezetto nahesta naonissyomátá-  
toz tass zehessetamo nassaaonissyomvostaneva-  
tanotoe.

E.—Neš nioxetta Oksaaníitamēs?

Oxhozeo. — Tanhaoxzeveha. na taheneenoz nahetta. Neš nazhetto hen hovoanistoz neš naheve. Hotaz ezhevo hovahan ninst'sēonō-man nahetta. Neš nameta Jesusevao hemxistō zistosshēstahaoettoz zistossvešenehenhaoxzevo (zistossenotoxe nhaoxzevo) na ezhestaene mxistō nitao zetohetazeoxeoe zhépeešnetto zeoxexov héama na hoe. Neš nazhetto nazetonševe Matahoénetto, na nazhetta taoena ninstaneva enhēo nitao nsztaheva na nimátassoomáva Zehehestovsz Ehan nszevōshāenotto. Neš natâszhešenóztovo nazhettâe tonitoenatovo nstaeoto zetaxhoe šivaztaehoestova neno eoxchoe zeoxēsoz âe eoxcemeto vonanomevazistoz evhavoveše-šivatamazistoz nha zen'nhaoxzevaess. Neš nazhetto nassaaxaheneeno nametaoxemâss matahoénetto. Na tazheo ota nahetta: Maheo niššivatamsz nahavsevoētaeoneve na natāneenovō nazeonissyomátovō Jesus vostanevstomane natāneena saahonitanehezenō hexanovepevhastoz na namessaaonissyomâto hen xanovepevhastoz namstoneševoneš. Zenithâtto naešenetátomon zeheš-šivaztaeonevetto Maheo na zehešeēnanoss nhēhya Jesus Vostanevstomane zistossevenooxevas histanov; na mato zēhešeēnanomotatanoss zezhešenstamenoehesv havsevoētaheo zehestatto. Na natšēhavsevoētaeone-

ve onissyometto. Zenithatto hestanoz ota hezeza mahaemaniszz šivatametanoxzeva zéveno-otatanotovõ nhēhya hevetov Jesus vostanevstomane. Na enahan.

E.—Na nineševé zetohešvonossemanetto?

Oxhozeo.—Hēhe hotxsetto haesto.

E.—Na Ehan nitóevõshaenotto hēhya?

Oxhozeo.—Seeya hovahan, heva zenixaonettoz mato zenahaonettoz, zenivaonettoz, zenohonaonettoz hovahan heva zeoxnasótaonettoz

E.—Na neš nitonševe?

Oxhozeo.—Haxc! nassaaxaheneeno emešeševetto?

E.—Nitaoxksaaevhanšhaôna moxonohešetanotto?

Oxhozeo.—Nánešeta moheva matótnoe.

E.—Na hena tsaahessnešezehetto?

Oxhozeo.—Naonissyomazesta zehešhetometto zehešezhešemēstomonetto heto vehovahan hexanovepavevostanehevestoz zeto vostanevstomane nitao hestanoz namessaavostanevha. Na neš natazhešeta zeo tãma matanšeenoenatto natanã. Na neš heto enszhešhoénetto natšetanoxtovã: manxhestomatto tonoxtomahen zeneonissyomhoénetto zsaevhaninovhestomaettan. Na neš nanšoxchaônatovo Ehan ta nanvõshãenotto Hēhya.

E.—Na taxa nitonšvõshanenoz?

Oxhozeo.—Nassaaveševōmohenoz heto mav-xoze-maexansz, naveševōmonoz maexansz hene-enovhastovâ, na etózhesso: noka ešēva naotao-hâanovetan na zehešetanotto nahépeanovetan toneš zeoxnišeeševostanehevetto na heto anovetanoxtoz enxhess zémonevōmo zemaxetao na zehessenova nitao nathavs. Na nansaanoxzevōxto hovae óha eavôno na zetossešeaenmaxeosē namátassooma, hootov zehešetanotto nata-vōmo Zenithaesz Jesus naneanhōvehōma heamă na enszhevo onissyomátovehâ Zenithaesz Jesus Vostanevstomane na nszevostanevhan.

Neš natazhešenōstovo Zenithátto naohae-maxhavsevoētaeoneve na nanszhetta šivatamet-sanistoz ninetāotō. Neš nanazhetto Zenithátto: etonhesso onissyometanoxtoz? Neš nataneena heto zeszenov: “nha zen’nhaoxzevasz zeoxksaahāyana, nha zeonissyomátōsz zaaoxchāōne”, onissyomátátóz na nhaoxzevossanistoz enšenokaen’s na nha zehoénsz tass zennhaoxzevosz hesztaheva na zetoxetanoto hevenooxevátóz Vostanevstomaneheō eonissyom-onissyomátovo Vostanevstomaneheō. Neš máp exae-sēâ naēxa na natâszhešenóztovo, na Zenithátto mo zezexovohahavsevoētaeonevs zehexovávo nszenšenomasseztovo na nszenovostaneve? Na natanistovo ezhevo: “Nha zennhaoxzevasz namessaatonšoesetano.” Neš natazhetto na tā

Zenithatto monstanhessetamaz matanhaoxzevaz naonissyometanoxtoz .mo zepavxanoveēnane etovâ? Neš ezhevo: "Vostanevstoman Jesus exhoén histanov zexhevostaneveoss havsevoē-taheon." Enēhov zeen'netto hoemao zexanovepevaez' nistoxs vostan zehetaeonissyomátos. Zehôoztomotâes ehessenā nsthavsan na eevhâ-seohâ nitoxetanonamanhâzistonan. Nimehotaen, enšehōvoxz nsthavsan heszhemaemeva.

Sitov ninhētōen Maheon zexhoez'. Nioxchōenevotaen zehehešvostanehevs. Zetatohetaheneenom namenhešnietamevonōss hevetove xanovepavevostanehevstovâ na zešhessovovô-tan nathavs heszhemaemeva: hane zehesseneš- evs zeahátomovoss hēhyo hesthoema na zenš-nonizeomazess zevešhešetōes essaahessēvenista-tovazen ēvhessnhesta nha zemasshestanoziss hevenooxevátóz na ahō nha zevešenešetanoziss. Na neš nazhestâ eohōtomoen vošetanoxtova naexa eōxenoešen nahāen na namehoxtastoz ehehenotomoen zémehoxtom vehestoz, vosta-neo na heševostanehevestoz zehesso Jesus Vostanevstomane hevetova.

E. — Etahāneze zevōstoman's Vostanevstomane nimátassooman. Na taxa nistotāeomēs tomevsz evešetonhesso heto nimátassoomāva.

Oxhozeo.—Natavešeheneeno nitao histanova zeoxešnono xanovepavhastoz nâ etoeoxtovan-

hessone assetoēstova. Natavešheneenovo Maheo Ehan emevešpavano zennhaoxzevaes havsevoētaheon. Na natavešohaetanitan zehessenova nista navostanehevestoz na navešeononovanā zenšemeetanotto nassaaheneenovahestoz: énsaazešeēsžnettan matšetan naztaheva tá hezezea zeveševōshanetto hepevahestoz Jesus Vostanevstomane. Nanvešemehoxta maheonovostanehevestoz na hovae navesseneševetan zevešeonoatam's na zevešvohōoevatamez' hevehestoz Zenithaesz Jesus. Hē otā zehešetanotto heva matótoa matótnoe tāevaheneneoneva nitao nazhemaeme navxota nametohenenomota Zenithaesz Jesus.

Natavōmo neš naovaxstovā Oxhozeovōsetanoz ehootōō Oxsaaheneenovaheziss zen'nooxzevoss eneamhoeōevo. Tavehōmeha ehetto Eōstāhetaneva hako tato kassovahesson zenxēšamestoxeoxzz.

E.—Nataeševōmo essaatonitoktaztō niveoxzemossanistonan.

Oxhozeo.—Na zetassetamo emessaatovešeonšeozé manšveoxzemaezenō zeheešeoxxzevoss.

E.—Na nihetom: na hea eonitaez zehešetanoss.

Oxhozeo.—Na nanhessetamo hapo na hoxtā nitaešetonōmon na etonōmov.

Na Eōstahetan ezhetto ninševeoxz hoxtā he-

na zeēvesszešhestoxeoxzetto?

Oxsaaheneenovasz.— Naoxchestana napave-  
tanoxtoz oxnoceoxzetonoz ota hépao hevaeves-  
sevōnetto oha mxhépepavaztomonoz.

Neš ezhetto Eōstahetan Oxhozeovōsetano-  
ziss (emōs) moxzešenhetta essaatonitoktaztô ni  
veoxzemossanistonan. Haxc! hoxtā ninšeze-  
oxzz nitanševhaneēveēszhemā heto zeameoxzez  
tohave. Neš etaēsztovo Oxsaaheneenovahe-  
ziss etazhetto nenasz: nohetotā niēvetonhesta?  
Tā ešetonhesso nimátassooma hezezea Maheo  
hevetov?

Oxsaaheneenovasz. — Nahozeovosspavetan  
mesēto zehetaepeva hovae naamenešetanoxtovā  
tass naoxceveš-vovoešemaō zehešeaménetto.

E.— Zetonsōsz zehetaepeva nitšetanoxtotoz?  
Tā nioxtohaovemenō.

Oxsaaheneenovasz. — Haxc naoxcetoxetano-  
tovo Maheo na héamā.

E.— Na hapo eoxcnešetanō eavôo na zeehō-  
mess mátassoomaō.

Oxsaahene.— Haxc! naoxcetoxetanotovo Ma-  
heo na héama na naoxcenoehohānotto.

E.— Na hapo eoxcnešetanō eoxcnithohāyo  
nha zsaatonšhoešenahess nāno. “Hemátasso-  
oma noavōxz eoxchoháttoz na essaa-aenô ho-  
vae.”

Oxsaahene.— Haxc naoxcetoxetanotanoz na

nahessenooxz nitao hovae zénithohátto.

E.—Hen nassaa-amáto; zemánooxzistov nitao eotahotoanatto; haxcl! ehéphotoanatto haesto zeoxexovaztamevoss. Na tā taxa etotaetonhesso zevešenešetovaoetto zehessenitomoxtátto zēnanom nitao hovae zexhestanoss Maheo na heama?

Oxsaahene.—Nazhesta naoxcenhetta.

E. — Zehaheneenovasz hetan ezhevo: “nha zetaomenietamsz heszhesta eononista.”

Oxsaahene.—Hen estov zehavseva hesta na heto nazhestā epava.

E.—Na tā nitonšemēsta zehešepava?

Oxsaahene. — Naoxcevovoešemetanoha oxhozeovossetanotomonoz heama.

E.—Heně emenonaxhess zeōcetto nszhestā: hetan heszhestā emet'sēnešvovoešemanha zeoxhozeovotazisto hovae zsaonissyomhoxtamistoess.

Oxsaahene.—Haxce nazhesta, naametanenistoz enšemamovonsz na ota nathozeovotastoz tass epevoomaota.

E.—Niva zenhetata nszhesta na niametanenistoz zehěšmamovo?

Oxsaahene.—Nazhesta nanhetta.

E.—Nóztoveha nissimaha eonomázeonevetto. Nszhestā ninhettā! Oha heěszestoz Maheo tónhesso emehetometto, na zenita hoxta-



heo essaahoešetan.

Oxsaahene.—Haxc! na māseopava hesta Zepavhetšetanoxzevetto na māseopava ametanestoz zetoenhesso Maheo hesthoemao zehessoz?

E.—Hēhe et'sēpeva hesta zepavhetšetanoxzevetto na et'sepava ametanestoz zetoenhesso Maheo hesthoema; na ota heto onissyomnhes-tátovēs enita mato enita óvhanenešetanoxtovēs.

Oxsaahene.—Taxa henova opava matšetan zehetoestom naametanestoz zenhesso Maheo hesthoema zehessoz zehetohestom.

E.—Zepevaēs matšetanoxtotoz heovaz ehessonsz hosz nitaometoxetanotovazistonanoz, hosz zistoxetanotōs Maheo, hosz vostanevstomane na hosz zenita hovae.

Oxsaahene.—Tās zepeva matšetan zistaometoxetanotovazez.

E. — Hene zehetavešeamátomaz heēszestoz Maheo.

Oxsaahene.—Toneš nitšetanoxtonan etovan eoxceamáta heēszestoz Maheo?

E.—Oxnešōhatamazezēs zetohetaez' Maheo heēszestoz. Natapevemēsta otā: heēszestoz Maheo ezhetto: “vostano zestosózhestaz hovane saaxanovepeva, hovanē saahepevoētas-tové.” Na mato ehosszetto: “nitao heovazheš

hetsetan hetan hesztahevã ehavsevae na oho-  
omēetto eamenhessoz. Na mato heovazheš  
hetsetan hetan hesztaheva enxhavsevaez' hako-  
zeoxnixešmonãs. Enahãne otã zehešttoxetano-  
tovazezēs ez eoxcnešpevaensz nitsetanoxtonanoz  
zeheštónhesso zehessoz heēszeptoz Maheo.

Oxsaahene. — Mona namezhešeonissyomãta  
nazhesta monexovehavsevaehané?

E.— Haxc! eoxksaazešenokapevaehan nitše-  
tan tãma niametanenstova. Na noxa natanša-  
moan. Heto ēszestoz zehesto nsztahan na ma-  
to etonhesta zeheševostanehevevoz na nitšeta-  
noxtonanoz na zeheševostanehevez oxnšsēsōsz  
zeto hesta heēszeptoz nínixa enahãn nínixa zé-  
peva zeheštonhesso zehesto.

Oxsaahene.—Taxa nímēstoz zenhestom.

E.—Haxc heēszeptoz Maheo ezhetto: "hetan  
hevostanehevestoz evovoxceoz ez' essaapevae-  
hanehez', ehavsevaez'" ezhetto: "ethastōenōeoz  
zépeveoz meo na essaaheneenohenov. Na ota  
hetan oxzešttoxetanotoss hevostanehevestoz na  
oxtoeonissyomnešetoxetanotosz hesztaheva he-  
vovonatamazistovã ónhesseztosz neš neno zé-  
pevaez' hetsetan zeheševostanehevs zénhesse-  
zesto zehešsēsoz zehestoz heēszeptovã Maheonõ.

Oxsaahenee.—Na etonhesso zépeva matsetan  
zistossetoxetanotōs Maheo?

E.—Hapo vezen zehešhestom zetaomhesseta-

mazez oxnhessetamozesz Maheo zetohetahesso heēszestoz etahāne neštometanotomovozēs zehestass na zehetooez heszetátonoz heēszestoz zeheševistomoez', hezezea namessaatonštotoxstō maha. Na navhaneštotoxemo tass zeheštova-  
hetōez enahan zépava nitšetanoxtonan zistoxe-  
tanotovóz Maheo mánešetanozēs zeheshép-pav-  
heneenōez zeoxexov - taomheneenovazez, Na  
zeoxcevōxtomoez nsthavsan toneš na t'sa hos-  
saataomheneenovazehez: oxnešetanozēs zene-  
oxcheneena hotoma nitšetanoxzevanoz na nsta-  
han hako zeoxešhotaetto mesēto tass emenox-  
casz heexa; na mato mátanešetanozesz nitao ni-  
xanovepevhastonan etaooxeozez' hestazeemevá  
na nioxksaatonšhethohátōhen zénhētōes zehe-  
taēs nohass tonšenietamistov heva nitao zeox-  
nanosspeva nitšezistonan.

Oxsaahene.— Enahane nionissyometanoxtoz  
na zeonitová hovahan; na naonissyometanoxtoz  
nassaaonovotaztō etotāestovanešepeva zehesso  
nionissyometanoxtoz óha nassanhestoenaszé  
namekon zehestoa heovaz niēvešetanoxtoz.

E.—Noxa nataešenš-evhahosse-oxeve. Ho-  
vane hetan emessaaheneenovohē Jesus Vosta-  
nevstomanehēo óha zeheševōstomanetōs Eha-  
no; hē naonissyometanoxtoz mato zeoxceveš-  
tonoetovoss mátassooma vostanevstomanehēo  
eoxcevešeexane hemaxohātamahestová; na ze-

hešzhetto hen onissyometanoxtoz nitāneenovaz stamenō Oksaaheneenovasz anōss nissaaheneenoheno. Sešeozz neš heneenoz nsthāomēnestoz na noovhatoveha Zenithaesz Jesus; na hexanovepevhastovâ, Maheo hexanovepevhastoz nszeveševostanevhan assetoēstxi.

Oksaaheneenovasz. — Niotanševeoxzheme, nissaanexov - veoxzemazeheme; tanševovoeoxz nataešenšhestoxeoxz ninovetto.

Neš Eōstahetan ezhetto hevis'sono, hoxta nēnasz Oxhozeovōsetanoz anōss nitonšoxtove-noceoxzhemane.

Na natanševehōmo naovaxenátovâ etanšeamvohēs-vovoeoxzeo na Oksaaheneenovasz (enamhestoxeoxz) enxhestoxeamekaeš. Neš ezhetto Eōstahetan, heves'seno namaxšivatamo zeto stamenō hetan. Zetat'setóhavsevhoomene tato maveš.

Oxzhozeovōsetanoz. — Hahoyâ etahāenōeo zenxhestátto zezhestass nonocean, hē zenonokovâs na noeamōsemeheo na zhešenōhevoz totahoesta zēnsēveoxzez tâ etonšenōhesesto nihessetamō zeto t'sa zexhestaōz.

E.—Na etozhetto ota ēszestoz: "eóóenemanho oxsetto zhotōeo."

Na nitónoceanoxzhema nitonsetamō zezhestass hetaneo? Toneš eoxxsaaōevaozeheo hesthavsevevo nihessetamō na hen etaoxchessēátōhe-

nov na hevostanevstovâ zeheshestatamanoez?

Oxhozeovōsetanoz.— Taomenōstoz hen, nihāea.

E.— Totoneš hea eoxcenešetanō na zeheshotaomessaa-henēenovahevoss na essaaheneenohenov heto ezhešmessēoxzistoz tass emšpevaez' hevetovevo nâ otâ eoxceoxtova-vonetanotanoz honeēvehevovōnešetanoxtovevoz na eoxcevātomemenoxcetantovâzeo zehethohâttoz hesztahevo.

Oxhozeo.— Na natōnešeonissyomâta zehetto na hēātohestov hetaneo eoxcevešpevaenov na eoxcēvešxanovanaenov moneassetōsemevosz.

E.— Essaanizestanovhan et'sēpeva na etōnhetto ēszestoz: "zēātōēs Maheo enahān zēmo-neassetto heneenovhastoz."

Oxhozeo.— Na nimetonšmeesta zehesso xanovēātohestoz?

E.— Onissyome na mato xanovēātohestoz evešheneenōe nāhe hovae: 1) Zevešehāetto ehessenhesso oxtanešemesēozistovēs zeheshavsevoētaonevstov, zehoeoztomanetto venooxevátovâ; 2) eoxcenešetxea mâtassooma zeheshhekonoetovoz vostanevstomanehe venooxevátova. 3) Eoxcemanhan na eoxcenshestaseta mâtassoomaeva zēmaxemōmatavatamez' Maheon hešszestoz na hemeo; eoxcenshec-héanano na eoxcēsnohéoxzettoz heszheamaxesto na ma-

to heva henamosesto han hovae zsaonohātōhez Maheon, zēenoz heszhekotomahestoz, zeanovetanohozz hemátassooma na mato heva zensetzaziss zisotoxstoziss niahetovahestonanoz.

Oxhozeo.—Nipavoan, ehedom nionissyomešeta. Niešsaatosshépotōnon Zémomehemomao?

E.—Haxc! niešeninitameozé heto zetotoxstomaz?

Oxhozeo.—Hesc! hovahan navhanheneenatanota zehešešhoexzez.

E.—Na hea hépetto nixa tāoheoneva et'saanhessohan zetāsstossešeoxxzez. Na nitaevhoss-totoxstanon zemehaēvešeēszez. Ota zsaaheneenovās essaaheneenohenov heto eēmazhešmesētanoxtoz evešhesshēātohestovstov na zehešepvaez' hevetovevo ehessenhessoz na eoxxeoxtovavonetanotanoz.

Oxhozeo.—Na eoxxetonšvonetanotanoz?

E.—1.) Eoxxzhešetanō heto ēātohestoz eoxxmanhaoe Eavōva (zeoxxnešešhessemanhaoz Maheono hevetovā) na zeoxxcenešetanovoss eoxxchesstohaotanoz. 2) Na mato eoxxzhešetano heto ēātohestoz eoxxceveštotonitane onissyometanoxtoz na otā eoxxchesshekonananovoz hesztahevoz zestohaheztomevoss. 3) EMESSAēātohestovhan eoxxcešetanō na ota tass zehóniztomevoss tass menoetto eoxxksaahezevaeoneo. 4) Etāneenanov heto ēātohestoz zetāše-

hassetanoz' zemomoxoz, zešivatamoz hetaome-  
maheonhastovevo na eoxchesstohaheztanov ze-  
xoxtoetahetovaevoss.

Oxhozeo.—Naheneena hosz heto tãma zën-  
saaesheneenovazehetto emehaehesso nitovã.

E.—Na neš tã zeno nitanešenooton nivōhes-  
tonan Oksaaheneenovasz na zenita zepavho-  
ozenov nitâsstotoxstanon.

Oxhozeo.—Haxc! hêhe nipevoan na nioxto-  
vanšhoss-vovoeasseész.

E.—Nohetto na ninxheneenovovo hea etamató-  
toyaeno nasz Vhanetto zenšeoxzetto zennano-  
tasz hetan momatahestovã nãno?

Oxhozeo.—Hêhe nanst'sêheneenovovo envhis-  
tanov Oksaanšivazta mâvehoeno hea nixa tão-  
heoneva enhessoz' zeheshoestov Messehaemã-  
evehoeno á epanozetovo Oxzevhaoxzeziss.

E.—Nihetom etovesznemo, enešenehaez' ze-  
hoetomevoss. Né hetan êmaxpavšešeoz noka  
na naxhōvnešeonissyomátamo hea êševōxta  
hesthavs naxhessetamo.

Oxhozeo.—Hapo nanešetan (hemhayo zehesh-  
hotaz' essaahépešohanehez' naha tãoheoneva)  
na naoxceohahoenhaoxzeva tã eoxceotahãxan.  
Na nataonissyomšivatamo hetan na etohestho-  
zeovōsetanoxtov naxhōvhessetamo na etoneš-  
heneenō nistoxs essaahoešenasz zetohetazetoe-  
noz Zenithátto, Zenithátto.

E.—Na noka nánhetta zehešassetōsemetanoss na hotaz hootov etananovoxzeveoxzenotto oxtaomevostanevázezēs na neš nansaaevhaheneenōhe.

Oxhozeo.—Na zehešnšenatotoxemoz taxa tā henaéz' hootov zeēvhāsshootoone-anhōssevanoss na hōsz mato zenitass.

E.—Na emenonaxepeva na taxá nívovoasseēszz.

Oxhozeo.—Haxcl otā na zeheštanotto hea enīva hovae zeēvhessezhestass

1) hetaneo hetšetanoxzevo zevešheneenomevoss havs na zepevaez eoxkanomtassšešezettoz, hesztahevoz eoxksaaoxtoveš-vovoešnitavanehanettoz. Mataešeevhavoneozezēs zeveše-meetanohevoss hetotahopastov, hato zemehaveš - assemómatahevoss eoxceeneohettoz na eoxceevhanoxzoxtanov nista zemehaheševostanehevevoss tass zeoxceševōmoz hotam zehešhāmoxtasz hovae zemes na zehešeamhamoxtayōs eoxcheheozeoz na eoxcevhamasshōyaz. Heto eoxksaataomeneševe hetšetanoxtovā zsaahotootahanehez hevenooxkota ēvhahess-heheozeoz na hesthāmoxtastoz zistaešeēneozez, zistaešhovahanehez na hevenookoxz zistaešeeneozez ēvhanoxzoxta ēvhatónitaehan na ehessezhešetometto zezetxeoe: “otā eevhaeotáénoxzoxta tāma heszheheozeozistoz.” Ota nahesse-



zhéve zexhāetanovoss zexhohāvoss heamā na óha zénhhesseztomevoss ētoxtastovā zehešemeztovoomeoz' Eavôno na zehesseztomevoss Eavôno na zeēátomevoss assetoēstoz oxtaevhatōeozezēs na zemehahethohāvoss héama na venooxevátóz, etaoxceevhatōeoxz hapo. Na ota etonhesso hetotahopastovā na hēátohestovā oxtaevhahovahanehezēs zemehahethohāvoss héamā na pavetanoxtoz enāettoz na ēvhanoxzoxtanov nistavostanehevstova.

2) Na mato nasz ezhesso, tass hemomōnetanoxtovevo eoxchépeexaōenov: nanhesta zhešēátovovoss hetano: "zeēoxsetano etaomenhanotáz." Na tass onšhōvhāetanovoz zexhohāvoss heama tass zeheševonez' hestovoozevo zehetohassez' Eavôno na hen heszépótanoxtovevo ovéno oxtaēšeasseozezēs eoxcevhâss-vovešōetano; tass epevaene otoxovetanoxtoz na essaonokotaehanehene tass zsaahzev-oneōehan nita na tass zehešhōoztomotaázevoss zsaahōehanehez zsaatonitoksohanehez totahop na eoxcēvenšnoxzoxtanov zeto histanov.

3) Na mato tanitanoxtoz zenoe zeto momatahestovā eoxcetohaōenov heamevostanehevstov; eohāemenoeo na epevatamazeo na momatavhoestomohestoz eotanitxenevaztanov na esaahotoaztōnov; na otā zistaešēvhavonetanotomevoss zemehahesseztomevoss Eavôno na hās-

tahátóz zetossoénettoz eoꝥceevhanoxzoxtanov nista hevostanehevstov.

4) Na nahoxtamista maxeoossázistoz zevešhetomoxtavoss na zevešhépotanovoss eotaeano-vaztanovoss eoꝥksaavōxtatanotōnov hesthao-menhestov zehešsaaeshōoxtomehevoss na hevavōxtomevoz emenonaxheneenanov emeneovhao zeoꝥceovhaz zexanovepavevostaneheveziss na zexhōmoetanoz; na zeoꝥcešenešezevoss eoꝥksaahahaneōnov matšetan zevešetoxetanotoez totahopastoz na hépotanoxtoz na noka oxtâssehassetanomevosz zeveš-šešezevoss hépotanoxtovâ na hesthâstahátóz Maheon eoꝥchekonananovoz hesztahevoz masetto na eoꝥchestananov heševostanehevestoz zethossvešohamohâhekonemanházevoss.

E.—Nitatohahanea hozeohestoz zexoomaotanitao evhaneohemâtanov zénitaevanez' hesztahevo na hetšetanoxzevo. Na tass eoꝥcenešnhēo tass nitoenahané zeoꝥchešeōs zehetaēz' hoemaossanehe: ehépōoz na enonomē na tass ēvhavovôtâtan oxsētto na zevešohâetanoss nitao enahanezé zeēto hooneestoz (ekoꝥzēhestoz); zépeoxevaeno hēvezheševestoz essaahessenhes-sohanehe, ota zeto hetan veevhanizeōsz, veevha-hoénsz emetâssenomázeeoneve na emetâssenšamhehetovanov; na heva oha hetšetan ešenitaevan emessaaevhaeševostaneheve.

Oxhozeo.—Na otā niešemēstomevaz zetaox-cēvhass - evhaoxzevoss, mēstomevsz zehešetovatto.

E.—Tā nstat'sēmēstomevaz: 1) eoxceoxstanovoz hetšetanoxtovevoz na eoxksaatoxetanotatanotovoheo Maheo na matoheva nāestoz na hoemaotazistoz zetosshoénnettoz. 2) Neš eoxce-oacehassetananovoz tāma hetšezistovevoz hesthāônátov tāma hevenovevo zistohaenomevoss hesthohástov neevavossanistoz, hesseanovhastoz havs na mato ēvemaenhesso. 3) Na neš eoxksaahahaneovôvo zehot'seheziss zenševetanoziss Eōstahetano. 4) Na neš etaoxcetōeoxzeo taxtaneševstova, ahátomonstovâ, zévehōmez' mxistō, zémomatamohēoxzistov na eēmaenhestav. 5) Na neš tass eoxcasshavsevehossemovo nhâ zemómataheziss na eoxchavseveneševeo tass zenaxe vōxtomevovoss hovae henitxnehestov, hemómata vhoestomohestov evešsaavōemōnov. 6) Na neš eoxceasshahaneovovov etaoxcēvhistaneoenov zehavsevaziss hetano. Na neš etaoxceassenešnehanov emōsnešeēsizistoz emōsetto na eoxcetavoēšetano oxtavōmovosz nha messēahestov zeno(h)ōemeziss na tass hen etaoxksaahess-hezeveneševeo. 8) Na neš etaoxceassvistossōmotanov hataaxcēhavs taxa. 9) Na neš oxtaēšehāmataetavosz eoxksaaevhahezevaztōnov hovae. Na otā tass

taešeevhâss-séoevaenevosz hāomenestovā óha heva ovašivatamahestoz tohanaevoz, etonšhossevha-assetoēeo aenetto tāma zeōcenotazevoss.

Neš natavōmo naovaxenátovā zešē vezeno amōsemeheo etaešhépnooxzenov Zemomehemomaōez' na etaoeoxzetanov hoe zemoonatamanoez' omotom zéveceeno na zexhetotan meo etatasoxpeoz, na zéo etaēveoanaxanazeo nšeni-novexoveva. Na zeo eoxcenseahátovovo zae-nenoneziss vekseo na nistoha ešēvā evōxtanovoz heovasz zehešzeavóóezēs z hoevā zenxhessmeénetto na enistomovov henistohestoz hemen. Heto zexhoeve ešehē eoxcensevonhan tāeva na ešēva: na ota heto etanhastoeve zexhoveohōsta nāestoz na mato essaqhestatanov maxenínitameozevan na matheva zen etaoxksaahessevōxtōnov nizestamhayo. Na hezeno etāshestatōoxtanov zexhestanovez' zexhooxzevoss, na mato zeo hosz ehōotāevo nhā zehestaziss. Heto hoeva zeohassevenōhess eoxceēveohāaméneo zetāšhahanetto zistatoeóómao heamā. Heto hoeva ensezene monhe na monetā hesthoema-oxzevo zeevhâss-monanomevoss. Heto etahānezé monitā zévešvoešetanoss hemonéham na hapo hemaheonamevo evešenešvoešetanotōevo. Hezeno eoxksaahemanohenov ben'noyo na ópāehemenemáp na hēzeo eoxchōoxtanov ma-xeetam zeneoxcenózevaztomevoss zeoxnhestoe-

ešeoxyzevoss. Zeo etaocxenistovovo zenxhesse-  
 ēszeziiss zešhistanov zénxmaxehaheziss enszhet-  
 taevo: “zettohen hestona menaemâstoz ota (ni-  
 venoohanestoz) zevenoohata zeneameoxz vehō-  
 mehâ hemeátoz (heonixomevâtoz) enoexz.  
 Zeo neš histaneo hen zexhoevez' emassozevōn:  
 maheonhistaneo zevostanevhoss Zenithaesz  
 emehôo (enoxzeoeo).

Na neš zeenšeaménevoss heto hoeva eotahép-  
 voešetano zemehexovetanovoss vohēs sóeamé-  
 nevoz tato zexhooxyzevoss na zistahananénevoss  
 zexhestanovez' etaaspavevōxtanov. Evešema-  
 nene vōstaohonāevâ na zehâōemess ohonaeo na  
 zeōmepopootta eamemanhooneve māmakât; na  
 zeheštaomvohoenono zexhestanov na zeanho-  
 evešeoeassēsta ešéhemaevēvâ, Eōstahetan eta-  
 moxtavhoháyož; Oxhozeovōsetanož mato noka  
 na nix etaēvenhestaož na neo enš-šēšen nšenin-  
 ovetto.

Na zistaēšeevhaovén - hekonaevoss, zistaēš-  
 evhanhastomomoxtavoss etâsseasseoxzeo na  
 etahahaneoxzeo nonohono zémaxemenoešeevez'  
 na zexhoxpaehemenoešeevez' na zeamhaz' pehe-  
 nanohestoz na ehestaettansz meo zeameoz. Na  
 heto zexhōoxtomevoss heto énxpehoo peenano-  
 eheo meon; na zeto amōsemeheo ezhetto: ni-  
 vâso heto zepevaezēsž, hēsžhovsz na ezhattā-  
 ev: zemaxevehonevsz heszotož zeo ehesseēna-

nooensz zeoxcetaometoss-vešpavetanoss na zeoxctossvešoanaxanazez' amōsemeheo. Na peēnanoiheo etaēseozhāevo hoxpachemenoeše ēveahez zetohetaepeva ehettāevo; na mato evōshaenov zeoxceēveaménez' zemaxevehoneveziss na zēmahoveooez' zeoxcēvhetotahosz. Na zeo enitoeo na eoxtāeneo.

Na natavōmō etoeo na neš easséioxzeo zexhestanovez'. Na zehešeto zeevhavohōos ešie zešhistanov zeheševhonemakātaeve zehešeota-oxsēvohōoevatamano tass essaatonšeshpavevehōxtōnov oha hekōhoxtoz zenešetovamane eta-veševhōxtanov. Na natavōmo zistanšenaamēnevoss enstōeōevo niš hetano hesthoneonehevo māmakātaea ehexovohassenonoez', na mato heexaevo enexoveohassenonoez' tass zevonetto.

Zeto hetaneo enóztovovo amōsemeheo t'sa zenxeoxez na émēstomevo. Na mato enoenóztōevo t'sa zéneoxtāenevoss na zēvhotoanattoz na zeheštatananoez zēnxpavomoxtās zenxheto-taetanovoss zenēvhōoxtomevoss zenxeešioxzevoss na emēstomevovo. Na neš ezevōn ne hetaneo zetōeossaness (ezhettāevo né hetano zetōeovoss) oha nix zehotoanatto eheeōz na neš nstaēsznheme zexhestanov.

Eōstahetan na hevessevōn neš enhettov ne hetan zeveoxzematanotovovoss; na nstaveoxzemazemeno ehettāevo; na óha nstataome-hoxta-

mistanov tāma nionissyometanoxtová. Na natavōmō etanšemanoameoxzeo nxsetto etameoxtanov henitō.

Na neš nataassevōxta zistaaménevoss na zexhenitooneheve sitov eameoz ohe na eovahan oxovō zemetaveš-exxovnistov na ohe eotaohaoetam. Na zistavōxtomevoss heto ohe amōsemeheo etxatoomeozeo; na né hetano zetaveoxzemāevoss ezhattāevo tat'sēeséénehen oxovoén nimessaatonšnitavhōxtōnov henitō.

Amōsemeheo neš eēvenóztao zeoxcēvenonaxzetaoeoz hestahetta. Na ezhattāevo hēhe na oha hovanē et'saazešnehô óha niš hetano enehanov zetaneozež' Hestané na Maheon-ónietamoz etonšenoce-niš-mezenovoss hene meo hako zenstohešemanhao histanov na tae mánistōhettoz tápen. Amōsemeheo neš nanossetto Eōstahetan eassenínitametanooz hetšetanoxtova na ezetōo zeno na taetto na essaavōxtō emehetomstáto ohe. Neš enóztovovo ne hetano eomanoseetoetam. Hovahan ehettāevo; na essaatonševistāmāevo hezeo; mamáta ezhattāevo, nstanohanov heva zhaoetam na mato heva zetazocetam zehexoveonissyomátamoss Zemaxevehonevsz hezeto.

Na neš eossāneasseéneo Eōstahetan etatonšeasseszevōe na etazhetto hevesseno Oxhozeovōsetanoziss, naeszevōe zoetamoxzeše; zoeotō-

ma naátohaō; neš ezhevo nenasz pevetanozz hovā naešemxaa na ētapeva. Neš ezhevo Eōstahetan hē hovā oeometanoxtoz nāestovā nahôotā natsaavoxtô hoe zeamessevo matan na hánumpaneasseo. Na neš zemaxeaenonittoz na ohāetanoxtoz ehôotā Eōstahetan na essaavōsané maeto. Na mato hezeo hovéno enšema-haevoneōszenoz hestomat'seonoz na eoxksaaev-hahetōetanoxtovevo na eoxksaaevhahoxeeēsžé zistotoxesto hato zeēvemapaveenoež' zeneēvhôoxto zenxeešeoxz heamōsemestov. Na nitao zeoxzevetaōhaz tass evešemeōz zehešohāetanož' hetšetanoxtovā na hesztahevā zeētoxtaes zeēto nāestoz nen ohe na zestsanonoxpa-ēsžnistovan hato zexhestaetta na mato zeēvezeheešehoevoss etāneena zehešmahaōzetanoss hetšetanoxtovā havs zenxetahenitoetastovs nínixa zenxešeasseoxz na mato zensaaešassetōsemēs. Na mato enešheneenoež' zeheševešeōzetanoss zistavōmoss zehavsevaziss mátassooma tass zehešenhēs heēsžistova.

Oxhozeovōsetanoz neš zeo eohotoanavoma héama zeevanomovoss heneo hemeq na toto-neš etaoxcetonštaehovanē na maveš eneoxceevhameeoha hovén eoxcetomeeametanen. Oxhozeovōsetanoz mato eoxceonissvovónešemā eoxcezhettā, nanéhā natavōxta henitō na hetaneo natavōmō enhēo zetossemasseztōezēē. Na



Eōstahetan eoxcezhevo: ninēhov zetonōmovoss niotaamehozeovosetan hako zenxešheneenovaz. Na mato ninnózevatamā hapo ehetto Eōstahetaneva. Hē nassima ehevo mápevaevonhao emeneohā hezezea na namenvistāma; heto nat-havs navešhoeozhā nononōeva na nâ nanovsenōota. Neš ezhevo Oxhozeovōsetanoz heto ôzetanoxtoz na haomeozistoz tass zeamsoxpotom heto mápeva essaahessenhessohan Maheo zénōotata enxhessezhesšō tass ninvhaneonissiztāton tā zeomeetanotom hato zeneešeamhātto zenxhessepevāvoss zénešemetata na zeonšeox-tovenietametto nsthaomeozistova.

Neš natavōmo naovaxstova Eōstahetan enšhekozeoetan hovén ninovexoveva. Neš ehosszhattā Oxhozeovōsetanoziss pavevoešetanooz Jesus Vostanevstomane nievhamhávovetanā. Na neš Eōstahetan etamassoēsš na ezhévo: hēhe nataešeevhavōmo na nanszhetta: “maamsópnetto mápeva nszevessevaz na ohesz maoxovotom nszaatahōvatōenoz. Neš níniševoz ehénovetanoozeo na zeamemeotaevoss neš exahectoomeozeo tass ohonaeo noxsetto etanšeexovéneo. Eōstahetan neš etamonemxaa na neš tanitā etanšzocetam na etanšeexovéneo.

Na taxetto zeenstomaoz' hoe nhasto hestōma etâs-vōmovov niš zeohassevenōheziss hetano nâ zenstonōmaevoss. Na ota neš zéveeš-

hesseonónevoss ohe enmasseēsztōevo ezhattā-  
 evō: nanēhovheme zevovónešestomaness má-  
 tassooma nanxhozeonevheme nahevovónešetō-  
 voneo nha zehoxtamistoss venoohazistoz. Na  
 etanšeamehešemanoéneo zexhestaettaz.

Na ota neevazēs zeto zehestanov-mâstov  
 eohâtamano esseom na ootō zeto amōsemeheo  
 momoxeman etāšeéoxzeo esseomē zeto nínišez  
 hetano zehešhoonaenaevoss heázenevaevo: na  
 mato zeoxcemavaozēs hesthoneōnehevoz eta-  
 nooxtanovoz ohe zeoxtānšséoneomevoss etano-  
 oséoxnenovoz. Na etanšeéoxzeo eohavépana-  
 nitao na etanševeoxzeo zexoomaota heto hista-  
 nov mâstov zeoxtāšhépās zehešeamhōsta vosz,  
 na etanšeameéoxzeo soxpetto omotom zeamhōs-  
 taz etanšeamepaveēszeo zetaešéoxzevoss zešeše-  
 vovoešemevoss ōxstanevevoz zetāš-ešéexxovo-  
 tomevoss ohe na zehešohāvoheoevatamaez' zea-  
 mēneevavōmaevoss heveoxzemaōnevo.

Zehetotoxstomevoss zévhistanovamovoss zeo-  
 hassevenōheziss mo etotoxstōnovo zeheševohō-  
 oevatamanoez hato na moenhettaevovo zeheše-  
 moonā na zevohoeoevatamano hato emessaa-  
 tonšhestazmeemehan. Hanhāno ehettaevo ha-  
 nahāne esseomemenaemâstoz, heamâstoz zehe-  
 kotomatto zévonenōhevoss hozeon zeheszemē-  
 ness na hemátassoomávo zepevass hetaneo zex-  
 hoxepaveexanevoss. Nihōoxzheme hezezea

ehettāevo zépaṽatamano heszhestan Maheo he-  
neo nszevōmovo hoxzz ametanenistoz na nsze-  
messevonov zaamāveozehanehez hemenam: na  
nā mátahoeoxziss nszemetanenovō zevoomass  
hōma na niaménistov na niészistov nistoha eš-  
ēva nszevessevāevo zemaxevehonevsz ešēva  
zeaenexov. Nāno nszaaevhazeševōxtōnov ho-  
vae zenvōxtomass anhōtto hoeva zenvostane-  
hevess etahane zenhestoa: anovetanoxtoz, hā-  
moxtastoz, heovazetoomenestoz na nāestoz.  
Ota ništa hovae zehesso ešeasseoz. Ninhaox-  
zevovo hezezea Hestanov-oxhehetosz na Oxtō-  
anaxanomoxtasz na Oxtoeszistonanovaz na ov-  
hanhetaneo Maheo zeheshestanoss havs zistoss-  
hoénittoz. Hetaneo neš énózta na nazetonšev-  
heme hato zémaheonhistanov na ezistōhe nā  
nszeamhānov vovoešemazistoz zeaomoomen-  
hess na nszevešhestananov vošetanoxtoz nia-  
novetanoxtovevo; nszeoenetanov zeēnānoox-  
tomass, hemename nitap nsthaônátovevo nihā-  
enevo na heovaz zevešetoomeness zemaxeve-  
honevsz hemeo zéneovovoss. Han nā nszho-  
neanov voxca zemāmakātaeve na nszeoxceveše-  
vošetanonov zeaenevehōmoss Zemaheonevsz,  
han nā nszeneševōmovó zetohestass. Na ma-  
to nā nszenešemehotovo aenetto nszeoxcevovó-  
nešenhettovo nszeoxcenistoheme ahō maoxce-  
šemefoss zēnmehotatanotovoss hestanov zexho-

toanatto maha zeheševovonatto mavoxz. Han nâ niexaevoz zepavevōssanettons, nstovoozevoz zenistomovovō zehetotanoz henistōhestoz zeohātamaheziss na nâ nszevoešetanom mávōmoss nivōhestovevo zetaešenistaameoxzess maeto; na han nâ nszeoxcevoešetanom maoxcemasseztovoss zetaoxchosshestoxeoxzess hato zémaheonhistanovez'. Na mato han nâ nszhoneanov vohoeoevatamahestoz na vehonatamahestoz. Neš nâ manhonistōhetto tápenō máneevhahoénsz, máneevhatahōsz voeva tass hezēnōneva āhavhan nszeneevhahovessevovo; na mxhōsz taxetto hoestovâ hoemaotazistovâ nszepanoetovovo; he na maoxhettoz nitao vostano zehozeohettoz havsevoētastoz heva onēhovevoz hozeon zeheszemēness matheva hetaneo nāno nszevesseoxistov hoemaotazistovâ t'sē niahānevo zemeotaess po zehóniztōes na zehóniztovata. Na mato mataevhahoozz zémâstovez nstaevhaveševeáz manistōhetto tápen na han nâ nszeaenevessevo.

Na otā zistanšhahaneotomevoss zexhestaetaz emaxhāenōevo zehestaieziss zenxetōeōevoss hana ezetoeo zeto: ezhettaevo zenišeziss zeohassevenōheziss zeahanevo hetaneo zenxmehotoss Zenithaeziss zénsóvhistanovevoss histanov na nitao zexhessenooxtomevoss nitao hemaheonevehestovâ. Na nanhetozettaen zēnohozamoz na naešota zešhoeozhoneo heamoxovistavátova

nonôxpa zetaēszneo zetavehōxtomovov zevostanevāevoss heex na zevoešetanō. Neš né héama zenzhestass zemaxhāenōhess énmassonstoeo ezhevōn: ahā nha zevesseonōmsz hevistōmazemestovā g'sāesson. Na neš mato zeš enveshoetōeōevo hetāpenoneham zemaxevehonevsz évoomhoneoneo na eohassevenonohez' hesthoneonehevo hepevstátovevo na zemahae-haevoss heto emátassomaehaettoz héama henistōhestov. Zeto tápenoneheo eheštōeovo Eōstahetaneva na hevessen matótoa matótno vovónešemazistoz na heto eneševeo enoonōeo na enistō tápen. Zehešzhešezenov neš eomeotōevo na neš etaasseo hosz maeto etaaméneo hosz hestoxemeon, hosz heszeamaxhesto, na hosz henamosesto (tass eotōmaōevo zetaešeam-sópotomevoss héam hessoz) na etaešeamenistohéo zetaešeaménevoss epavstao na zehetoomevoss tass eniřōeve heamā eoanhoetōeōenov. Etanšzhešeame-manoéneo na zetaešeaménevoss zeto hetāpenoneheo ehetotanistōheo na epave-nonistō na hetōoxtov hessemanistov evešemēstomevovo Eōstahetaneva na hevis'son zehešohamasseztōevoss zexhooxznevoss na zehešohaveoešetanoxtovez zistōeōevoss. Na ota niniševoss hetaneo tass eešeēszneo héama zeoxešsaaeshōoxtomehevoss na hezeo mato etassevōxtanov zexhestanovez' taxa na tass etatónista-

novoz axxevonoz zeszetahamēs zzevešemassez-  
tōevosz na ohametto nanossetto eneševoešetanō  
zistanešetanovoss zetossešvhistanomevovoss zez-  
hestaziss na zistosenšvhistanomevovoss aenet-  
to na aenetto: na taxa tā emetonhesso vitanov  
na mxistonestoz emeveštáhosseme zeheševohō-  
oovatamanoez' hevoešetanoxtovevo zetosshexo-  
voz'. Na etanšhōxtanov zexhestaettaz.

Na zistaehoeoxtomevoss zexhestaetta nāno  
hesseox heamā evešemxeoe māmakātaeva:  
“Aha nha zenheševess hesthoemā nonoxpa ze-  
vessevhistanov hozzetto zeametanenstoveziss  
na nonoxpa sópeēszneo zexhestaettaz zexhista-  
novez.

Neš natavōmo naovaxstova né zeohassevenō-  
heziss hetano tanistō henitōneheva ehettāevo:  
na zistanistōhevoss hozz vostan en'nosvehōmā-  
evo henitōneheva, hotaz niahānevo Maheonox-  
vessevosz, Mápevaoxhesseohász, Maheonox-  
heszhekonastovsz na mato etazistoheo né zeto  
Amōsemeheo enxeoxzeo zexhistanovez' asse-  
toēstxi zémehotovoss zevhoneveziss hezeno  
ehesshoeoxzeo; na neš né Amōsemeheo etamea-  
novoz hemxistōnehevoz taetto soss zemezevosz  
zénmoneasseoxzevoss na hen etaēseozensz eta-  
ozhettoz zexhōs zemaxevehonevs, na zeheševe-  
hōxto ezhevo tāsevōn nā hetaneo? Na ezhes-  
tohe enhēo anoss zexhestaettaz. Zemaxeve-

honevsz neš etazhévo: tataenom henitō nonoxpa zexanovepevass histaneo zetōenoss hetomes-toz zeēszero.

Na neš natavōmo naovaxstovâ zeto niniševoss hetaneo etaēszero henitōneheva na zeta-toešeēszero etanitavayo na zetahoneonaevoss maemakâtaea ehešohassevenonoez'. Na hosz mato zenstōeōevoss enoeoxzezenoz neme-nestotoz zistossevešvovónešenonevoss na vox-casz emezenovoz zeonoatamevosz neš natanis-tanoz naovaxstovâ nitao axxevonoz emasso-hosszetahamensz zévoešetanoxtov na ezhestō-heo: "ēszeotomova hevoešetanoxtov ninithāa-man." Na mato natanonistovo né hetaneo nitooxz eszhešenoneo, eszheševéoeo: vovónhesse-tamahestoz nâ onotamahestoz na vohoeoeva-tamahestoz na ohâtamahestoz emez zetaxōsz hoestovâ na g'sāess aenetto.

Zetaštataeno henitōnoz zistaēseozevoz hetaneo nataēsnevōmo na hestanov-mâstoz enexovohôotta zehexov-vohokass ešehê; na zeōmepo-potta emhanooneve maemakâta na neno eamé-neo haesto hetaneo voxcasz etahotanettoz hemekonevo maxevépotoz énonenovoz heázenevo na zevhonemakâtaevezēs nemenestotoz zeox-cevešnemenevosz.

Na mato zeheszemēness ēvevesseaméneo na ezhevōn nonameto essaazhešeēneo: Momatava-

tame! Momatavatame! Momatavatame Zenit-haesz. Na neš eevhanxpoananoz henitōnoz hato zistaeševōmon tamomoxvessevon nataešeta.

Na zistanšenavehōxtom heto hovaeoz na oxstahe nanxhootō na natavōmo Oxsaheneenovasz enxhoén oxo ohe; na á enexxova na essaatonšhotoanavoxové, né hosz niš hetano zeheshotoanavoxovéz'. Han nâ vezen OXHŌVHOZEOVŌSETANŌZ AMŌEAENEVEHO, HEAMŌESZISTOVĀ ETAVEŠOXOVEVISTĀMA; NA HAPŌ TASS HOSZ ZETAŠEEOXZEZ' NATANEŠEVŌMO ETANEŠEE'OXZ ESSEOMĒ EIAHOÉNE HENITŌNEHEVA NA OHA ÉNŠNOCEOXZ; NA HŌVANĒO MATŌ ESSAATŌEŌHE NA ESSAĀHĒSTĀHĀŌHES. Neš zenxhoéns henitōneheva etaátō evōxta zemxoeoz heamā na neš etakokonoha zén'nehetataenomom ehōvešetan én'nóztō hetano zén'nōstōziss henitōneheva, t'sa ninxeoxz, hena zehohátto etazhevoo. Naneoxcemesse, na naoxcemane zehetaēs zemaxevehonevsz na eneoxcevovistomossan zeōmpopoottaz zexhestanovevoz. Na énóztomŌe hemxistō zetatosseēseozez' zetossevōsez' Zemaxevehoneveziss: na eoxtanoxzena heszheešeon na essaameenō hovae. Neš ezhettā nissaa-aeno hovae na hetan essaatonšēnōstahe na etanhettoV Zemaxevehoneveziss na ensaa-anhoevehŌmāhe, etanhetto ninišez' zehassevenŌheziss zehoeozhāevoss Eōstahetan na OxhozeovŌstanŌz zeto histanov, tanoxzoxta na




taēstana Oxaaxaheneenovasz na tōetta heáze-  
neva na heszhekon na taeasseozehâ. Na ehes-  
sevaenovo etanšeamsoxpeozhov zeamhōstaz  
omotom nxsetto zexhenitōnehevez ohametto es-  
seomē na nāno etaēstanov.

Na natavōxta hako zetaotaeneota Eavôno  
nxsetto zexhestaetta héama zexhistanov tass  
nāno zexhistanov assetoēstxi. Neš natšešeoz  
na natāneeno otaz naovax.

Neš.



## HOSZ MAHEONEĚSZISTOTOZ.



### 1. Zémonemanhaoxtov. (Creation).

Zémonemanhaoxtov Maheo émanszenō vóe na hóe. Na hoe essaaxatonsohaneheneo na exasóvépeomettaneo; na estaxe-aenonittoneo zétóhe-ess; na hemátassooma Maheo eēvnehōn taxetto mápeva. Na Maheo eszheō: vonitto-nehā exheō; na évonittoneo. — Na Maheo zé-vōxto zevonittoz zehešpavaez; na zevonittoz ex-hesse nohénano zeaenonittoz. Na Maheo ešē-va exhestanō zevonittoz: na zeaenonittoz tāeva exhestanō. Na zexhetoeve nā zévōna, enoka-ešēveneo. Na Maheo eszheo: taevóevenehā sitov mápsz, na hesseonissovaonehā mápsz. Na Maheo émanszeno vóe, na evešeonissovana-nōnoz mápsz átonō vóeva na mápsz héama vó-eva. Na Maheo vóe exhestano nivoaman. Na zexhetōeve na zévōna enixaešēveneo. Maheo eszheo: nitao mápsz átono vóeva nokhoanitov-mohēaneha, na zeōómaoěž nímeeozenehā ex-héo. Na estónhessoneō: na Maheo heto zeo-maoez hóe exhestano; na zeto mápsz zeheše-momeno-ōmoéáz nēhanensz exhestanōnoz: na

Maheo épevaztano. Na Maheo eszheo: hóe honeonehá moesz, moesz zeoxcemenamettosz: hozetto zemenameo soss zehetāvhestavoss hestahem zhoetozenovoz hoeva: na estónhesoneo.—Na hoe exhoneonōnoz moesz zeoxcemenamettosz soss zetahehestavöss na hozetto zemenameo, soss zetaomhestaemevoss: na Maheo épevaztano. Na zexhetoeva na zévōna, enāaešēveno.

Na Maheo eszheo: vohoksenanehá héamă vóeva zevešeonissovat ešēva na tāeva; na zevešeneevat sanistovēs oneevavexoveva, ešiēnsz na āenoz; na veševohôottanehá heama vóeva na hapo zevešeahô-vohôotta hóe: na estónhesoneo.—

Na Maheo émanszenohōnoz niš zemaxevo-hôottazēs; zemaxhāe-vohoassez zenithāto eš na zehaxcevohoassez zenithāto tāe; na mato hotoxq émanohōn. — Na Maheo eēnanohōnoz vóeva, hoe zevešeahô-vohôotta, na zenithātānov ešēva na tāeva, na mat zeveše-onissovatto zevonittoz na zeaenonittoz. Na Maheo épevaztano. Na zexhetoeve na zévōna enivaēšēveno.—Na Maheo eszheo: mápsz momoxtōmaomevohá hován zeametāneniss, na vekseo ēvehāvohá taxetto hovă, omotomeva. Na Maheo émanohōn momaxemēneo na hován zehetaemetāneness na zeamevon'ness mápsz zemomox-

tomaoss oesoss zešhessemanhaovoss na nitao vekseo zešhessemanhaovoss. Na Maheo épevaztano. Na Maheo eszheševovónešenhettohōn: hovseoxz, hāenōhe na hōeszeoxtom nēhanensz; na mato nitao vekseo zehevōsz heama hāenōhevoha. Na zexhetoeve na zévōna enohonaēšēveno. Na Maheo eszheo: nitao hoeva hován nímassóešeevoha vehoehotoa na hován zeamevon'nez massóhāenōhevoha na estonhesseono.

Na Maheo zetohetāevaz hoeva hován émanohōn: na epevaztano zehešemaneeoss. Na Maheo eszheo: nitanešemanon zehestavoz hetan. Na nitao zenithátovó noman zeēvazess mápeva, na nitao vekseo, na nita hován hóe zehetāetaxotoz' na ahass hován zeamevon'neziss hóeva. Maheo émanohōn vostano zetóhessoz zehēvostanemsz; exhetanemanohōn na exheemanohōn zetóhessoz zehēvostanemsz Maheo enešemanohōn.

Na Maheo évovónešenhettohōn zeszhettoss: hovseoxz, hāenōhe na ēvaetom hoe na nithátova hován zeēvasz mápeva, na hován nitao zehetaevhōsz omotomeva, na nitao zehetae-amestaneness hoeva.—Na neš eszhevō Maheo: Otá nimetazenov moée zetohetāemenametto, zehetahoneo hoeva, nitao hovae zehetahoeto hōxzezeva nimetazenov zistossevešhestamaess. —Na

Maheo zévehōxto zehetaemanisz', na ota émaxe-  
mápevaeneo. Na zistatōeve na zévōna énessó-  
taešēvenéo.—

Na Vóe na hoe na zetohetahēssoz nāno neš  
eēšemanenōnoz. Zenissótaonettoz eš eenstonō  
Maheo na eanhozeoehō exosotomoehō. Na  
Maheo évovónhestano zenisótaonettoz eš na  
emaheonano: zeš ešhekotoeho zémassemanha-  
ostomansz. — Enahane zehešemanē heama na  
hoe, hane Zemaxenithaesz Maheo zémanisz'  
hoe na vóe.—Na eovaz zehethoneo toxtō essa-  
azešehoneohaneheneo, na hovae moesz essaže-  
še-exhoneohaneheneo: ota Zemaxenithaesz Ma-  
heo zehešsaážešenhesseztosz zexanhôookoez'  
hoeva, na esó-hovanēho hetan.

E<sup>c</sup> meha-maenxpōsenaho zevešhekōvomaoez.  
Na Zemaxenithaesz Maheo hešecéva évešheve-  
tovaovonō hetano na eēseomotomevohōn hes-  
tazeovoz: na hetan evešhesseametanenemátasso-  
omaeveozeno. Na Maheo exēnanooxtano ho-  
eo, essenhasto, Eden zeoxchestoez'; na nāno  
exēnanohōn hetano zémehahevetovaovoziss.  
Na Zemaxenitháesz Maheo exhoneosséohōn  
eovaz hozzetto zepevatamanoeziss na zepave-  
menamaziss: mato exēnanootohōn zeametanen-  
stoveziss hozzetto, sitov hoeoneva, mato hoz-  
zetto zevešheneenōeziss havs na zepavaez exē-  
nanootohōn Maheo. Na neš éxhestanohōn

hetano na exēnanohōn nāno hoeoneva zépeva-  
tamanoez zistossevovónethozeoetoz na zistosse-  
neevavoxtoz. Na zemaxenithaesz Maheo esz-  
hettōhōn hetano: nitao hoxzz zehetaemenams  
nszeoxcemevo. Na óha nasz hoxzz nszaame-  
ssevonoz hemenamoz zevešheneenōe zepava na  
havs. Zetoešemessetto nāno zehoetosz nsze-  
nāe. Na Ehane Maheo eszheo: essaapevae-  
hanehez' hetano zénokaš, natamanstōtaonotto  
hevessevōn. Na Zemaxenithaesz Maheo heše-  
ceva évešemanohōn nitao hován na nistnovaz  
vekseo na enxevōsonōn Adameva (Adam ene-  
ševeehō vovohevan) taxa zetonshevéosesto ex-  
hessetamohōn. Na zistóeveševéoss Adam  
etóneševéohōn nitao hováno. Na Adam eosse-  
véohōn nitao hotoa, na vekseo, na nitao mat  
hován. Na óha ovanēō Adam essaanocehe-  
vessevōnehenōnoz.

Na Zemaxenithaesz Maheo énaozessohōn  
Adameva na émaxenaozehō; na nasz heszhep  
énitanomovono na moevhanovseoomanomōvo  
hevoxōz. Na hep hene Zemaxenithaesz Ma-  
heo zenitanomovoss hetano hevxota evešema-  
nohōn heo: na émetonōn hetano. Heto naz-  
hekonam na nathoevokōz exhéo Adam hée  
zeoxchestōehetanemavxozeva zehešhessemanēs  
Hoosesz hetan zeoxcenōottó hēhyo na hesc,  
zeoxcevhistanovemo heszheemo na zenokovat-

toz hevxozevo. Na énišenemetxeseōnō, hetan na heszheem, na essaahetanēstovéōno.

## 2. Zeheševovoeatoētastov. (Fall).

Mónochāoxzezevé šišinovoz zeoxešenōhevoss hován zehetaemaneoss Zenitháesz Maheo. Na eszhettohōn héo: nszamámessenōvo nitao hovae zehetaehoeto hoxzezeva hotaz nihettā Maheo? Nitao zehetaehoeto hoxzetto namet'sēmessenon ešheo hee. Na ,oha sitov zen'nhēeziss hoxzetto Maheo nahōstomōenon nāno zehoetosz nszevémessenovoz na matheva nszevémxananovoz, nszhessenāeme nahettaen. Móná nimehessenāeme ešhettohōn héo šišinovoz. Maheo eheneena tóeševa māmessess zehōstomonessēs zass niēxaevoz zeonstaoensz, zass Maheonō zehestavōss nszhestame, nszheneenanov zepava na havs. Na hée zistāneeno zehoetosz hoxzezeva zehešepeveēnoez' na zehešmomehemenonoez', zistossevešheneenovastoez' estapóenano zehoetosz estamesseno. Na mato emetono hēhyamo na evessemesseno. Neš heexaevoz zass constazenōnoz, estāneenanov zehešenemetxsevoss, vépotoz émanoenoxtanovōnoz exenxpsoestonaovazenovōnoz. Nā énistomovonovōnō Zenitháziss Maheon henistōhestoz hoeoneva. Zistanistomovovoss henistōhestoz Zenitháziss Maheon zeameoxziss ho-

eoneva zexhetoavez neš estaveátohoeozehōn mataestxe. Na Zenithaesz Maheo estaonōmohōn hetanó zeszhettoss: t'sa nitónehoe? Na hetan eszheō: zistanistovaz natahépoyoz zehesenemetxetto na naátoeoz. Na Maheon eszhettaehōn nivā zenhetata zénemetxsetto? Niešemessenoz hoxzz hemenamoz zémehahōstomevazettossoz exhettāehōn Maheonō. Hée zehessesvōnaovetto naoxoma na nanešemesse. Hena zēvhessenešezetto tā ešhettohōn héo Zenitháesz Maheo. Sišinovoz navonhossema nahessemesse ešheō hée. Na Zenitháesz Maheo eszhettohōn šišinovoto: heto zehešešetanozetto óseeš nszetonochavsevatamaemâš nitao hovaestxi; nítónševa nszeoxceamevonén hešie nszeoxcemesse zehešhetanenetto. Na nsetamazistoz nstaēnanomevazenov ninēhov na hée, hemanhastoz na nimanhastoz; nszesseszeaōe (nszepēszeaōe) na hapo nszeoxaezistonavamo. Na Maheo eszhettohōn héo: nazeohāemanisz nionšeoxzistoz hooxcehossēetto, onšeoxzistová nszevešeanezetovo kašgon: nszhohanotto nhēhyam na nszenithátova. — Na Maheo eszhettohōn Adameva: otā zehešeamátovoss nszheem na zénešemevoss hoxzezeva zémeha nnettazevo nszevémevo hemenam havsevomaonehâ hessetovátto: Ohāhozeohestová nszevešhestam zehešhetanenetto; eovaeszheše-heškovósz nszhes-



toešeēoztomeva hóe; na móesz na zeoxchoneo toxtō nszevešhestameno; hópeozistova nszemesse nstam tā mataevhaeozetto hešieceva: otā nāno zémehahestananetto, nit'sēhešieceve na nszet'sēevha-hešieceveoz.

### 3. Vovoenitohenanistoz. (Cain and Abel).

Enotomōenoxzeto zevovoehēvsz eszhetto-  
hōn: zeto hetan nanxhessemetaneno; Maheon  
hevez. Na zistāsshennison's exhossehetanevōé-  
neho Omotom (Abel) exeševeehōn na heneo  
Nitoenahane (Cain). Zeto zehaaxcetta Omo-  
tom zeheševész q'san eaenohōn, na zemahaetta  
Nitoenahan zeheševész exhesthoeonhō. Na  
neš ninovexoveva Nitoenahan exhoeozeno ni-  
tao zehetaehoneoz hesthoeoneva zehemenamet-  
toz, na ehōszeno. Omotom hapo zehešheve-  
voss heneo exhoeozohōn notómson zeheceome-  
ziss. Na Maheo énanoss-masseztomovono ze-  
hōszez' Omotomeva na es'saaonstohezeno Ni-  
toenahane heōstō. Na estamaxe-ohāstahaoze-  
hō tass examaemomoettazene heēx. Na esz-  
hettāehōn Maheon: henova zehessohāstahaozet-  
to? Na henā zehesseanoeveneotto? Pevoē-  
taet'tao nimemassezton na saapevoētahetto  
havs ehoe nszhenitōn na etov nszhohaztomō  
na nszenithátovo. Na émehaēvesoēhōn toxtō  
hootova Nitoenahan énosseohaetaotovohōn he-

vassemo énitohenahoōn. Na Maheon enszhēt-taehōn nā essimá? Nassaaheneenovohē esta-yo. Tā nā hena nassimá? Nitonšetovo essimá? heszhemaeme naneáze-hesseēsztōē hoeva. Na neš nstatotonita hoe zehešhoxomoxtom es-sima heszhemaeme. Hooxcezextom hoe zeoxksaa-tā-honeohan nsthoeo. Tohově nszeēvaon hoeva. Na Nitoenahan eszhettōhōn Maheon: namaxhépemaxeoshan. Ota nixahōetxeove hizešēva, tass nazeátoeš tohóvě: na voston ma-oxcemeosz (maoxchōotasz) nazeoxcenaha. Na Maheon eszhettāehōn: nha zēvenahata nissóto-ha tóevhamaxeossázistoz zemezz. Na Maheon éneevavxeōehēn nonoxpa zsaanahāhehō zeme-ōs moxhessetamhé. Na Nitoenahan estaas-seoxzehō essenhasto.

#### 4. Zemhaovattoz. (Flood).

Zistaotaešohāexove zehešenitohenahoss Nitoe-nahan hevassemo, zistaēšohāenono estāsshovs-evhistanovēneo hovae zetohetaehavsevaez' es-toxetanotanov na eoxceneševhōn. Es'saavovó-nešetanotovōvōn Maheon na mato heva esśa-anhestaheōn zeoxešetanotōevoss na estaeōesho-vōn Maheon. Natavešemaxeoshonov zemhao-vattoz zetamáátōhōvatto hoe zezoetam máp, na nitao histaneo zetamemstaneo na mato hován, vekseo na nitao hovae zehetaeametanenetto hoe-

va. Na nitao histaneo moestaemashanhistanovevo. Na óha nasz hetan zepevaez' hevostanehevestoz Oanaxan moxeševehehe. Heto maheonemxistō nihótahaōenon zexhešepevaeś na zexheševevoss Maheon. Na Maheo estamehotōn zeto hetano na émēstomevonō zetosešemaōvattoz. Taxemaniszz mhayo maxsemoneva exhestōehō zeto hetan. Ēsoss estossemaxetápeone heto sémo, estossemahovaeše-neotane na estossenokaeneōe vonanistoz, na maxehenitō héama na naha estosseamemhayoneveno. Na Maheo eszhettohōn zeto hetano: maešeēšemanszetto ēseozōn nhēhya na heszheemevó na mato nitao hován zetohetaeonitavass na vekseo na eovaszheše-mešksonō, nitao noniš: zetohetaessaaēseozehan vostanevestoz néno semoneva etossmhāmemstanettoneo zistossemaōvatto. Seeya Oanaxan eassemanszeno semo zetohestōs-ohāstoyā eamemaneneo heto maxsem, moheva nokamatótnoeyā estonehešemanehané. Eoxcemehaohaeš-vostanehevsesto nāno nistahetaneo; oxsēcetto es'saatšemanszehen's maxsemo zeto hetan, énomat-maheoneészhetanevehō eoxceészto-vohōn histaneo na hotšetotoxemoz Maheon na zetosešemaxeostomanez' zexhavsevstanov. Na zeoxtonoevátomoss zsaaonissyomátamehanehez zhešeész', enševátom-manszeno heto maxsemo na enšeamevehōxtano nitao histanov zehešhav-

seveozéz' matšezistová na maészistová. Na maveš eešemanszeno zetohethoemaovás Maheon; na neš Maheon zéneészťős eszhettâehôn: zehešvátomepevhetanevetto nitao histaneo zeoxešemashanistanovevöss, venaēseotšenan nitao vekseo na mato hován; zheš nissóto eš zetaassethoo na nitao hovae zetohetaeametanetto zeoomaoe zetamemstanëtto. Na estóneševhō zetohettás Maheon, vezen enassótoa-mátótnoeyanamaō zexhoemhaōvattoz hoeva. Estaēsevessevhōn heszheemo na nínaez hēhya na hészheemevó. Na nitao hován, vekseo na mešksoneo estanoēseozovōn; na zistaesēpavhoevoss hotóma nistxevoss, Maheon enxpoanāevohōn. Na zistanistōeno neš easshookoneo na es'saazeše-enookohaneheneo nivó ešēva, na nivó eš évōnhookoneo. Heto Maheonemxistō ezetxeoa: vonanistotoz héama vóeva eonstatansz eheteoe. Heto ehessenetxeoe tass héama émataetozeneo heto zeoxcevhanhooko es'saanitookohaneheneo, tass zeoxcevhan-anhōhénene máp enxhessoneo; ohamész, ohevaohesz, momaxeohez émássóhotomōvattoneo na zemaxemhaimoea émametahōvattoneo hoeva nonohono émááttohōvattoneo hoe, na nxsetto zémaneo heto maxsemo nxsetto estanšeamōeoneo na nitao hóe emááttohōvattoneo; na t'sa emehetōsemeesto zsaa-amátovohess Maheon na zsaa-hátovo-

hess zeoxtoxcešeēsz tōevoss Oanaxaneva zsaae-  
šohoothanehez'. Moná emeonissyomemhaōvatto  
eoxcheōn; nivhanhépōmaen eoxchettovōn, ze-  
mehaeoxcevenohoemāevoss: hapo emstavoeše-  
vesseēstōsemehōn maxsemoneva; otōsz exhóze-  
venootanoozehōn mo eoxtavehōsemevó zistoyo-  
omenoz vōsseva neno estâsenohoe hōn tae eáto-  
hōvattomōnoz na t'sa es'saaevhatōsemehehōn.  
Nitao histaneo émámemstanehōn hován na  
vekseo na meškson zeoxtohetaeonitavaemoss,  
oha zehetaēs znevoss hen maxsemoneva estanš-  
vostanevōn; t'sa hoe es'saavōmehaneheneo ni-  
noka maxsemo eēveamōeoneo mápeva.

Na Ehan Maheo enšeameneevavōmohōn ze-  
to hetano, nitao zeoxešēvohaohóz', enšeameo-  
hāetanotano heto maxsemo nxsetto tae zistae-  
nookoz', na máp nitao estaevhaseēsevoneo zém-  
haomoeaz' na oheeva, ohameeva na zēszevanē-  
oxz átono zémehahesso zsaaešemaōvattan. Na  
zeto hetan Oanaxan zehešeēseēs, zeassethoo-  
koz' maxsemoneva noka matótno eš ótnohonó  
eš estaevhâsseozeozettoneo, zistamasshoevanō-  
vatto nānō hako héama maxevōsseva exehoeo-  
neo heto maxsemo na hea niš ešeeo zehešenex-  
ove zehešetohoeo nāno taxetto maxevōsseva  
neš mostatahaeozoeottane t't'sa vōssoz émāmo-  
meeōtanōnoz. Na taxa zešoetam moxešetano  
Oanaxan estahōenevaenohōn hoxkxko na moes-

taēvenše-amehahe zistāvez; t'sa vősseva mós-taxeoxtāené, es'saaevhoehāhetōhehōn Oanaxan (eva). Zenitāziss vekseo estāsshoenevanohōn, hemen monevešeneevat'sanehenotto tā eoeševhaoomaoe moxešetanō; zeoxešes-māotōta vōsoz es'soeaázemhaōvattoneo zehetaemaetoxton na t'sa mxhōnohōmoetanoz éneevhaehaehō vonanistovā. Oanaxan estaevhāhestanohon na éneevhāēstanohōn. Zeš zhešhossenísotoēnoez' estasshōenanohōn na hetoeva ēvshshoehaeho exhoenimotoxtano vépoz. Zistavōxto vépoz Oanaxan etaeševotahaheozeoettoneo moxešetanohō. Ehan Maheo éneševovistomevohōn zeto hemen zetāsshootoxtoz vépoz nonoxpa Oanaxan zevešessheneeno zetossevhāšneheoomaoez. Na neš zistaešhossnisotoēnoez' estasshōenanohōn zeto hemen, neš essaaevhoehaeho estanšetohov-ovanēheō. Mata mozistaevháméozémassezesto vovoz, hato moxhōno-tāevahessezesto mhayo zenxhestōēnans. Maheo moxnoenešetanotovōvo zet'saaevhasszešehaez' nonoxpā Oanaxan zhessheneena zetosšeevhāšneheōéns maxsemoneva. Na estaevhōezetō na estavōxtano zehesēšoomaoez. Na Maheon zéneésztoš énszhettāehōn nivenahōénsz nszheem nixhōeotšehā nhēhya na heszheemevo na nistxevoss hován, vekseo, mešksoneo zehetaehoevoss maxsemoneva. Na Oanaxan zenxhō-

éns enxhoeozzeno nitao hovae zehetaeameta-  
 nenettoz na eevhaaménehōn zeoomaoez'. Na  
 Oanaxan émanszeno matoovattoz hapo Omo-  
 tom zexheševs, na zehōetoss hován na vekseo  
 estaxoešemohōn, moxhesseneševé zévostanevāe-  
 voss zehestnoemazevoss Maheon zémhaōvattoz  
 nitao histanov zémaememstanistov. Na Ma-  
 heo évotapaveésztofovohōn Oanaxaneva na hē-  
 hyao na eszhettohōn: nitao hovae nstanithāta-  
 nov zeametanenetto hoeva, nitao hován oxce-  
 nahohen nstahestamenov neš zetā. Zevovoe-  
 vostanehevess Adam neeheve émezenovōnoz  
 nitao eovaeszešemenoz hoxzezeva zehōetozēs  
 na mato zetokstohoezēs na zéeassettoevezēs  
 eszhetastamaesesto; na zehešemaōvatto niszetā  
 enxhestamaenov hestaneo hováno hesthoevox-  
 kōz. Na Maheo évistomōhanehō zsaeevhass-  
 zešemaōvattan zethoeva exheō na émetono Oa-  
 naxaneva neevat'seo nonoxpa zeoxcevešē-mee-  
 tanotōz hevistomōhanistoz zistossaaevhasshoss-  
 zešemaōvattan: heto neevat'seo estapevataman-  
 seneo hovae. Na Maheo eēnanano voeva no-  
 noxpa Oanaxan zeoxcetohoevōxta na zeoxceto-  
 hoenešetan zeheševistomōhanez' Maheo. Heto  
 neevat'seo Maheo zemetoss histanéo enahāné  
 nononō zeoxchestoha zeoxcemaevōme oxtoneš-  
 ookōsz. Na zeto hetan zenocévostanevsz ze-  
 māmemstanistovez' estâssotahaešvostanehevesz

soótoa-matótno-ótnohoneyā zéneehas ta eena-  
hesz.

5. Zevešeonitavenszistov. (Babel).

Na zeto hetan Oanaxan (zeheševēs) zevesse-  
vostanevevoss hēhyao zistâshenissonez' na tâs-  
henissonevo zistamasoešēez' na ta ninovexove-  
va estaevhamaxhestanovemanhaovhōn. Na  
ota neš vavekoxz zeto histaneo emetoēátovo  
Maheono nonoxpa emessaaevhâszešhetaeōshô-  
vo; zhešešheneenomevoss zénistahetanovaez'  
histaneo zenxeševeš-maxeosseoss zemhaōvattoz  
na zeoxzešešvistomōhans zistossaaevhâss-mao-  
vaszeēs ehâstaz hovae zemevešemaxeosséoss  
zetaeoshāess. Heva hamoxtastoz emenímeto  
na mato heva ponhaostoz nonoxpa emeoavōn  
na matheva hoesta héama emenexhesseana,  
emevonhanō. Na ohatōs nitao heto es'saatoxe-  
tanotovôvo, na zehešhavsevaez' hesztahevoz, es-  
tanšeēvhosseamehatavsevaetovovōn. E<sup>c</sup> meha-  
max-nokhovavenszistoveneo histanová, nitao  
histaneo émaxsēenszehōn estonokaeneo zexe-  
ēszistov es'saamehaonitavenszistovaneheneo.  
Na táto essenhasto énxehestoveneo na zexhoe-  
hestov zémaxetoxton examoznistoveneo. Nita-  
manszenon mahešie na nstamanszenon maxe-  
zeēsemhayo vóeva zetatóea. Na eassemansz-  
novo. Nissaatonšepevemēstomonenon heto



zexhessemanstatanotomevoss mhayo vóeva zistossetōeoz. Maheon enxheneenzenohōnoz hesztahevoz havseveva exešetovattoneo heto zexemanszevoss. Moheva zeoxceēvenizestátovovoss Maheon zeoxešvistemōhan's zistossa-  
 aevhâsszešemaōvattan heva é nizestovovôvo he-  
 vahossemaōvatto etosoomemhaya zetamaxevone-  
 nestota zaatonšeátohōvattan nonoxpa zéaxens-  
 tov moxhessetamehane zexhessemane. Na mo-  
 heva eomaheonemhayoneve zistossemaozevoss  
 hemaheonamevo zeoxchaōnatomevoss. Na  
 Maheo Ehan éneanhoevehōxtano heto zeēsem-  
 hayo histaneo zemanszevoss na zévehōxto es-  
 saapevetanoozeheō na eovavoētayo zexhōnisto  
 heto zehešezenovež'. Esehovmassónitavensze-  
 hōn zenšenavstonevoss na eoxksaaheneenohe-  
 nov hoeoxhettazevoz zémehahešenokovansze-  
 nov na es'saaxatonšeevha-assethozeohōn. Na  
 exaenšeevhanizeanov zemehaemanszevoss; na  
 neš nīnetā es'saaevhamanoezetanoehōn, soss ze-  
 hestoxtoesēenszevoss énhestoxtomomenoēeōn  
 na etóéneo zenxhesseoaeshistanovevoss vosta-  
 neo totahoesta hoeva. Heto zeēsemhayo zém-  
 ehaemanszevoss totahopepehastoz exeševehet-  
 toneo zexeše - totahopetanōezevoss zeséhove-  
 massoeonitavenszevoss.

## 6. Ehan hesthoemaoxzettoz. (Decalogue).

1. Na Maheo eszhešeész: Nanēhov Zemaxe-nitháesz nimaheonametove zénevhahōeozáz momōnehevstova. Zenitasz nszevétaomemaheonamenož nitov.

2. Nszevétaomemanéo zemaheonanetto vos-tan, nszevéveševzhovaoxž hováe zēvemahess héama matōva hoeva na matheva mápeva átono hoeva: nszevénovshaōnata na nszevénovs-ōsto-onōha: ota nanēhov Zemaxenithaesž nimaheonametove, zeoxc-hot'sevovoxbonasz Maheo, otá hesthavsevevo zehehestovess naoxcevešemaxe-osamonov henissonevó na tāsshenissonevo, nha zetotonsetamaess. Na naoxc-šivatameta-notovō zematótoa-matótnoess zehetaemehotaess na zehekonitōetanotoss nathoemaoxzettoz.

3. Nszevetotaznonoanomovo hemaheoneve-hestoz Zemaxenitháesz nimaheonam, ota Maheo zetassaa-novs - šivatamaozetovohe zetotaznonoanožiss hevéhestoz.

4. Meetanotož maheoneš na hoxeemómátavaztož. Nassótoha ešēva nszeoxchozeo na nszeoxceneševe nitāo nsthoeohestoz, óha maheonešēva, eš zevešeossotomoestovež' Zemaxenithász nimaheonam: maheonešēva nszeoxksaahozeohe ninēhov, nhēhya, nstona, hetan nsthoeon na heensthoeon, mato nsthotoam

na hestōevostan zeveázz enov: nassótoha ešēva Maheo émanszeno voe na hóe, zemhaomoeaz na nitao zetohetahessoz náno, na neš zenissó-taonetto eš eoanhozeoehō; exhessevovónešen-hestano maheonešēva na ehoxeemómata vazta-no.

5. Onoatamenan éyo na nišq nonoxpa nsz-haěšvostaneheve hoeva Zemaxenithaesz nima-heonam zemetata.

6. Nszevénitoenahane.

7. Nszevénovseōcehenoz zevisthōmōz.

8. Nszevénomaz.

9. Nszevéaestomemomaxemo nitonitohesto-to.

10. Nszevéohamhohaevo nitonitohestoto he-venoz, nszévohamhohávonotto nitonitōhestoto heszheem, heva hetanhestozeon, matheva he-ehesthozeon, heva hesthotoam na nohass hea-eneo.

7. Ehan hestohāevamazistoz. (Deut. 28).

Na zenxhoezhesson's mápaveahátomovoss heészistoz Zenitháesz Nimaheonamevo na mán-ešezevoss nitao hesthoemanistoz, neš nitao me-ovevostanehevestoz nszhōotaenov mápaveahá-tomovoss heészistoz Zenithász. Pavetanoxtoz nszhōotaenov enovevo, nsthoeonevoz zepav-honeonsz. Zepaveešeeo ninissonevó zepavho-

ne nsthoevo, nsthozeevo zepaveešeeo zhāstxeo nitao hován zeaenossēē. Zepeva zhāenono nstamevo. Zepeva nitao niōzistoz na pavetanoxtoz nszeevhanoeoxz maevhaeozetto. Na Maheo Zenithaesz époyozistoz zemetonov nivéamevo nszenokovaeozetōevo zetaevhanissót-novaovhao. Zenithaesz nszemetanov pavetanoxtoz, hetotahistanovestoz, hāessenistoz nsthoeamevo zemetaess Zenitháesz. Zenithaesz nszemómatahistanovemanhāevo tass zeheševistomōhaōess mápavetōetanotomovoss heēsizistoz Zenithaesz mxhoeomovoss hevovistomosseo. Na nitao zehetaeonitavstanovess nszheneenōevo zehešenoevehestonaoness Zenithaesz. Na Zenithaesz nszhaōvamanhāevo zepaveešesso ninissonevó, zemanexzeo nsthoeamevo na zepavhoneozisz nsthoeamevo zéveševistomōhao-voss ehevō Zenithaesz nszeonstanomotāevo hestámátoz hookoešie zexšhoōs zeoxcešenexov na nitao nitšezistoz zepavemanisz. — Na Zenithaesz nszevovoanāevo nszaahestoxanāevo na tass ohāheama nszeēvhistanōevo átono nszaavhistanōhevo mápaveahátomovoss Zenithaesz hesthoemanistoz zemetaness tass neevavōxtom na nešez. Nszaaonoeozeheme naēsizistoz zehešemetaziss hizešēva heszeamaxhesto na mato heneamosesto nszaaešenohéohetovōvo zenitaesso maheono.

Na ota zenxhoezhesső mássaaveahátomovôss heészistoz Zenithaesz másaaneevavôxtomovôss nitao hesthoemanistoz, havsevhaomenestoz nszhôotaenov. Haomenestoz nszhôotaenov enovevo, haomenestoz nszheneenanov nsthoeonevoz. Haomenestoz nszheneenanov máponaoss. Haomenestoz nszheneenanov ho-  
 eševstovess na mato nitao hovae mássaahoneohan na nsthotoamevo na nitao nsthoozevo más-saahästxevaz. Haomenestoz nszheneenanov honeoxceészness enovevo, nszeoxceôzetanom hoeoxcehőéness. Zenithaesz nszemetaenov ehomestoz, oyometanoxtoz nitao hoeoxcetonševess ta nszevonenotanheme na tā nszenehovanēheme mávehataavsevoētaeonevess tass mávonetanotovess. Zenithász nszemetaenov hesseozistoz tass tā nszevonenotaenov hoeva zémehahistanovess. Zenithasz nszemetaenov káneozistoz na nšhōstoz na eovaszheše-hāmoxtastoz. Nivoamevo héama nszaanešetanotōhevo na nsthooamevo átono nszaašivatamāhevo. Zenithasz hookoxtoz zezevatōmaoaoxz tass zenxhess tā nszevonenotanheme. Zenithász nszépoyozesshāevo meotazistova. Onokovanoxzetovoss nszevhanissótnovaovhame, nszhénevstanovesshanheme nitao vehonstanxe hoeva. Na nivxozevevo zhistamenov nitao vekseo zeēvehass héamă na hován zeēvass hoeva na hovane

zaahassetxeovoheo. Zenitháesz nszevešenahae-  
 nov nonotovstahátov na óóenistoz na séhova-  
 nistoz maztaheva. Nszeoxcevešeame-noxzesse-  
 vanénheme heva sitovōs tass ooeneo zeoxceve-  
 šeame-noxzessevanénevoss, zeaenonittoz na  
 nszeoxksaavexovoētame hooxcevetonševess óha  
 nszeoxcēv - šivatamazetanom hovane voston  
 nszaavostanevhāhevo. Onoevistōmazess nsze-  
 nooseōcetovazheme, onomhayonaovazess nszaa-  
 hôtônov. Onoēnanoess hováe nszaaoenohe-  
 nov. Nsthotoamevo zenā, nszevōmov na nszaa-  
 mevōnov. Niaēvohamonamevo nszamahesta-  
 nomonenov nszaaevhametanenov. Nhēhya-  
 evo na nstonaevo zemezenov zenitass vostono  
 nszenhazetanom maoxcenozevatamoss, nszaa-  
 toneozeheme. Nitao hovae zeoxhetahoneo  
 nsthoevo nszhestanomōenov histaneo zsaahene-  
 novohess na nszhaomenesshanheme toomet-  
 to nszamaevonananheme. Tass nszevešeno-  
 notovstaha nitao hovae zeoxhetaemávōxtomass.  
 Zenithász nszevešenahaenov xamao nenstanevo  
 na nszhekonevo. Zenitháesz nszhoozhaevo  
 na nivehonomievo t'sa histanov zsaaheneenovō-  
 voss nāno nszeoxcemāhaōnatovov zenitass ma-  
 heono, na ohonā. Na nitao histanov nszetota-  
 zeeonevetonheme t'sa hovesshistanovess. He-  
 va hápehoenanooxtomass nsthoeonevo hovén  
 nszeoxceoenoenov, hákotā zeoxcemhastanov.

Heva oxceēnanooxtomass nitao zehetaepeva nszeoxksaaoenohenov meškson zeoxcemhāstanov. Nszhēyaheme na nszhestoname na nszaavešepevetanonov, zemomōneheveo. Nitao nsthooxzetamevo zeoxetaeoxcemenamevoss hákotao zeoxcenitaeanao. Hestōevostan zeveāzz enovevo tass zemahaetta nszeanoetanotōevo. Nszeaxzemetaenov nszaanoxtove-metōnov hovae: zevovoane nszhestoxēme. Na nitao heto hathavsevoomenestotoz nszhōotaenovoz nszenehōenovoz nszhoxtamāenovoz ta nszevonenotanheme zehešsaaveahátomovohess heēs-zistoz Zenitháesz, hesthoemanistoz zémehame-tata zehešsaavepavetanohess zexhaenono nitao hovaeoz. Mássaahoeomahess, mássaaoxceneše-zehess zehešemetaness heēs-zistoz mxistōneheva nszeētanov heto zeohātamano na zevohoyohevatanamo vehestoz Zenitháesz nimaheonamevo. Na Zenitháesz hotoanavomoxtastoz nszemetaenov na mato ninissonevó, hāmoxtastoz zehaeš-nettoz. Nitao hamoxtastoz eovaz zehess zsaakanomemxeôhan mxistōneheva na heēs-zistoz zémetaziss nszebetomoxtame ta nszevonenotanheme. Hotovén nszetómēveozhem hotoxceo zehešenōhevoss zeoxešenešenōhess mássaahátô-movohess heeszistoz Zenitháesz. Na zenxhoenhess Zenithaes zexešetotanoss zépavemanhatanotōess zexhāstamanhatanotōess hapo

zenexovhetotaetan máneevhavonhistanoveno-  
tāess, nszeevhahassetananheme hóe zémeha-  
heszhovaovaness na Zenithász nszenonoché-  
nevhistanovesshāevo nitao zeoxhetahistanov  
hóeva na nāno nitao nszeēvhem nszeoxcēvhaô-  
natovovo heva ohonayo na matheva kamaxsz  
(matā). T'sa pavhistanovestoz nszaaheneenô-  
nov, pavhekotomoxtastoz nszaaheneenônov na  
Zenitháesz nszetaenov oyomstahátoz meono-  
oxtoz ôzetanoxtoz. Na nivostanehevstovevo  
zeôzetanonasz zeoxce-ahaneētoxta oešēva mat  
taeva; nszaaonissyomnietamheme nivostane-  
hevstovevo. Hooxcevōna momoxetaeve nsze-  
oxcheme na hooxcetaeve momoxevōna nszeox-  
chossheme; hépotanoxtoz nstahevo zola na  
hooxcezetōoess mato nszeoxcensēētoxtáme.

### 8. Oxtōénovasz. (Job).

Maheonemxistō naoxchótahaovaen zeoxceše-  
mehavostanehevoss mómatavastaneo háko vo-  
noom. E<sup>c</sup> mehaonissyomátovovhōn Maheon,  
exēátovovhōn na exhekonevisthootazemovhōn  
hevaonšohayoometanovoss matheva onšohāhest-  
haomenestovevoss. Nénasz momátavostaneo  
émahacissehevehō na Oxtōénovasz exeševeehō.  
E<sup>c</sup> mehaxanovevastanehevehō, exēátovohōn  
Maheon na émehaoháétanotano havs. E<sup>c</sup> ma-  
tótōénehō, nisóte exhetanevehōn na nahe ex-



heēvehōn. E<sup>c</sup> maxhaōvayō, éniſſótamatótnoehamotōn q'san, énahamatótnoehamotōn niſtaevoham, énokamatótnoehamotōn hotoa na énohonamatótnoezenōn heaēvoham heſthozeon exmaxhāſtzezehōn. Zeto mahaciff Oxtōénovaſz émeahépohātamaehō zehexovávoſſ nitao voſtano zémehavhiſtanovemāeſſ eſſenhaſtoeno. Heniſſoneo eoxcemehamootazevhōn nonameto na émaxemeſſeſtonaovazevhōn hevenovevo. Na niſtoha hooxceenemaxemeſſeſtovez' eoxcemehameotóehō Oxtōénovaſz ziſtoſſhaōnavomotāſſ hēhyao na heſtonao. Eſzheſetano Oxtōénovaſz: zenſenaēvemſevooſſ hama eoatoēta-voſſ naniſſoneo; hea eoxſaatoxetanotovōvhōn Maheon exhetteſtamohōn mahaciff. Tāxa natahaōnavomotaō naniſſoneo nonoxpa zeevha-hoxeaneo na zeoxſaamaxeoſhāhevo Maheon, exeſetanohō Oxtōénovaſz.

Neſ eſēva, nitao Maheo heſthozeon émohe-oxzehōn énhēetovovhōn Maheon zehetaēz, na Maxevonhoahotaneva éveſſenhēhō. “T'sa ninxeoxzé Vonhoahotanevahé,” moxhettaevo Maheon. “Zémehaēveameoxzetto totahoeſta hoeva nanxhoén” exhetteaeho Vonhoahotanevao. Maheo moſzhettōvo: “otā Havſevaevané zenſenaēvetoxoviſtavátto hoe māſeovōmōz Oxtōénovaſz, māſeoōhatamōz? Ota nitao hoeva hovaneo eoxkſaataēſtovootāeſz, exaenſxanovheta-

neve, onohetan zeoxcēátovoss Maheon na zeoxceoháētanoto havs.” Neš Vonhoahotaneva moszhettôvo Zemaxenitháziss: “moná niaestomēátovahe zeto Oxtōénovasz; nimaotto enēhov na hevenov na nitao heaeneo māsēomanstōtāz menao (māsēomenaoaotōz)? Hē nioxcevovónešetomovo hesthozeohestoz na nitao heaeneo emahaovanez’; ootō heva oxthassetanomevossōz heszeoxz neš taxaetto nszeōvaztātōe.” Na Zenitháesz moszhettôvo Vonhoahotanevao: “ota zeto mahaciss Oxtōénovasz nitao heaeneo nimáhootazevo; oha enēhov nitooxz nissaametazenotto.”

Na neš né Oxtōénovasz easshaomeneozehō. Noka ešēva exhoehótahanehō hetan eszhetóthaovohōn Oxtōénovaziss: “nsthotoam na niaēvoham ešemomátahestanāevo šēnovaheon, na ne šēnovaheo enahovhōn nsthoeon; nanšenocehomsta zistosshótahaovaz.” Na né hozeo zessonšenavhótahans, zenitaziss exhoeoetōehō Oxtōénovasz zeszhettāes: “hōesta eséhoveanha héama na emāvonhanāevo niq’sāmo na nsthoeon; nanšenocehomsta zenxhótahaovaz.” Na zeto hozeo zes’sonšenaveēs ota mato nasz enxhoehótahanehō na eszhettohōn Oxtōénovaziss: “šistatohetaneo énohassetovhōn nistaevoham zeaenoss na énahovhōn nsthoeon, nanšenocehomsta zistossehótahaovaz”. Na zeto hozeo

zémehaēveēs mato nasz exhoehótahaovohōn Oxtōénovaziss: “otā ninissoneo zistanšemeha-manoemsevoss vezenō énxmassóaeozetōevo maxevovetassoneva na énešemassóhovanēo nhēhyao. Nanšenocehomsta zenxhótahaovaz.”

Neš estamassó-ohāehō né Oxtōénovasz esta-ōxanohōn hesthōm na zehešehooxtxesz, exama-avahamazehō hoeva exhaōnahō na eszhevō: “hováe nas’saanoexzé zexhestaozetto, otax nanemetoxs, na hapo vezen natosseevha-asseoxz. Zenithaesz émehamea ota eevhahassetan et’sē-vovónešenhestōez’ hevehestoz Maheon.” Na zeoxešehāomenēs Oxtōénovasz vátometto es’saaononistootohōn Maheon.

Nā neš ohomaevetto Maheo enhessetamohōn Vonhoahotanevao emeonšeozistomanstomevoz’ hevoxōz Oxtōénovaziss; “oha nszaanonaxenahosz enxhettāehō Maheonō Vonhoahotaneva. Na neš exhāmoxtaehō Oxtōénovasz, émaemani-tao, examstoehō hōestapāeva zehešohaoyometanoss. Neš heszheem eszhettohōn: “moná em-et’sēhekonevisthootazemōz Maheo; nínitameozetovehā na nāsz.” Oatōs eszhettaehōn Oxtōénovaziss: “nixcenešeēs ononistahée zeox-chešeēs. Moná tā emenoceamhaez zepeva zehesso Maheon hevez, na meto tā emessaahapo-amhahez haomenestoz.”

Oatōs mahaciss zeoxešmaxohāomenēs es’saa-

xatonšehavsevoan, et'sēōénovehekoneviſthoota-  
zemohōn Maheon.

Na Maheo zehešeeneōhatamoss Oxtōénova-  
ziss, neš exhossevhašivatametanutovohōn na  
ēvhavostanevohōn. Neš Oxtōénovasz évosta-  
névehō na exhossomohavovónēšetōeho Ma-  
heon: ēvhametāeno nitao heaeneo na tóevha-  
vetto nokhov. Mato Maheon ēvhametāeno-  
hōn henissoneo na exhossomohāpavhista-  
novevmanhāehō Maheon né Oxtōénovasz zéme-  
hapavhistanovs vovoenotto zehešsaazešhāome-  
nēs.

## 9. Nistanemeoxtoz. (Psalms).

### Psalm 1.

Ahā vostaſt zsaavixtoxeamhōsz heōhetanox-  
zeva zsaamómataeheziss, na mato zsaanhēs z he-  
meoneva hatavsevoētaheon, na mato zsaavix-  
hōsz hesthoestová totohoxtoētaheon; onitáz  
óha zehohazto Zenitháziss hesthoemanixtoz, na  
zetoxetanotomovoz' hesthoemaoxzettoz Ehan  
tāeva na ešēva.

(Névostaſt) taſſ hoxzz zehoneoxzz toxemápe-  
va, zehōemenamſz zexhonexovez': eſſaatonše-  
nōnovépozeva, na hevatonševsz eoxchetotaexa-  
nen.— Na zsaamómátachess eſſaavessenheſta-  
heo, ota taſſ hovae zevépanan zevhaneōmōā-

hazēs āhavan enexovhecekayo (né atoētaheo). Hessesovatto havsevoētaheo zetahozeexoētases-to mámaxehoemaotazistovež', mato havsevevostaneo zetahozeexoētaseseto xanovevostano hemomenohastov. Otā Zenithász eoxcheneenomovosesto hemeo xanovevostano, na havsevoētatan hemeo zetaassetoēž'.

Psalm 23.

Zemaxenitháesz nahenietamistovenoz, hovae nassaaohemaztō. Naoxceovšemanha zhešeko-oež' na naoxceneevaozéhá zeheshékōmoeaz. Epevomoxtamane namátassooma. Naoxceneevaozéhá meo zexanovevostanehevstovež' hevetov. Hōmasovetto tass naamén zexhoveohōsta nāestoz zéveetto namessaaētō hovae havs; nit'sēveoxzeme, nstoktō nahēstahaoe. Ninistaexanomeve taxemessestoz zehetaēž navéamo nazenxeševešōstahetō hekōmeva; napevetanoxtoz ehehotomoen. Onissyometto pevaztastoz na šivaztastoz nazhoeōe oešēva zévostanehevetto: na nazeaene-ēvatomovo Zenitháesz hemhayon.

Psalm 34.

Hēhe mesēto haho nataoxcenhetto Zenithász Maheo; natanšeame-maheonevooto nanithāam. Namátassooma emahaemanhā Zenithaeziss he-

vetova. Zenonizeomass zenistomonenov na zevoešetanō. Otā nitamahaatamon Zenitháesz Maheo na nitamanoheamaztomovonon hevéhéstoz. Nahaônatovo Ehan na nahátova, navostaneva naētoxtastova. Zévehōmovoss évo hōoeheo, na zetassaazešeanovetanonaveneoe. Zehāomeneziss zexhaônās énistovāe Maheon na évostanevha nitao heōzetanoxzeva. Eoxcemátataeneevavōmāevo Ehano hesthozeon zeēátovoss na eoxcevestanevāevo. Momoxevehōxtom zehešepavās Zemaxenitháesz nimaheonaman. Ahā voston zehenietametovstovsz. Eátova Zenitháesz ninēhovhem zehevovistomosetonetōess: emessaanozevaztōnovoss hovāe zeēátovoss Ehano. Nanossehamson eoxceohe-mao na eoxchāyanao hotaz nha zehetaenozevata-movoss Zenithaeziss zsaaohemátomehevoss hovae zepevaez'. Nímohē kašgonasz niahátove nstavovistomevazeme zeoxcešēátovoss Zenitháesz. Nivās otā zehohasz haešvostanehevestoz na zemehoxtosz ešiensz zemevōxto zepavaez? Nivéhavsevoan hōstomeveha nszeneva emeoxeōceeszetto. Nōoxtoz havs, pavoētastoz noxzeoz, zehekotastoz neheoz. Eneevavōmo Ehan zexanovevostaneheveziss na eoxceahátovo mxhaônátōs. Ehavsevetanonaveneotō hatavsevoētaheon zaaevhahemeetanoxtoveheo hoveva. Xanovevostaneo eomomhōnaō na Zenit-

háesz énistomon na évostanevō nitao heôzeta-  
nonavoomenestova. Ehan eoxcehahaneovo  
zeanovetanoziss na eoxcevistámo. Ehāstanet-  
tonsz heôzetanoxtoz zepavevostanehevsz, ota  
nitao zeoxcevistámā Ehan. Havseveva zetana-  
hā havsevoētaheo; na zehetaetotonsetamovoss  
xanovevostano zetano hōemeo maxeossázistova.  
Zenithász Ehan Maheo zevostanevamo hemá-  
tassoomávo zemehotaess na zehetaenietame-  
tōess zsaahôotahenov assetoēstoz.

Psalm 103.

Ahō ešéhā Zenitháesz, hē namátassooma; na  
nitao zetohetaetovaetto: aho hestomoveha he-  
maheonevehestoz. Ahō ešéha Zenithász hē  
namátassooma na nivévonetanotomovonoz ni-  
tao zeoxchetavovōnešeata. Nha zevonanome-  
vata nitao nsthavs na zeēnoesz nitao nsthā-  
moxtastoz; zevostanevesz nivostanehevestoz  
vonenotazistová: zehevoxcaovata mehoshoto-  
astoz na oxsēšivaztastoz. zevešeoanaxanata  
nszheneva zepevaez hováe, nonoxpa nimonas-  
toz eevhanešemonae zeheseotoxovās voaxa.  
Zenitháesz enethoemaoxtomevo xanovevosta-  
nehevestoz na onohoemaovazistoz nitao zeheta-  
hotomoēz'. E<sup>c</sup> mēstomevo heszhestátóz Mápe-  
va-oxhestoevostaneveziss na hetšezistoz heni-  
son Israeleva. Zenitháesz éšivaztaeoneve na

ehoevazta zepevaez: essaanehestahahe, na eoe-tâma heſivaztastova. Eoxksaa-aenevehossané na mato emessaa-aenstahaťsanen. Nissaanexovootahen zehexovhavsevavoz; na mato nissaanexovoēahen zehexovstaz nsthavsevan. Tass zehexovhaeſheamaeve hoeva enexov-ſivatamō zēátōess. Tass zeheſhātaeſ-voēseve essenhasto na onxsovon ota nēſ nieſeassetanomōenon nsthavsevoētastonan. Tass zehehestovsz zeoxce-xovſivatametanutovoss hennissona hapo Zenitháesz eoxcenexov-ſivatametanutovō zēátōess. Otā eheneena zehetxsevoz, eoxcemeetanota zeheſheſiecevevoz. Na ota hetan heyāenamoz tass móéea ehessonettoz tass zepevszeavóoesz toxtō, hapo eneſeeſe, na āhavan zistaxoto na etahovahanensz na nā zémehahone nāno essae-vhaheneenōhe: ota heſivaztastoz Zenitháesz enxhessoz aenetto na tâssaenetto ehoeevatam nha zeátōess na hexanovpavetanot'senistoz hennissona na tâsshennissona na nha zetōetanotoziss hesthoema na nha zsaavonetanotoheziss hesthoemanistoz zeneſeveziss. Zenitháesz eſepevana hesthoestoz héamā na nenithástoz eoxcenithástovetto nitao. Ahō hetta Zenitháesz zevhestozeonetōess, nha zehépatamāess nszhekonastovā zeneſevevoss hesthoemanistoz zeahátomovovoss zehēs heēszistovā. Ahō hetta nitao zehenotxemetōess, zehemaheoneēszeo-



ametōess, zeoxceneševovoss heaxanhestoz. Ahō hetta Zenithász nitao zehetšezistovetōess nitao zehetamanozēs, ahō ešéha Zenitháesz namátassooma.

Psalm 104.

Vovóneševováha Zenitháesz hē namátassooma. Hā Zenithátto namaheonam niotaeossēohātamahē, nihoneo onoatamahestoz na vehonatamahestoz. Nioecevešhovoénáz zevonitto tass honeō; nisépana vóe héama tass essōo; niveševoxkoana héama mápeva; zeheametahōstovetto vóe, zeoxcetotaxenevōz hezenōn āhavhan. Zehesthozeonetto āhavhan: nsthozeon tass zemo maohass hōesta. Zeoomaosseonaoxzetto hóe emessaatonšemomoozehan aenetto. Zevešeátohanom (nathoaman) máp tass heszé; máp exhépōmoe zistoyoomen. Zehōnistom eamxetto, zenistōetto ninonomaevestoz zémaxehahestov enonotoveasseohetto; ehépōmoe zistoyoomen etaanhoénetto zeōmevovetto atōnatto nāno zemxtaeoxtom. Nitāevavhoemaoxta eoxksaahépoōvattan, essaaevha-átōhōvaoé hoe, eōssevonanz ohamesz zetaohessevozēs ohé, eōmessevonsz zistoyoomen. Emanovó nitao hován tohove; aestomoham eoxcevešhaoxmoxtanov hesthāōnstov. Hahetto hován zeēvseoss héama emxtaeneo, enemeneo nitao matā. Eneoxcean-

hōmanoxzenoz esseomensz. Nitao hóe eovaz zehetoneo nimanstō zehemenametto. Eoxcho-neossetto móee zemessez' hotoa na essēoxz zehozeotom hetan; ehestoehoeozész mátam hoeva; na ópāehemenemáp zeoxcevešepavetanoss hesztaheva hetan na zeēkomoz evešepavenenov na kókonoyo zevešhekoneozettoz hetan heszhesta. Hesthōxzetamo Zenitháesz emomenōehōeo, šis-tato zeēnanootoss zistoyoomenoz; vekséo zeoxcemanszevoss heszevōssonevoz na mookoã hōxzetto emhayonanenotto. Zistoyoomenoz nháeg'san emxtāeōeo; na šēneva ehevenovaōeheo niš-cestan. Tāešie ekanometotāevan zehetoex-ove-āenevez' zénethozeotoss; ešēva zeaménsz ešiehě eheneena zehetoexovetaéns. Nihemans-toone zeaenonitto na etāeve; neš nitao zeēvhozetaeoxzess hován matā ehōevonéneo. Zemonáss nanosseham enóssnháetanov hestamevo na enešenoxzeanov hesthoevoxkotamevo Maheon hevez. Ešiehe homeénsz eevhaoasseoxzeo, eovšeneo hēszevoxevo. Hetan easshōnoxzoxta hesthozeohestoz na eheneševe nxsetto hetōeva. Há Zenithátto zhestxnovatto nimanstō, nszheneenovastova zeheševešmámanszetto hoe evešhootomoena nsthaōvastoz. Hatahāne zémhaomoea zeohātaman na zehāōmatto, nitao hovae zeamevoneoxzz zsaatāōemēs zetocetass na mato zeohātamahess hován. Hane

zetaaménittosz sémonoz, na navahāne maxemén  
zenomaneoxz zeoxceēvevossosz neno hotóma.  
Zeto nistxevoss nioxcenietametō messestova  
zeoxcemetoss hestamevo zehetoexoveamnexo-  
vez'. Hen zemetoss eoxcemohēananov, oxta-  
taenomovosz nisztāhe eoxcenassoenōnov zepe-  
vaez, oxsaavessevohešsōz eoxceōzetanō; oxthas-  
setanomovossōz heomotomevo eoxcenāeo na  
eoxceevhaasseo hešieceva oxzevhametosoz ni-  
mátassooma eoxcevhamaňhaoe; nioxceevhahos-  
semonomaena hoe. Hevohoeohevatamahes-  
toz Zenitháesz enšenhessonehá aenetto. Zeni-  
tháesz eveševoešetanoha hemanstō. Oxneve-  
hōxtosz hóe eoxcenxpómaeozez, oxnemxanosz  
vōssoz eoxcsitovaettoz. Hē nataoxceassenooto  
Zenithasz zetatóehešetanenevo: nataoxcenonoe-  
véoenoz namaheonam zessohešametanenevo.  
Nšehotoatamenehá hevetov natoxetanonaō na-  
taveševoešetanonoz Zenitháesz. Nšemasseoze-  
vohá hatahvsevoētaheon hoeva. T'sa masshá  
saaevhāstaevohá. Vovóneševovéha Zenitháesz  
hē namátassooma. Vovónešenhetta nistxiss  
Zemaxenitháesz.

## Psalm 147.

Vovehá Zenitháesz; etapeva zeassešemez'  
nemeoxz, zéveoōs nimaheonam; etahetotanō na  
vovéazistoz et'semomenovaestov. Zenitháesz

eoxceēnomoxtamano zeōxstahass na eoxchóx-  
 esztovonoz heohaoxtovevoz. Eoxcetāōemo ze-  
 hestxiz' hotoxq etaehevehestonaovo: eonissyom-  
 hāe ninitāaman, na eonissyomohātamā; heszhe-  
 neenovastoz essaahoeštóehanehez', essaahene-  
 enôhanehez. Zenitháesz eoxceohāetano zen-  
 nizeomaziss: eoxceanahamo hatavsevoētaheon  
 hoeva: nemeot'a Zenitháesz, ahō hetta vešene-  
 meot'a nimenestovā nimaheonaman. Zeoxce-  
 vešeátohanō hěama vóeva, zeoxcemanstōotaz  
 hóe hookoxtoz, zeoxctaxhoneossezz móesz es-  
 seomē. Eoxcemeto hován hestamevo, na mato  
 hokoxcson zeomomeanaziss. Essaaveševoeše-  
 tanôvo heszhekonastoz mohénoham: essaaveše-  
 voešetanohevonoz hetanó heszhekonoz. Zeni-  
 tháesz eveševoešetanonotto zēátōess, nha zenó-  
 zevaztozisso hešivaztastoz. (15). En'nešemeaā  
 hesthoema zethoeva. Heēszystoz ehāeohettoz.  
 Emeanotto hestass, tass ēva; ehénena hestasse-  
 nēneoxz tass hōestapā. Enešemeena hema-  
 mam tass mhahaoxz, nivā emetōhaetomovoz'  
 hetonetovanestoz? Etahōmea heēszystoz na  
 eóxpoezez; āhavhan enmomoxtano na mápsz  
 eassesévonsz.—Vovóneševovéha Zenitháesz.

Psalm 148.

Vovéha Zenitháesz! vovóneševovéha Zema-  
 xenitháesz heamā zehestász! Novéha náno ho-

hyoss! Vovéha nitooxz nistxiss hesthozeon!  
 Vovéha nitooxz nistxiss henotxemo! Vovéha  
 nitooxz ešiehě na tãešiehě! Vovéha nitooxz nist-  
 xiss hotoxkasz zevohoksess! Vovéha nitooxz  
 vóeva vóasz, na mápasz zehépeheamaevess vó-  
 eva! Nševovistomovovohã hevéhestoz Zeni-  
 thaeziss; óha mamáteēsz na émanhaoe. Na  
 enešeēnana aenetto na aenetto; na ešēnana hoe-  
 ma zsaazešeasseozehanehez'. Zenitháesz hes-  
 sevovéha hoeva; ménasz na nitao haoetamoxze-  
 šie; hōesta na hāoetonoz, hestass na zeēšeō;  
 na maxāhaešie evāxsenaexoetavono heēszistoz:  
 ohonaeva na nitao zistoyoomeno; zepavemen-  
 mesz hozsetto na nitao šistato. Hován na ni-  
 tao hotoã; zeamevon'ness na zeamehãs vekséo.  
 Maxeveho hoeva na nitao histaneo, zevehone-  
 vess na nitao zehoemaness hoeva. Nithovetto  
 kassovaheo na kassehēeo, mahacisseo na kaš-  
 goneo. Nševovémovovoha zenithaeziss heve-  
 hestoz ninokaez' eohāheamatamez'; hevohoeo-  
 hevatamahestoz ehépheamož' hoeva na vóeva  
 héamã.—Vovóneševovéha Zenitháesz.

10. Eovaz maheoneēszistotoz. (Isaiah 53).

Tã nivã zehešeonissyomáto nathótaheonan?  
 Na nivã zehešemeemež' Zemaxenitháesz hesto-  
 hātamahestoz? Otã zehešeēšēs zehetaēž' tass  
 móee zemonhoneo na tass esseóo zeoxcexho-

neo zésaahestoneomaohanehez', hē essaahesz-  
 hevetovaozistové na essaahemoonatamahesto-  
 vé; oxvōmoz nissaavōxtomovōnon hovae zeve-  
 šemomenovatamozesz emehessehohaez. E<sup>c</sup> pe-  
 oe na eōsetanā hetano; hetan zexamahoxazto  
 anovetanonavstahátoz: maxhāomenhetan, nasz  
 zešenetamsz enešepeoe na nihessaaonoatamo-  
 hen. Onissyometto éveševexnoz nioyomsta-  
 hátonanoz, na tass ninhoxtomoenonsz nionše-  
 oxzistonanoz: ootō ehōmā, emaxeoshā, eōzeta-  
 noshā Maheon nihōvhessetamon. Oxtovavet-  
 to niatoētastonanoz evešhesseamōnaōenoz, na  
 nsthavsevoētastonanoz evešhesseohāonxoxenoz:  
 Exhestoomen zexoanoatanotōez, na zexhesto-  
 omenetōez tass evešhess-onissyomenox nimaxe-  
 ossázistonan zévostanevatanotōez. Tass q'san  
 nívoneozhema, nímehavonhistanovhema soss  
 nitaome-ametanomā. Na Zemaxenitháesz emā-  
 hooto nistnovaez' oneosázistoz oesoss zehestxiz,  
 (zémehahevešhessheosázistovez). E<sup>c</sup> meztomoe  
 na exxohāoe, es'saenszé tass q'oss zetossenász  
 ehokotomā, tass hapo es'saanešenszé.—

E<sup>c</sup> momátahoemaoe ota nivā emeōstomovoz'  
 hemanhastoz? Tass esxsehassetané zexhista-  
 nōvez' hoeva? na nazhestanestoz heatoētaeone-  
 vestoz hessetovatto exhessenāe. Masshaneest-  
 xi ehōvenohōemov ota haōvastxi evessátohoe  
 zénās; zeoxešhekozevostanehev's na ōcehestoz

heszheneva es'saahesshanehez. Vátometto Zemaxenitháesz estonšenneszta zeonšééoss na zeanovetanoséoss; na tass hemátassooma mataeševoveēvavoz havseveva zevōxta hemanhastoz zhaešvostaneheve na hevetová Zemaxenitháesz hepevetanoxtoz zemanexzez. Zetahozevōxtomo zémehahessheôzetanonavstahátov's; naxanovhozeo heszheneenovastova zetavešexanove-manonov hasto, na zetaveševevoxevonoz heatoētastovevoz. Hesselto vatto natavistano ohātamavostanestxi na zetavesshenhaeneon ohātamaheon; zexhesshéneno hemátassooma nāestová mato zexhessevístōemsz atoētaeonevstxi; hotaz émehahestoomenetomovonov hesthavsevevo hāsto, na exhaônavomotaō atoētaheon.

Isaiah 55, 6–9.

Noxzeova Zenitháesz zemehešsóméōs, haônatova tass zehešsôhahaneōs. Masháo nōox-tomevoha hevostanehevstovevo na zsaaxanovász nooxtoha hetšetanoxtotoz na tass evhanhatovoha Zenitháesz zeēvšivatama na hē nšenhaoxzevoha nimaheonaman eetâma vovôššitametanoxtová. Natšetanoxtotoz nissahetšetanoxtovéhenovoz na zehešheszheševostanehevstovess nassaanešehévostanehevstovehenoz eész Zenithász. Na tass vóe zehešhaešhéamaeve hoeva tass vezen nahépheamavostaneheve ze-

hexovevostanehevess, na natšetanoxtotoz eoxce-  
ohānithaettons zehexovozezesz nitšetanoxto-  
vevozx. Zeneoxcešhesseooko na zeneoxceš-  
hesseoōto héama na zetaoxcešexōva na zetaox-  
cešexhoneo na zetaoxaceexa nitao hovae na ni-  
tao nimessestonan. Na hapo naēszeptoz ze-  
tāšhesshōénitto nāzheneva; tass namessaaaes-  
tomeēsšé nitao zokovāxseneševetto zehešeta-  
notto na nitao zokomomeovatto t'sa zexhótaha-  
netto.

Matth. 5, 3—12.

Ahā zenstamenoehevess mātassoomāva nia-  
hānevo zeaenanovoss heama histanov. — Ahā  
zeohāoyometanoss; ota zevovoešemeo. — Ahā  
zehekotass otā zetahetōenov hoe.—Ahā zehaya-  
natoss na zehāōnetoss xanovetanoxtoz otā ze-  
tossenassoēno. — Ahā zešivaztaeonevess otā  
zetossehossaenanov šivaztastoz. — Ahā zeho-  
xeass maztaheva otā zeonissyomvōmov Mahe-  
on.—Ahā zeoxcenanomoneš otā Maheo heni-  
soneo zeoxchestōeo. — Ahā zeoxcemomezto-  
ēšš xanovastovā hevetovā, niahānevo zeaenan-  
voss héama histanov.—Ahā ninēhovheme mx-  
hessetohossohazetovaess na mxhessemomezto-  
vemāess na nistnovaez' havs mxeveše-aestome-  
momaxemāess nitove. Voešetanohen na max-  
hetotaetanohen otā zemahaetta nioninxomeva-



zistoz héama, hapo enešemomeztovoēo ovhanéo zevovoaetoss nivostanehevstov.

Matth. 6, 24—34.

Hovane emessaamehotoheo niš hetano: heva emetotonsetaīmo nasz, na meto nasz ememehoto; na matheva emetōeno nasz na meto nasz emepeoto. Nimessaatonšemehotōvo Maheo na haōvaevan seetoēš. Na nihessenhettazeme: nivétoxetanotánov zehešhestanovess henaen's zemessess na mato henaen's zemaness na henaen's zehoneomass: nivenešēôzetanom; vosta-nehevestoz māseo-ohamepeva zehexovepevaez messestoz? Na mavetov māseo-ohamepeva zehexovepevaez' honeō? Vehōma vėkseo eoxksaaēnānoeheo, na eoxksaaoenohenov hovae na eoxksaahovtosemeheo; na ehėvó héama zeēvasz eoxcemessessō. Ta nissaaohamepavezhestamé, Hena zeoxchešohamtózetanotomass nsthoneonehevo? Ohaztom nitao moesz zeoxchešhoneovosz. Maheo eoxchoneozesz oxista zeothrone na mávōna zevonātānoz ta hapo nīmessaanešhoneoshāevo zceonissyomátaehasz? Ota ehėvō héama zeēvasz eoxcheneena zeohemeozess. Nivehessenistaôzetanom zetātoss-hesso mávōna. Nistoha eš eveštaeoz eovaz ôzetanoozistoz.—

After Matth. 7, 1—28.

Nivetotoxsetanevame nonoxpa nszaatotoxemaneheme. Hovae zevešetotoxsetanevass hapo nszevešetotoxemanenov na zehetāohetass nszeevhanitāoheanhem. Hena zehessohamvehōxtomovoss heononistastoz essess na zsaanozeōhaztōtto nimasshaneestoz? Na mato hena zehessohamonevamoss essess na zehešesaanoxtoveonoetanohetto? Na vhanenhesemanhetan vovoenotto nōoxtoz nsthavs neš mononoēszt'sansz. Vēstomoe hovae nszemeta-nenov, noxzeom hovae nszeméanov, kokonom henitō nszeonstanomoheme. Nitao vostan zevēstomōsz eoxcemez, zenoxzeossansz eoxceméossan zekokono henitō eoxceonstanomō na tā tāsevo vostan hēhya vēstomōsz kókonoyo ememetoz' ohona. Na matheva vēstomōsz noman ememetonotto šišinovoto? Homōxz zeoxchavsevstanovess nioxcenoxtovpavemetonovoz hovaeoz ninissonevó, ehēvō héama zeēvasz nimeoham-voešenímetaenov mávēstomevovoss hovae. Momoxeman zehešetovata vostaneo hapo vezen nešetovenan.—

Ēszéne zemasseoc hestaetta; emaha henitō na emahaeoz meo zetaoeoz nāstxi na zhāenōheo hen zeneheoss. Emasseoc henitō na emasseo-coez meo zetaoeoz anevostanehevestovâ:

txkom vostaneo hen zeneheoss. Nhaeztova aestomevovistomossaneheo, tass zeoxchōotāess zevešeq'sānhōmanázevoss tahoc na átono ehoneheveo. Nszheshheneenovovo hetšezistovevo. Homōxz hōxzetto zehetāpevhoneovoss eoxcepevehemenameo, otā zenōonohess eoxksापavhemenameheo. Pavhōxzz emessaahavsevehemenamahé. Na havsevhōxzz emessaapevhemenamahé. Hoxzetto zehetaessaapevehemenamahevoss eoxceavoeo hōestav eoxksáhameo. Nistoxs Zenithátto, Zenithátto zehetāhethōnatōes emessaaēszené héama histanov, óha zeneševevoz nihoe hetšetanoxtoz, nivahane zhoešena. Nexoveva zhāenōheo nha zezhethōnatōess: Zenithátto, Zenithátto māseovešeovhaneēssez nivéhestova na mato nivehestovā māseovešhōstanov nissimōn na maseovešohātamoētaz nivehestova; neš natazhettō: nissaazhešheneenovazeheme Hatavseoētaeonasz, tanōéne.

Matth. 13, 24—43.

Maheonhistanov tass ehevezhovā hetano zexēnano paveēnanoestotoz hesthoeoneva: na zehēšenomez' hesthozeon hevéamo enxēnanzehōnoz havseveēnanohestotoz na estanovseassehōn. Na zenexhone zeēnanēsš na zēnešemenametto hapo havseveēnanohestotoz enx-

paexhoneonōnoz. Tass et'sēēnanōnoz zepa-  
 vaēs z ēnanohestotoz zethoeoneva na t'sa ehess-  
 honeonsēsz heto havsevemoesz exhattāehōn  
 hesthozeon? Navéame zehóniztōsz moēnanō-  
 noz zeto exhéo. Nitháne namessaahepoena-  
 nevonsz exhattāehōn hesthozeon? Hovahan  
 exhéo otapoenomass havsevemoesz nimetanoe-  
 t'semananov ben'noyo. Nšemanoexhoneha ta  
 maexā: na maešeexa vovoeoxboanhen havseve-  
 moesz momenoxboosz na vonháom: ben'noyo  
 taēstovoxz mhayo natáttō zeoenoes. — Na ze-  
 hešeenhótahan's Jesus estaēs znehō mhayon:  
 nímēstomevemeno zehevezhova havsevemoesz  
 na ben'noyo zexenithovhoneo hoeoneva exhet-  
 taehōn hevovistomosseon zenxhōotāess. Na  
 eszetótahaovohōn: zeto zhešēnanao paveēnanao-  
 hestotoz nivahāne zehēhyahtōsz hetano: heto  
 hóeo ehevezhovā histanová; na heto paveēna-  
 nohestotoz ehevezhovaenovoz zehetaetovaez'  
 Maheonhistanov; na heto havsevemoesz ehe-  
 vezhovaenov zehetaetovaez' Maxevonhoahota-  
 neva; zeto hóniztahe zhešeēnanooxto havseve-  
 moesz nivahāne Eavo; na zexéxa ēnanohesto-  
 toz enahāne zistosseenhistanov; na zešeoenoes  
 niahānevo hesthozeon (Ehano). Na zeheše-  
 mohēane zexeševonhaoe heto havsevemoesz  
 hapo zenhesson's maenhistanov; Zehēhyahe-  
 tōsz hetano hesthozeon zehassenēnánō zemo-

hēozenov zehetaessaapevaehanehez' na zehetaehatavsevoētaeonevez'. Nivahānevo zevonhāhess; na zemaxeomomevon, vēssoz zetakonomez'. Na zeto pavstaneo zevohoyoheo hato zexhistanovez' Ehano tass ešiehē zehesevohōovas.

Matth. 18, 1—16.

Noka ešēva hevovistomosseon énóztovaehōn Jesus, nivā zetossemahaetaz héama histanov? Na Jesus estaonōmohōn kašgono, sitov énhēeohōn. Na eszhettohōn hevovistomosseon: onissyó nitanhettazeme, vessaavovetananehesenhō na vessaanhestahessenhō zeheshestavoss kašgono nimsaahoešenāme héamahistanov. Nohasse nha zevovonatamaz tass zeto kašgon niahāné zemahaetaz héama histanov. Na nohasse nha zehessemasseztovoz' kašgono nitov, tass nanoemasseztōe. Na nohasse nha zehavsevevonhoaovoss nénasz zetocāeziss zehestnoeonisspomátōeziss emepevetōe ohonā oevota-naosz na séahamšz zexhaoetamez nēhaneva. Ahoyā histanov hevetová zenxhestōehavsevevonhoaazistovez'! Ahoyā nha voston hevetová zenxhestōevonhoahotanevátovez'! Nhaeztom nszeoxsaaepeotōvo nénasz zetocāss; ota ninhet-tazeme: hesthozeonevó zeheszemēnez zeēvaez' héama histanová mesēto eoxceamevehōmovo

nihoe nāno maheonhistanov.—Homōxz Ehevō héama zehosz essaanhessetamōvo nénasz zetocaeziss zetaassetoēez. Heva essess matonšhavsevoēata tapaveonoēsztovō emenonaxeevhahovahanehez hesthavsevoēátoz. Maamátovata tass nszeevhahevis'sonenz na mássaaamátovahetta onōmōn niš heva nahe vostaneo, hapo zetavesseonoēsztovovo; otā mássaaamátōhevoz hótahaovō mano-onissyomátaheo na mássaaamátovohess mano-onissyomátaheon neš nszhessetamo ahanessenovahe na ahaneatoētaheo. Na aázevetto nihettazeme: heva niš zehestxiss vemanoehotoetanoss zistossevēstomass hováe zetohetaenhesseztomass nszenešetanotōenov Nihoe zeēvasz héama. Ota nohass t'sa heva niš matheva nahe vešhessemanoēvoz navéhestoz hevetová nāno nazevisthoemō.

### Matth. 25.

Ota Maheonhistanov tass etazhevezhovaenov zexhematótxiss zeheehēvess zistanoeoziss hevohoksenanistovevoz zistatōeovovoss monhetan. Nohon estoxetanohōn na nohōn eononistaehōn. Zeto zeononistass otax hevohoksenanistovevoz estastananovōnoz, amsc es'saanonhoénehenov. Zeto zetoxetanoss amsc estanonhoénenov hevohoksenanistovevoz zistastanomevosz. Na zen-  
 xešēvhestomaz monhetan émasóovšenahōn

nā éñāozehōn. Na si'taeva énistōeho hōxeva: aahā! enešhoén monhetan tahenhaetōeova nixetōxevaho émassotóehōn zeto nistxevoss kassehēho zeheehēvess na émassopevananovôvoz hevohoksenanistovevoz. Navohoksenanistonanoz eotovaozensz, hozz nímezemeno amsc exhettovohōn zetoxetanoziss zeto zeononistass. Essaamomahaohan, tanhaozveva zeoxcehoxtovoss tataomehoxtovavomotaáz exhestōehōn zeononistass. Na zetāšhestomehoxtovavoss monhetan exhoénehō na zeto zehešeexaneness estaevessevohōn na enxpoanene zistaešeēszevoss énemonhestoxehoénehōn zeto zeheehēvess: nionstanomevemeno enxhéōn. Na onissyometom nissaaheneenovazeme zexhestass enxhetāevohōn. Neevavōsane zehešsaaheneenomahess eš na mato zehehōs zehēhyaetosz hetano manxevhahoénsz.

Matth. 25, 31—46.

Zehēhyaetosz hetano manxevhaoénsz hevohōhevatamahestová, zeheszemēness hesthozeon enstosseveoxzemosesto. Neš zetaxeho hoestova hevohōhevatamahestova. Na nistnovastov histaneo etossemohēoesz na etossonissovanovasz tass zehesthozeesz zeoxcešonissovanoss bébeheq'san na meázeq'san: Na bébeheq'san heszeamaxesto zezhešeassetano na meá-

zeq'san henamosesto. Nēnās zepavatamāess Nihoe ēvhātom vehonstanevestoz zemxtaeovanness zistóešemanhao hoe zetättō heszheamaxhesto zehestoemaoss. Zexhāyanatto nixoxomeme, zexhāōnetto nimanxeme, zexhestoevostanehevetto nimōxeme. Zévovokananetto niēssaoveme zexhāmoxtatto ninhaoxzeme, zexhoetto aenonemhayon nixhōoxeme. Na zeto xanovstaneo zezhettovo, toneš nívōmazemeno nixhayan na nioxomazemeno? na toneš nixhaōn na nínhōomevazemeno? Na toneš nixhestoevostaneheve na nímootazemeno? Toneš nívovokanan na niēsaovazemeno? Toneš nixhāmoxta na matheva aenonemhayo nixho na ninhaozvezazemeno? Na Zemaxevehonevsz zetanōstovō: onissyo ninhettazeme: zeheševovónešetovoss nasz zehestnoeonissyomátōess hoovaetto nioxcenešetoveme. Na neš zetättō henamosesto zehestoemaoss, tanōoxz tazeoxzz zistossaazešeenostavan zeexanomoēs zistossevessevonhāmoss Eavo na hesthozeon. Naxhāyan nissaoxomeheme; zexohaōnetto nissaanhōomeveheme; zexhestoevostanehevetto nissaamooxeme, zévovokananetto nissaaēsaoveheme; zexhamoxtátto na mato aenonemhayon zexhoetto nišsanhaozvezeme. Na hapo zeossānezhettov: toneš nívōmazemeno nixhāyan na nixhaōn na zexhestoevostanehevetto na zévovokananetto



na zexhāmoxtatto na aenonemhayon zexhoetto na nis'saavovónešetovazeme? Na zetanōstovō: onissyometom ninhettazeme: zehēssaavovónešetovohess zeto nasz zehestnoeonissyomátōess hoovaetto nissaavovónešetoveheme. Na zeto zexhavsevstanovess zeaenēvayo aenemaxeossá-zistova: na zehetaexanovhistanovess zetahoešenao aenevostanehevstova.

Romans 8, 31—39.

Ezetxeoa maheonemxistō: heva Maheo veoxzemaesz taxa nivā emenosseohaetōez? Maheo zehēssaaxahesthópsanistovesz hevetov zenokoe-noxtoziss ota zehēšemeas hessetovaez taxa aázevetto emehózehetootaezesz nitao hovaeoz no-naxstovetto? Taxa niváziss emehavsevehossemaevoz Maheo henisson? Otaz niahane Maheo zeoxceēveono-hoemaossansz. Niva emēhōssansz? Ota Christ zénās, hē oovham zeēvhaohasz na zexhōs Maheon heszheamaxhesto niahāne zeoxchaōnavomotaez. Niva emenohénomōevoz Christ hemehossanistoz? Mo heva haomeo, na mó ôzetanonavoomeo na mó mo-meztovohéo na mo ḥayanátóz, na mo vovokanazistoz, na mo hotoanavoomátóz na matheva xovatov? Tass zehetxeoa: etov Jesus nahes-senahatanotnheme oneevo; tasse q'san zetossenávoz vezen naoxcenhessetamanheme. Ni-

tao heto oxtovavetto nioxceohamexoētama hevetova nha zémehotaez. Ota naonissyomhe-neena heto: heva nāestoz matheva ametanenis-toz heva hozeon zeheszemēness, matheva ve-honevostaneo, na matheva ohātamastxi, heva hovae zemaēvhesso hezezea zeszexov, na mato hovae zetatossemone-nhesso; heva héama na matheva haoetamoxzeše na hovae zetohetaeše-mane nénasz nszaatonšenohénomohenon Maheon hemehossanistova zénēhovez' Christeva Jesus.

### 1. Corinth. 13.

Heva oxtoxceševešenótovenszevonoz heonitavenszistovevoz histaneo na hozeon zehesze-mēness na vessaahemehossanistovehettonhao namvhanešenistonevāoz tass eovemakāt zeox-cešenistonevon. Na heva oxtoxce-heovhan-hestovetto na oxtoxcemāheneenom eovaszheše-emōsetanoxtoz na eovaz heneenovastoz, mato-heva oxtoxceheoxsē-onissyomātatovetto eme-vešhesshassetanomonož esseomensz na vessa-ahemehossanistovehettonhao namhózeoz. Na heva oxtoxcemāmeattonoz naaeneonož emeveš-hesseoxomenovož stamenoheo, na heva oxtox-cemeatto nitov (navōxōz) emehessevonhâta na vessaahemehossanistovehettonhao namsaaho-ozevoxtô hovae. Mehossanistoz eoxceōéno-

vatton's na eoxcemehoxtaeonevetton's; mehos-  
 sanistoz eoxksaaehanossanettanehen's na essa-  
 ataomepevootazettanehen's na essaamenoxceta-  
 nottanehen's, essaahāessenovattanehen's na es-  
 saamomenkoetanottanehen's, essaamassóhāsta-  
 ozettanehen's, essaatoxetanotôn's hovae havs,  
 essaahessevoešetanoozetôn's saaxanovastovâ  
 onitáz eoxceveševoešetanotto hevetova hetom-  
 hestoz; eoxcenshekotomaōénovaetan's nitao ho-  
 vae; eoxceonissyomátan's nitao hovae na eox-  
 chozeovotaztan's nitao hovae na eoxcensheko-  
 tomahekonstahatátan's nitao hovae. Mehossa-  
 nistoz eoxksaazešéhózeozettanehen's: heva ov-  
 hanhestotoz zetahassetanensz; heva onitavens-  
 zistotoz zetaeneozensz, heva heneenovastoz ze-  
 tamasseoz. Ota tass vónitaetto nioxcheneeno-  
 ma na vónitaetto nioxcovhanheészhemâ. Neš  
 mataešhoénetto zexaenseoxsēpeva, neš eovaz  
 vónitátoz zetahassetane. Zistamehakašgone-  
 vetto namehanešeész zeoxchešeész kašgon: ná-  
 mehaoxcensšenhesta zehestasz kašgon na náme-  
 haneš-hapohetšetanoxzeve zehešetanoss kašgon:  
 ota neš zehešetanevetto naešeēnevaena kaš-  
 gonevestoz. Hezezea nioxcevehōssanhemâ  
 amōmestova tass zexaenonitto; neš nszhotōo-  
 hemâ taxaetto; hezezea vónitaetto naoxchene-  
 eno óha nexoveva nazenešheneeno zeoxcheš-  
 heneenovanetto. Hezezea neš et'sēamhekonēv-

nīstovenz onīſſyomátatoz, hozeovōſetanoxtoz na mehossanīstoz, enſenahaz, ota mehossanīstoz eoſcenocenanothōeme.

1. Corinth. 15, 35 etc.

Vostan hea emezheſetano: taxa zetatonſe-  
evhaohaesesto zeēſenass? Maheonemxiſtōne-  
heva ezetxeoe: otā anoss vessaanāettanehehō  
hováe zeoxceēnanooxtom emſaaohaetanehan.  
Na heva hoēnanoetto niſſaanoēnanooxtō mave-  
tov nitooxz zetatoſſemonēnhesso onitáz nivha-  
neēnanooxta mamáta heſtahem bennoyo mato-  
heva eovazheſtaheme. Neſ Maheo zetaomh-  
eſetanoz eoſceneſehevetovaoxz eovaz heſta-  
heme, ſoſſ eoſcenonocevetovaōe Maheon. Ni-  
tao mavoxōz eſſaasēheſſohan: vostaſeo na ho-  
vān na noman na vekſeo eoſceonitavevxoze-  
vayo. Mato hovaeoz zeēvemahessozēsz vóeva  
na hoeva eoſkſaasēheſſohanehenſz, eonitavez-  
heſſonſz; vóeva zeēvemahess na hoeva zetohe-  
taheſſoz eoſceonitavepevatamanoenſz. Ota  
eſiehě na taēſiehě na hotoxq etaomeaenanov  
ſoſſ hepevatamanoheſtoz; naſz hotoxq eoſkſaa-  
sēpevatamanohe zehexovepevatamanoez' mato  
naſz. Vezēn hapo zetatoſſenheſſo mataevha-  
ohaenov. Taſſ hezezea eoſceēnānoenov matx-  
peozīſtovā na hekotxeozīſtova, ota zetaevhao-  
haenov ſaahekotxaeonēveſtovā; hezezea zet-

## Nemeoxtoz,

---

**No. 1**      **Tune—Rock of Ages.**

Nahaônatovô Ehan,  
Ehan nahaônatovô.  
Ahō à à nahetto,  
Nitao zémezetto,  
Zévostanehevetto  
Zeoxcevisthâmetto.

**No. 2**      **The Prodigal Child.**

1. Nixhooxz, nixhooxz,  
Nimehavoneoz,  
Na nimavstahameoz  
Heto havsevhôevâ.

Zevoneozetto, nixhooxz, he nixhooxz,  
Nixhooxz, nixhooxz,  
Eész Ehan.

2. Nixhooxz, nixhooxz  
ôzetanoehasz,  
zhešekaneozetto  
Hatavsevoêtastovâ.

Zevoneozetto, nixhooxz, he nixhooxz  
Nixhooxz, nixhooxz,  
Eész Ehan.

- Cho. Tōnanetto, tōse nanševetan,  
Mâeozetto, heto natazhattan:  
Amesto momoxōēnovetanotto  
Zetaeševâxsanetto.
2. Hōmatānc zēmaheonhestanovet's,  
Nanistaexanomom,  
Nāno zēmaxemohēoxzistovet's,  
Natavovetanomon.
3. Jesus zehešhenietamestovetto,  
Natanielametovō;  
Jesus zehešhevostanehevstovetto,  
Naonissyomátovō.
4. Há Zenithátto nihaōnatovaz,  
Nšeameneevaotšéo;  
Há Jesus nitanhettōnatovaz,  
Nšamevostanevšéo.
5. Há nasaatoñšexanomevaze  
Pavevostanehevestoz;  
Há nasātoñšhoxeanomevaze  
Tāmā nanēhovevostoz.
6. Há Maheo momoxevohóyoxetto  
Nazeoxevonšena;  
Há Jesus momoxevenooxetto  
Há nazeoxevona.

hoeva taſſ eoſceēnānoenov ſaaonoatamaheſto-  
 tovā, ota zetaevhaohāenov vohôoevatamaheſto-  
 vā. Hezezea zethoeva eoſceēnānoenov vovo-  
 neozistova (ſxſeveozistovā) ota zetaevhaohāe-  
 nov ohātamaheſtovā. Eoſceēnānoenov mave-  
 tov zevxozevez zetaevhaohāenov mavetov ze-  
 mātassoomaeven'. Ota naſz mavetov eoſcevx-  
 ozeven's na meto naſz eoſcemātassoomaeven's.  
 Vovohetan émehaomotomemane vostaſt ota  
 zenixaonſz hetan (Jeſuſ) émātassoomaemane  
 ohāſoheo. Vovohetan enxheſtaſz heſeceva,  
 zenixaonſz hetan (niahāne Zenithāeſz Jeſuſ)  
 héama enxheſtaſz. Nha zeheſecevaſz zehexo-  
 vāſ hapo vezen enexovayo zehetaheſecevāſſ;  
 na ota zehéamaſz zehexovāſ hapo vezen enexo-  
 vayo zehetāheamāſſ. Ota zeheſſēheſtavoſz  
 zenheſtaſz zeheſecevaſz hapo nſzeſēheſtama  
 zenheſtaſz zeheamaſz. Oha mavōxōz na máe  
 zetassaanoxtovevhiſtanoſtaneheſeſtoz Ma-  
 heonhiſtanoſt, na hekoſtſeozistoſt emeſſaahoeſe-  
 nattaſtanehen's ſaahekoſtſaſtovā. Otā hea niſt-  
 xiz niſtaſſaahovaſnēheſeſtanoſt, oha niſtamaſoni-  
 tavhevetovaonemaſn's; ſēhoveſto māniſtōhetto ho-  
 oxetāpen: ota heſtanoſt niſtanoſt niſtanoſt na ze-  
 hetaēvſheſeſtanoſt zetaevhaohāeſeſto ſaahekoſtſae-  
 onevehevoſſ na nſzeonitavananeheſeſtanoſt. Ota  
 zetohetahekoſtſaſtovoſt zokoſtanoſt ſaahekoſtſaſ-  
 tova, na zetohetaēnāeſtovoſt zokoſtanoſt ſaanāheſe-

tova. Na neš zetohetahekotxastov mataešehoneo saahkotxastovâ na zetohetaenâestov mataešehoneo saanâhestovâ, nexoveva zetavâxsenhessoz zehešezetxeoez: Nâevhan emhâetâ vonanazistovâ. Nâevhané t'sa nâ zevešhevo-Vonanazistovetto? Nâevhané t'sa nâ zevešheahanossanistovetto? Ota nâestoz heahanossanistoz enahane havs, na havs hestohâtamahestoz evešheneenôez hoemanistova. Héosse aho emez Maheo zemetaez homossaossanistoz hevetova ninitâaman Jesus Christ.

Hessetovatto nis'sonasz zemehotaness ôéno-vevostaneheve, hekonstahae, mesêto oxchot'setanom hevovónethozeohestovâ Zenithaesz, zehešheneenomass nionone nissaa-aestome-hozeo-vomotaôvo Zenithász.





**No. 6**            **Gott ist getreu,**

1.    Hà Maheo,  
       Hà Zemaxenithátto,  
       Nitanhaoxzevaz;  
       Hà Zenithátto,  
       Zemaheonevetto,  
       Nihaônatovaz.

Cho.   Ninissoneo, hà šivatamenan;  
       Nanēhovhemě, hà šivatamemeno,  
       Niho Maheo.

2.    Hà Maheo,  
       Zeonissyomátto,  
       Nihahaneovaz;  
       Hà Zenithátto,  
       Hà Zehotoanátto,  
       Ninhettônatovaz.

**No. 7**            **Bald ja bald,**

1.    Histanov zémoonatamanô, (histanov)  
       Maheo zeēvász hōmatáno, (Maheo)  
       Hen hoe, zepeva, zemona, (hoe)  
       Momoxevōxtomaz hōmatáno.

Cho.   Ninovetto, hōmatáno,  
       Jesus à nihoeotšemeno;  
       Ninovetto, hōmatáno,  
       A nixhooztomoetovemeno. (hōmatáno)

2. Nāno neš nszeassenimeoton, (nāno)  
A Jesus zexhessevostanevaez; (Jesus)  
A neš nszemaheonevooton, (Maheo)  
Zhešeššivatametanotōez.
3. Nāno neš nszeoxchaōnatovon (nāno)  
Maheo zenanossohātamasz; (Maheo)  
Nszevoešehahaneovon (Ehan)  
Maheo, Ehan zemaxenithāsz.

### No. 8 I Gave My Life for Thee.

1. Navostanehevestoz niēnanomotaāzenov,  
Sszevešhessevovēhevavomataāzenov;  
Otā nitaō zhešešemetaziss,  
Hena zemeavomotxess?
2. Naešenōoxzenot' Nihoe, na hestozeon,  
Zexhoénet' hoevā, zó ninszheševostanevazemě,  
Nitaō ninōoxtomevazenov,  
Henā zenōoxtomevess?
3. Zexhestoomenet' nimesaatāheneenōme,  
Otā nataxsehoě zevešhestoomenetovaziss;  
Otā nixhestoomenetovazeme,  
Hena zexhestōmenetovess?
4. Héamā nanovan nistaēšeoxtistomevaz  
Vovōš-šivaztastoz na maxevostanevstomanistoz  
Oxsēmeátoz ninoeoztomevaz  
Hena zexhoeoztomevetto?

Microformed by .  
Preservation  
Services

mfm # 6611.04

SMITHSONIAN INSTITUTION LIBRARIES



3 9088 00578 5696